

891.99

9-89

1866

my n. kapt. b. g. h. i. j. k. l. m. n. o. p. q. r. s. t. u. v. w. x. y. z.

my n. kapt. b. g. h. i. j. k. l. m. n. o. p. q. r. s. t. u. v. w. x. y. z.

00 DEC 2011

Գ Ր Ի Գ Ո Ր Ի

Ն Ա Ր Ե Կ Ա Յ Վ Ա Ն Ի Յ Վ Ա Ն Ա Կ Ա Ն Ի

Մ Ա Տ Ե Ա Ն Ո Ղ Բ Ե Ր Գ Ո Ւ Թ Ե Ա Ն



20458-59

ՍՐԲՈՅ ՀՕՐՆ ՄԵՐՈՅ

Գ Ր Ի Գ Ո Ր Ի

ՆԱՐԵԿԱՅ ՎԱՆԻՑ ՎԱՆԱԿԱՆԻ ՄԱՏԵԱՆ ՈՂԲԵՐԳՈՒԹԵԱՆ



Տ Պ Ա Գ Ր Ե Ա Լ

Ի ՀԱՅՐԱՊԵՏՈՒԹԵԱՆ ՏԵԱՌՆ ՏԵԱՌՆ ՄԱՏԹԷՈՍԻ
ՀԱՆԳՈՒՅԵԱԼ ՍՐԲԱԶԱՆ ԿԱԹՈՂԻԿՈՍԻ
ԱՄԵՆԱՑՆ ՀԱՅՈՑ

և ի

Ի ՊԱՏՐԻԱՐԳՈՒԹԵԱՆ ՍՐԲՈՅ ԵՐՈՒՍԱԳԻՄԱՅ
ՏԵԱՌՆ ԵՍԱՑԵԱՅ ՍՐԲԱԶԱՆ ԱՐՔԵՊԻՍԿՈՊՈՍԻ

Հ Ր Ա Մ Ա Ն Ա Ի

ՏԵԱՌՆ ՊՕՂՈՍԻ ՍՐԲԱԶԱՆ ԱՐՀԻԵՊԻՍԿՈՊՈՍԻ
ԱՐԺԱՆԸՆՏԻՐ ՊԱՏՐԻԱՐԳԻ
ԿՈՍՏԱՆԴՆՈՒՊՈԼՍՈՑ



ԿՈՍՏԱՆԴՆՈՒՊՈԼԻՍ

ՏՊԱԳՐՈՒԹԻՒՆ ՌՈՒԲԵՆԻ Յ. ՔԻՐՔՃԵԱՆ
ՅԻՆՃԱՆՃԸԼԱՐ ԵՕԳՈՒՇՈՒ, ԹԻՒ 19.



ԴՐՈՒԹԻՒՆՔ

ՅՈՂԵԱԹՄԻԱՆԶ ԲԱՆԻՅ ՕԳՏԱԿԱՐԱՅ

ԱՊՈՇՏԱՍՆԱՅ ՀՈԳԵԱԿ ԽՐԱՏՈՒՅ

ԱՆՁԻՆ ԱՏԳՏԱՆԱՅ ԶԳՋԱԿԱՆԱՅ ԿԱՆՈՂԱՅ ԿԵՆԱՅ

ԿԱՄԱԽՈՐՈՒԹԵԱՄԲ ՅԱՆՁՆԱՌՈՒԹԵԱՆՑ

ԱՆԵՐԵՒՈՒԹԻՅ ՅԱՅՏՆՈՒԹԵԱՆՅ

ՄԵՂԱՆԱՅ ԽՈՍՏՈՎԱՆՈՒԹԵԱՆՅ ՅՈՒՅՄՈՒՆՔ ԳԱՂՏՆԵԱՅ

ԹԱԳՈՒՅԵԼՈՅ

ՍՊԵՂԱՆԻՔ ԶՕՐԱԽՈՐՔ ՎԻՐԱՅ ԱՆԲԺՇԿԱԿԱՆԱՅ

ԳԵՂՔ ԱԶԴՈՂԱԿԱՆՔ ՅԱՒՈՅ ԱՆՏԵՍԱԿԱՆԱՅ

ՀՆԱՐԱԽՈՐՈՒԹԻՒՆՔ ԲԱԶՄԱՄԱՍՆԵԱՅ ԵՐԿԱՆՅ ՎՏԱՆԳԻՅ

Ի ԳԻՄԱՅ ԿԱՐԵԱՅ

ԱՄԵՆԻՅ ԲՆՈՒԹԵԱՆՅ ԱՌԻԹՔ ԱՐՏԱՍՈՒԱՅ

ՊԱՏՃԱՌՔ ԱՂՕԹԻՅ

Ի ԽՆԴՐՈՅ ՀԱՅՏՄԱՆՅ ՀԱՐՅ

ՄԻԱՆՁԱՆՅ ԵՒ ԲԱԶՄԱՅ ԱՆԱՊՏԱԿԱՆԱՅ

ԱՍԱՅԵԱԼ


ՄԱՏԵԱՆ ՈՂԲԵՐԳՈՒԹԵԱՆ

ԳՐԻԳՈՐԻ

ՆԱՐԵԿԱՅ ՎԱՆԻՅ ՎԱՆԱԿԱՆԻ








Uita huiusmodi uoluntate pulcherrime in se peruenit, sed et
hinc hinc, ut quidam dicunt, nonnulli sunt, qui hinc hinc. Paris. 1744



ԳՐԻԳՈՐԻ

ՆԱՐԵԿԱՅ ՎԱՆԻՑ ՎԱՆԱԿԱՆԻ

ՄԱՏԵԱՆ ՈՂԲԵՐԳՈՒԹԵԱՆ



ԲԱՆ ԱՌԱՋԻՆ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒՄՈՅ

Ա. **Չ**ԱՅՆ հառաչանաց հեծութեան սրտի՝ ողբոց
աղաղակի քեզ վերբնծայեմ՝ տեսող գաղտ-
նեաց . և մատուցեալ եղեալ 'ի հուր թախսութեան անձին
տոչորման՝ զպտուղ ըղձից ճենճերոյ սասանեալ մտացս ,
բուրվառաւ կամացս առաքել առ քեզ . Այլ հոտոտեսցիս
հայեսցիս , գթած , քան 'ի պատարագն բոլորապտուղ մա-
տուցեալ ծխոյն բարդութեան . Ընկալ զսակաւամասնեաց
բանիցս յօդուած քեզ 'ի հաճութիւն , և մի 'ի բարկու-
թիւն , ելցէ 'ի խորոց աստի զգայութեանց խորհրդակիր
սենեկիս՝ վազվաղակի ժամանել առ քեզ՝ կամաւորական
նուէր բանական զոհիս , ողջակիզեալ զօրութեամբ ճարպոյ՝
որ յիսն է պարարտութիւն . Եւ 'ի դնելս իմ ընդ քեզ դատ
խառնեալ աղերսիւ , հղօր , մի իբրև զհամբարձումն ձե-

ուսաց ամբարշտեալն Յակորու , ըստ բողոքելոյն Ասայեայ ,
և զանիրաւութիւնն Բաբելոնի՝ տաղակալի քեզ երեւես-
ցի . զոր առակ եօթանասներորդի երկրորդի սաղմասին ազդէ .
այլ իբր զբուրեալ խունկն հաճոյական 'ի խորանին Սելովայ ,
զոր Ղաւիթն կանդեալ նորողեաց տապանակին հանգըս-
տեան 'ի գերութենէն դարձելոյ , որ 'ի վերստին գիւտ կո-
րուեալս հոգւոյ առակի , ընդունելի կամաց քոյ լիցի .

Բ. Բայց քանզի ձայնդ ահաւոր դատաստանիդ հատուց-
ման՝ ուժգինս հնչեցեալ 'ի ձորն վրէժխնդրութեան , կըր-
կինս ինձ երկնէ մարտից յարուցմունս , այժմէն գուշակեալ
շարժմունս յուզմանց ներհակականաց , որ յիմումս անձին
ցուցանի , խռովութիւնս ամբոխից , հարեալք ընդ միմեանս
զէն առ սուսեր՝ խորհրդոցն հոյլք , չարեացն ընդ բարին ,
և գերեալ զիս 'ի մահ ըստ հին գիպուածոյն՝ որ նախ քան
զչնորհին ժամանել առ իս . զոր ընտրեալն առաքելականացն
դատուց Պօղոս՝ առօրինակեալ զՄովսէս , զՔրիստոսի փր-
կութիւնն յաղթող ցուցանէ : Վասն զի թէ մերձ է օր
տեառն , որպէս գիր ասէ , 'ի հովիտն անցուկ ասպարիսին
Յովսափաթու և հեղեղատին Աեդրոնի , փոքր հանդիսա-
րանացն իրաւանց ժամադրութեանց , որ կենցաղականա-
ւայսր յախտենիւ զհանդերձելոցն ինձ կերպարանեն , ապա
ևս յաւէտ մերձեցաւ 'ի վերայ իմ արքայութիւնն աստուծոյ
մարմին եղելոյ , մեծապէս գտեալ զիս առիթ վնասուց
բազմաց տոկոսեաց՝ զանազան մասանց յանդիմանողաց ճըշ-
մարտապատմից , քան զձեռին նորին վերակացումն անդ
ուրեմն երբեմն 'ի հարուածս եղովնայեցւոց և փղշտացւոց ,
և այլոց բարբարոս ազգաց : Քանզի այն ընտրութիւն ամօք
չափեցաւ , իսկ պատուհաս իմումս պարտուց առանց ա-
ւարաման ունի զսահման : Ահ , դուք և որոգայթ անճո-
ղոպրելի , ըստ մարգարէին և առակողին . տազնապաւ մե-
ծաւ առ դուրս ինձ հասեալ՝ զամօթն մշանջնաւոր աստէն
գծադրել : Չոր միայն քո է հրաշագործել պտուղս դեղոց
'ի հնարս կենաց ամենավարան տարակուսանաց հոգւոց վը-
տանգից , քառիչ ամենայնի՝ գովեալ 'ի փառս անճառս ան-
սահմանելի բարձրութեան , յախտեանս յախտենից .

ԲԱՆ Բ.

ՎԵՐՍՏԻՆ ՅԱԻՆԷՆՈՒԱՅ ԿՐԿԻՆ ՀԵՆՐԻԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. **Ե**րբ քանզի առ բարձրեալն աստուած յօղաւորական շրթամբք կարդաս, որ գործովք միայն գրաւի և ոչ ստեղծարանութեամբ կաշառի, որ յԵզրիպտոս միշտ ունիս զսրաիդ զդարձն, զի՛նչ օրինակ առ այս քեզ նմանազոյն և յարմարական աստանօր եղից՝ անձն իմ պարտաւոր, պատժակիցս կործանեցելոյն Սողոմայ, ըմբերանեալ դատախազս Նինուէի, անարի բարբարոսս քան զտիկլինն հարաւային, վատթարագոյնս քան զՔանան, յամառեցեալս քան զԱմաղէկ, անբժշկականս քաղաք դրօշերոց, նշմարմնացեալ ազատամբութեան հինն Խորայելի յիշատակարան, պահեալ ուխտազանցութեանն Յուդայ, կշտամբեալս դերքան զՏուր, տարամերժեալս քան զՏայդան, խորդաբարոյս քան զԳալիլեա, աններելիս քան զանհաւանն Կափառնաուժ, պարսաւեցեալս իբր զՔորաղին, բամբասեցեալս ընդ Բեթսայիթայ, անպարկեշտ ծաղկեցեալ ալիքս Եփրեմի, աղու աղանիս միշտ յիմարութեամբ՝ այլ ոչ հանդարտութեամբ, ՚ի կորեանց առիւծուց անձնական օձս եղեռնային, կերպս ձուոց քարբից լցեալ ժանտութեամբ, պատկերս վերջին հարուածոցն Երուսաղէմի, ըստ բանին տէրունի՝ և տեսանողացն ձայնի, տաղաւարս մերժեալ հասեալ ՚ի կործանումն, խորտակեալ դրացս վստահարան, և կրկին ծրդեալ շինուածս խօսուն, թողեալ ժառանգութիւնս յարմարական, մոռացեալ տունս աստուածակերտ, ըստ բանից նախագրեցելոյն՝ Մովսէսի, Դաւթայ և Երեմիայի, յարկս բանական՝ ունողս բորոտութեան, հարուածեալ խրատու քերմանն, օրինիւ կազդուրեալ, օժեալ կառուին՝ ողորական հեղութեամբն, անճարակ գտեալ յերսնարից, քակտեալ վերստին ձեռամբ շինողին, արտաքս

ընկեցեալ իրաւացի հատուցմամբ հրամանաւ հղօրին 'ի տեղի անսուրբ, հերքեալ տարագրեալ խտրոցաւ մեծաւ՝ անիւ առանց ինայելոյ, ծածկեալ դրամս յերկրի չարեօք, ըստ աւանդակորոյս ժխտողին՝ որ յաւետարանին ցուցանի :

Բ. Այլ դու աստուած, աստուածդ հոգւոյ և ամենայն մարմնոց՝ ըստ դաւանելոյ աստուածաշնորհին, երկայնամիտ և բազումնորմ՝ ըստ սրբոյն Յովնանու ձայնին, շնորհեա կատարել 'ի քոյդ հաճութիւն օրհնեալդ կամաց՝ զսկզբնաւորեալ մատեան մաղթանաց՝ այսր ողբերգութեան, Եւ ընդ լալով սերմանել բանիս 'ի նախընթաց չուս աստիճանաց օթեւանացս պատրաստութեան, 'ի կատարածն ժամանելոյ հաւաքման հնձոցն, դարձայց բերկրեցեալ լրութեամբ քաւութեան՝ պաղոյն երանութեան որայիցն բարութեան, Մի տացես ինձ արդանդ սրտի անորդի՝ իբր Խորայէլի, և ստինս աչաց ցամաքեալս՝ ոլ ամենագութ, Լուր բանական մաղթողիս՝ հղօր և ողորմած, նախ քան երկնի, և երկին երկրի, և նա ցորենոյ և գինւոյ և ձիթոյ, և նոքա Խորայէլի : Եւ երկնաւորացն աղերս որ առ քեզ՝ հոգւոյս աղդեսցէ, քան թէ տարերաց ապականացուաց, Գու ստեղծի՛ և ես կաւ, բաց տարակուսելոյս 'ի մուտս մաղթանաց այսր հեծութեան՝ կամս քաղցրութեան՝ զօրանալ աստէն . զի մի 'ի բանալ վերնայինն երկնի՝ անընտիր գտեալ կրթութութեան վայելման լուսոյ, իբր զնիւթ մոմոյ սպառեցայց ջնջեալ 'ի միջոյ : Ոգի զրկելոյս, ըստ մաղթանաց գոչման ասողին, և ոյժ թալկացելոյս, և կեանք մաշելոյս՝ մտացս խղճիւ, այլ ոչ տաժանմամբ կրից՝ աշխատութեամբ զքեզ խնդրելոյ, առ զաւանդ մաղթանացս, և տուր զողորմութիւն քո շնորհացդ . ընկալ զփոքրս 'ի տկարէս, և շնորհեա զմեծդ առ 'ի հղօրէդ . զօրացո դբանս զղջման, առաքեալ 'ի մեզ հոգի 'ի բարձանց՝ աստուածաշունչ պատգամօքս 'ի սմա եղեւոյս : Պարգեւեա, բարեբար՝ զառակն Եսայեայ, լուսաւորեալ առ ճմարտութիւնն, մատուցանելով մահուարժանոյս՝ ընդ պղնձոյս գոյի անարդս ձայնի՝ զոսկի քո շնորհի, ընդ անզարդութեան երկաթոյս սեւութեան գունոյս՝ պղինձ պճնելի, ցոյցք առաքինութեան, հրաշեկ

Ղիբանանու, Ղնդէր կարծրացուցանեա զսիրտ եղկելոյս՝
 չերկնչել 'ի քէն, անճառ. և ահաւոր. Մի եղէց անպտուղ
 'ի փոքր վաստակոյս՝ իբր ապաշան սերմանող անբերրի
 երկրի. Մի լիցի ինձ երկնել և ոչ ծնանել, ողբալ և ոչ
 սրտասուել, խորհել և ոչ հառաչել, ամպել և ոչ անձ-
 բուել, ընթանալ և ոչ հատանել, ինձ ձայնել և քեզ ոչ
 լսել, պաղատիլ և անտես մնալ, կողկողել և ոչ սղորմել,
 աղաչել և ոչ ինչ օգտել, զոհել և ոչ ճենճերել, դքեզ
 տեսանել և դատարկ ելանել. Լուր ինչ նախ քան զկար-
 դալս խմ առ քեզ՝ միայնդ հզօր. մի զանութար տանջանացն
 տոյժս՝ ընդ թուով աւուրց մեղօք կեցելոյս չարագործիս
 ինձ հատուցաներ. Արեցո զիս զթած, լուր ինձ ողորմած,
 մարդասիրեա ներող, խնայեա երկոյնամիտ, սաշտոյանեա
 ապաւէն, բարերարեա հզօր, ազատեա ամենակալ, կե-
 նագործեա նորոգող, վերականգնեա ահաւոր, լուսաւորեա
 երկնային, բժշկեա հնարաւոր, քաւեա անքնին, պար-
 դեւատրեա առատ, շնորհազարդեա աննախանձ, հաշտեա
 անախտակիր, ընկալ անոխակալ, սրբեա 'ի պարտուց օրհ-
 նեալ. Եթէ յառեցից զաչս խմ, նայեցեալ 'ի հայեցուածս
 երկուց վտանգից յաւուր թշուառութեան, զքոյդ տեսից
 փրկութիւն՝ յոյս և խնամակալ. եթէ նկատեալ դիտեցից 'ի
 վեր յամենագրաւ ուղին սոսկալի, հրեշտակ քո խաղաղու-
 թեան քաղցրութեամբ ինձ պատահեսցէ. Յոյց ինձ տէր 'ի
 յելիցն աւուր շնչոյս արձակման՝ մաքրութեան ոգի լուսով
 ամբարձեալ 'ի յերկնաւորացն երջանկաց՝ պարգեւօք սի-
 բոյ քո եկեալ հասեալ. Ի յարդարոցն կատարելոց՝ կարեաց
 ինձ կցորդ ժամանեցուցես. զանակնկալն բարի՝ չարիս 'ի
 յուսահատութեանն աւուր շնորհեսցես. Քաւ լիցի քեզ,
 բարեբանեալ, որ փրկութիւնդ ես ամենայնի, եթէ ակ-
 տացեալս քո ոչխարի՝ դաղան դժնդակ տացես ուղեկից,
 մեղօք մեռելոյս՝ անախտ կեանք, կործանելոյս պարտեօք՝
 փրկութիւն.

Գ. Արդեօք մոռացին զբարերարելդ՝ ակնկալութիւն.
 անտեսեսցեն զգթատիրելդ՝ խնամող. այլայլեսցեն զմար-
 դասիրելդ՝ անփոփոխ. նհանջեսցեն զկենագործելդ՝ ան-

վախճան . թողուցձև զողորմութիւնդ՝ երջանիկ պտուղ .
Ազաւազեացեմս զքաղցրութեանդ բարեշնորհ ծաղիկդ .
 անսպառուեսցեմս զնիւթ պանծանաց քումիդ ճոխութեան .
 յեղանակեացեմս զփառս հերաց քումիդ բարձրութեան . ո՞չ
 տահեացես զվայելչական զարդ պայծառութեան քումիդ
 ստակի . **Ե**թէ ողորմածացն է երանութիւն , իսկ դու բը-
 նաւ իսկ արքայութիւն լցեալ փափաքմամբ , ո՞չ զբողբն
 պարգեւեացես փրկութիւն . ո՞չ մատուցանիցես դեղ վի-
 րացս , ո՞չ սպեղանիս խոցուածոցս , ո՞չ դարման տկարու-
 թեանս . ո՞չ ծագեացես ըյս 'ի խաւարի' յուսացելոյս 'ի քո
 զօրութիւնդ՝ կենաց պարգեւդ տիեզերաց , որ միայնդ ու-
 նիս փառս ինքնութեամբ իսկութեամբ և յարակայ մշտըն-
 ջենաւորութեամբ , վկայեալ 'ի բնաւից , օրհնեալ և փառա-
 ւորեալ յերիս յաւիտեանս , և անդ-ր քան զզայման սահ-
 մանի իմանալեացն յաւիտենից , ամէն .

ԲԱՆ Գ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՄԻ ԸՆԴ ԱՍՏՈՒԾՈՅ

Ա. **Տ**ե՛ր իմ տէր տուիչ պարգեւաց , ինքնաբուն բարի ,
 ամենից տիրող հաւասարապէս , միայն արարիչ զբնաւս յո-
 չէից , փառաւորեալ , անքնին , ահեղ , ահարկու , սոսկա-
 լի , հզօր , սաստիկ , անտանելի , անմերձենալի , անմբռնելի ,
 անիմանալի , անճառելի , անտեսանելի , անզննելի , անչօջա-
 փելի , անորոնելի , անսկիզբն , անժամանակ , անչամանթաղ
 գիտութիւն , աներկեւան տեսութիւն , ճշմարիտ էակա-
 նութիւն , բարձր և խոնարհ , օրհնարանեալ գոյութիւն ,
 անստուեր ծագումն , ամենափայլ ճառագայթ , խոստո-
 վանեալ ըյս , անտարակոյս վստահութիւն , անտարտամ
 հանգիստ , անհեղլի կնիք , անսահմանելի տեսիլ , վկայեալ
 անուն , ճաշակ քաղցրութեան , բաժակ բերկրութեան ,

հաստիչ հողւոց հաց , օտար մթութեանց սէր , աներկբայ խոստումն , ծածկոյդ ցանկալի , զգեստ անկասպուտ , օթոց բաղձալի , զարդ փառաց , ձեռնկալու մեծ , ապաւէն դովեալ , աննուազելի շնորհ , անպակասելի դանձ , անասական անձրեւ , արբիացնցուղ ցօղ , ամենատեղաց դեզ , ձրի բժշկութիւն , կրկնածիր առողջութիւն , վեհադոյն խրախոյս , անպատիր կոչումն , համօրէն աւետիս , ստրկամեծար թագաւոր , աղքատասէր պաշտպան , մշտահարուտ սուիչ , անխափան դիմեցումն , աննահանջելի հրաման , անհամառօտ յոյս , երկար տեսողութիւն , անզղջական տուր , ամենաբաշխ աջ , արդարակշիռ ձեռն , անաշառատեւ ակն . մխիթարութեան ձայն , սխտիանաց լուր , բերկրութեան բերումն , անուն կենդանի , նախախնամող մատն , անգայթակղելի ելք , անխարգալս ընթացք , կենդանարար կամք , աննենգելի խրատ , աննախանձ պատիւ , լայնական հնարք , անձկական պայման , անգտանելի հետք , աներեւոյթ շաւիղ , անչափագիր պատկեր , որքանութիւն անսահման , անմանական տիպ , անզուգական գութ , ողորմութիւն բաղմազեղ , խոնարհութիւն տօնելի , համբոյր փրկական .

Եւ ևս քան զայս ազգմունք վայելչականք՝ անթութեանդ նուիրելիք . օրհնեալ , գովեալ , բարբրանեալ , քարոզեալ , աւետարանեալ , հռչակեալ , հնչեցեալ , պատմեալ , անխաբելի կամօք աղաչեալ , և որ ինչ առ մեզ բերին առ ՚ի քէն հոսմունք քաղցրութեան , զոր հանդերձելոցն ճառից լուսաբանեն կերպաւորութիւնք . որով զուարթ ցուցանիս ՚ի փրկութիւնն իմ , երանութիւն , իբր ՚ի պարարտութենէ իմեքէ ախորժ տենչանօք լցեալ . զի ո՛չ իմովս ինչ անտրիապատուաստ փառատրիս երգով , այլ զի պատճառ իմն առցես զփոքրս աղերս՝ մեծիդ փրկանաց :

Բ. **Եւ** քանզի առ ամենայն հասակ տնկեցեալ յերկրի ազգ բանականաց՝ այս պատուէր նկարագրական նորոգմատենի ողբոց նուագի , որ զամենեցունց ունի զկրից պատահմանց նշաւակեալ յիւրում պատկերի , իբր կցորդ մեծ գիտական կարեաց համայնից , առ բոլոր գումարս բաղմահոլով տիեզերակոյտ քրիստոնէից , առ նախնի ժամն

ժամանողաց, և առ երկրորդ կոչեցեալ չափու արբունն, առ որ 'ի կատարած առւրն կալեալ՝ սակաւածեւուն ծերութեամբն, առ պարտաւորս և արդարս, առ ինքնարգոյ բարձրայօնն և սխալեալ անձնադատ դտեալն, առ բարխն և եղեռնագործս, առ նկունս և առ արիս, առ ստրուկս և ներքոյանկեալս, առ սեպուհս և գերաշխարհիկս, միջակայնոց և սպայազատաց, շինականաց և տոհմականաց, արուաց և իգաց, հրամայողաց և հնազանդելոց, գերելոց և նուաստից, վեհից և փոքունց, պատուականաց և ուամկաց, ձիավարժից և սոսկականաց, քաղաքականաց և գեղջկաց, արքայից գոռողութեանց 'ի սանձս ահաւորին լմբռնեցելոց, միայնացելոց՝ վերնականացն խօսակցաց, մաքրականաց տիրանուէր զգաստութեանց, քահանայական երջանկակրօն ընտրութեանց, այցելութեանց բարեզգեստից դիտողութեանց, ակթուակալութեանց նախագահից սրբանուէր տեսողութեանց. որոց ոմանց աղերս աղաչանաց, և ոմանց խրատ բարեաց առ դէմն աղօթից այսու մատենիւ մատակարարեցի, ձեռնարկեալ հոգւոյդ զօրութեամբ՝ կարգել ինձ մաղթանս բաղմադիմիս, և ամենեցուն սոցին ինդրուածս՝ գթութեան մեծիդ յանդիման լինել սովաւ հանապաղ.

Գ. Եւ արասցես զոյն ընթերցողացն 'ի սիրտս յստակս՝ բժշկութիւն հոգւոց և մաքրութիւն յանցանաց, թողութիւն պարտուց և արձակուրդ մեղաց կապանաց. Եղեցի բղխումն արտասուաց սովաւ վարժելոցն, և սարգեւեալ տացի 'ի ձեռն սորին ապաշաւ ըզձից. Շնորհեսցի տէր և ինձ ընդ նոսին առ 'ի քէն զզջումն կամաց, և նոցա իմովս ձայնիւ շունչս բարեհամբոյրս. նուիրեսցի վասն իմ այսու մատենիւ պաղատանք նոցին, և բանիւս այսու հեծութիւնք նոցին ընդ իմ խնկեսցին. Ընդ համբոյր ճաշակման այսր ողբերգութեան, շնորհ լուսոյ քոյ մտեալ բնակեսցէ. Եթէ ելցեն ինձ բարեպարիշտք ընծայիլ սովաւ, ընկալ կենդանեօքն վասն քո, գթած, և զիս ընդ նոսին. եթէ ակասս ինչ սրբանուէրս կաթուածոց աչաց սովիմբ բերիցի, եղեցի 'ի քէն խնամակալ՝ և յիս անձրեւեալ. եթէ գրեսցի և 'ի

վերկուծիւն կարգեացի հաղորդելոցն յայս կիրս կենաց ,
 արասցես կամաւ քո օրհնեալ և ինձ համարեալ , **Եթէ**
 հեծուծիւնս անհաճոյս 'ի ձեռն այսր բանի 'ի գաղափեաց
 ուրուք յառաջ եկեացէ , օղտեցայց քեւ բարձրեալ և ես
 ընդ նմին . եթէ ձեռն մաքուր ' խնկով հանդերձեալ առ
 քեզ համբարձցի , հասցէ միացի ընդ իմս ձայնի և աղա-
 շողացն աղերս յառաջ մատուցեալ . **Եթէ** պաղատանս բաղ-
 մագիմիս ընդ իմս երկնեացի , լիցի և ինձ քեւ և վասն
 սորին կրկին նուիրեալ . եթէ յարգեացի այս անձին բանի
 պատարագ՝ քեզ 'ի հաճութիւն , նախապոյցն ընդ իս քեւ
 ընծայեացի . **Եթէ** 'ի տխրանաց ինչ ձանձրութենէ՝ ոք
 նուաղեացի , կանգնեացի վերստին հաստարանաւ այս հա-
 ռաչանաց՝ 'ի քեզ յուսացեալ . եթէ համբարտակն վստա-
 հութեան մեղօք յատակի , այսու արձանօք պատկանեցե-
 լովք աջով քո պաշտպան՝ դարձեալ կառուցի . **Եթէ** յու-
 սոյն ձգարան սուսերբն յանցանաց հատեալ կտրեացի ,
 կցեացի դարձեալ միւսանգամ կամօք ամենակալիդ բար-
 ւոք պատուատեալ . եթէ վտանգ մահու անձնական ցա-
 ւոյ զոք պաշարեացէ , գտցէ վերկուծիւն սովաւ առ 'ի յոյս
 կենաց՝ յաղօթելն առ քեզ կեցուցիչ . եթէ տագնապաւ ոք
 տարակուսի 'ի սիրտ խոցիցի , քաղցրութեամբ քո՝ սովաւ
 ապրեալ ողջացի . **Եթէ** անբաւելի կորստեամբ պարտեաց՝
 յանդունդս ոք խորոց իցէ ընկուղեալ , եկեացէ 'ի լոյս
 կարծիւ այս հնարից՝ քեւ պատսպարեալ . եթէ թմբրու-
 թեամբ խարից խաւարին գործոց իցէ ոք փնասեալ , զօ-
 բացի անդրէն վասն քո՝ միայն ապաւէն՝ 'ի քեզ ապաս-
 տան եղեալ . **Եթէ** պահպանակն վստահութեան զանձն
 ուրուք լքցէ , ընկալցի այսու միջնորդիւ ձեռն քո զնա՝
 ամիսփեալ 'ի նոյն հաստատութեան . եթէ ամայի 'ի զգու-
 շութենէ պահողացն ոք դեգերեացի , սպասեացէ սովիմբ
 առ 'ի նոյն դարձ նորոգողիդ . **Եթէ** սարսուռ դիւային ջեր-
 ման՝ դողութեամբ ինչ զոք խռովեացէ , սթափեացի 'ի սոյն
 յայս նշան խոստովանեալ և երկրպագեալ խաչիդ խորհրդ-
 դոյ . եթէ անօրէնութեան մըրիկ խորտակիչ հողմոյ յան-
 կարծ բախեացէ զհաստուածս մարմնոյ շինուածոյ մարդոյ

յերկրային ծովուս, հանդարտեացի անդրէն զեկաւ այս թեւոց 'ի քեզ պատկանեալ .

Գ. Եւ արասցես լինել դեղ կենաց առ հնարս ցաւոց հոգւոց եւ մարմնոց քոց ստեղծուածոց՝ զայս կարգեալ սահման ողբոց մատենի սկզբնեցելոյ յանուն քո՝ բարձրեալ . Չսկսեալս իմ դու կատարեա . եղիցի հողի քո խառնեալ 'ի սա . շունչ զօրութե մեծիդ միասցի 'ի քո ինձ շնորհեալ ստեղծարանութիւնս . զի դու տաս զօրութիւն վհատեալ սրտից , և ընդունիս փառս յամենեցունց . ամէն ,

ԲԱՆ Գ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ ԽՕՍԻ ԸՆԴ ԱՍՏՈՒԾՈՅ

Ա. Եւ քանզի սկիզբն կալայ խօսել ընդ քեզ՝ որ 'ի ձեռին ունիս զշունչ կենդանութեան հոգւոյս բաղմամեղի , յիրաւի սարսեալ դողացեալ տաղնապաւ մեծաւ յաւէտ երկնչիմ . վասն զի ահաւոր և անտանելի և 'ի սահմանէ բանի փախչելի յիշատակ անճողոպրելի անաչառք քո ատենի՝ 'ի կշտամբումս իմ պարտաւորի՝ արարիչ երկնի և երկրի . Նա զի և չիք խկ բժշկութիւն բաղմալտանգ սաստկութեան վիրացս անողջանալի , խայթմանց խաժուածոց մահաբերին բերանոյ ժանեաց՝ որսողին զանձն իմ 'ի կօրուստ . Մանաւանդ զի ոչ գոյ պատասխանի , ըստ առակողին , յաւուր պատերազմի , և ոչ բանիւ իրաւանալի , և ոչ վերարկուաւ պատասպարելի , և ոչ դիմակօք կեղծաւորելի . ոչ առերեսս բանիւք մատչելի , և ոչ կերպարանօք երբէք խաբելի , ոչ յօդուածովք բանից ստելի , ոչ արաղմամբ ոտից փախչելի , ոչ թիկանց դարձուցանելի , ոչ դիմաց ընդ երկիր մածուցանելի , ոչ բերանով ընդ հող հաստելի , ոչ 'ի խորս երկրի շօղելի . Քանզի մերկ են քեզ ծածկեալքն , և հրապարակեալ են աներևոյթքն . արդարութիւն իմ նը

ւաղեալ և խապառ ունայնացեալ . մեղանքն յայտնեցեալ և յաւէտ առաւելեալ . չարիքն իմ մնացական , և ես կորըստական . իրաւանցն կշիռ պակասեալ և անիրաւութիւնն իսկոյն զօրացեալ . բարեացն բերք հալեալ , և սխալմունքն արձանացեալ . աւանդն կորուսեալ , և դատակնիքն այժմէն գտեալ . մահուն մուրհակ գծեալ , և աւետեացն կտակ եղծեալ . Բարերարն տխրեցեալ , և բանսարկուն ուրախացեալ . հրեշտակաց դունդն թաղծեալ , և սատանայ խնձողիւք պարեալ . վերնական զօրքն ողբացեալ , և ստորնայլինքն բերկրեցեալ . սպանողին մթերք լցեալ , և պահողին դանձն կապտեալ . օտարին կողմն կանգնեալ , և ստացողին պարգեւ մատնեալ . հաստողին ձիր մոռացեալ , և կորուսչին հաղբքն պահեալ . երախտիք փրկչին հենդնեալ , և բելիար զուարթացեալ . կենացն աղբիւր փակեալ , և դռողին ժանգ ժանգիս ժամանեալ .

Բ. Եւ արդ ո՛չ ապաքէն ըղձայի էր , ըստ գրոյն կանխութեան նախաձայնելոյ , ոչ ստեղծանիլն երբէք յարդանդի և ոչ նկարիլն 'ի յորովայնի , ոչ 'ի ծնունդ յառաջագայիլ և ոչ 'ի լոյս կենաց հասանիլ , ոչ 'ի թիւս մարդկան գրիլ և ոչ 'ի հասակ աճման ամբառնալ , ոչ 'ի պատկեր դեղոյ զարգարիլ և ոչ բանիւ հանդերձաւորիլ , քան ընդ այսպիսեաց սաստկագունից և սարսափելեաց ըմբռնիլ պարտուց , զոր և ոչ վիմաց կարծրութիւն բերէ , թող թէ մարմնոց լուծականութիւն .

Գ. Եւ արդ տուր բարեգութ՝ աղաչեմ՝ զքեզ , տուր ինձ ողորմութիւն , որ զայսոսիկ դու ինքնին քեզէն քոյովք բանիւ մեզ սահմանեցեր ասելով , թէ տուք զայդ նուէր յանուն փրկութեան ձերոյ աստուծոյ , և սուրբ եղբրուք . զի զուգորմութիւն կամիմ , և ոչ զպատարագ . Ահա բարձրացիր վերտօին խնկեալ այսր յիշատակաւ , որ ունիս զամենայն , և 'ի քէն է ամ , և քեզ փառք յամենեցունց . ամէն .

ԲԱՆ Ե.

ՎԵՐՍՏԻՆ ՅԱԽԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՄՏՈՒԾՈՅ

Ա. **Ե**՛րբ Ես երկրածինս մարդ՝ կենցաղականաւ անկայուն քոյիւ զբաղեալ, և յիմարութեամբ պատրողականաւ գինեաւս յիմարեալ, որ ամենայնիւ ստեմ, և ոչ միով իւրք ճշմարտեմ, Քանզի որովք գիտնք վերագրեցելովք նշանակօք ազարտեցելովք՝ յանդհնեցայց լինել յանդիման քում դատաստանիդ, ով իրաւագատ ահաւոր, անճառ, անպատում, հզօր աստուած բոլորից, Քանզի դասեալ աստատին ՚ի սոյն զապերախտութիւն մեղուցեալ անձինս առ քումդ երախտիս, ցուցից զիրաւունս քո միշտ զօրացեալ և զանիրաւութիւնս իմ յաւէտ պարտաւորեալ, Որարբեր զիս ՚ի քո պատկեր պանծալի՝ ՚ի ձեռն վեհիդ տըպաւորութեան, զտկարս օժանդակելով,

Բ. **Զ**արդարեցեր բանիւ, փայլեցուցեր վիշմամբ, մտօք ճօխացուցեր, իմաստիւք աճեցուցեր, հանճարով հաստատեցեր, ՚ի շնչականացն որոշեցեր, հոգւով իմանալեալ խառնեցեր, իշխանականին քոյիւ պճնեցեր, ծնար հայրարար, սնուցեր դայեկապէս, տածեր ստացողապէս, տընկեցեր զամբարիշտս ՚ի քումդ գաւթի, ջրովն կենաց ոռոգեցեր, աւազանին ցօղով մաքրեցեր, կենացն վտակաւ արմատացուցեր, հացիւդ երկնայնով ջամբեցեր, աստուածային արեամբդ արբուցեր, անհպիցն և անհասանելեացն ընտանեցուցեր, զչս երկրեղէն ՚ի քեզ համարձակեցեր, լուսովդ փառաց վերածածկեցեր, զհողանիւթ մատունս անմաքուր ձեռացս ՚ի քեզ մատուցեր, զմոխիրս անարգ մահացու՝ իբր զնշոյլ լուսոյ յարգեցեր, զհայր քո հզօր ահաւոր օրհնեալ մարդասիրապէս և անարժանիս իմոյ անձին կնքեցեր, Որ կիզեր զբերանս լցեալ նանրութեամբ՝ ՚ի ժառանգակիցն կարդալ զքեզ, ոչ կշտամբեցեր զյան

դըգնեալս 'ի քո կցորդութիւն, ոչ ստուերացուցեր զտեսիլ աչացս 'ի քումդ ակնարկութիւն, ոչ արդեւանաւ կապանաց ընդ մահապարտացն տարագրեցեր, ոչ խորտակեցեր ըզդաստակ բաղկիս՝ որ անմաքրապէս առ քեզ համբառնայր, ոչ մանրեցեր զոստս իմոց մատանցս 'ի շօշափելն զբանդ կենաց, ոչ պատեցին զինեւ մառախուղք 'ի ձօնելն զքեզ՝ ահաւոր, ոչ փշրեցեր զպարս ատամանցս յըմբոյխնելն զքեզ՝ անսահմանելի, ոչ դնացեր բարկութեամբ խոտորնակ՝ խոտորնակի ընդ քեզ հետեւողս, իրր ընդ վրիպեալ տունն Խորայելի, ոչ խայտառակեցեր 'ի հարսնարանիդ զանարժանս քումդ պարերգութեան, ոչ 'ի դձուձ հանդերձին տեսիլ զանօրինեալս յանդիմանեցեր, ոչ կապանօք ձեռացս և ոտիցս յարտաքին խաւարն հալածեցեր :

Պ. Չայս ամենայն մատունս բարեաց և զներելոյդ երկայն մտութիւն ընկալեալ 'ի քէն՝ բարերար, օրհնեալ և յամենայնի միշտ երկայնամիտ, փոխադրեցի վրասակարս պարտեաց՝ անթիւս և բազմօրինակ անօրէնութիւնս, մարմնականաց և անձնականաց՝ ամենակիր բազմածուփ խորհրդոց յուղմանց երկրաքարշութեանց. Չայստիկ քեզ, աստուած իմ և տէր, ընդ այսքանեաց բարեաց փոխաբերեցի. Չայս քեզ ինձէն հատուցի չարիս, ըստ մովսիսեան յանդիմանութեանն առակի, մուացեալ զիմաստութիւն և սիրողս յիմարութեան. Չայսց բարեաց երախտեաց կաճառս՝ ընդունայնութեան դնացիւք՝ չարաչար ունայնացուցի. Չայս լուսաւորութիւն շնորհաց անձառից 'ի բարձրելոյդ ինամոց բարեցեալ՝ մրրկաւն խելադարութեան ցնդեցի. Եւ թէպէտ բազում անդամ ծանուցար կարկառմամբ ձեռին քո այցելութեան ձգել զիս առ քեզ, ոչ հաւանեցայ ըստ մարգարէին որ զԽորայելէ ամբաստանութեան. և թէպէտ խոտացայ դաշնաւորեցի քեզ հաճոյանալ, և ոչ ընդ այսմ սահմանաւ ուխտիւ փակեցայ, այլ դարձեալ զնոյն նիւթեցի չարիս, անդստին յոճն առաջին մտտեայ, փշոցն մեղաց հերկեցի զանդաստան սրտիս յորմանն արդիւնատրութիւն. Առ իս երանենն առածք աստուածարեալ սուրբ մարգարէիցն. քանզի մնացեր յինէն խաղաղոյ, և ես ընդ այնորիկ

փուշ շառաւիղեցի. դարձայ յանախորժ դառնութիւն պրտ
 զոյ՝ այգիս օտարացեալ. բուռն հարի զանհաստատ հողմոյ,
 որովք միշտ տատանեալ այսր անդր տարաբերիմ. ըստ ձայնի
 երանելոյն Յորայ ընդ ճանապարհ իմն անդարձ գնացի. 'ի
 վերայ աւաղոյ շինուածս յիմարութեան կառուցի. Լայնա
 տարր հետովք խաբեցայ կենացն անձկալեաց հասանել.
 փակեցի ինձէն զելիցն ուղեւորութիւն. բացի կամաւ զկս
 ըրատեան խորխորատն. Խցի զպատուհան ըսելեացս իմոց
 առ բանիդ կենաց ընդունելութիւն. կափուցի զաչաց հոգ
 ւոյս հայեցուած առ 'ի զկենացն գեղ նկատել. Աչ ընդու
 տեայ 'ի թմբրութեանց Լքմանէ մտացս 'ի պատգամ՝ փողոյդ
 ահաւորութեան. ոչ զգաստացայ 'ի բողոք դուժի հրափոր
 ձական աւուրն ընտրութեան. ոչ երբէք զարթեայ 'ի նիրհ
 մանէ քնոյն մահացուի, որ 'ի կորուստն կարապետէ. Աչ
 ետու հանգիստ քոյ հոգւոյդ 'ի մարմնեղէնս տաղաւարի.
 ոչ ընդ բնութիւն շնչոյս խառնեցի զմասն շնորհաց քուճկ
 պարգեւի. իմոյս ձեռօք կոշեցի կորուստ, ըստ առակողին,
 զհոգիս կենդանի մահացուցանել.

Գ. Եւ զի՛նչ է ինձ սակաւս և նուազագոյնս յօդել սահ
 մանս կսկծելիս չափաբերականս, մինչ անցեալ է ըստ քա
 նակութիւն և վրիպեալ ըստ բժշկութիւն. Արդ քո է ըն
 ձեռել կեանս հոգւով մեռելոյս, և անխակալութեամբ
 մատչել առ այցելութիւն դատապարտելոյս որդի աստու
 ծոյ կենդանոյ. քեզ փառք յամենայնի. ամէն.

ԲԱՆ Զ.

ՎԵՐՄՍԻՆ ՏԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՄՔ ԸՆԴ ԱՍՏՈՒԾՈՅ

Ա. ԽՍԿ արդ զի՛նչ բարւոք քո առ այս, կամ ո՞ր օգուտ
 ինձ առ սոյն սահման ընթացից ձայնիս հեծութեան՝ Լքանել,
 և ոչ զամբարեալ շարաւ մահացու վիրիս՝ խարանաւ բանիս

արտաքս հերքել , և կամ զժանրութիւն սրտիս միժերեալ
ցաւոյս հոգեկան խիթոյս , իբր տաղտկացուցանողական հը-
նարաւորութեամբ , մատնամուխ զզուանօք փախել :

Բ. Եւ քանզի ոչ դտայ արժանի պարծելոյ 'ի փառս ընդ-
սրբոցն դաս , որոց լի են բերանք նոցա ծաղու , և չբը-
թունք իւրեանց ցնծութեամբ , ըստ առակողին և սաղմոս-
դին , 'ի կարգն երկրորդ դիմեցից՝ զնմանիսն իմ՝ յիշատա-
կել համայն աստանօր . թէպէտ առ խնում թերութեան
բարուց անբարեաց՝ և նօքա յաղթականք իցեն , իբր ա-
պաշաւեալն քան զանապաշտարն . Տօնելի եղև Մանասէ
առ խնոց պարտուցս առաւելութիւն . պատուեցաւ և փա-
րիսեցին առ դժնէխ ամբարշտութիւն . դովեցաւ անառակ
որդին առ անդարձիս ուխտազանցութիւն . յիշատակեցաւ
կեղծաւորութիւն որդւոյն Ամատեաց առ անշորհութիւն
ապախտաւորիս . օրհնարանեալ եղև աւազակն , որ դա-
տախազն է անհաւատից . պատուեցաւ և կինն պոռնիկ՝
սկզբնամայրն ապաշառողաց : Ոչ պակաս քան զՓարաոն
զտեղծուած սրտիս իմ՝ խստացուցի . ըստ օրինակի խոռ-
վութեան միրիկաց ծովու ծփեցայ . ոչ այնքան սարսեցի և
պատկառեցի 'ի սաստկութենէ քումբ հրամանի , որքան
ալիք ծովուն յեղերացն . Ընդ թիւս չափուց կշռութեան
առ խն գործոց՝ և աւազոյն կոյտ սահմանեցաւ . պակաս-
եաց անբաւիցն շիղջք առ համբարս խնոցս անօրէնութեանց :

Գ. Զի թէպէտ և յոյժ բազում են մանկունքն 'ի յափունս
ջրոյն համահաւաքեալք , այլ ուրոյն և առանձնականք 'ի
ծննդոց աճելութենէ . իսկ մեղանք խնոցս յանցանաց՝ ան-
թիւք . զօրս անհնար է առնուլ 'ի միտ : Ոմն և ծնունդք
իւր , ոմն և շառաւիղք իւր , ոմն և բիծք իւր , ոմն և ար-
կածք իւր , ոմն և փուշք իւր , ոմն և արմատք իւր , ոմն
և հաստուածք իւր , ոմն և պտուղք իւր , ոմն և նշխարք
իւր , ոմն և ճիւղք իւր , ոմն և ոտք իւր , ոմն և արմկունք
իւր , ոմն և ճիրանք իւր , ոմն և մատունք իւր , ոմն և խը-
լբրամունք իւր , ոմն և զօրութիւնք իւր , ոմն և ազդմունք
իւր , ոմն և նշմարանք իւր , ոմն և տիպք իւր , ոմն և մնա-
ցուածք իւր , ոմն և ստուերք իւր , ոմն և մթութիւնք իւր ,

ոմն և յարձակմունք իւր , ոմն և հնարք իւր , ոմն և սպառիւք իւր , ոմն և գիտմունք իւր , ոմն և դիմեցմունք իւր , ոմն և չափք իւր , ոմն և խորք իւր , ոմն և զարշութիւնք իւր , ոմն և կայծակունք իւր , ոմն և կիրք իւր , ոմն և մթերք իւր , ոմն և գանձք իւր , ոմն և ցնցուղք իւր , ոմն և աղբերք իւր , ոմն և գիւտք իւր , ոմն և շանթք իւր , ոմն և հրդեհմունք իւր , ոմն և սպտկառանք իւր , ոմն և վիհք իւր , ոմն և անդունդք իւր , ոմն և բորբոքմունք իւր , ոմն և աղջութիւնք իւր , ոմն և ամպրոտք իւր , ոմն և կայլակք իւր , ոմն և հոսմունք իւր , ոմն և հեղեղք իւր , ոմն և սառնամանիք իւր , ոմն և դրունք իւր , ոմն և շաւիղք իւր , Հնոցն և տապ իւր , հրասն և գոլորչիք իւր , հարցն ճարպին և ճենճերմունք իւր , օշինդրն և դառնութիւն իւր , կործանիչն և հնազանդեալք իւր , բռնաւորն և յերուզակք իւր , դռողն և սպառաղէնք իւր , աւազակապետն և դամարտակք իւր , դազանն և կորիւնք իւր , խածանողն և ծակոտուածք իւր , ապականադործն և նմանիք իւր :

Դ. Արդ այսոքիկ պետք են դիւսաւորութեանց ապականողաց ոգւոց համայնից , դասեալք ընդ ինքեամբք նուաճութիւնք մասանց՝ իւրաքանչիւրոք 'ի սոցանէ բիւրք բիւրուց և հազարք հազարաց , իսկ զհամայնիցս թիւ նա միայն զօրէ իմանալ , որ զառ 'ի մէնջ չէութիւնն գրեալ իբր զէութիւն գործոց տեսանէ : Եւ արդ եթէ ոք զանձն ոչ խաբեսցէ , և առ երեսս ոչ կերպարանեսցի , և կեղծաւորաբար ոչ անհաւատեսցէ , և մարդ զինքն ծանիցէ , և հասարակաց բնութեամբ վարեսցի , և երկրածին զանձն դիտեսցէ . և 'ի չափի իւրում կանոնին կացցէ , իմասցի ծանիցէ ըզնախաթիւ մասունս արկածիցդ վերագրելոց , թէ ոչ ընդունայն ինչ գրեցի և կամ զբնաւ իսկութիւնն սահմանեցի , որ 'ի մերս բնութեան ստուտկի ազգի ազգի վրիպականութիւն . այլ 'ի բիւրուցն արգասեաց չարեաց չափ մի երեւեցուցի , զի նոքօք և զայլն իմաստասիրեսցիք , թէ պէտ և ոչ բաւանդակապէս :

ԲԱՆ Է՛

ՎԵՐՍՏԻՆ ՅԱԿԵԼՈՒԱՅԻ ԿՐԿԻՆ ՀԵՆՐԻԹԵԱՆ ՆՈՐԻՆ ՀՍԻՊԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՍԻ ԸՆԴ ԱՍՏՈՒԾՈՑ

Ա. Ե՛ զի մի գիրկութեանն վատահութիւն ՚ի սպառկարեցից, և ապազէն եղեալ մասնեցայց այսքանեաց աներեւութից ընդդիմամարտից, որք ոչ այլ ինչ են՝ քան թէ ընտանիք թշնամիք ինքնածին բուսեալք զոր վերադրեալք սահմանեցին՝ զորքանութիւն պատկերին ձեւոյ եղեալ ահարկուս, ցուցից առ սմին բազմարոյլ բռնութեան մարտկացդ՝ զորեղ ակոյեանս աստուածականս՝ ամենայնալթողս և անպարնելիս, թէ և կսկծելիս կիրս և դք՝ ուարակութ պտուղս ծառոց անհասանելեաց, և անկոխ ճանապարհաց երկք և տաժանմունք: Քանզի զայն ամենայն դունդս չարութեան բանսարկուին զորաց՝ սակաւ մի արտօսը կաթուածոց աչաց, իբր զճճիս զեռունս բազմոտանիս խխայթից երկրի տկար խլրտմանց՝ անկեալ ՚ի վերոյ ծորումն ձիթոյ կամ դոյզն դեղ ինչ սատակչական, ցամաքեցուցանէ: և դոյզն մի հառաչումս սրտի հեծութեան ելեալ ՚ի յողոյ, իբր շնչումն հարաւային ջերմութեան խառնեալ յարեւու, զսառնամանեաց սատակութիւն հալէ, քանզի ըստ միումդ նմանութեան հեշտածինք են, և ըստ միւսումդ դիմադրութեան դիւրամեռք:

Բ. Այլ ես ոչ երբէք կասեցից դատել զդատապարտեալս՝ բանից կսկծմամբ, պարսել զպարտաորեալս՝ իբր զվնասակար անկրկանաւոր անհամոզելի: Վասն զի զմանս սատակեալ ՚ի յիմոց նեղչացն, տմանց զորութիւն տամ կենդանանալ առ հողւոյս կորուստ: Տունկս դառնոտեան, որ զգարչութիւն անառակ վարուց ծաղկեցի: բարունակս ապականաբեր և մահողկուղեան, որ զկորստեան գինին երկնեցի: Քանանու զաւակս՝ և ոչ Յուդայի, ըստ աօից մեծին Գանիէլի, որդիս գեհենին, և ոչ արքայութեան:



20458-59

ժառանգս դժոխոց , և ոչ վառացն վապաքելեաց . նիւթս տանջանացն , և ոչ հանգստեան : Ապերախտս առ երախտաւորդ , ապաշնորհս առ բազմապարզելդ , միշտ մեղուցեալս առ երկայնամիտդ , դառնացուցիչս քաղցրութեան բարերարիդ , ծառայս չար և վատ , ըստ տէրունեան յանդիմանութեանն , իմաստունս զչարիս գործել ըստ Եսայեայ նախասացութեանն , ժիրս առ ժանդագործութիւնս զազրութեան : Փոյթս առ 'ի բարկացուցանել ըզտէրն , մշտաչարժս առ զիւտս սատանայականս , հանապազորդեան վիշտս ստացողին , թոյլս առ բարեացն թռիչս , ծոյլս առ երանութիւնն ընտրութեան , դանդաղս առ դիտմունս խոստացելոցն , անարիս առ կարիս պիտանեացն և օգտակարացն , պաշտօնեայս տիրադրութ երախտամուաց :

Գ. Վայ անձինս մեղաւորի , զի զարարիչն իմ բարկացուցի . վայ որդւոյս կորստեան , որ զկենդանութեանն ձիր մուացայ . վայ պարտապանիս անհամար բիւրուց քանքարաց՝ որ ոչ գոյ հատուցանել . վայ բեռնակրիս ծանրութեան մեղաց դժնէից , որ չունիմ դառնալ առ հանգըստարարն . վայ վնասակարիս տէրունեան պարտուցն , որ չիք հնար յանդիման լինել հօրին . վայ եղէզնախուկիզանողականս նիւթոյ , որ տոչորելոց եմ 'ի գեհենին . վայ ինձ առ այս յիշատակ , զի նեւք բարկութեանն աստուծոյ այրեցելովք են գործեալ . վայ յիմարութեանս , որ ոչ մտառեցի զժամկեցելոցն յայտնութեան հանդէս . վայ ամբարըշտիս , զի միշտ անդադար ոստայնս չարեաց կկեցի . վայ զմարմինս պարարողի կերակուր որդանցն անմահից , կտտուղացն թունաւորաց զիսորդ համբերեցից . վայ ինձ առ արբումն մահուն բաժակի , ո՞րպէս զյաւիտենականն տուժեցայց . վայ ինձ առ ելս անարժան հոգւոյս յեղկելի մարմնոյս , իբր դատաւորին ճշմարիտ յանդիմանեցայց . վայ ինձ առ նուազութիւն իւղցն լապտերաց , զի անարժարծելի է ազտանալն . վայ ինձ առ ճեպ տաղնապի ահին պակուցման , յորժամ առազաստին մուտն վիակեցի . վայ ինձ առ ձայնին ահաւորութիւն գողացուցչաց և սարսափելեացն բանից՝ երկնաւոր թագաւորին վճռաւ կնքելոյն , թէ ոչ դիտեմ դքեղ .

ԲԱՆ Ը.

ՎԵՐՍՏԻՆ ՏԱՆԵԼՈՒԱՅ ԿՐԿԻՆ ՀԵՏՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՄՐՏԻՅ ԽՕՍԲ ԸՆԴ ԱՍՏՈՒԹՈՅ

Ա. **Ե**ւ արդ զի՞նչ գործեսցես անձն իմ կորուսեալ, կամ ո՞ւր թաքիցես, կամ զի՞արդ ապրեսցիս, կամ ո՞րպէս ելցես ՚ի մեղաց բանդէ։ Քանզի բազում են սլարաիքդ և անթիւ հատուցմունքն, սաստիկ կշտամբանքն և անխաճան նախատինքն. անողորմ են հրեշտակքն և անկաշառ դատաւորն, հզօր ատեանն և անաշառ բեմն, քստմնելի սպառնալիքն և անողորմ հատուցմունքն, ահարկու հրամանն և մերկապարանոց յանդիմանութիւնքն. հրեղէն են դետքն և անանցանելի վտակքն, թանձրամած խաւարն և արտաքոյ այցելութեան մառախուղն. ապականութեան է դուքն և մշանջենաւոր է տաղնայն, ամենազբաւ տարտարոսն և անզերծ սառնամանիքն։ **Ե**ւ արդ արդարեւ քեզ են դանձեալ դառինքս այսօրիկ դժնդակք և տարժանելի օթեւանք անըմբերելացդ պատուհասից, ով անարժան անձն իմ մեղաւոր, չարագործ, պոռնիկ, բաղմաբիծ, և սահման անդաստանի բնաւին անմաքրութեան։ **Ա**հա զարդիւնս գործոց ձեռաց քոց ժառանգեսցես՝ թիւրեալդ ՚ի յուզլութեանց և զառածեալդ ՚ի մաքրութեանց, տարագրեալդ յարդարութեանց և ՚ի կարդաց պարկեշտութեանց, ունայնդ ՚ի լիութեանց հոգեպարզեւ հարբստութեանց, նախանձարկու բարերարին և ամենակալ թագաւորին։

Բ. **Ե**ւ քանզի կառուցեր քեզ անել արդելան և անփախչելի որոգայթ, խոստովանեալ քեղէն զանբժշկականդ քո վէր և զանօրինակդ հարուած, վկայելով զանձինդ զպարտականդ մահու զանբուժելիդ բեկութիւն, ով չարդ ՚ի բարեաց, ով դառնութիւնդ ՚ի քաղցրութեանց, ով խաւարդ ՚ի լուսաղարմից, ով կապեալդ ՚ի պճնեւոց,

ով գորովեալդ 'ի գովելոց, ով ամբարիչողդ 'ի բարեպաշտից, ով շնչականդ 'ի բանականաց, ով անմիտդ 'ի մտաւորաց, ով անհանճարդ յիմաստնոց, ով անմաքուրդ յընտրելոց, ով մահացուդ 'ի կենդանեաց, ով խոհեբականդ 'ի սրբոց, ով արբշիւդ 'ի պարկեշտից, ով կեղծաւորդ յարդարոց, ով անպիտանդ 'ի պիտանեաց, ով անարդդ 'ի փառաւորաց, ով նուազդ յառաւելութեանց, ով գերիդ 'ի դերագունից, ով նուաստագոյնդ 'ի վեհից, ով աղքատդ յընչեղաց, ով անարժանդ 'ի փրկութեց, ով տնանկդ 'ի բարձրութեց և 'ի հողեւոր հարստութեց, և հատուածեալդ յօրհնելոց:

ԲԱՆ Թ.

ՎԵՐՍՄԻՆ ՅԱԽԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՄՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՄՐՏԻՑ ԽՕՍԲ ԸՆԴ ԱՍՏՈՒԾՈՅ

Ա. **Ե**՛ի արդ զի՛նչ արժանաւոր ըստ քեզ բանբասանս շարագրեցից 'ի կտակ մաղթանաց մատենի այսր ողբերգութեան, ով անձն իմ թշուառ, ամենապատկառ և առ պատասխանիս բանից անբարբառ, անպիտան աստուծոյ և սրբոցն մասնակցութեան: **Ձ**ի եթէ զլիճ մի ծովուց 'ի յորակութիւն դեղոյ յեղեղեցից, և զդաշտս ասպարիսօք բաղմօք սահմանեալ 'ի տարածումն լայնութեան քարտենի չափեցից, և զպուրակս յօքունց անտառաց չամբից եղեղանց 'ի հատուածս գոյութեանց զըչաց կաղմեցից, և ոչ զթիւ մի 'ի բարդելոցն անօրէնութեանց զօրեցից ընդ գրով սահմանի գրաւել: **Տ**ա՛ զի թէ զմայրս **Ա** իբանանու 'ի մի լուծ կռոց զօղեցից, և կամ զլեւան արարատեան 'ի կէտ ամբարձման նժարի միոյ արդարութեան միջնորդ կացուցից, ոչ հաւասարէ այնր հարթութեամբ համազուգակցել:

Բ. **Մ**առս ամբարձուղէ՛ շտուերաստեղն՝ տերեւալից՝ ունայն 'ի ստղոց, նմանակից յաւէտ հարազատ այնր թըղենոյ՝ զոր տէրն գօսացոյց. քանզի սաղարթօք վարսից,

այս է՝ արտաքին դիմօք բարեշուք կերպից՝ իբր պտակա-
 իմիք պաճուճեալ, բացականացն դոս բաղձալի . իսկ եթէ
 մերձեացի տնկողն խուզել զխնդրելին, գացէ զքեզ ունայն
 ՚ի բարեաց և զարշելի ՚ի գեղեցկութեանց, ծաղր տեսո-
 զաց և նշաւակութիւնք նախատողաց . Ձի եթէ ապաժա-
 ման յանդգոյժ ժամուն հերապանծ տունկն պտղակորոյս ան-
 կենդան, որ գոյզն պատկերն է անպատրաստից, եկն ընդ-
 անիծիւք, և կամ երկիր ուսգեալ ցօղով, և ոչ բաղմա-
 յանդէս արդասեաց երկրագործութեան տաճո-
 ւանէ՝ լքեալ մուանի, իսկ դու՝ ով անձն իմ
 ման բանաւոր և տունկ կենդանի՝ և ոչ ՚ի
 պտղաւոր, իբր ոչ զնոյն կրեսցես պատիժ
 ւան . Վասն զի զհամայնն ընկալար ՚ի քեզ
 ութեանց, սկզբնաւորեալ ՚ի մարդն ա-
 պառումն ծննդոց նորին, զբերս գոր-
 զգիւտս նորոգս՝ ատելիս և անա-
 ղքեզ աստուծոյ .

Ի զքեզ նպատակ հանդէպ երեսաց
 անձն իմ անպիտան, վիմօք ձգելոց
 ր զանընդել գաղան վայրենի՝ անո-
 թծել . Որ թէպէտ և ոչ պատահիմ
 սկայն յառաջնումն պատասխանուոջ՝
 ն՝ ընդ անձին յօժարամիտ կամօք ո-
 թեանն բանի . և զյոյզս մտաց խոր-
 բր զգլխաւորեալ յանդաւորութիւն
 խոստովանեալ, քեզ տարածեցից՝

Ձի որով չափով չափեցից զանձինս
 նուազ գթութեանց այսրէն չափե-
 յառաջնումն յառաջնումն ընդ մեծագունիցս
 իրացն հարուածք անբժշկականք
 եացին, այնքանեօք չափովք կրկին
 առ սմին և իմաստաւորութեանց բարձրեալ բժշկիդ բա-
 րեհօչակեալ լուսաւորեցին . և ՚ի պարտուցն առաւելու-
 թիւն, նոյնքան փոխատուիդ առատատրութիւն բարե-
 բանեալ միշտ պսակեացի, ըստ խնկաւորդ քում առակի .

ցայց
 պարտեաց
 և անհնարաւոր

Ձի քո է փրկութիւն, և 'ի քէն է քաւութիւն, և աջով քո նորոգութիւն, և մատամբ քո զօրեղութիւն, և 'ի հրամանաց քոց արդարութիւն, և յողորմութեանց քոց ազատութիւն, և յերեսաց քոց լուսաւորութիւն, և 'ի դիմաց քոց զուարճութիւն, և հոգւովդ քո բարութիւն, և օժմամբ իւզոյ քոյ ամուսնութիւն, և ցօղով շնորհի քոյ՝ զուարթութիւն. և դու տաս մխիթարութիւն, և մոռացուցանես զվճատութիւն, և բառնաս զխաւար վշտաց, և ըզհեծութիւն ողբոց 'ի ծաղր փոխես, Եւ քեզ վայելնութիւն գովութեամբ հանդերձ յերկինս, և և 'ի ծնունդս նոցա, և յաւիտենից յաւիտեւ:

ԲԱՆ Ժ.

ՎԵՐՍՏԻՆ ՅԱԻԵԼՈՒԱՆԻ ԿՐԿԻՆ ՀԵՄՈՒԹԻՆ

ԱՌ ՆՈՅՆ ԱՂԵՐՍ ՄԱՂԹԱՅ

25

Ի ԽՈՐՈՑ ՄՐՏԻՑ ԽՕՄԲ ԸՆ՝

Ա. Եւ արդ քանզի միապէս մաս չու մին ուժգնապէս և մեղանչելն մոլ օտարացեղ իմն են 'ի միմեանց այլ թեանցն, սակայն զկերպարանս երկաւ եղեալ, զմի և զնոյն վճատութեան Ձի մինն զհզօրին ձեռն իբր ապիկա միւսն ըստ նմանութեան քառօտանեւ նրզգայս եղեալ, զյուսոյն առասան առաջնումն միշտ փաղաքչեալ՝ հունայ, իսկ երկրորդաւն՝ ըստ նման խորովայն գազանի՝ իբր կերակրու

Ե. Եւ արդ իբր զգանեալ բազմա... ան հեծանաւ և յալին մահու ժամանեալ, դոյզն... արձումն շնչոյ ընկալեալ և յողի կենդանի եկեալ կա... ուրեցայց, պատըս պարեցայց, կանդնեցայց, յարեայց յանկենդանականս կորըստենէ, օժանդակեալ Քրիստոսի ձեռամբն՝ որ գթածն

է յամենայնի . 'ի բարերար յերկնաւոր հօրէն՝ փրկութեան
 և բժշկութեան պտուղ ընձեռեալ ինձ մեղուցելոյս , ախ-
 տացելոյս և մահացելոյս . **Ե**ւ սկզբնաւոր ողբերգութեան
 այսր աղերսանաց՝ զհաւատոցն շինուած կառուցից . քան-
 զի և ոմն 'ի նախնեացն սօքիմբ.ք զինեալ , փոխեցաւ խնայն
 յանմահականն վիճակ վերին . զապաշխարութեանն գեղ
 ընկալեալ , ապաշաւանաց թոշակաւն՝ զգրաւականն անեղ-
 ծ . թեան աստէն ժառանգեաց , 'ի վեր քան զորոց առա-
 քեալ ընդ Զմին ցուցանէ , որք զհանդէսն մրցանակին յերկ-
 րի կատարեալ , ապագայիցն և երկնաւորացն յուսոյ հա-
 ւատացին , և անառիկն ճոխութեամբ փարթամացան . **Ի**սկ
 զխրախոյս տէրունի պաշտելի բանին յիշեալ առ սմին , զի
 ամենայն ինչ հնարաւոր է այնմ որ հաւատայն , է զի և ըզ-
 չափն ընտրականացն բարեմասնութեան աստուծոյ հա-
 ճեղեացն զննեալ աստանօր , զայս պատկեր բանի ընկալաք
 նախնի գահերէց առ 'ի սրբութեանցն մուտ սովիմբ հան-
 գերձել . առանց որոյ և ոչ տէրն փառաց զիւրսն առ մեզ
 հրաշագործեաց զօրութիւնս , եթէ ոչ նախ լծակից խընդ-
 րեաց բարերարութեան իւրոյ զհաւատսն մեր . ուստի և
 կեանս ընձեռել զօրէ ինքնիշխան բաւականութեամբ ա-
 ուրնթեր գոլով աստուծոյ . քանզի հաւատք քո կեցուցին
 զքեզ , օրհնարանեայն աստուծոյ բերան վկայեաց . **Ք**անզի
 արդարեւ սեռն տեսութիւն և կատարեալ իմաստութիւն
 և առ անձ ընտանութիւն և բարձրելոյն ծանօթութիւն՝ հա-
 ւատոց մասն՝ երջանիկ և ընտրեալ անուն , որ յարածգեալ
 մնայ անվթար և անփակելի , պատուակից գոլով սիրոյ և
 յուսոյ . **Չ**ի եթէ փոքու սերմանի գոյի հատի մանանխոյ
 չափոյ նուաստի հաւատք զլերանց մեծութիւն փոխէ զօ-
 լնեղապէս 'ի սիրտս ծովու , ապա յիրաւի ընկալաք զսոյն ըս-
 կողքնաշաւիկ առաջնորդ կենաց՝ աներկմիտ պաշտօն առ-
 աստուած , որ զապառնիսն և զժածկեայնսն առանց երկ-
 րացութեան 'ի հողւոյն աչս տեսանէ . **Ե**րբորգութեան փա-
 ռատրելի անուամբն պատուեայս հաւատք՝ ընդ սիրոյն գա-
 սեալ և յուսոյ . **Չ**ի թէ և զերիսն հատուածս առանձնաւո-
 րականս 'ի մի և 'ի նոյն խորհուրդ դիտեսցես , յաւէտ մե-

Ճապիխ նոքօք 'ի յաստուած . քանզի թէ հաւատաս 'ի նա ,
և սիրես . որով և յուսաս աներեւութից պարզեւայ
նորին : Նմա փառք յախտեանս . ամէն :

ԲԱՆ ԺԱ.

ՎԵՐՍՄԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍՊՈՂԻ

ԱՌ ՆՈՅՆ ԱՂԵՐՄ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՍԻ ԸՆԴ ԱՄՅՈՒՇՈՑ

Ա. Եւ արդ ես յեախնս դաւանողաց՝ ունայն 'ի բարեաց ,
նայեցեալ խորհրդով մտացս 'ի սկզբնաւորն իմ եղեւութիւն
'ի ձեռն ձեռին ստացողին իմից յանկից յուսով հաւատամ
Յիսուսի Քրիստոսի առնել զոր կամի . Քանզի հաւատացի ,
վասն որոյ և խօսեցայ խրատեալ Պօղոսիւ , ուսեալ 'ի Պաւ-
թայ , թէ և արդ կենդանի մաղթանք նոցա այց ինձ ա-
րասցէ . որպէս հաւատովք ճանաչել վնա , և զգորութիւն յա-
րութեան նորա , ըստ առաքելոյ , և զհազորութիւն չար-
չարանաց նորա , և որ զկնի բերին ապացեալքն : Ացորդ է
ամին և յոյժ նմանատիպ՝ հաւատայն իսկապէս և 'ի նորոգս
այս փոխադրութիւն , որ 'ի մեղացն 'ի քաւութիւն , և 'ի
չարագործութենէ յարդարութիւն , և յանմաքրութենէ 'ի
սրբութիւն , և յանքաւելեացս պարտեաց մահու յանցանաց՝
յանդատապարտն երանութիւն , և 'ի ծառայական կապա-
նացս յերկնաւորն ազատութիւն . Քանոթի զիա՞րդ ոչ արդեօք
չքնաղ քան զբան՝ և 'ի մթութենէ երկկուանութեան խաւարի
զտեալ՝ և աստուծով օժանդակեալ և օգնեալ սիրտ մեղա-
ւորի , որ ընդ մարմնապէս ծիծաղելն՝ առ նմին հեծէ հո-
դեպէս : Ար թէպէտ և յամբարձմանէ բարձրութեան գե-
րագունիցն կայից՝ ստորասուղեալ ծանրութեամբ յանդըն-
դային վճին խորխորատ գբոյն կործանման , նորագիւտ մե-
ղօքն անջրելեօք , ունի և նշխար նշուլից՝ փրկութեան կե-
նաց հպաւոր , իբր կայծակն լուսոյ պահեցեալ 'ի միտս և
յոգի , ոպ զհուրն նշանաւոր և զարմանաւոր թանձրամած՝

հրաշխք մտկարդեալ վեհին հրամանի 'ի յատակս ներքինս նիրհեալ ջրհորոյն: Աստի և մեզուցեւոյն խաղառ թաղձեւոյ, և անկեղաւթիւն բարոյն բարձեւոյ, և համարձակութիւն շնորհին լքեւոյ, յուսալ վերստին անդրէն միւսանդամ նախապարգեւիցն փառազարդութեանց դարձեալ հասանել քանդի և յաստուածուստ անդուստ հանդերձի և այս՝ ներդործիլ առ սոյնս. վասն զի սա զտուողին զորութիւն ամենաճնար աւետարանէ: Յոր խունկ հաճութեան մեծապէս հոտտաի առջուած, քան յամենայն բուբումն անուշից, և քան 'ի խառնեակն երբեմն աղացմամբ 'ի սպաս խորանին, որ է կերպարան անձանց խոնարհից զիջեալ բեկութեամբ՝ առ 'ի միութիւն նոյն նմանութեան: Ըստ որում հարցեալ փրկչին ամենից՝ զմանս ակտացեալս տեսանեւօք, հաւատայք ասելով առ այդ թէ կարող եմ առնել ձեզ զայդ, ոչ պարգեւեաց աչաց նոցա լոյս, եթէ ոչ նախ զհաւատոցն դրաւ ընկալաւ: Քանդի զի՛նչ քան զմեռելութիւն քառօրեայն դիոյ առ կենդանութիւն մեզ անյուսազոյն, առ որ կանանցն ժամանեւոյ 'ի յոտս արարչին հաւատոցն հանդերձանօք, անյապաղաբար զփառացն աստուծոյ տեսին զհանդէս՝ 'ի յեղբօրն կենդանութիւն:

Բ. Իսկ աստասին անկապուտ շնորհին մնացեւոյ զկնի մեղանացն՝ հզօրազոյն են վկայք: Նախ Ենովք, զկնի Ահարոն, յետ նոցա Ղաւիթ, դարձեալ և Պետրոս. ընդ որս և փօքրն Եղիազար, որ 'ի մեծէն աստուծոյ ողորմեալ՝ մեծագունիցն վկայեցաւ: Աւելորդ է առ այս և բանն առաւիլ անառակ որդւոյն. թողում զպոռնիկն՝ որ 'ի տեառնէ գովեցաւ, և զմաքաւորն՝ որ 'ի բարեգործէն յիշատակեցաւ, և զաւաղակն երջանիկ՝ որ յարձակումն վերջին շնչոյն հաւատովքն պահեցաւ, և զոր անքաւելին են պարտիք՝ զհաղորդեալքն սպանման մահու արարչին. առ որս և գլխաւորն ընտրեւոյ Պօղոս, որ երբեմն նախնին էր անօրինաց: Յորոց ամանք ծանօթութիւն օրինին գլորեալք անդրէն կանգնեցան բիւրասպատկեան գերազանցութեամբ քան ըզնախակրօնիցն առաւելութիւն: Իսկ որ նախ քան զօրինակին տուչութիւն՝ զաւանդն պահեալ հայրենի մերձաւորա-

դոյն գոլ պատուիրանի սկզբնահօրն դաւանութեան , որ և զնախնւոյն պարտիս ինքեան վարկուցեալ , զնորայսն իւրովքն տուժեաց կրից տաժանմամբ , ոչ քաւեցաւ միայն ծածկեալ 'ի յերկրի , այլ չարչարելեան մարմնով՝ բանականաց բնութեան կենաց կարապետ՝ յաղթող զօրապէս բռնութեան մահու փոխեցաւ . **Իսկ** ոմանք 'ի բուսոյ տհաս հասակին չարութեամբն յերկարաձգեալ , 'ի կատարեալ տիս ժամանակին ոչ 'ի բարձրութեանն կայից հոսեցան , քան թէ 'ի ըստորնականաց թշուառութեանց դժնէից կենացս 'ի կամարն երկնից համբարձան . **Եւ** թէ այն ժամանեաց կանխաւ՝ զօրացեալ 'ի չարեացն դարձ , որ մինչեւ յոսկերէն նիւթ յանակեալ հողոյս գոյութեան , և պատկերն արքունի 'ի պատիւ կերպիս մերոյ նկարեալ արքունականն քանդակուածով , անկորուստ և անփոխադիր և յաղթող դաւաճանութեան զմերս ենթադրեալ բնութիւն , ապա առաւել յուսալի է այժմ՝ մերկապարանոց լուսաւորութիւն անքօղ և անվերարկու՝ տերամբ **Քրիստոսիւ** ուխտեալ . որով և միշտ հաստատեալ պահի 'ի մեզ բանն տէրունի , ըստ մարգարէին ձայնի , ուխտ խաղաղութեան և կնիք հաստատութեան առ հաշտարարն միջնորդ՝ երկնային անմահ կենդանի և մշտնջենաւոր բարեխօս . **Ապա** ուրեմն ըստ այսու կանոնի ճշմարտագունի , և անփոխադրելի սահմանի , և արարչաւանդ պայմանի , համբուրեմ՝ հաւատոց շրթամբք զպատկեր բանիս , և ակն ունիմ փառացն շնորհի . քանզի արդարեւ յարդարացուցանելն զմեզ աստուծոյ՝ ոչ ոք զօրէ գատապարտ առնել , ըստ առաքելական բանին սահմանի .

Գ. **Այլ** յայս անստուերագիր վտահութիւն ապաստան , կամ կործանեալ՝ կանգուն , թշուառացեալ՝ յաղթող , վերիպեալ՝ 'ի դարձն կենդանական , ամենաթշուառ չարագործս՝ 'ի յոյսն , մահու մատնեցեալ՝ 'ի կեանսն , ընդ ապականութեամբ վաճառեալ՝ 'ի ձիրն , դժոխային գործովք գրաւեալ՝ 'ի լոյսն , ստորնասէր անասնակենցաղս՝ յերկինս , կրկին գայթակղեալ՝ 'ի վերտոխն փրկութիւնն , մեղօք կապեցեալ՝ 'ի հանգստեանն խոստումն , անբժշկական վիրօք վարանեալ՝ 'ի գեղն անմահացուցիչ , ստամբակեալս վայ-

դասու : Տուր հանդիստ բերկրութեան մահահանգոյնս նիրհման 'ի խորութեան գիշերիս, բարեխօսութեամբ հայցուածոց սրբոյ անձամենիդ և ամենայն ընտրելոց : Ամիտիւեալ պարուրեա զպատուհան տեսութեանց զգայարանացս խմաստից անզարհուրելի զետեղմամբ 'ի ծփական խռովութեանց, կենցաղական զբաղմանց, անբ՛լական երազոց, խօրականաց ցնորից, յիշատակաւ քո յուսոյդ անմխասելի պաշտպանեալ : Եւ սթափեալ վերստին 'ի ննջմանէ ծանրութե ամենազգաստ արթնութեամբ, հոգեհորոզ զուարթութեամբ 'ի քեզ արձանացեալ, զայս ձայն մաղթանաց բուրմամբ հաւատոց քեզ, ամենօրհնեալ թագաւոր փառաց անձառից, փառաբանողաց երկնագուճար խմբից երգակցեալ, յերկինս առաքել : Զի դու փառաւորեալ ես յամենայն արարածոց յախտեանս յախտենից . ամէն :

ԲԱՆ ԺԳ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՄՐՏԻՅ ԽՕՄԲ ԸՆԴ ԱՍՏՈՒԾՈՅ

Ա. ԱՍՏՈՒԱԾ բարերար հզօր ահաւոր, հայրդ բարեպարմութեանդ շնորհի, որոյ անունդ իսկ մեծիդ զգթութիւն և զընտանութիւն աւետարանէ, քաղցր գթնէից և անգոհացողաց : Ընդ քեզ և որդիդ քո իբրև զքեզ, զօրաւոր ձեռն իբրև զքոյդ, անժամանակ տէրութեամբ ահեղ, ընդ արարչութեանդ քում բարձրացեալ : Եւ հողիդ սուրբ ճշմարտութեան՝ բղխեալ առ 'ի քէն անապառութեամբ, կատարեալ իսկութիւն գոյի, էութիւն մշտնջենաւոր, հաւատար քո ամենայնիւ, փառակից որդւոյ քոյ տէրութեամբ : Երբեակ անձնաւորութիւն՝ համայն անքնին, տրոհեալ 'ի գիմաց՝ ուրոյն զատուցմամբ . իսկ միաւորեալ համազուգութեամբ, նոյնազոյ բնութեամբ տիրապէս, անշփոթ և անանջբարեա՝ միով կամօք և կցորդութեամբ . ոչ երիցութիւն

ուսմանն 'ի յուսմանն և ոչ քթթել մի ական առ նուազութիւն միոյն ժամանեալ, քան թէ պատճառ սիրոյ երկնայնոյ անստուեր լուսոյ՝ որ առ մերն է ծանօթութիւն, միով պըսակաւ սրբասացութեան անսկզբնաբար աստուածարանեալ. Քանզի արդարեւ վերածայնեալս այս խոստովանութիւն երեքփառատրեանդ դաւանութեան զվէմն հաւատոյ Պետրոս երանկեաց. իսկ զգատապարտելոյս անձն մեղօք՝ բարեհրաման քո ակնարկութեամբ, ով խնդրողդ գերելոյս, հրաշանորոգ արդարացուցէ. Քանզի թէպէտ և քո իցեն պարզեւք, և քո ողորմութիւնք, այլ ոչ 'ի պարգեւսն ևս այնքան հռչակեալ, որքան յողորմութեանն. զի երկրորդն զքոյդ յաճախէ զփառս, իսկ առաջինն ըզճգնաւորացն յայտնէ զգործս. զի պարզեւք՝ վաստակոցն են փոխատրութիւնք, իսկ ողորմութիւնք՝ մեղուցելոյս բարեըարութիւնք.

Բ. Եւ արդ մի զօրասցին մարդկայինս գործք առաջի քոյոցդ շնորհաց, աստուած գթութեանց, թէ և անդր իսկ իցեն քան զօրէնս հասարակաց բնաւորականս հոսմանց. այլ յաղթող եղեալ քոյդ երկայնմտութեան, նուազ եզիցի առ քումդ մասին ընթացք երկրածնաց, Քանզի և որ մաքրութեամբն պերճանային օրինականայն վատահութիւնք, 'ի լուսաւորել քոյդ արդարութեան գուշակ ներկայիս, ամենանուազ անձկութեամբ լքեալ հրէութիւնն յետնեալ, և յաւէտ ընդ տարագրական ողորմելոցն, առաւել նոքա գտան կարօտեալ մարդասիրութեան. Եւ քանզի ամենայն ինչ հնարաւոր է քեզ, բարերար, լուր պաղատանաց գոչման հեծութեանս՝ որ կարգամս առ քեզ. ողորմեա, կեցո և մարդասիրեա. Զի քո է երկայնմտութիւն, քաղցրութիւն, փրկութիւն, քաւութիւն, և փառք յամենեցունց յաւիտեանց ազգաց. ամէն.

ԲԱՆ ԺԴ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԲ ԸՆԴ ԱՍՏՈՒԾՈՅ

Ա. ՊԱՂԱՏԻՄ առ քեզ լուսոյ ճառագայթ , արքայ երկնաւոր , դովեալ անպատում , որդի անճառ մեծիդ աստուծոյ . խոնարհեցո զունկն քո՝ բարձրեալ բարեգութ , կենաց ապաւէն , նորոգ մերձեցեալ կրկին աստանոր 'ի հառաչումն նուազս ձայնի վիրաւորերոյս :

Բ. Ոչ ցուցեալ է երբէք , եթէ ազաչեաց զքեզ 'ի ձեռն աւազակացն սրոյ խողխողեալն , քանզի կարկամեալ էր . ոչ ձայն պաղատանաց զկնի արձակեաց , քանզի անկոխն էր . ոչ մատամբքն տատանելոյ զաղէտ վտանգին յայտնեաց տեսողիդ , քանզի խորտակեալ էր . ոչ աչս կողկողադինս արտասուօք ողբոյ՝ բերերարիդ յանդիման կացոյց , քանզի վնասապարս էր . ոչ 'ի պատգամ բանից միջնորդի զողորմածիդ կամս հաճեցոյց , զի անայցելու էր . ոչ հայթայթ մամբ խորտակեալ մարմնոյն արիւնեւանդ ներկուածով ձորձոց զթթածիդ զսիրտ ճմլեցոյց , վասն զի անյոյս էր . նա և ոչ ծնդովքն հաստատութեամբ իրր գարշապարս ոտին վարեցաւ , այն զի անյարիր էր . քանզի կիսամեռն ասել կենդանւոյն սակաւ ինչ նուազ է 'ի մեռելութենէ . Մա նաւանդ զի 'ի քոյոցդ խրատեալ բանից , և բարերարեալ քոյդ ողորմութեամբ , և վնասօք քո լուսազարդեալ , ոչ միայն զի ոչ վերջացաւ 'ի հակառակն քո ընթացից , այլ ստահակեալ ապտամբութիւն թշնամեացն թիւ յաւելլաւ , ընդ նոսին դաշնաւորեցաւ , միաբանեաց ատելեացն քոց :

Գ. Իսկ դու բազմապարգեւ , բարերար , անոխակալ , ամենակեցոյց , ոչ միայն զի ոչ պահեցեր զչարագործին մեղաց յիշատակ , այլ և ոչ բանիւ յանդիմանեցեր . ոչ ոտն հարեր անկելոյն , այլ կարեկցարար մատուցեալ զծայրագոյն ցուցեր զխնամս : Ոչ քահանայապէս ըստ ահարովնեան սկար օրինին՝ զօրաւոր առ մահուն պաշտօն՝ դատապար-

տիչն անիծիւք և բռնալիր քարանցն ձգմամբ 'ի խորտա-
 կումն խոցելոյն արագեալ մատերար . և ոչ որպէս զեւտա-
 կանն կարապետային անկատարագ ործ՝ 'ի յերկուցն միջի
 բաժանեալ խտրոց , հնոյն լրումն և նորոյս սկիզբն , ունայն
 'ի հողւոյ յապաշխարանն հանգիսացեալ զվիրաւորելոյն տե-
 սեր զվտանդ , զի մի սատակիչն օրինակութիւն տապարան
 արմատակտրաւ՝ զմահուն պաշտօն 'ի քեզ նկատեալ , յառաջ
 քան զվործ առակայիցն սատակեսցի . այլ հեթանոսացն
 պահպան անուն ասորեստանեայցն , որք 'ի հրէիցն կալեալ
 զօրէնս ամբողջ պահեցին , զոր նոքա մոռացան , նոցին կցոր-
 դեալ մարմնոյդ վերարկուաւ մերակերպարան խառնութիւն ,
 զազատարարն դժադրեցեր զաւետիս առ օտարազգիսն . և
 աստուածաբարդ ներդործութեամբ անապականաւ ձեռն
 կարկառեալ , յարուցեր զմարդն նախնի մեղուցեալ 'ի մահ
 իւրովքն ծննդովք , Չտրումեցելոյն սիրտ բերկրեցուցեր , և
 զվհատեալն հաստատեցեր , և զթշուառացեալն միանդամ
 կրկին զուարթացուցեր . Աւազանին կենարար օժմամբն և
 բաժակաւն լուսոյ լցեր . հացիդ երկնայնով արարչականդ
 քոյին մարմնով նոր յեղանակեցեր , Վերակացութեամբ եր-
 ջանկացն ազանց ընտրելոց յանձանձեցեր , գրգեցեր և խնա-
 մարկեցեր . Հանդարտընթաց գրաստուն տաժողութեամբ
 անզգուելի պահեցեր , մինչև յարկն լուսոյ ածեր . Ի ձեռն
 երկաքանչիւրոց միջնորդաց՝ նախնեաց և երկրորդաց տու-
 չութեան կտակաց կենդանականաց , մարդասիրապէս դար-
 մանատրեցեր . Եւ որպէս երբեմն ընդ Մովսէսի թեւս տա-
 րածեալ արժւոյն օրինակաւ ընկալար զնա , և 'ի հանգիստն
 հանդարտութե երկրին բարութե առաջնորդեցեր , և զբա-
 նին կերակուր ջամբել հրամանատրեցեր վարդապետութեց .

Դ . Եւ արդ որ զբնաւն ծայրագունիկն բարուէ լուսոյ յամի
 բովանդակապէս հրաչադործեցեր , զօցտողին զգանձ քեզ
 սեպհականեալ զբո ստացուածն առ քեզ դարձուցեր , կեցո
 և զիս մաքրեալ 'ի մեղաց պարտեաց , որ ձրի պարզեւես և
 անպատրաստից . ընդ որոց և ինձ տացես քառութիւն և
 բժշկութիւն , բարեգութ , զօրեղ , անքնին , անեղծ , ահա
 լոր , օրհնեալ միշտ յաւիտենից յաւիտեանս . ամէն .

25

ԲԱՆ ԺԵ՛

ՎԵՐՍՏԻՆ ՅԱԽԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԳ ԸՆԴ ԱՍՏՈՒԾՈՅ

Ա. **Խ**ՍԿ դարձեալ աստուած վերստին առնոյն հեծու-
թիւն սրտիս վտանգի ինձէն մատուցեալ, սովին նուագաւ
'ի նոյն ոճ բանի՝ զամենազարգեւդ արդահատեցից, տաղ-
նապեալ ոգւոյս վտանգիւ 'ի սպառ. իբր մեռեալ կեն-
դանուոյ անմահիդ մաղթեմ աստուծոյ խոստովանեալ ընդ-
փառացդ քո զխմն անարգութիւն, և առ չարեօքս իմովք
զքոյդ բարութիւն. որովք յաղթեալ գտայ քան թէ բը-
ժըչկեալ, և ամաչեցեալ քան թէ համարձակեալ, ուս-
տակորոյս աւանդամուաց:

Բ. **Խ**սկ կրկին առաւին որ առ իս, որ ոչխարին տրուին
տարացուցիւ, որ յետին անզգայութեանն էր մատնեցեալ՝
մոլորեալ, և 'ի լերինս ուր ոչ է այցելութիւն՝ ընդ գազա-
նականացն դիւաց և կռոցն վայրենութեան թափառեալ.
ոչ մերձաւոր գոլ սակաւ մի հօտին, ոչ բան ունէի, որով
և զցաւոցն աղէտ պատմէի, ոչ ձեռն ձողակական, որ հա-
մերցն է աղողական: **Խ**սկ դու միայն գովեալդ յսկզբանցն
յաւիտեանց և յարդի ծնելոցս, գտեալ ըստ մաղթանաց
գոչման երգողին՝ զիս զմեղուցեալս յաննչոյն մոլորութե՛ն,
խնամողորէն տեսչութեամբ կամաց հովիւ կոչեցար. և ոչ
միայն հողացար, այլ և խնդրեցեր. և ոչ գտեր միայն,
հրաչագործ, այլ անճառելիդ բարերարութեամբ սիրոյ 'ի
կենդանարարդ քո յուս բարձեր, և ընդ երկնային զօրուն
գասեցեր 'ի հայրենիդ քո ժառանգութիւն. **Յ**ւ արդ գու-
հօր կենարար օրհնեալ այցելու գթածդ յողորմութեան,
եթէ զնոսա ընկալար զապաբանեալն աղերսանաց, որ
մինն 'ի միջոց մահու սահմանի էր չարչարեցեալ, իսկ միւսն
ըստ անբանիցն անզգայութեան վտարանդի բացամերժու-
թեամբ յանբնական վայրի վաբանեալ, 'ի բառաչ ձայնի

բարբառոյ, որ անկերպաւոր աննշանական, աստուածային բարեխնամութեամբդ տնտեսեցեր զտիեզերահրաշն խնամողութիւն առ կորուսելոյն մեծ թշուառութիւն, յայտնեաց վերատին և արդ զթութեցդ խորք և բարերարութեանցդ հոսանք՝ առ անօրինեալս առաւելութեամբ վերագրելոցդ օրինակութեամբ, առ բազմօրինակ մահու պարտականս, առ որ ՚ի բարութեանց խառնից քաղցրութեանց յատուկ համս չար, առ անդամս մարմնոյ արժանաւորս հատման, առ համաճարակ ամենարդոր ախտացեալ հոգի վիրաւոր, առ հաւասարեալս անզգայութեանց անասնոց, առ օտարացեալս յընտանութենէ իմաստնոց, առ աննմանս հանգունակից բանաւորութեանց . Որ եթէ տարացոյց գոյր, ես ասէի . թէ նմանակից գոյր իմ, պատմէի . թէ հանգունակից գոյր, ես ճառէի . թէ հաւասար գոյր, ես գրէի . թէ զուգագործ գոյր, ցուցանէի . թէ օրինակ գոյր, ես ազդէի . թէ յանցեալան, հայթայթէի . թէ ՚ի ներկայումս աստ, ես յուսայի . Բայց քանզի անցեալ է ըստ օրինակ, և հրաժարեալ ըստ նմանութիւն, զոր միայն քո է քաւել, բժշկել և կենագործել, կենդանարար համայն մեռելոց, նորոգութիւնդ տիեզերաց .

Գ. Ձի եթէ սրբոյն սրտի տեսութեամբ երջանկին Ղաւթայ անօրէնութիւն չարեաց բարձրացեալ ասի քան զգլուխ, և ըստ ծանրութեանց բեռանց դժուարակրելոց յանցմունք մեղաց, իսկ որ առ իս կրկին սխարմունք գերազանցէ քան զհեղեղին ջրակուտակ տիեզերասոյղ ամենասպառ ծովուն յորդութիւն, և գլխոց լեռանց վերագրէ . Այլ շնչեսցէ օգքո քաղցրութեան իբր առ Նոյիւն, և որ զլերինս հալէ զօրութիւն, ցամաքեցուցանել զչիղջս ջրակոյտս բազմակահակ՝ և երկրակործան իմոցս պարտեաց և լեռնակարկառ բարձրութեան մեղացս ամբարձելոց . Եւ համառօտեալ զբան քո հզօր՝ ամենակար հնարաւորութեամբ հակիրճ հատուցմամբ, արասցես ահա ելս քաւութեան, ըստ մարգարէին, առ երկարածիդս անօրէնութիւն . և ներելով իմս յամառութեան, ով երկայնամիտ ողորմած օրհնեալ, թողցես միանգամայն, բարեգործեսցես իսկապէս, հատցես

բողոքովին զանվճարելի պարտուցս զարժանահասոյց տոկոսեացս տոյժս տարժանակիրս : Նա զի և չիք իսկ առ քեզ ցասումն սրտի , և կամ բորբքումն բարկութեան , որպէս ոչ կրին նենգութիւնք և կամ նշմարանք մթութե . քանզի կեանք են 'ի կամաց քոց և լոյս , և ոչ արարեր զմահ և ոչ խնդաս ընդ կորուստ մարդոյ ըստ Գաւթի և Սողոմոնի :

Դ. Եթէ մարդկան կարգեցեր զայս կէտ սահմանի մեծի պայմանի՝ 'ի բարեվիճակդ քո կանոնաց՝ ոչ փոխատրել անդրէն չարի չար , այլ եօթանասնիցս եօթն թողուլ անդուստ 'ի յաւուր զիւրաքանչիւր մեղանաց զպարտս . և այդ բան առ մեզ , որ միշտ 'ի բնութեան ունիմք բնաւորաբար ուղերձեալ զբիծս չարեաց անհամար բիւրուց նորդ յոյսներոց , որք օրինաւորին երեւին յանդաստան սահմանի ամենաբոյս փշածին բնութեանս , ըստ անսուտ քո վկայութեան , որ թէ միտք մարդոյ 'ի խնամս չարի են արձանացեալ 'ի մանկութենէ . Զի որ զկատարեալ մաքրութիւնն ունէր աւետարանիչն կենացդ բանի Յովհաննէս , և զինքն ընդ հասարակաց բնութեան լծակցեալ , հաստատեաց զճշմարտութիւն քո առ իմս ստութիւն յոյժ արդարացեալ . թէ ասեմք , ասէ , մեղս ինչ մեք չունել , սուտ առնեմք զնա : Եւ արդ կատարեալ է բան քո խնկեալ , և 'ի գլուխ ելեալ անպակաս 'ի ստուգութենէ առ իմս մուրութիւն և դժնդակ անիրաւութիւն : Ասան որոյ խնայեա յիս ողորմութեամբ , քաղցրութեան ճաշակաց աղբիւր , միայն օրհնեալդ յամենայն յաւիտենից . ամէն :

ԲԱՆ ԺԶ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՐՈՅ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. Ե՛ի արդ դու միայն աստուած երկնաւոր՝ բարձրեալ , բարեգործ . քո է զօրութիւն , քո ներողութիւն , քո բժշկութիւն , քո առատութիւն , քո են պարգեւք , քո միայ-

նոյ են ձիրք ձրի, քո քառութիւն, քո պաշտպանութիւն, քո հնարք անխմանալիք, քո արուեստք անգտանելիք, քո չափք անչափելիք, դու սկիզբն և դու կատարած. Քանզի ոչ երբէք ստուերացուցանէ զլոյս ողորմութեան քո՝ խաւար սրտամտութեան. վասն զի ոչ ես գրաւեալ ընդ մասամբք ախտից՝ ՚ի վերդ քան զբան, Պատկեր անպարագիր անդր քան զորքանութիւն կշռութեան, անչափ լայնութիւն փառաց, անտարրափակ ընդարձակութիւն հաստու զորութե, անամկոտիելի առաւելութիւն բացարձակութեան, անտկարանալի բարերարութիւն գթութեան, Պու գարձուցանես, ըստ մարգարէին, յայդ զստուերս մահու. որ իջեր կամաւ ՚ի տարտարոսն ներքին արդեւականացն բանտի, յորում և մաղթանացն դուռն էր աղխեալ, և գերեալ անտի զմթերիցն կապուտ վտարանդեւոյն հոգւոց, սուսերբ հրամանի յաղթական բանիդ զկապ սատակման մահուն խզեցեր, և զմեղացն կարծիս ցրուեցեր. Պարձ առ իս՝ որ զընդամ զընդանաւ վճիս տղմասիդ գրոյս յերկաթս մեղաց, վիրաւորեալ խոցմամբ սլաքաց բանասարկուին նետից.

Բ. Այլ դու յամենայնի տէրդ բարերար, լոյսդ ՚ի մէջ խաւարի, օրհնութեանդ գանձ, ողորմած, գթած, մարդասէր, կարող, զօրաւոր, անպատում, անքնին, անճառ, բաւական ըստ սրբոյն Յակոբայ, անհնարիցդ ամենից գիւրապատրաստ հնարաւորութիւն, հուր ծախիչ զխուս մեղաց, ճանճանչ կիզանող ընդհանրական թտփանցանցութեան խորհրդոյ մեծի, յիշեալ իս յողորմութեան քո, օրհնեալ, և մի՛ յիրաւունս քո. ՚ի ներողութեան քո, և մի՛ ՚ի հատուցման, յերկայնմտութեան քան ՚ի հաւաստութե. Եթէ կշռեսցես զմեղանաց իմոց ծանրութիւն, ընդ քաղցրութե քո և մի՛ ընդ արդարութեան. զի առ սակ նախնումն՝ յոյժ է նուազեալ, իսկ ՚ի ներհակ վերջնոյս՝ յաւէտ ծանրակիր.

Գ. Արդ մատիր առ իս, բարութիւն, որպէս յունկանն բժշկութիւն հակառակ քո համբարձելոյն. բարձ ՚ի մեղուցեւոյս զհողմ մահու խառնութեանս, զի հանգիցէ յիս ամենակալ հոգիդ խաղաղութեան. Եւ քեզ փառք յամենայնի, յախտեանս յախտենից. ամէն.

ԲԱՆ ԺԷ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՏՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՍՐՏԻՑ ԽՕՍԳ ԸՆԴ ԱՍՏՈՒԾՈՅ

Ա. Արդ աղաչեմ զինամակաղ վտանգաւորաց տաժաւնելեաց կրից թաղծութեանց հոգւոց վշտացելոց, մի յաւելուր հեծութեանս ցաւ, մի խոցեր զլիրաւորեալս, մի դատապարտեր զպատժեալս, մի տանջեր զչարչարեալս, մի գաններ զհարուածեալս, մի դլորեր զանկեալս, մի կործաներ զգայթագղեալս, մի մերժեր զհեռացեալս, մի տարագրեր զհալածեալս, մի ամաչեցուցաներ զպատկառեալս, մի կշտամբեր զհարթուցեալս, մի խորտակեր զբեկեալս, մի խռովեցուցաներ զամբոխեալս, մի ալէկոծեր զբքացեալս, մի սասանեցուցաներ զդղրդեալս, մի չփոթեր զմրկեալս, մի կեղեքեր զգիշատեալս, մի ջաղջախեր զբեկեալս, մի գօշեր զմորմոքեալս, մի կուրացուցաներ զխաւարեալս, մի զարհուրեցուցաներ զապշեալս, մի խորովեր զխարշատեալս, մի մահացուցաներ զհիւանդս, մի բեռանց ծանրութեան մատներ զտկարս : Մի անուր յաւելուր կարկամեալ թիկանցս, մի կրկնակի ողբումն գառն հեծութեանս, մի ուժգնապէս վարեսցիս առ հողս, մի սաստկապէս առ մոխիրս, մի անաչառապէս առ ստեղծուածս, մի ահարկութեամբ առ փոշիս : Մի ընդհարկանիր խստութեամբ մեծընդ փոքուս, լոյսը ընդ ստորնականիս, բնութեամբ բարիընդ ՚ի բնէ չարիս, ողկոյզդ օրհնութեան ընդ պաղոյս անիծից, քաղցրութիւնդ խկապէս ընդ համայն գառնութեանս, փառաւորեալդ անփոփոխ ընդ ամենեւին անարգիս, կենացդ նշխար ընդ կառոյս զանգուածոյ, տէրդ տերանց ընդ տղմիս երկրայնոյ, աննուաղ լիութիւնդ ընդ չքաւոր սարկիս, անկապուտ ճոխութիւնդ ընդ անպատրաստ պար տառապելոյս, անկարօտ բարութիւնդ ընդ ամենաթշուառ աղքատիս : Քանզի ո՛վ ոք հասեալ յառաւօտ՝ և

ի ծագման լուսոյն խիթայ մթանալ, և կամ ընթերակաց կենաց՝ մահանալ, կամ ազատութեան՝ և պարտաւորիլ, կամ շնորհաց՝ և դատապարտիլ, կամ վրկութեան՝ և մատնիլ, կամ նորոգման՝ և եղծանիլ, կամ օրհնութեան՝ և տարագրիլ, կամ բժշկութեան՝ և վիրաւորիլ, կամ լիութեան՝ և նուաղիլ, կամ յաճախութեան հացի՝ և քաղցնուլ, կամ գետոց հոսանաց՝ և պասքիլ, կամ մայրենի դթոց՝ և նենգիլ, կամ խնամոց աստուածեան աջոյդ՝ և զլուիլ.

Բ. Եւ արդ ընդ ախտացելոյն սաստկապէս մարմնոյն բոբոտութեամբ հողւոյս վտանգաւ և ես պաղատիմ, տէր եթէ կամիս, կարող ես զիս սրբել, ընդ աչացուացն նեղելոց մշտագիշերն խարխափանօք՝ մեծակական ձայնիւ հառաչեմ. ոչ որդի անուանեմ Պաւթի, այլ ծնունդ էիդ աստուծոյ դաւանեմ. ոչ միայն ռարբի կոչեմ, որ վարդապետացն է պատիւ կարծողական զիսկն գիտելոյ, այլ տէր երկնի և երկրի հաւատամ, Ոչ ձեռինդ միայն ձգմամբ հպաւորութեան, ոյ բարեգութ աստուած մերձաւոր, այլ ՚ի բացեայ գոլով միջոցաւ մեծաւ ակն ունիմ զօրել քո բանիդ առ իմ բժշկութիւն. Ոչ թէ ինչ խորոց կասկածանաց միջոցի բանի, որ երկմտութեանն կարծի նշանակ, ՚ի մէջ արկանեմ կամելոյն և ողորմութեանն, այլ կամիս որպէս բարեգութ, և կարես որպէս զարարիչ. ասա բանիդ, և բժշկեցայց, ընդ հարիւրապետին հաւատոց և ես լծակցեմ. ոչ մինչ անձուկ միայն բացակայութեամբ հեռի լինելով խորան ՚ի խորանէ հաւատամ ազդել քոյ կարողութեանդ առ յարութիւն և բժշկութիւն, այլ ՚ի վերինն երկնի բազմելով և ՚ի ստորինս երկրի բովանդակ, առ հրաշիցն սքանչելութիւն ոչ ունիմ հատուցանել.

Գ. Շնորհեա ինձ, որպէս գատակնիք բանին քո վճռեաց առ պոռնկին ընդ ունելութիւն, հնգից հարիւրոց գենարաց պարտուց շնորհաբաշխութիւն՝ աստուած բարութեանց և տէր երանութեանց, որ յաճախն ընձեռել՝ բազումն փառաւորիս, և ՚ի շատն մատուցանել՝ նոյին չափ սիրիս, և յառաւելն ողորմել՝ կրկին բարգաւաճիս, և յայսքան բարին իբաւամբք գովիս, և ամենայնի տէր գոլով հաւատա-

ըորդ ճանաչիս, և որ զբոլորն ունիս՝ ընդ մերումս կշռիս, և անճառելեալդ ձրիւ մերայնովքս վճարիս, և ընդ երկբաւորիս զանվախճանն սարս վարկանիս, և մեծագրեալքս զմերն՝ վեհս գոհաբանիս, և ՚ի սակաւուն տուչութիւն դոյզն փառաւորիլ ոչ ամբարտաւանիս. Արա և ինձ զնոյն գթութիւն ունողիս զգործս անհամար սարտուց. զի և ՚ի ճառս երախտեաց քումիդ սարգեւաց՝ նորին իսկ սակով սիրելն կարգեսցի. և քեզ փառք յամենայնի. ամէն.

ԲԱՆ ԺԸ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՄ ՄԱՂԹԱՆԱՅ ԲԱՆԻ

Ի ԽՈՐՈՅ ՄՐՏԻՑ ԽՕՄՔ ԸՆԴ ԱՍՏՈՒԾՈՅ

Ա. ԱՐԻ ես ծնունդս մեղաց, որդիս մահացու երկանց, արդարեւ անսահման բիւրուց քանքարաց տուժից գոչ հատուցանող ՚ի միումաւուր: Այլ ոչ թէ առ փոքրկութիւն մարդկային մտաց հայցեմ՝ ներութիւն, այլ առ աննուագ լիութիւն փրկչիդ Յիսուսի Քրիստոսի պաղատիմ մարդասիրութիւն. որ չէի երբեմն՝ և ստեղծեր, չմաղթեցի՝ և դու արարեր, չև ևս՝ եկեալ ՚ի լոյս՝ և տեսեր, ոչ յայտնեցեալ իմ՝ և գթացար, ոչ կարդացեալ՝ և խնամարկեցեր, ոչ համբարձեալ ձեռն՝ և նայեցար, ոչ պաղատեալ՝ և ոչ զորմեցար, ոչ կերպացեալ ձայնիս՝ և լուար, ոչ հեծեծեալ՝ և ունկնդրեցեր, գիտելով զարդեան դիպուածոյս՝ և չանտեսեցեր, նախահայեացդ աչօք նկատեալ զպատժապարտիս չարագործութիւն՝ և յօրինեցեր: Եւ արդ զքո արարեալս և զքեւ փրկեալս և զայսքանեաց խնամոց յանձանձեալս մի իսպառ կորուսցէ մեղացն հարուած դիւտք բանսարկուին, մի յաղթեսցէ յամառութեա իմոյ մառախուղ ներողութեանքո լուսոյ, մի սրտիս կարծրութիւն՝ երկայնամիտ բարութեանդ, մի մահացու մտեղիս՝ ամենակատարդ լրութեան, մի՛ տկարութիւնս նիւթոյ՝ անպարտելիդ բարձրութեան:

Բ. Ահա կարկառեմ զկարկամեալ բազուկս հոգւոյս յանուն քո, հզօր, արասցես ողջ իբրեւ զառաջինն մինչ ՚ի գրախտին փափկութեան զպտուղն կենաց կէտէի. Արշականդեալ գօսացեալ ՚ի կոր կործանմամբ ընդ կնոջն տագնապելոյ՝ կայ անուղղելի հոգւոյս թշուառութիւն, ընդ երկիր պշուցեալ մեղացն կքմամբ՝ սատանայական բուռն կապանօք, զի մի՛ զերկրայնոյդ ընկալցի զողջոյն. խոնարհեաց առ իս, միայն ողորմած, զի բարձրացուցես զփայտս խոնարհ բանաւոր անկեալ, և զչորացեալս ծաղկեցուցես ՚ի բարի կրօնս վայելչութեան, բստ պստուածարանութեան սուրբ մարգարէին. Որպէս զի ծնէ կոյրն անլուսաւոր՝ չունիմ անսարան, որով զսեղծչիդ նկատեալ զկերպ մեղթեցից, հզօր բարեգութ, միայն դու պաշտպան ակնարկեալ խնամովք անձառ քոյ սիրոյ՝ ՚ի շնչական խօսուն քո անօթս, յանէից գոյաւորութիւն լուսոյ հաստեցես, ընդ երկստասանամեայ չարեօք չարչարեալ վշտադին կնոջն տանջեցելոյ՝ գեատվք մեղանաց արեան հեղեղիմ. հայեաց ՚ի բարձանց անմատոյց լուսովդ պարածածկեալ, ուր ոչ է քղանցք ձեռաստեղծական վերարկուի ձորձոյ, այլ տարածումն հրաշից ամենայն ուրեք զօրացեալ. Ոչ օծութեամբ իւզով՝ պատժանպարտս ընդ մեղաւորին մատուցեալ առ կենդանաձիր ոտից գարչասպարդ՝ զկաթիլս աչացս վարսիւք հերացս ընծայեցուցանեմ, այլ զամբիծ հաւատս ամբարձմամբ բազկացս առոյդ դաւանմամբ հոգւոյս ողջունիւ չբթթանց կափուցմամբ զերկիր համբուրեմ, խառնեալ հեծութիւն աղբերցս արտասուաց՝ բժշկութիւն հոգւոյս աղբուսեմ. Աստնեալ մեղանօք հոգւոյս գոյութիւն լուծեալ մեղկութեամբ, և յերկուց կայից միայնակողմամբ անհատատ հետովք, զընթացից դորժին՝ նահանջմամբ չարին՝ զհետեւականն բարձողութիւն շինուածոյ մարմնոյս՝ առ ելս ծառոյն կենսաութիւ պողոյն խափանեցելոյ, պատսպարեցես անդրէն վերստին, միայն հնարաւորդ առ ՚ի փրկութիւն. Զփառաբանարան հաստուածոյ կերպիս ՚ի քէն եղելոյ՝ ամբափակ խցմամբ համբացոյց արգել հոգմ բանաարկուին. հոգիդ քո աղդեալ մեծդ ողորմութեամբ, բստ

յաւեառարանին բժշկեցելոյ, հրաշափառապէս բարեգործեացես բանդ կենդանի՝ ինձ խօսողութիւն անսայթաքելի։ Անկեալ կամ չարեօք 'ի մահիճս ակտից ընկողնոց մեղաց՝ գի կենդանի և խօսուն մեռեալ, կարեկցեալ խնամս թըշուառութեան՝ ողբականօք քրուանաց ձայնից, ով բարերար որդի աստուծոյ, օրհնարանեալ աչացոց ցօղով վերականգնեացես 'ի կենդանութիւն, իբր զսիրելին 'ի յանշնական մեռելութենէ։ Ստոյգ դառնացողս 'ի գրի մեղաց կամ տարակուսեալ, ձեռն մատուցեալ՝ արեւ անստուեր որդի բարձրելոյ, հանցես զիս 'ի լոյս քումդ նշուլից։ Ընդ աղիւ ողորմ թշուառութեան կականման ձայնի այրւոյն 'ի Նային մօր միամօրին, տատանմամբ մատանցն, կոծմամբ կրծիցն, հոսմամբ արտասուացն, տուայտանօք տխրութեան գիմացն, և ես պաղատիմ վերջին հեծութեամբս, տուր յուսահատելոյս զքաջալերութիւն մխիթարութեան գթած քո բանիդ, ասելով և ինձ գովեալդ բարի ստեղծիչ աշխարհի, թէ մի՛ լար գերի բազմաց ողբալի։ սրով ընդ պատանւոյն կենդանացելոյ 'ի վշտացելոյ ծնողին սխտիանս՝ զամենապարտ ոգիս ընկալաց 'ի քէն ընդ նմին կրկին նորոգեալ։ Ընդ այսակիր անզգայելոցն գիւալլուկ և քարակոշկոճ հեղձամիճուկ եղկելի անձանցն, քստմնելի գիտախուի հերացն, վայրեններես բանդազուշելոցն, 'ի քէն ողորմեալ փրկիչ բուրբից, իբրև զնոսին առ քեզ գիմեցից։ հերքեալ մերժեցես զգունդս չարացն ապականողաց 'ի քո խորանէս, զի ժամանեալ հողիդ քո բարի այսրէն հանգիցէ, լցեալ զմարմինս մաքրութեամբ շնչոյս՝ զգեցմամբ անդամոցս, զգաստ արասցես զխելագարեալս ամենաթշուառ։ Ընդ գերեցեալ գժոխարնակաց վտարանդելոցն հօգւոց արգելեալ կամ 'ի վտանգի։ զճառագայթ ողորմութե փառաց քոց ծաղեալ՝ լոյսդ իմ անձկութեան, 'ի կապանաց օցաողին զերժեալ զիս ապրեցուցես։ Քաղանորոգայթ աներևութեակ վրիպակ արահետ գարշութի՛ մեղացս ջրգողեցեալ ոգւոյս կերպարան կայ 'ի տաղնապի, զժածկեցեալն 'ի անսողուեց զչարագործին թիւնիցն այտուցմունս, քո ինքնաւորդ զօրեղութեամբ որդի աստուծոյ, գթածարար առողջացուս։

ցես . Չբաղմազան տարազս ցեղիցն զանազանից ախտաւորութեանց մահացու ցանողաց խրականօք կորստեան բերիւք , դժնդակարմատն շառաւելօք հաստատեցելովք 'ի յանդաստանի անօրէն մարմնոյս , տարակորզեսցես 'ի ձեռն ձեռինդ ամենակալի , որ արօրադրեալ միշտ՝ և մշակես ըզսահմանս հողւոց առ բանիդ կենաց արդիւնատրութիւն .

Գ. Եւ քանզի անցաւ ըստ նմանութիւն օրինակութեանց յանցուածոցս վէր , ըստ ճարակողն քաղցկեղի , առ բնաւանդամս մասնաւորեալ զախտին տարածումն , չիք սպեղանի իբր Խորայէլի առ անշափութիւն խարանայն մատուցանել . 'ի խարսխաց բարձիցս մինչեւ ցափն կառուցման լրութեան անդամոցս չէ առողջութիւն , այլ ամենեւին անբժշկութիւն . Իսկ դու՝ ողորմած բարերար օրհնեալ և երկայնամիտ թագաւոր անմահ , լուր պաղատանացս արգահատութե սրտիս վտանգի , որ կարգամս առ քեզ տէր 'ի նեղութեանս .

ԲԱՆ ԺԹ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԲ ԸՆԴ ԱՍՏՈՒԾՈՅ

Ա. ՄԱՅԵԱՅ ամենահայեաց տեսութիւն կենաց բարութեան յուսոյ 'ի մեծարարբառ աղաղակ ցաւազնեալ անձինս հեծեծանաց . Անհաս մեծութիւն , անուն ահաւոր , բարբառ կենդանի , լուր ցանկալի , ճաշակ ախորժելի , կռչումս պաշտելի , բարութիւն խոստովանելի , ազգումն խընկելի , իսկութիւն դաւանելի , էութիւն փառատրելի , գոյութիւն օրհնաբանելի , տէր Յիսուս ընդ հօր քում գովեալ և երկրպագեալ , և ընդ հողւոյդ սրբոյ բարձրացեալ և վերաձայնեալ , որ միայն մարմնացար վասն մեր ըստ մեզ , զի արասցես զմեզ վասն քոյ ըստ քեզ , լոյս ամենայնի , յամենայնի ողորմած , հզօր , երկնային , և այժմ զլուծեալ և զխորտակեալ հողանիւթ անօթս՝ աստուածօրէն հրաշա-

կերտութեամբ, աղաչեմ գթած, նորոգ հաստատեա .
Չքոյին պատկերս մեղօք հնացեալ՝ ՚ի քրայս հարցաց
 կայծակամբ բանիդ, պաղատիմ առ քեզ, վերստին ձուլեա .
Չխախտեալ շինուածս քումդ հանգստեան խորանի մարմ-
 նոյս՝ պահպանաւ հողւոյս, մաղթեմ բարերար, ՚ի բնա-
 կութիւն քեզ մաքրագործեա .
Մի հատուցաներ չարեացն
 իմ գործոց զնոյն փոխատրութիւն .
Արբեալ եմ ըստ մար-
 գարէին բանի՝ և ոչ ՚ի դինուոյ . թափեա զմրուրս անօրէ-
 նութեան թմբշութեան մահու բաժակի՝ ազատարար հրա-
 մանաւդ ամենակեցոյց, զի մի՛ զքոյդ քամեցից ՚ի վերջին
 աւուր յեանում հատուցմանն .

Բ. **Ա**րդար ես յիրաւունս քո, և յաղթող ՚ի դատաս-
 տանի . եթէ մահու մասնես, ճշմարիտ են գործք քո . ե-
 թէ դատասպարտես՝ աստուստ սկսեալ զտանջողականն
 կշտամբութիւն, ստոյգ են հատուցմունք քո . եթէ յան-
 դունդս խորոց սուղեացես, թէ զկենդանութիւն շարժ-
 մանս բարձցես, թէ զբանիս զօրութիւն ունայնացուցես,
 թէ զաչացս պատուհանս ստուերացուցես, թէ զկենացն
 ճաշակ ՚ի քեզ ինքն ամփոփեացես, թէ զհասարակաց կե-
 բակրոյս դարմանս բարձցես, թէ զաւուրցս հարստու-
 թիւն համառօտեացես, թէ ընդ իջման քաղցրութեան
 ցօղոյ՝ և հուր տեղացես, թէ ՚ի լրութենէ բանի քոյ սո-
 վեցուցես, թէ զականջացս դրունս խցցես, թէ զշնորհիդ
 ձիր կտրեացես, թէ զգետին յատակի ոտիցս սասանեցուս-
 ցես, թէ յանձկալի երեսաց լուսոյդ քոյ հանցես, թէ ՚ի
 համօրէն աշխարհէ աստի հերքեացես, թէ փայլատակմամբք
 հրոյ պակուցես, թէ անբժշկական ցաւօք դատեացես,
 թէ դիւաց չարաց մատնեացես, թէ գազանաց ժանեօք
 մանրեացես, թէ հողմով ցասման հոսեացես, և թէ այլ
 ինչ նորոգ արարած տանջանարանաց կազմեացես՝ չար քան
 զտարտարոսն և սաստիկ քան զգեհնն, թունաւորագոյն
 քան զորդունսն, տարակուսելի քան զխաւարն, երկիւղա-
 դին քան զխորխորանս, ողբմելի քան զմերկութիւնն,
 վկայեմ անձամբ անձին՝ յոյժ պարտապան գող սոցա .

Գ. **Ե**ւ քանզի յաւէտ տպաւորագոյն են նմանութիւնք

փոխատրութեանցն առ ազգակցութիւն մեղանացս՝ իբր պատկերակիցք միատեսակք զուգաշաւիղք՝ նշանակիչք այսր խորհրդոյ, արդ կարեւոր է խոստովանել և յանդիմանել զերեսացն ծածկոյթս առ ծանօթութիւն խնդրողին, **Արպէս՝** զի ոչ ջերմն սիրով առ ընկերին կարիս մատուցայ, յերաւի ՚ի նախնումն վտանգին տագնապեալ սառնում, **Եւ** զի ոչ զցանկականն խրոխտականութիւն սանձեցի, յարժանի կրեմ՝ եղիկիս զանդովանալի զկիզումն, **Եւ** քանզի ոչ սիրեցի զլուսոյդ աւետիս, արդար հատուցմամբ ՚ի մըթութիւն ըմբռնողական միգին կորստեան վրիպեալ զանդաշեմ, **Եւ** զի ոչ խտրեցի զմանունս փոքունցն յանցանաց, իբր անյիաստակարք վարկանելով, պատկանապէս, ՚ի խաժանողականացն զազիրն զեռնոց խթեալ խոցաւիմ, **Եւ** զի ոչ ձեռն կարկառի առ կիրս վտանգաւորին՝ այց առնել նմին, ՚ի դէպ իսկ ըստ գծադրութեան այսր օրինակի ապականութեանն գրոյ նուիրեալ մատնիմ,

Դ. **Եւ** արդ՝ ոչ յատուածուստ ամենաբարի զանձուցդ չարիս, և ոչ ՚ի լուսոյդ նշուղից խաւար, և ոչ յապաւիտութենէդ գայթակղութիւն, այլ ես ինձէն կորստեան որդիս դտի զայտոսիկ, մեղանք անօրէնութեան խնոյ զանձեցին նիւթեցին զայսքանեաց բարկութեան մթերս. հոգւոյ իշխանին մնորութեան հնազանդեալ, թողի զտեղի քո նորա, ըստ գրոյն խրատու յանդիմանութեան, **Եւ** քանզի յայտնեցաւ յետուստ գաղանեաց առականաց մարմնոյս անդամոց, և արկաւ զերեսօք կերպիս անվայելուչ ստուեր ամօթոյս, ըստ մարդարէին առակի, ազեղս ցուցեալ զիս ամենեւին իբր մերկացեալ խայտառակեցելոյ պունկի. ծագեա յիս զլոյս քառութեան՝ արքայ երկնաւոր. զի թօթափեալ զմեղաց փոշիս, ըստ աւետեաց ձայնին դարձելոցն ՚ի Բարեւոյնէ, նստայց վերստին կանգնեալ ՚ի հողոյ, և ՚ի հաստատութիւն յուսոյդ հիմնացեալ անասանելի, ըստ եսայեան բանին, զգեցեալ զզօրութիւն բազկի կարութեան նախնում մաքրութեանն, վասն մեծութեան փառաց քաղցրութեան ամենապարզ եւ քոյ աստուածութեանդ. օրհնեալ յախտեանս. ամէն.

ԲԱՆ Ի

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՆՐՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. Տէր տէր անոխակալ և երկայնամիտ, ներող, բարեգութ, հզօր, ողորմած. ահա ճշմարտութեամբ են գործքքո, և խոստովանեալ դատաստանքքո. վկայեալ են ընտրութիւնքքո՝ տեսող ծածկութից. Ընդ երկց երջանկաց մանկանցն՝ որք կիզանողական բոցովն փորձեցան և ոչ վընասեցան՝ ՚ի Բարեշովնի, զնոցա թախժութեան զերդն հառաչեմ, մեղայ, անօրինեցայ, յանցեայ, ապատամբեցայ, և պատուիրանաց քոց ոչ անսացի։ Եւ քանզի մաքուր դուրով ՚ի վնասուց նոքա, և զայս խոստովանութիւն գոչէին, իսկ ես ընդ նոցայն՝ նովին աղերսիւ ձայնակցեալ ամին ողբոց երգութեան, և այլ յաւելից՝ ամենապարտս մահու։ Ընդ Ղանիէլի երանեալ և սուրբ մեծ մարգարէի, որ ՚ի քում հարազատութեան աղղականութենէ տանն Յուդայի՝ շառաւիղ ընտրեալ, զնորայն առեալ ընդունական և նուիրական բանից պաղատանս, իմովս պատժականութեան գոչմամբ հեծութեանս և այլ կրկնեցից։ Ի մէջ գիտութեանս՝ անպատշաճականս գնացի, զարտուղի սխալեալ դժնդակապէս. այս է ամենայնիւ ամենայն իրօք մեղանչելն, Ըստ սահման կշռութեան կամաց քոց արտաքս վաղեցի. որ է հաւաստի կերպարան բասիր անօրէնութեան. Անգիտիցն չափոց չարութեան գործոց լրումն յաճախութե նիւթեցի. որ է ճշգրիտ պատկեր յանցաւորութեան. Սպառնացար, և ոչ զարհուրեցայ. արդահատեցեր, և ոչ երբէք լուայ. որ է ապատամբութեան յայտնի նշանակ. Քեզ արդարութիւն հանդերձեցեր, բարերար, և ինձ ամօթ և պատկառանս պատրաստեցեր. քեզ փառս վայելչականս, և ինձ նախատինս յարմարաւորս. քեզ քաղցրութեան յիշատակ, և ինձ մաղձ քացախեալ ՚ի կատարածի. քեզ բարերանու

Թիւն անլուելի , և ինձ ձայնս ողբոց աղաղակի . քեզ օրհնու թիւնս երգոց խնկելի , և ինձ մերժումն տարագրութեանցուսալի քեզ իրաւունս բաղմարժանիս , և ինձ պատասխանատուութիւնս ամենավարանս . քեզ բարձրութիւնս անճառ գովեստից , և ինձ զաճիւն լիղերց պատիժ ձաղանաց .

Բ. Եւ արդ ընկալար դու բարեաց ընտրութեանց անկըշիռ սահման՝ զբոյցոցդ ախորժականաց խնդրկաց պողոց վերառեալ ըստ քեզ , և ես զխնցս աստէն առ ամին պարսաւանս յոգունս կրկնակի բարդեալ ինձ ըստ իս . Իսկ եթէ անարատիցն մաղթանաց այս էր յանձնառութիւն , իսկ ինձ զորս հիւսեցից շարս և տողս բանից դսրովականաց , որ քան զամենայն դժնեայս յաւէտ վրիպեցայ . Մոլորեցայ անառակ ընթացիւք 'ի միտս վայրենիս . յանդգնեցայ չբրթամբք խօսից 'ի բանս երկրաւորս . զակատեցայ անկասելի 'ի պատկառելեացն դործոց . Փբացայ , վերացայ , որ յետ սակաւ մի ժամանակի 'ի հող մահու եմ իջաներց . գողողացայ , բարձրացայ , որ և ոչ զգրաւական հոգւոյս աուրելառութեան շնչոյս ունիմ 'ի ձեռին . Ամբարտաւանեցայ փոշիս շնչաւոր , ամպարհաւածեցայ կաւս ձայնաւոր , հպարտացայ հողս անարգութեան , 'ի վեր ամբարձայ մոխիրս մերժելի , բազուկ կառուցի բաժակս մանրելի . Տարածեցայ առաւել իբր վեհ , և դարձեալ իբր զհերքեալ առ իս ինքն ամփոփեցայ . Բարկութեանն բոցով ցոլացայ տիղմն բանաւոր , իբր զանմեռ ոք մեծամտեցի , որ ընդքառոտանեաց մահու եմ փակեալ . Գիրկս արկի կենցաղոյս սիրոյ , և 'ի քեզ թիկունս փոխանակ զխմաց դարձուցի . 'ի թռչս մտաց ընդ խաւար խորհրդոց սլացայ . զանաբատ հոգիս մարմնոյս փափկութեամբ յաւէտ վտտեցի . ըզգորութիւն աջական կողմանս տկար արարի , ահեկանացս կայից ուժգնութիւն տալով յաղթեցի . Զքեզ իսկ տեսի հոգացեալ վասն իմ , զոր չէ աստ գրելի , և ոչ պատկառեցի . իբրև զհաւ վայրենի սրացայ , ըստ ովսէեան բանին առ Եփրեմ , 'ի նախնին իմ սովորութիւն . Յաղթարանն վայրի ընդ պատաղմունս այսր կենցաղոյս չբջանակեցայ . ոչ կացուցի յոտին զերկվար մտացս երասանաւ բանին . Ընդ

Հին չարութեանցն նորոգ ինքնասակեղծութիւնս գտի . աշ
նուրս ըստ Յորայ ծանունս և անտանելիս ինձէն ինձ
աստուկացուցի . առիգած՝ անկարկատելի , ըստ Երեմիայի ,
զանձն իմ՝ արարի . իբր զվիժած անգրելի կոչման , ըստ
առակարկուին , 'ի մարդկանէ համարոյ եղծայ . իբր զճան-
դերձս ինչ ասպարահից , ըստ եսայեան բանին , զաղբացայ .
որպէս զթրծեալ աման խեցեղէն փշրեցայ անարժարծելի .
ըստ բամբասանացն Եդոմայ 'ի մարգարէէն զչորրորդ չափն
անօրէնութեան սատակման ինձ պատրաստեցի . Եւ զինչ
ստուծիւն առ այս՝ և զայս յաւելուլ ընդ այս . քանզի ըզ-
վրանն իսկ դիւանուէր Մողոքայ առի ինձ այսրէն՝ առ-
դժոխոցն ժառանգութիւն , լքեալ զերկնայինն յեղանակա-
լիմն օրինակի նմանակիր ձեւակերպութեան , որպէս առակ
պատկերի աստեղն Ռեփանայ բարեւականի՝ յարայէլէ
պատուեցեալ ցուցաւ 'ի Սինայ .

Գ. Իսկ արդ զի 'ի նախնի շնորհին համարձակութենէ
դարձեալ փոխեցայ , զրկեցայ , ելայ , հեռացայ , բաժա-
նեցայ և անպատուաստելի կտրեցայ , արդ ընկալ զիս տէր
վերստին կերպարանեալ 'ի պատկեր հոգւոյ , զանարժանս
կենաց իբր զմահապարտ , իբր զչարագործ , իբր զպատ-
կառեալ , իբր զկոխան եղեալ բանասարկուին , որպէս զան-
բրժշկելի մանրեցեալ , որպէս զհասեալ յատակս մահու ,
որպէս զգարչեցեալ , որպէս զխոտան գտեալ քո կոչմանդ ,
որպէս միանդամայն 'ի կորուստ վարեալ , որպէս դեզերեալ ,
որպէս վանեցեալ , որպէս տարակուսեալ , որպէս թշուա-
ռացեալ , որպէս վհատեալ , որպէս կործանեալ , որպէս
խորտակեալ , որպէս բեկեալ , որպէս զթախձեալ , որպէս յո-
գի տրտմեցեալ , որպէս թշնամանեալ . Իսկ դարձեալ ակ-
նարկելով քո՝ գթած , մարդասէր , հզօր , 'ի յաղերս բա-
նիս՝ որպէս զզնացեալ , որպէս խոստովանեալ , որպէս 'ի
յոտս քո դիմեցեալ , որպէս զապաշխարեալ . Ար կչուես ,
դրես և մեծ համարիս զհառաչ հոգւոյ և զաղբումն շնչոց
հեծութեան , զկակիժ շրթանց , զպասքել լեզուի և զտխրա-
կանութիւն երեսաց , զկամս խորհրդոց և զյօժարութիւն
խորութեան սրտից . Ար փրկութիւնդ ես անձանց , և տեսող

ոչ դորձեցելոց, և ստեղծիչ բոլորից, և բժիշկ վիրաց անե-
րեւութից, պաշտպան յուսացելոց, և բարեխնամող տէր
ամենեցուն, Եւքեզ փառք յամենայնի, յաւիտեանս, ամէն.

Բ Ա Ն Ի Ա .

ՎԵՐՍՏԻՆ ՅԱՒԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՄԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. Ե՛ւքանդի ես ինձէն անձամբ խնով ինքնագրաւ 'ի
մահ՝ ոչ կացի երբէք 'ի յոտս մարդոց, և ոչ սիրաւ բանա-
կանի ստացայ, ըստ գրոյն, և քանդի ոչ փափոխեցայ 'ի
նախակարգելոցդ, և ոչ ընդ բարուք ուղին ընթացայ,
ընդէր ոչ զխտորնական հետոցն խաւարայնոց զդէմս ցու-
ցից 'ի սահման կարգի այսր ընթերցուածոց. Առ որս ամեալ
յարմարեալ առ սոյն զկերպարան տեսակի բանիդ երե-
սաց, ըստ վերագոյնդ նշանակելոյ անփոխադրելի պահե-
լով, խոստովանեցայց վերստին դարձեալ աստանօր զմնաց-
եալ չարութեանցն զբիծս, զոր յաջորդաւդ է իմանալի.

Բ. Օտար ժանտագործս արժանապատիծս՝ անեցուն ա-
բարի գնացիւք անաստութեան զգունդն Բելիարայ.
Կաքաւս կայթից և ցոյցս վազից խաղալկացն դիւաց դար-
չելեաց ճարտար խարողաց ծուլութեամբս խնով շնորհեցի.
Պանս դաղտնիս և խոցուածս անյայտս 'ի կործանեցելոցն
դահճաց ընկալայ. Ոչ հերքեցի զվանեայնս խաչուն Քրիս-
տոսի, քան թէ անդրէն առաւել կրկին խոկ զօրացուցի.
Վասն իմոյ հիքոյս անօրէնութեան անունդ Յիսուսի հայ-
հոյի 'ի մէջ պսականաց, որպէս վասն Խարայելի 'ի մէջ հե-
թանոսաց. Հարուածս հարուածոց մնասակարս ազակա-
նութեանց ժանդոյ և թրթրոյ և այլոց կերչաց վատնողաց
զժաղիկ հոգւոյս, ըստ սրբոյն Յովելեաց հրաշական ողբոցն,
որ 'ի ցոյցս երկրի վասն Խարայելի՝ յառակս հինից և չա-
րաց հոգւոց, յիս ինքն տնկեցի. ստեղծանել զնոսա պատ-

բաստեցայ, քան թէ սատակել: Քիւրս կուտեալ հաւաքեցի անձին իմում մարտիկս մահաղէնս . կշտամբիչս ինձ գոյացուցի անիրաւս և անպատկառելիս . ներհակս ինձ զօրացուցի ապառու մս և անկուռելիս . դառինս ինձ առի մասունս ընդ քաղցրաւենեացն ճաշակաց , սո ստացողն միշտ նենդաւորս . և առ բանսարկուն յաւէտ հաւատարիմս :

Աւաղ աղէտիս , վիշտ վտանդիս , խաւար ամօթոյս , մութ պատկառանացս . զիտ՞րդ և առ բանիս յանդիմանութիւն համարձակեցայց . մեծ է ձայնս գութի , և անբերելի բոզոքս աղաղակի . Քանզի թէ զհոգիս էր զիմ տեսանել , տգեղս և նուաղս և ամենեւին ներգեւեալս , յաւովք հեծութեա ՚ի վերջինս վարեալ վարանումս , և միճոտեալ աղտեղեալ դունով զազրութեան իբր զպաշտօնատար մեհենի . վասն զի նոյն է սպաս տանել ձուլեալ պատկերի , և մեղաց ախտի :

Արդ ես գնացի ընդ այս ճանապարհ կորստեան հետոց խաւարի . ետու զբաժինն քո ցանկալի յանապատ անկօիս , ըստ մարգարէին որ առ քահանայսն Խորայելի ամբաստանութեան .

Գ. **Ե**ւ զիտ՞րդ ասացից անձին իմում մարդ՝ գրեալս ընդ անմարդիս , և իբր անուանեցայց բանական՝ անբանիցն յիմարութեան կցորդեալ , և ո՞րպէս կոչեցայց տեսանողական՝ մթացուցեալ զլոյսս որ յիս . և ընդէր համբաւեցայց զգայական՝ զիմաստիցս դրունս փակեալ . կամ որո՞վք ցուցայց տպաւորութիւն նկարագրութեան անեղծին շնորհի՛ անձամբ ինձէն յոգի մահացեալ . նա և ոչ շարժողական և կամ շնչական ունիմ՝ անուանել , թող թէ հոգեկան կամ մտաց ընդունական . անպիտանս ՚ի թիւս անօթոց , անարդս ՚ի քարինս որմոց , արհամարհեալս ՚ի կարգս կոչեցելոց , վատթարս ՚ի յաղգս հրաւիրելոց , արհաւրօք մահու պակուցեալս , անխրախուսելի ՚ի բողբոջունց՝ ցաւովք և տանջանօքն **Ե**րուսաղէմի ըստ **Ե**րեմիայի բանին խրատեցեալ , պակասեալ աւուրցս ՚ի հեծութենէ , և ընթացք ամացս ՚ի հառաչմանէ , ըստ նուազարանաց երգողին . **Ի**բր ասուի ՚ի ցեցոյ և վայտ ՚ի յորդանէ , ըստ իմաստնոյն բանի , ՚ի խիթմանէ սրտիս հալեցայ . իբր զօստայն սարդից մաշեցայ , ըստ

սաղմոսողին, և խոտան գտայ. իբր զամպ առաւօտեայ և զցօղ վաղորդայնի, ըստ մարդարէութեանն ձայնի, սպառեցայ. **Այլ** ոչ 'ի մարդ ոք ունիմ զյոյս, եթէ անիծեալ 'ի տեսանողէն անյուսադրելի վհատիմ, այլ 'ի քեզ տէր իմ ոգեատէր, որ ընկղմեալ 'ի քոյդ գթութեանց բարեայ անբաւից, և 'ի բեւեռելոյն ժամու 'ի խաչին մաղթեցեր մեծողորմութեան առ հայր քո բարձրեալ՝ քո շարչարողացն. **Արդ** շնորհեա ինձ յոյս քաւութեան, կեանք և ապաւէն, և 'ի տուր շնչոյս թշուառի՝ առից զողիդ քո բարի. **Եւ** քեզ ընդ հօր հոգւովդ սրբով՝ զօրութիւն, յաղթութիւն, մեծութիւն և փառք յաւիտեանս. ամէն.

ԲԱՆ ԻԲ.

ՎԵՐՍՄԻՆ ՏԱԻՆԷԼՈՒԱԾ ԿՐԿԻՆ ՀԵՏՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՐՈՅ ՄՐՏԻՅ ԽՅՄԳ ԸՆԴ ԱՍՏՈՒԾՈՅ

Ա. **Դ**ԱՐՁԵԱԼ, այլարանեցից 'ի նոյն շարունակ բարդեալ զկշտամբանացս եղանակ գորովեալ անձինս, ածեալ մատուցեալ կրկին կացուցեալ նովին սլատկերաւ 'ի նոյն պայմանի. թերեւս գրեցցէ ինձ ամենազէտն զայս յանդիմանութի գատակնիք կսկծեցուցանողականս բանի ճշմարիտ խոստովանութիւն համայնից գործոց գաղտնութեց շարեաց.

Բ. **Այլ** ոմն ձիս խօսնական կարծրերախ սանձակոտոր արձակերասան, յովանակս անհամբոյր վայրենական և անկրթական, երինջս առողական անուղղական և անվարժական. **Մ**արդս մելեղնական տարագրական և կորստական, մանուկս մեղանչական անխրատական և վարատական, տնտեսս մահապարտական տարտամական և անգործական, բանականս անասնական գաղանական և անմաքրական. **Չ**իթենիս ամայական անպտղական և կործանական, մարմինս հոգւոյս իմ թախծողական գատողական և տանջողական, խոցեալս անբժշկական անխնամական և անկանդնական.

Ոսկի շարս կայսերական՝ արդվատնական և անգտական ,
 ծառայս սխալական փախստական և թշուառական :

Գ. Ահա ես ինքն ինձէն կամաւորապէս անձնամատն և
 մարմնակործան, հոգեկորոյս և միշտ մտախաբ, կամակոր իսկ
 և սրտաբեկ, ուշամուաց և հանճարազրաւ, զգայազիրկ և
 իմաստասպառ, յայրատաանս և եղեռնալուր: Ես աստուստ
 և անգուստ բնաւիւք բորբոքմամբք մահաբեր երկամբք
 վնասեալ, ոչ միտլ իւրք տեսութեամբ ՚ի գործ ընտրութեան
 քեզ պիտանացուս, տէրդ բոլորից. ողբամ զորովայնն, որ
 երկնեացն զիս. աշխարեմ զատինսն, որ դիեցուցին, ընդէր ոչ
 մաղձ մակարդեալ ընդ կաթինն ձգեցի, և զիա՞րդ ոչ գառ-
 նութիւն ինձ ընդ քաղցրութեան ջամբեալ մատուցաւ: Զի
 եթէ ես ինձէն անձին իմում գժնեայ դատախազ համբարձայ
 այսքանեօք բանիւք, և ունիմ տակաւին զտուր բարկութեա
 անխոնարհելի, ո՞վ ոք ՚ի յերկրածնաց աստի զիս ողբես-
 ցէ. զամենայն խայտառակեցից, զբնաւ էութիւնս դատ-
 եալ տուժեցից, զհամօրէն զվնասակարացն զդուռնդ դանե-
 ցից, զխոցողայն զինուորութեանց դատախազեցից, զգա-
 յականացն զլխաւորութիւնս կշտամբեցից: Մեղայ ամե-
 նայնիւ յամենայնի, ողորմեա գթած. ոչ նոր ինչ գտեր յիս
 զյանցանացս պարտեաց մառախուղ, այլ նոյն եմ յաւետ
 նովին պատահմամբ պարտաւորութեան, անկցելի ձորձով
 սխալեալ առաջի քոյ՝ անվտփոխելի, և դու միայն իսկա-
 պէս գթած օրհնեալ մարդասէր, ընդ աջմէ իմոյս փրկու-
 թեան կանխեալ ներութեամբ անայլայլելի:

Դ. Արդ մատո, ինամակալ, հզօր, երկնաւոր, բարի,
 ամենից հաստիչ յուէից, զբանիդ զօրութեան իմաստից կայ-
 ծակն ՚ի գործի ազդման լեզուիս շարժութեան, առիթ
 մաքրութեան յամենուստ զգայականաց գոյաւորութեանց
 յիս մասնաւորելոյ՝ քո ձեռակերտից, սոքօք առ ՚ի քէն
 եղելովք և բժշկելովք կրկին հանդերձանօք, անպակաս
 ձայնիւ, անհատ բարբառով, քեզ վերընծայել գոհաբա-
 նութիւն ՚ի փառս մեծութեան հօրդ քոյ աստուծոյ մե-
 րոյ, յախտեանս. ամէն:

ԲԱՆ ԻԳ.

ՎԵՐՍՏԻՆ ՑԱԽԵԼՈՒԱԾ ԿՐԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՑՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՅ ՍՐՏԻՅ ԽՕՍԻՔ ԸՆԴ ԱՍՏՈՒԾՈՅ

Ա. ՏԵՐ աստուած ամենայնի, զորաւոր յամենայնի, անպարագիր և անվայրափակ տեղի ամենեցուն. բոլոր խկութեամբ հուպ յամենեւին, անուրեք վայրից, և չիք սահման առանց քոյ. Ոչ երեւեալ երբէք, և ոչ տեսականութիւն առանց քո ծագման լուսաւոր. Փառք ահաւորութեան, անուն անհասութեան, կոչումն մեծութեան, ձայն ամբառութեան, իսկութիւն անքննութեան, անմատչելի հեռաւոր, և անընդմիջելի մերձաւոր, տեսող հեծութեան, նկատիչ թշուառութեան, մտաւիպ թախծութեան, ամենարուժ հնար անճարութեան, հայր գթութեց, ծագող ողորմութեան, աստուած մխիթարութեան.

Բ. Հայեաց տէր ողորմութեամբ ՚ի պատկեր վշտաց դառնութեան բազմավտանգ կրիցս կարեաց, զոր հանդէպ քո տարածանեմ. կցորդակից լեր բժշկապէս, և մի ՚ի խոյղ ընարութեան կոչեր դատաւորաբար. Արդարեւ մեծ է վտանգ տարակուսանաց ցաւոց այսր վարանման, յորժամ իցէ մարմինն մեղօք գրաւեալ, և անձն ՚ի գործոց շարեաց ոչ մեկուսացեալ, գործնականացն գործի սովորութեամբն կարեաց կապեալ, զանգուածն հանդերձանաց մահացու կրիւք շաղախեալ, զգայութիւն սրտին ի մաստից խեթիւ խոցոտեալ. ակնկալութիւն բարեացն բնաւին բարձեալ, և ՚ի բանականութեանն ընդ անասունս դասակարգեալ, և զպիր գարշութիւն ընդ գոյութեանն շարամանեալ, և տեսականացն ողջ ելով իմանալիքն վիրաւորեալ, և ՚ի սաստկութենէ յանցանացն յիշատակի յաւէտ յուսահատեալ, և տագնապաւ նախագործելոցն միշտ տարակուսեալ, և յտակութիւն աղերսին ՚ի սպառ պղտորեալ, և խղճիւ մտացն յուզմանց կրկին ճենճերեալ, և

ձեռնն 'ի մաճի գործոյն դյեանոցն հետազօտեալ, և կերպ 'ի յառաջ գիմեալ՝ ոտք 'ի վերջ կոյս յետահարեալ, և գիտութեամբ էիցն՝ 'ի չէիցն միշտ խաբեցեալ, և 'ի մտացն մարտ՝ 'ի փոքունցն յաղթահարեալ, և 'ի թառանջ սրալին հագագին դուռն հրդեհեալ, և խոնաւ զօրութիւն քմացն ամենայն ուրեք տոչորեալ, և անարեւ միգով յամենայն մասանց սրարիակեալ, և լայնութիւն ակնկալութեանն ամենեւին 'ի սպառ ամիտիեալ, և անբերելեացն տոյժ 'ի զգալիսն տպաւորեալ, և եղկութիւն կորստեանն 'ի յուշանդ եկեալ, և դատակնիք հատուցմանն 'ի դիւանի մըտացն գրեցեալ, և բարերարին ակն 'ի ցատումն իմն երեւեցեալ, և լոյսն բնութեամբ՝ զանկուածոյ հողոյս զայրացեալ, և ահաւորութիւն էին ընդ փոքրկութիւն բնութեանս ընդհարեալ, և միշտ սրտամամբ բանից բանաւոր միխրոյս բարկացեալ, և իրաւանցն վիմօք զարժանիս մահու կոչիծեալ, և որ իմն է տաղանդ՝ յանառակս աստէն կորուսեալ, և պատուական իրին ստացուած իրբեւ անարգ յերկրի թաղեալ, և տաժանմանցն արգասիք ծուլութեանն մթով ծածկեալ, և իրբեւ զ'ի բաց բարձեալ նշմարան ճրագի չերեւեալ, և պատասխանարան լեղուխ՝ յիրաւանցն օտար՝ կարկեցեալ, և անհամբոյր շրթանցս գրութիւն օրինաւոր դատամար սպայանձեալ, և յուզմունք մտացս՝ 'ի զանազան մասունս ցնդեալ, և զկեալն 'ի վերայ օգտին ոչ ինչ գիտացեալ, և 'ի կշռութիւն բարւոյն ընտրութեան յիմար երեւեալ, և ընթացք ելիցն նհանջմամբ չարին խափանեալ, և վառարան իւղոցն ածիւնողն հնոցի լցեալ, և անուանս զիր 'ի կենաց մատենէն եղծեալ, և կշտամբանք ընդ երանութեան անդ արձանացեալ:

Գ. Եթէ զինուոր տեսանեմ, մահու ակն ունիմ. եթէ պատգամաւոր, խտուութեան. եթէ մատենագէտ, մուրհակի կորստեան. եթէ օրինաւոր, անիծից. եթէ աւետարանական, փոչոյ ոտիցն թօթալման. եթէ բարեկրօն, յանդիմանութեան. եթէ ապառուժ, կսկծման. Եթէ ջրովն ընտրութեան փորձիմ, խորտակիմ. եթէ դեղ ինչ դատման ձգեմ, սատակիմ. Եթէ բերս նկատեմ բարու-

թեան, 'ի կարծեաց չարեացս փախնում. եթէ ձեռն համբարձեալ, կորանամ. եթէ փոքր ինչ խրտուիլ, սարսեմ. եթէ սակաւ մի թնդիւն, ընդոստիմ. եթէ 'ի խրախճանս ըմպելեաց հրաւիրիմ, դողամ. եթէ մեծիդ յանդիման լինիմ, սարսափեմ. եթէ 'ի հարցումն բանի կոչիմ, կարկիմ. եթէ իրաւամբ քննիմ, համրանամ. Արդ այսքան ամենաթշուառ և ողորմագին տարակուսանացս 'ի վերայ միմեանց բարդելոց, որք զստորեւ զգայականաց սրտիս գոյութեան 'ի ներքուստ անտուստ անբժշկական ցաւօք՝ աներեւակի նեախք խոցոտեալ, անարտաբերելի մշտակիր յարամնաց յանապազամուխ բեւեռեալ աստուստ ընդհողւոյս, լցեալ շարաւով կրկին հարուածով, վտանգ սատակման մահու գուշակեն. Քարախ մթերից պատեալ զերկաթով գաղտնեացս ծածուկք ազդեն ինձ տաղնապս՝ վէրս պահեալս անխնամարկելիս ընդ երկնչոյս տուրեւառութեան. յորոց նեղութեանց չարաչար ճնշեալ աղաղակ ձայնիս, խառնեալ արտասուօք՝ կողկողագին թախժանօք հողւոյ, բարեգործիդ հնարաւորութեան յերկրատեղծիցս նահատակաց ընդ իմ մաղթողաց, վերջին հեծութեամբս և ես ընդ նոսին արտասուօք ողբոց ամենեքումբք նուիրողօք՝ զաղերսանս ըզձիցս 'ի ստորնայնոցս աստի յերկինս առաքեմ. Շնորհեա տէր անդորրութիւն կենաց հանգստեան ողորմելի վաստակեցելոյս 'ի յընդունայն երկրագործութիւնս, համայնդ յամենայնում, ամենայնիւ ստացեալ քեզ փառս:

ԲԱՆ ԻԳ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՇՈՒԹԵԱՆ ՆՈՐԻՆ ՀՕԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՄՐՏԻՑ ԽՕՄԲ ԸՆԴ ԱՍՏՈՒԾՈՅ

Ա. Ե՛րբ արդ որո՞ց ինդրոց արժանաւոր վարկանելով զիս մատչիմ աղերսել, արքսյութեա՞նն յորմէ վրիպեցայ, եթէ փառանցդ վայելչութեան յորմէ զրկեցայ, թէ կենանցդ ան

մահականաց յորմէ հերքեցայ, թէ ընդ հրեշտակն պարակցութեան յորմէ տրոհեցայ, թէ ընդ արդարն մասնակցութեան յորոց ճեղքեցայ, թէ ո՛ւր որթոյն կենդանոց յորմէ քանցեցայ, թէ ո՛ստ անկոյն բերկրութեան յորմէ գօսացայ, թէ ծաղիկ փառացն շնորհի յորմէ թափեցայ, թէ պանծանայն ժառանգաւոր յորմէ կորացայ, թէ հայրենի՞ ծոցոյն հարազատ յորմէ ընկեցայ, եթէ զգեատո՞ղիւ լուսոյ պարծիմ յորմէ մերկացայ, եթէ ՚ի ստացո՞ղ դարձին յուսացայ յորմէ խորթացայ, եթէ ՚ի լուսոյն իղձս դիմեցից յորմէ մեկնեցայ, եթէ Յիսուսի՞ յոսկերան յողիմ յորմէ մերժեցայ, եթէ ՚ի թեւս նորա մերձիմ յորմէ օտարացայ, եթէ յապաւէ՞նն ասպատանեցայ յորմէ խեթացայ, եթէ ՚ի փրկութեա՞նն նորդութիւն յորմէ մահացայ, եթէ ՚ի ըզգաստութեա՞նն զուարթութիւն յորմէ ես լքայ, եթէ ՚ի կանո՞նն կենացն ուխտի յորմէ փոխեցայ, եթէ ՚ի սահմա՞նն հաստադրական յորմէ սահեցայ, եթէ յանշարժ վիմին սընդութիւն յորմէ սասանեցայ, եթէ ՚ի շարս գումարտակին յորմէ հոսեցայ, եթէ ՚ի քաղաքն անդրանկաց շինիմ յորմէ դերեցայ, եթէ հանապազորդեան հացի՞ն աղօթեմ զոր ոչ վաստակեցայ, եթէ փոխադրութիւն երկանցն խնդրեմ յոր ոչ քրանեցայ, թէ պարգեւօ՞քն պսակեցայ յոր չհանդիսացայ, թէ արձա՞ն ինձ կենաց գրեցից յորմէ ջնջեցայ, թէ զերխտեանց՝ ձիր յիշեցից զոր միշտ մոռացայ :

Բ. Ահա հատու և կամ խղեցաւ լար կենաց յուսոյն, տիրեցայ ՚ի բորտութեանցն գարշութենէ համայն ախտացեալ, ամենայնիւ սպառեալ զմարմինս ասպականութիւնն շրջապատեալ մեռոյց աստուծոյ. Գոյզն պալար փայլունակ տղեղ լնացեալ, մնացուած ինչ պահեալ նախունակ երկդիմի կերպին, որ գիրկին անմաքրութիւնն նշանակէ, պարծանացն նոյլ ամենեւին ինձ շիջաւ, փրկութիւնն մասնեցաւ, բարին ստուերացաւ, ելք կենացն բնաւին փակեցաւ, մխիթարութիւնն բարձաւ, դատաստանին ատեան մերձեցաւ, թոյնք մահուն ինձ արժարժեցաւ, սպանեալն կրկին ինձ կենդանացաւ, լաստին դադարք վիմօք խցաւ, շաւիղն յուսոյն կուրացաւ, շնորհին ծածկոյտ յինէն մերկաւ :

ցաւ , փառացն վայելչութիւն ստուերացաւ , հանձարն աւազնորդական խափանեցաւ , կշտամբանացն փուշ բազմացաւ , անօրէնութեանն ուղէջ ծաղկեցաւ , բոց դեհենին ինձ բորբոքեցաւ , ծառայութեանն լուծ սաստկացաւ , ստրկութեանն կապ զօրացաւ , ունողն յարկին կառուցման ահա անկաւ , բարձրութեանն վստահարան կործանեցաւ , ընտանութեանն միաւորութիւն անջրպետեցաւ , սրբութեանն սիրող հոգին աստուծոյ տրտմեցաւ :

Գ. Եւ քանզի զվերջինն համբուրեցի դառնութիւն , տանջանա՝ խէթս՝ տխրութիւնս , վիշտս հոգեկանս , ցաւս անխնամարկելիս , տարակոյսս անյուսադրելիս , ամօթանս անպարուրելիս , խայտառականս անվերարկելիս , պատկառանս անհամարձակելիս , փախուստս անդառնալիս , հալածանս անմարդասիրելիս , երկայն ուղեւորութեան ապաձեռն անթոշակութիւնս , իսկ դու վրկութիւն զօրութիւն և օգնութիւն , ողորմութիւն լուսաւորութիւն քաւութիւն և անմահութիւն տէր Յիսուս Քրիստոս , որդի աստուծոյ կենդանոյ , արարիչ երկնի և երկրի , որ ընձեռես ջուր պասքելոցն 'ի ծարաւուտ վայրս անապատի , օրհնեալ , բարեգութ , հզօր , մարդասէր , երկայնամիտ , խնամակալ , հնարաւոր , սցցելու , պաշտպան աննախանձ , պահապան յաղթող , կեանք անկորուստ , միջնորդ երկնային , լիութիւն աննուաղ , երանութիւն տօնելի , ձեռն ձգեալ սիրոյ ողորմութեան քոյ աջոյ՝ ընկալ և մատո քաւեալ և սրեալ զիս զամենապարտս՝ բանդ կենդանի՝ առ հաւասարապատիւ քո հոգի , զի քեւ վերստին հաշտեալ յիս դարձցի :

Եւ 'ի ձեռն քո իւրովն կամօք մաքուր նուիրեալ , զօրեղն ինքնութեամբ զիս հօր ընծայեալ , անդէն առ նմին նովիմք միշտ 'ի քեզ շնչոյս ողջունիւ կապեալ ընդ շնորհիդ՝ 'ի քեզ միանալ անբաժանելի , Վասն որոյ քեզ ընդ հօր քում հոգւովդ սրբով երբեակ անձնաւորութեանդ 'ի միում բընութեան և 'ի մի աստուածութեան փառք , և 'ի ստեղծականաց էլից գոհաբանութիւն յաւիտեանս յաւիտենից , ամէն :

ԲԱՆ ԻԵ՛

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՅՄԻ ԸՆԴ ԱՍՏՈՒԾՈՅ

Ա. ԲԱՅՅ. քանզի 'ի վրայս քանեաց գերուեց ամենաթշուառ վտանգաւորիս մի զմիով ել և ելս ասնելոյ, զոր զկերպարանս անցիցն 'ի մասնէ վերաճառեալքդ նախագրեցին, ուստի և փոխեալ զեղանակ բանիս՝ այլ ոչ զեղկութիւն աղէտիս:

Բ. Այն զի ծով է ինձ ծփանաց կենցաղոյս բերմունք յոյժ նմանագոյն. յորում կոհակօք բազմօք անթիւ գիմեցմանց տատանեալ հողիս 'ի յոյսմ՝ աշխարհի մարմնոյս շինուածով իբր 'ի նաւակի: Չոր Եսայիաս մարդարէ զյանկարծագէտ կատարածն որ 'ի պարսկականն հինից՝ Երուսաղէմի և Սամարիսոյ կործանմանն, նմանութեամբ այոր օրինակի կերպաւորեցոյց. որ և առ իմն հողեւորական խորտակումն զուգածայնել՝ ոչ է սխալական: Քանզի մինչդեռ չուէի ես յանհոգութեան անտարակոյսն վտահոլութեամբ, գոյզն կասկած արկածից 'ի միտ բերելով առ խտրոց փոքր միջոցին, որ 'ի մէջ հանդատեանն և աշխատութեանն, իբր այն թէ հասեալ իցէ ձմեռն յամարայնի, բքարեր հողմով ժամանեալ երեքալեանն գիմակցութեամբ ամբոխեաց ըզհանդարտութիւնն: Ուստի նաև 'ի բախմանէ վայրենի ալեացն խորտակեցաւ: Թեւեոցն ձեռնարկութիւն քայքայեցաւ, կայմն ամբարձման՝ 'ի կայից իւրոց խլեցաւ, առագաստին թռչարան յանկարկատելի ծուէնս պատառեցաւ, շինուածոյն շուք անզարդեցաւ, առասանք ձգողականացն խզեցաւ, տեսարան գլխոյն գիտակի խոնարհեցաւ, ապաւանդակին պարան կտրեցաւ, ապաւինութիւն խորսխին լուծաւ, լուծք ստուարք ամուլիցն կցորդութեան բաժանեցան, սամիք ուղղչացն հետոց գալարեցան, լատտ հիմանն հաստարանի ընկղմեցաւ, ղեկացն կառուցմունք անդրէն սուզան, չուոցն յարմարութիւնք պակասեցան,

ողնախայտին պատսպարան խկոյն բեկաւ, կապարանք զըստինն հաստուածոյ յօշատեցաւ, գողք ամփոփմանն ծոցոյն կազմածոյ անարգեցան, խելք շրթանցն եզերաց խախտեալ ոստեաւ, սղաղպաջունք բազմականապն անկեալ բարձաւ, վանդակապատին վայելչութիւն յատակեցաւ, գահաւորակին հանգստարանն շփոթեցաւ, մածմունք տախտակաշարք 'ի միարանու թեանց միմեանց անջատեցան, հեղոյք սնդման բեւեռացն քարշեցան, Արդասիք իրին յիշատակարան ողբոց ինձ նմանեցաւ, Նաւուղիոն հանդէպ նաւին դեգերեալ ողբայ, ձեռն 'ի ծնօտի եղեալ արտասուաց գետս իջուցանէ, Նշմարք սակաւ մնացուածոցն 'ի ծայրից ծվանց ազգելոյ ծովուն, իբր խողխողեալ բանաւոր, ողորմագին թախծանօք հեծէ, Վասն զի թէ ըզբարի նաւապետն երկնաւորօքն զօրօք յաշխարհիս ծովու առ 'ի զխորտակեալս իմ տապան իմանալի գոյութեանս առցէ աշխարել բանիս յարմարութիւն, ոչ ինչ վրիպեցէ 'ի ստուգութենէ, Քանզի արդարեւ ելաց բարեգութն տէր յառակ մարդկութեանս զթաղեալ ազգակիցն, ելաց առ նմին և զՆբուսաղէմ մղեալ և զՅուդաս մղեգնեալ, յորոց երկուցն կորեաւ վստահութիւն յօրինակ նմանութեան աղարտեալ նաւի, իսկ միւսն հասեալ յատակս անդընդոց՝ առասան յուսոյն ձեռամբ ունողին յանքոյլմն արտաբերեաց խաղաղութիւն:

Գ. Արդ իցէ՞ թէ յաւելից հայել զբազմախորտակելի տապանակ մարմնոյս իմոյ նորոգեալ, Իցէ՞ արդեօք տեսանել զփշրեալս նաւ ողբալի հոգւոյս ողջացեալ, Իցէ՞ արդեօք տեսանել զբաժանեցեալս միջոցաւ մեծաւ վերստին կցեալ, Իցէ՞ արդեօք տեսանել զյոքնաթախիծ սիրտ վշտացելոյս բերկրեցեալ, Արդ իցէ՞ ակն ունել նայել զյաւէա խաթարեալ կերպարան բնութեանս կրկին հանդերձեալ, Իցէ՞ արդեօք թէ տեսից զքակտեալ տաղաւար թշուառացելումն միւսանգամ կանգնեցեալ, Իցէ՞ արդեօք յուսալի նայել զտարամերժեալ դերիս ազատեալ, Ապաքէն դուցէ՞ ակն ունել զանկեալս 'ի շնորհէդ լուսոյ դարձեալ կազգուրեալ, Արդեօք տեսից զվայելչութիւն ընտանիդ քո պայ-

ծառութեան յողորմութիւն ինձ երեւեցեալ, **Եթէ** տեսից երբէք զամենատխուր կերպարան հողւոյս իմոյ ժպտեցեալ, **Արդեօք** լուայց ընդ ձայնի գուժիս աւետեաց համբաւ ինձ առաքեցեալ, **Արդեօք** տեսից զբիւրակործան վնասեցեալս անօթ կազմեցեալ, **Խցէ՞** թէ տեսցեն պատուհանք աչացս իմատոից զմութհակ պարտուցս իմոց պատառեալ, **Եթէ** յայտնեսցի՞ օրն իմ անձկութեան շնորհին քառութե բարւոք ինձ ծագեալ, **Արդեօք** մտից 'ի խորխոճանութիւն խորանին լուսոյ քեւ առաջնորդեալ, **Խցէ՞** թէ կենդանի լինիցին ոսկերքս, ըստ **Եզեկիէլի**, ցամաքեալքս 'ի կենդանութեց երկաւորութիւն աղդողական շնչոյս զօրացեալ, **Խցէ՞** թէ յաւելից հայել 'ի տաճար սուրբ քո, ազաղակաւն մարգարէին 'ի պրտոյ կիտին, հերքեալս 'ի լուսոյ՝ որ կամ առաջի քո ամաչեցեալ, **Եթէ** լինիցի՞ խաւարամունդս մթացելոյ ծագման առաւօտ, **Եթէ** հասցէ՞ տեսանել ըզ տապնապեալս մշտասառոյց յեղանակս գարնանն մօտ, **Եթէ** տեսից զցօղ անձրեւոյն կանաչացուցանողն հօգւոյց ինձ արօտ, **Եթէ** իցէ՞ արդեօք նկատել զգաղանարեկ հերքելի ոչխարս վերստին կամաց գթութեան քո հօտ,

Կ. **Եւ** քանզի ըստ բանին **Յօբ**ս շուրջ պատեալ են չաբեացն հնարք ընդ որ ոչ կարացից անցանել իսկ եթէ լոյս ողորմութեան բարերար կամաց քոց ցուցցի, գթութեան քո դուռն բացցի, ճառագայթ փառաց քոց ծաւալեսցի, խնամք ձեռին քոյ յայտնեսցի, արեգականդ կենաց օր տարածեսցի, առաւօտիդ ըզձալի տեսիլ մերկացի, առատութիւն քաղցրութեան քոյ աղբերացի, վտակ արարչիդ կողից հոսեսցի, ծորումն անապակ սիրոյ քո հեղցի, ծագումն աւետեաց շնորհի քո երեւեսցի, պարգեւիդ քո ծառ ծաղկեսցի, մատունք օրհնեալ մարմնոյդ բաշխեսցի, համառօտեալն ակնկալութիւն հանդիպեսցի, հատուածեալ ձայն ողջունի քոյ տէր լուիցի, հեռացեալդ խաղաղութիւն մերձեսցի, յայտսիկ յաւէտ սովին սահմանաւ երանականաւ հաւատ ընկալեալ յուսոյ հաստատնոյ, ասլաւինեալ 'ի հոգիդ քո սուրբ, որ ընդ հօր քում պաշտի ձայնիւ քաղցրութեան ընդ քեզ փառաւորեալ 'ի լոյս անմատոյց, որով

կեանք և երանութիւն քաւութեամբ հանդերձ ընծայեալ ինձ մեղապարտիս . յաւանդ անկորուստ ընդ իս պահելով առհաւատչեայ ճշմարիտ յիշատակի , 'ի ձիր անեղծութեանուամբդ անձառելեալ ահաւորութիւն հզօրի սրբոյ միայնոյ և անքննելի տէրութեան երբեակ անձնաւորութեանդ՝ որ ետդ յիսկութեան յէութեան և յարակայութիւն բարձրութեան քաղցրութեամբ ողորմութեամբ և մարդասիրութիւն պսակեալ հանդերձեալ և թագաւորեալ . Այ՛տ առ ամենեայն ամենայնիւ յամենայնի կարող ես , զթած . և քեզ վայել է փառք յայսմ յաւիտենի և 'ի հանդերձեալ մշտնջենաւորութիւն յայտնուեալ աւուրն մեծի , յաւիտեանս ամէն .

ԲԱՆ ԻԶ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ ԽՕՍԲ ԸՆԴ ԱՍՏՈՒԾՈՅ


Ա. Ե՛րբ արդ ստուգապէս և իրաւաբար , ընդ որս որք ըստ ձայնից կողկողանացն և զբանիցն յարմարութիւն հանդերձեն , 'ի նոյն գիր բերեալ զաւարամունս տանցն , որովք առաւել սաստիկ մորմնքեալ ձմեցուցանեն զաղէտս կարեացն սրտին ըզձից առ արտասուացն բղխմունս . ուստի և բազմեալ իմ 'ի զլուխս պարու ակիբից դասու այնր երախանաց՝ որք զլալեացն յեզանակեն բանաստեղծութիւն , և ես ընդ նոսին նոցին հեծութեամբ աւաղական ձայնարկութեամբ զանձինս տարածանեմ զլշտակրութիւն , որ ոչ բնաւին մեռեալ աշխարհի , և ոչ իսկապէս կենդանի ստուծոյ , ոչ ջերմ սոսկ և ոչ ցուրտ յատուկ , ըստ առակի աւետարանչին գրեալ 'ի յայտնութեանն . երիցս ատելի երբեակ տէրութեանն և ամենատես արարչութեանն . Եւ այս են պատկանեալ թախծականացն կերպագրութիւնք , կրկին սղորմելի այսու երեւեցեալ՝ որ 'ի մի գիծ սահմանեալ կացուցանեն զթշուառութեանցն զօրինակ , այսպիսի կցորդութեամբ շաղկապեալ .

Բ. Պարտուցն ժխտեալ տաղանդացն՝ ճեպով մեծաւ 'ի տուժի, ես ապիկար մասնեալ անարժան գործովքս յիրաւի, վասնիչ արքունի դանձուց կրկնադատ և անթափելի, պատասխանատու մեծին ըմբռնեալ անհրաժարելի, բիւր քանքարոց խնդիր՝ ես չունիմ՝ կշիռ մի ունկի։ Անբարեխօս կապեալ 'ի սահեատ դառն արդեւանի հեծումն և վաստակ ցաւոց ճաշակեալ յաննշոյլ բանտի, անապաւէն տանջեալ անթոշակ կամ ողորմելի․ այլ յեղանակ ինձ ողբականաց աստուստ կնքեցի, փոխատրեցի սովին բարբառով կոծ կակծելի, կարգագրեցի շրջաբերութեամբ 'ի նոյն պայմանի, անհատական թիւ խորհրդական երկեակ տասնեկի։ Աղքատութեն հնոց յամենուստ մասանց մրկի, անարատսպար թշուառ վտանգեալ սրտիւ 'ի դրաւի, տարակուսեալ հողւով ապաշնորհ այր 'ի վրիպակի, անխնամելի հայցմամբ դատաստանն յինէն սահանջի։ Մեղաց և մահու զինուք զգայարան դաղտնեացս խոցի, անիրկելի մատնեալ բռնութեան չարեացս գերի, սուր սուսերաւ սաստից գոյութիւն բնութեանս յօշատի։ Յիշատակաւ բեմին աստասին 'ի դատաստանի, անծագելի մուսյլ չարատես աչացս երեւի, անձեռնկալ կապեալ եղկելիս 'ի տարակուսի, ահարկութիւն դիմաց պատկերի վերնոյն տեսանի։ Յոյժ անարեւ և անվերարկու 'ի տարտարոսի, անապաւէն մուրար մորմնքեալ 'ի հուր գեհննի, անյայտնելի կորուստ կործանեալ 'ի մեղաց վճի։ Ահա զոր ունիմ արծաթ անպիտան ոչ երբէք յարգի, և ոչ ընդունի և կամ համբարի 'ի դանձ մէրունի, հայցուած պղտոր և ձեռն անմաքուր աննուիրելի։ Այլ բեկեալ սրտիւ մատանց տատանմամբ յոյս առեալ դարձի, զդէմն 'ի յերկիր եդեալ պաղատիմ մօրդ Յիսուսի, բարեխօսեա մաղթեա քաւութիւն ինձ մեղաւորի՝ դու զօրաւոր փրկանակ կենաց խկուհի երկնի, քեզ օրհնութիւնք ձայնից և բուրմունք խնկոց 'ի յերկրի, և անուշից իւզոց մատուցումն յամենայնի։

Գ. Արդ յասացեալ ողբոցս հիւսուած այլ մասն յաւելի, բարեբարիկն շնորհաց արտասուաց պտուղ մատուցի․ զկարբստեան խորս չափելով զորքանն երբէք ոչ գտի, մաս

Նաւորօք բանիւք 'ի հանդէս նորին ջանացի , զմտացս աւրագեալ զթեւս յերեւոյթ իրին ոչ հասի , զուշին պարտութիւն յանկթարեւեացն բաժակ բարկութեան 'ի ձեռն իմ առի , զտարտամութիւն տարակուսանացս իբր ճաշակումն մահու արբի . և այժմ՝ զյանցիցն յաճախութիւն ողորմելի ձայնիւ յերգ արկի . Աներեւոյթ կրակարան տապոյ բորբոքմամբ մեծաւ անզովանալի , անտեսական իմնքայս հալոցաց սաստիկ եռացմամբ անշիջանելի , սլաքս նետից պատկանեալ գեղովք 'ի շտեմարան խորութեան սրտի , խիթք ցաւոց խոցոտման մահու 'ի գնացս երակաց գոյութեան լերդի , կիրք երկանց անճարակ ճեպոյ 'ի պատուած աղեացս անեւանելի . անզօրելի գեղոց ջերմութիւն 'ի յերիկամանց մասունս երկակի , անհնարաւոր դառնութիւն մաղձի 'ի նախադուռն իմցս կոկորդի . Աւազս ձայնից լքուցանողաց 'ի փողս շնչոյս խոչորս հնչի , բազմահատուած էութիւն բնութեանս ներհակք միմեանց 'ի պատերազմի , երկչոտութեամբ կարծեաց վարանեալ ամենայնիւ կայ 'ի վտանգի . հարազատաց գաւաճանութիւն անհաշտելի 'ի կոտորուածի , ոչ մեռեալ և ոչ կենդանի թաղեալ 'ի մեղաց գարշութեան տղմի , կասկածաւոր պատժապարտութեամբ վերակնարկելով քեզ բարերարի , յանակնկալս կենաց վճէ արտաբերել 'ի լոյս տնձկալի .

Գ. Մոյն ինքն որ զայս բան տալաւորեաց՝ ընդ երջանկացն պսակեացի , ակնարկելով քո ողորմութեան անարատիցն հաղորդեսցի , վասն զենման աստուծոյ բանիդ՝ բարեգործեալ քեւ կենդանացի . օրհնութիւն գովեալ քո շրթանց 'ի գլուխ բաշխողի սցսր մատենի , հաստատեցի ըզձականութիւն սողոմնեան բանիս առակի , նկարագրեա հոգւով քո բարձրեալ 'ի նորոգումն անեղծանելի . զի դու միայն ես երկայնամիտ ներող քեզ փառք յամի . ամէն .



ԲԱՆ ԻԷ

ՎԵՐՍԻՆ ՅԱԻԵԼՈՒԱՅ ԿՐԿԻՆ ՀԵԾՈՒԹԵԱՆ ՆՈՐԻՆ ՀՄԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԲ ԸՆԴ ԱՍՏՈՒԾՈՅ

Ա. **Ե**՛ի քանզի ընդ ողբաձայնիցն բանաստեղծութեանց վերընձայեւոց զդրութիւն թուոցս յարմարեցի կական և հեծութիւն, հառաչանք կողկողազինք, դառնութեան լալումն և արտասուաց երգ, դարձեալ սկսայց զճառ պաղատանոցս խոստովանօրէն զղջականարար զգաղտնածածուկն յայտնաբարբառ. զի անդրադարձութեամբ սկըզբմամբն և վերջաւորօքն բառիւք, զնոյն համաձեւութիւն 'ի մի թախանձ նմին մաղթանաց հոգեկեցոյցն խոնարհութեան աստանօր եղից.

Բ. **Մ**եղայ մեծիդ բարերարութեան՝ անարդս մեղայ, մեղայ ծագմանդ ճառագայթից՝ խաւարս մեղայ, մեղայ շնորհացդ անբաւ երախտեաց՝ արդարեւ մեղայ, մեղայ սիրոյդ վերնում գթութեան՝ յայտնապէս մեղայ, մեղայ ստացողիդ յոչեութենէ՝ ստուգապէս մեղայ, մեղայ գերունակ գողոյդ գրկանաց՝ անբաւս մեղայ, մեղայ աննուազ լուսոյդ վայելման՝ նենգողս մեղայ, մեղայ ճաշակման անճառդ կենաց՝ բազումս մեղայ, մեղայ անհաս պարզեացդ ձրից՝ հանապաղ մեղայ, մեղայ գովեալ մարմնոյդ աստուծոյ՝ մահու չափ մեղայ, մեղայ պաշտելի արեան արարչիդ՝ իսկապէս մեղայ, Ահա արդարեւ օրհնեալ է հատուած բանի յուսադրական սրտի այսր մեղայի, սոյն սա պատուելի աւանդ, անմուռաց պատուէր, հայրենեացն տուր, նախահարցն օրէն, համայնից թոշակ, անհերքելի բան, զօրաւոր պատասխանի, կենդանութեան կամուրջ, ակտրժելի վերնոյն, սիրելի սրբոց, անխղելի կապ, հրաշալի բարբառ, անչրջելի պատճառ, բաղձալի աղերս, փափաքելի սեղան, սրտաբեկ հնչումն, անհնարից ճարակ, կարծրութեան վանիչ, աստուածապաշտից սահման, հեթանոսաց գիրք,

վաղնջուց կանոն , քրիստոնէից հարազատ , արարչութեանն յաղթող , անջրպետ հզօր , խորոց ահաւոր , արուեստ բարձրութեան , խորութիւն անչափ , հիացման տեսիլ , խորհուրդ կնքեալ . ընդ որ չիք ումեք անցանել , եթէ ոչ անըմբռնելի մտաց արագման զսա ծանիցէ . Չայն բարեպատեհ հրաշաւորական , որ ոչ յիշատակեցաւ 'ի վերջին դատակնիք դասուն լքելոյ . գուցէ առ նմին խղեալ համառօտ զլրիժակն իրաւանց մահուն հասելոյ , յորմէ ընտրութիւնն ապագործ եղեալ , զսահմանն յաւիտենական քակտեցէ . Չարդ փառաց մեծութեան , որով նոյն ինքն աստուածութիւնն պատկեալ բարգաւաճի . Քանզի ո՛վ ոք դիմեալ կալաւ զեղջերաց սեղանոյ այսր սրբութեան , և ոչ առ ժամայն սրծեալ 'ի պատժոց անարատ գտաւ . Իսկ եթէ Աքար զարմեան , և Սաւուղ կիսեան , և Յուդա սիմոնեան , ասելով զսոյն ոչ արդարացան , և ես վկայեմ իրաւամբք խոստովանեալ զայս պայման բանի , զի ականայիցն բռնադատելոց ոչ է կատարեալ սէր , ուստի և ոչ բովանդակապէս փրկութիւն . Իսկ ես կամաւ համբուրեմ դարձեալ կրկնելով զերջանիկ բանիդ զմկրտութեան հարազատս .

Գ. Մեղայ երախտեացդ մոռացութեան՝ վերստին մեղայ , մեղայ մարմնոյ ձեռն յոգի հարեալ յիմարս մեղայ , մեղայ առ կեանադ գրժողութեան՝ իսկ և իսկ մեղայ , մեղայ բանիդ ասպիտ առնելոյ՝ չարաչար մեղայ , մեղայ 'ի յօր սատակման ինձէն ստիպեալ վատթարս մեղայ , մեղայ պարտականս անկենդան մահուն՝ ձաղելիս մեղայ , մեղայ անպատկառս քօ բարձրութեան՝ տաղտկալիս մեղայ . Վերջին ինձ կրկին աշխար հոգեւոր՝ զի 'ի կորուստ և 'ի կործանումն ինձ երեւեցաւ , զի անդարձս վարատեցայ , զի որդիս թնամի գրեցայ , զի 'ի բարձանցն երկնից ընկեցայ , զի փուշս վարուց դիզի . Եւ ևս առ սմին ողբք աղաղակի , զի անձամբ զանձն անարդեցի , զի բազին կորուսչին գտայ . Այլ իմն կսկիծ դժնդակ սրտի , զի դիս ունին առ որ չեմ , զարտաքնայարդար բաժակս անմաքուր , զբռեալ որմս դարչունակ , զսին պարծանօք պաճուճեալս , զլոյսս 'ի մասլ շրջեալ , զգերանակիր ակնս՝ թշուառացեալ , զջահս փա-

ուաց՝ շիջեալ, զամենայնիւս յամենայնի ամենայն իրօք վնասակարս, առ տնօրինականն տէրունականս, առ յայտնութիւնն աստուածայինս, առ երեւմունն արարչագիրս, առ խոնարհութիւնն սարսափելիս, առ այն զոր տեսի աչօք իսկ խնովք, առ որ մեծ է պատասխանաստուութիւնս քան առ համօրէն աւերտարանին զարմանս, հիացմունս, հոգս հալողականս, անդաճմունս անհնարաւորս, թուականութիւնս մտաց անբարդելիս, երմունս անկատարս, իջմունս անհաստատս, յուսահատութիւնս յարմարականս, յանդիմանութիւնս պատշաճականս, ձաղմունս պատեհադոյնս, նշուխ իրաւացիս, անէծս արժանահատոյցս, Արդայստքիկ են մեղաւորիս իմ՝ կշտամբութիւնք, և ինքնահարուած տանջանաւորութիւն.

Ի. Եւ քանզի կարող ես զայս ամենայն զպարտս թողուլ, և զխայթուածս մահու բժշկել, տէր ողորմութեանց, աստուած բողորից, Քրիստոս թագաւոր բարձրեալ հօր որդի, ստեղծիչ գթած բարերար, օրհնեալ առատ հարուստ, ահաւոր հզօր ողորմած, տեսուչ ձեռնկալ հաստիչ, ապրեցուցիչ դարմանիչ կեցուցիչ, երկայնամիտ անսխակալ ապաւէն, բժիշկ գովեալ երկնաւոր, անճառ լոյս կեանք, յարութիւն նորոգութիւն քաւութիւն. եթէ հայեցես մարգասիրութեամբ, լստ որում քոյդ են սովորութիւնք, նայեցեալ ՚ի քեզ կողկողիմ և ես. եթէ լուիցես, հառաչեմ. եթէ ունկն մատուցանիցես, պաղատիմ. եթէ անսայցես, ազերսեմ. եթէ ներեցես, աղաչեմ. եթէ առ իս դառնայցես, դուչեմ. Ապա եթէ անտես առնիցես, կործանիմ. իսկ եթէ առ ոտն հարկանիցես, լամ. եթէ զողեպահն ոչ ընծայեցես, մեռանիմ. ապա եթէ ահարկուդէմս ցուցանիցես, սատակիմ. իսկ եթէ սատեցես, դողամ. եթէ խեթիւ տեսանես, սոսկամ. ապա եթէ սաստկանաս, սարսափեմ. եթէ հալածես, հեծեմ. իսկ եթէ ընդվայր հարկանիցես, հերքիմ. եթէ զողբոց վհաստութիւնս ոչ առցես, տաղնապիմ. եթէ խստանաս, փախնում. ապա եթէ սպառնաս, ընկճիմ. Իսկ եթէ քննես, քարկոծիմ. ապա եթէ ուժգինս ակնարկես, սուղանիմ. եթէ ոչ

անխայեացես, մերժիմ. եթէ կուչացես, խիթամ. իսկ եթէ աչս յառեացես, ամաչեմ. եթէ ձայն տացես, երկնչիմ. Չբարեացն պարգեւ մատնեալ, զերանութիւնն թողեալ, զչնորհն լքեալ, զուխտն ցրեալ, զաւանդն կենաց մուսցեալ, զհամարձակութեանն վստահութիւն կորուսեալ, զստեղծիչդ էիցս բարկացուցեալ, զանճառութիւն չնորհին ընդտնեալ, զպատուոյն պատկեր այլայլեալ. Իսկ եթէ առ այս խեղդ մահու հեծութեան ցաւոյ մարդատիրեալ առ իս ժամանեցուցես, տէր Յիսուս Քրիստոս զազդեալն գիր ընանիլ 'ի յիս, եթէ բժշկութիւն դադարեցուցանէ զմեզս մեծամեծս, որով ամենառատ քաղցրութեամբ պատուաստեալ 'ի քեզ, զքոյդ կերպարան լուսոյ նկարեալ յողի վերատին դտեալ պնդեցայց քաւեալ, և ստեղծեալ կրկին 'ի փրկութիւն անմահից կենացն անախտականաց, և քեզ ընդ հօր հոգւովդ սրբով փառք յաւիտեանս. ամէն.

ԲԱՆ ԻԸ.

ՎԵՐՍՏԻՆ ՅԱԽԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԲ ԸՆԴ ԱՍՏՈՒԾՈՅ

Ա. Ե՛ր արդ զո՞րս յայտնեցից, և յազազս ո՞յց նշանակեցից, և վասն որպիսեաց ճառեցից, և զո՞րքան ծածկեալս մերկացուցից, և կամ վասն որո՞ց խոստովանեցայց. զներկայիցս՝ զոր արդէն ունիմ, թէ զանցելոյն՝ զոր մթերեցի. զսպագայիցն՝ յորոց կասկածեմ, թէ զբազմասահ շարժութեանցն՝ յորոց զլորեցայ. զիո՞քրն ինձ համարեալ՝ որ է աստուծոյ մեծ գրեցեալ, թէ զանկերպագրելին չյիշատակելի. զնուա՞ն՝ որ է առաւել, թէ զթեթեւագոյնսն՝ որ են ծանունք. զհոգեկանայն կրկց կորուսչաց, թէ զմարմնականաց ախտից սպանողաց. զառ գրունս հրեշտականայն, թէ զծայրակոտոր փնասակարութեանց. զաներեւութիցն, թէ զտեսականայն. զառ ձե՞ռն հպաւորութիւն, թէ զառ

նոյն ինքն շունչ հեռաւորութիւն . զլայնակա՞նն դիւրին խաժմունս , թէ զերկարաւորն նետաձգութիւն . 'զխորութեա՞նն զանչափութիւն , թէ զամենածախն յայտնատեսիլ . զյոքնագլը՞խն պոռնկութիւն , թէ զառողջութեանն անբժշկութիւն . զպարարս՞մն չարին մարմնովս , թէ՞ զսովին բարւոյն հոգւովս . զինամո՞վն հանդիսանալ յոչ ակորժելիսն աստուծոյ , թէ զբռնադատութեանն տոռամբ ձգին 'ի նոյն մոլեղնութիւն . զառ 'ի մահն մեղաց , թէ զընդունայնութեանն կարծեաց .

Բ. Արդարեւ որպէս կամաւ խելագար զերծեալ 'ի ձորձոյ , զառականացս տեսիլ յանդիմանեցի , զընդդէմն գործեալ իմաստնոյն , որ թէ հանճարեղքն վերարկեցեն զամօթս իւրեանց , օտարացեալս 'ի կրօնից , հեռացեալս 'ի կարգաց , 'ի սրբութեան անսուրբ , 'ի կուսութեան անմաքուր , յարդարութեան ամբարիշտ , 'ի բարեպաշտութեան վնասապարտ , բերանովս մերձ առ ստացողն և հեռի երկկամարք , շրթամարքս պատուամատոյց , ըստ մարդարէին , այլ ոչ եթէ սրտիւս . Եւ եթէ պարտ է դքստմնելիսն ասել աստանօր , չար քան զտանջանսն յանդգնութիւն , իբր զուր իմն պաշտօնատարս աստուծոյ , 'ի միտս անկայունս երկեակ ճանապարհաւ մահու վարանեալ՝ ջանամ և ոչ ինչ օգտիմ , սնդիմ և ոչ հասանեմ , փութամ և ոչ ժամանեմ , անձկամ և ոչ տեսանեմ , փափաքեմ և ոչ հանդիպիմ , կարօտիմ և ոչ պատահիմ , ունիմ զամենայն երկրի , և եմ պատգամաւոր աղօթանուէր ամենայն աշխարհի . Այլ թող զբազումս զայստսիկ , բարերար , և մի՛ ունիցիս . դիւրինք են քեզ զսոսին եղժանել , քան ինձ տաժանաւորս աջով նկարել . վասն այնորիկ գրեցի առանց խնայելոյ , զի դու առատապէս ջնջեսցես , օրհնեալ , որ վասն մեր մեղաւորացս երկայնամիտ անուանեցար , ըստ մաղթանաց բանի հեծութեան սրտի Եզրի երջանկի , յոյժ նեղեալ անձն և ձանձրացեալ ոգի բանին յիշատակաւ , որ զսոյն պատմէ . յամենայն կրից մահացուցանողաց վտանգեալ , անկեալ 'ի վիհ գարշութեան մեղաց անդնդականաց ապականութեանց . քանզի չհաւատամ , թէ լսես իսկ ինձ , ըստ Յո-

բայ ձայնին, Արդ ես ինձէն ինքնադարով անձնադատ դերի՝
կամաւորապէս մատն եղեալ բնութեանս, արդեւի փակեցի
կնքեցի առ յինէն յամենայն մասանց զկենացն հնար, զի 'ի
փրկութիւն մեզօք կապելոյս կրկին մեծաոցիս գովեալ:

Գ. Եւ քանզի 'ի մարդարէէն բարւօք խրատեալ փորձ
գտցուք, մտղթել ընդ նմին հոգւով քո երգեալ՝ յուսով
հաստատանով 'ի քեզ սպաստանեալ, առ էք ընդ ձեզ բանս,
ասէ Ովսէէ, և դարձարուք առ տէր աստուած ձեր, և ա-
սացէք ցնա, կարող ես թողուլ զմեզս. զի ընդունիցիք ըզ
բարիս, և վայելեացեն 'ի բարութեան անձինք ձեր: Ահա
աստուած խօսեցաւ, և ո՞վ է որ ոչ լուիցէ. նոյն ինքն վը-
կայեաց, և ո՞վ է որ ոչ հաւատասցէ: Արդ այսօրիկ վճիռ
սլաշտելի, նուիրեալ սլայման, սահման նոյնագոյ, կենաց
աւետիս, կէտ տէրունի, դուռն բարութեան, սխտիանաց
հրաւեր, ճշգրիտ պատկեր, անստղիւտ դանձ, անմուաց
յիշատակ: Այսու առ տյն և ես հաւատ ընկալեալ, ա-
տուստ վկայեմ սմին՝ ընդ մարդարէին, կարող ես յամե-
նայնի թողուլ զմեզանս բաղմարեղունս. և ես զօրացիս
կրկին բարձրացեալ՝ առ ամենաթշուառ կործանեալ հոգիս:
Յամենայնի իշխես, ամենայնի բաւես, ամենայն ուրեք
հասանես, ամենից բռնութեանց յաղթես, զամենայն
կարծրութիւն փշրես, զամենայն ընդդիմահար վանես,
զամենայն խտուրթիւն վատնես, զամենայն սրացեալ ըն-
դոտնես, զամենայն դառինս անուշես, զամենայն դժուար-
ամբքելիս քաղցրացուցանես, զամենայն զպարտս շնոր-
հես, զամենայն յանցանս թողուս: Արող ես զօրաւոր,
հզօր, հնարաւոր, ամենարուեստ, զամենեցուն զմեզս ըն-
կրղմել և չքացուցանել բառնալ 'ի միջոյ, իբր զճաճանչ
փոքու կայծական սահմանեալ 'ի չափ ոչէից՝ անկեալ ընկ-
լուզեալ կորուսեալ 'ի տիեզերատարածն ծովու:

Դ. Արդ բանիւ մտղթանաց վերծանողացն այսմ մատենի,
ողորմեա վասն խաչի և չարչարանաց մահու որդւոյ քոյ,
հայր գթութեան: Սկիզբն առաքողի ողբերգութեան
ձայնի այսմ արտօսարածին նուագի, որ զայս դեղ փրկու-
թեան կենաց մեզ յարմարեցոյց, եղիցի բժշկեալ յանուն

քո հզօր : Ար հետս ելից խոստովանութեան մեզ նկատեցոց այսու պայմանաւ պատշաճականաւ , լիցի անարատ յիւրոյն պարտեաց : Ար զհպարտութեանն թեւս հարթել մեզ վարդապետաց 'ի սոյն կանոնի կենաց պատգամի , եղիցի զերժեալ 'ի չար կապանաց մահու արկածից սկզբնա կանաց վերջնոց և միջնոց , Երբորդութեամբ բարեգործեալ , 'ի նորոգութիւն լուսաւորութեան . ըստ որում և մեք գրեցուք երջանիկ գտեալ ընդ սմին :

Ընդդիմաժորտ զիւաց այս նուազ աղօթից , եւ զիւստարսուս ջերմատաղնապ ախտաւորութեանց Աստուծով փարատիչ :

Ե. Արդ այսքանեացս անբաւից հրաշից հանդերձիչ հայր ամենաստեղծ՝ անունդ ահաւոր , ձայն սարսափելի , կուչումն ընտանի , բան համբուրելի , ազդումն սքանչելի , հրաման սուկալի , էութիւն անքննելի , գոյութիւն անճառելի , խկութիւն անբաւելի , զօրութիւն անզննելի , կամք ամենաբարի , տէրութիւն անսահմաննելի , մեծութիւն անչափելի , բարձրութիւն անբովանդակելի , որքանութիւն անկշռելի , առաւելութիւն անհասանելի , պատճառ որդւոց հայրութեամբ , այլ ոչ նախադրութեամբ . քեւ և 'ի ձեռն քոյդ անպարագիր զօրութեանդ սաստեա տաղնապող և զիւական տենդիս ջերմութեան , որ սպրդեալ մուծաւ ընդ մեղաց , զի փախիցէ 'ի մարդոյս՝ զարհուրեալ 'ի սխրալի և յանբաւելի արեան վտակի գառինդ երկնաւորի , որով սրսկեալ միանգամ 'ի մշտնջենաւորս համայն մաքրեցաք :

Զ. Եւ արդ յայսց պատկառելի խոնարհութենէ արարչա կերտս խորհրդոյ , ամաչեսցէ սատանայ 'ի գործս չարեաց իւրոցն հրեշտակաց , տանջեսցի և հալածեսցի հեռացեալ և արտաքս առաքեալ 'ի շինուածոց խորանէ քումգ բնակութեան յարտաքին խաւարն . Եւ ջնջեալ մաքրեա զարտասուս ողբոցս 'ի դիմաց մերոց , և զհառաչումն ձայնիս հեծութեան 'ի սրտից մերոց , Եւ յիշատակաւ հարման հեղուսիցն քստմնափուշ սաժանատեսիլ ողեսպահանջից , որով

պնդեցաւ միածինդ քո յաշտարակ խաչին, ցաւեսցի չարին. **Եւ** 'ի կողահերձ սայրասուր պաքէ ուժգին բախմանէ, որով զվէրն մեծ ընկալաւ, 'ի սպառ սատակեցցի սկզբնարար մահուն. **Եւ** զի խոնարհեցոյց զգովեալն գլուխ յաւանդել զողին 'ի ծոց քո բարձրեալ, ապստամբութիւն անբարի բարուցն Բելխարայ 'ի կոր կործանեսցի, ամենայնիւ հերքեալ 'ի կորուստ. **Եւ** զի զողեալ ծածկեցաւ անմահն իսկութիւն յորովայնի երկրի, այսու ամբարձեալն հպարտութիւն կարծեալ գոռողին 'ի յատակս մահու դժոխոց մթին ստուերին յառեալ գխտեսցէ. և յիշեսցէ զառաջին հարուածն անբժշկական, որով մահացաւ գիմամարտութիւն թիւնից վիշապին կենարարն կրիւք ամենազօրին. **Վասն** զի 'ի փառս քո, հայր ողորմութեան, իբր 'ի գովեսա որդւոյ քոյ հոգւովդ սրբով զայս խոստովանիմք քանզի ոչ պիտակ ինչ սոսկ զօրութեանն ունի զմիւսմէն առ մի խորհրդազականն խորութեան, այլ զանակիզբն բանդ անձնաւոր ընդ անժամանակդ հօր փառաւորեմք. **Եւ** քեզ միայնոյ սուրբ Երրորդութեդ, հաւասարապատիւ տէրութեանդ, համարուն անբաժին ինքնութեանդ՝ օրհնաբանութիւն, գոհութիւն, զօրեղութիւն և անճառ վայելչութիւն մեծութեան, բարեվիճակ հարթութեան, զուգակշիռ հաւասարութեան յախտեանս. ամէն.

ԲԱՆ ԻԹ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՒՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. Ե՛ւ արդ դու միայն սկիզբն բարեաց, գթութիւն անճառ, որդի բարձեալ միոյդ աստուծոյ, որ զողջոյն զօրն թողութեան ցուցեր փրկարան, և ոչ կորստեան դատապարտարան, յեղանակեալ ինձ զաւուրն չար առ մեծ աւետիս ակնկալութեան. **Բ**ժիշկ ախտացելոյս, հովիւ մոլոր-

եալ ոչխարիս , տէր սպաւինեալ ծառայիս , գինի անապակ մեծ արտմեցելոյս , սպեղանեաց դեղ վիրաւորեցելոյս , ազատութիւն մեղօք դրաւելոյս , օրհնութիւն բարեաց մերժելոյս , կնիք շնորհաց խտտելոյս , օծումն կոչման կապտելոյս , կանգնումն վերստին կործանեցելոյս , սլաոսպարան հզօր դրբեցելոյս , օժանդակ վեհ գայթակղեցելոյս , գուն բարձրութեան տարակուսելոյս , սանդուխք երանութեան եղիելոյս , ճանապարհ շաղաց մտրելոյս , լծագաւոր ներող պարտելոյս , քաղցր յուսադրութիւն լքելոյս , ձեռնկալ կենաց հերքելոյս , մեծ գ միայն և ամենառատ , որ զլիութիւն բարեաց սահմանեալ հեղուս անչափ յաճախութեամբ քան զոր խնդրեմք և խմանամք , ըստ Պօղոսի գահաբանութեանն . Քանզի իննուց յրանից և թուոց երկից և չորեակ տասանց 'ի վաղորդայնէ տունջեանն առ մուտս արեւուն , անդուստ առ նմին յաւետ կարկառմամբ իսկ և իսկ 'ի սոյն անարդեւ սրտիս , 'ի վեր է քան զսղերսանաց ակնկալութիւն մարդկան , բարեգործել միմեանց շնորհատրութիւն . իսկ առ իմն թշուառութեան և անարդութեան գրոյդեգեալ վառս , ամենակարող զօրութիւն անհեղ , բոլորից աստուած , օրհնեալ տէր Քրիստոս , որո՞վք սահմանեցի կշռութեամբ չափոյ հաստողիդ ընդ հոյոյս հաւասարութիւն կցորդեալ . Քանզի մնաս յայտոսիկ անբաւ և անհետաղօտելի , ամենեւին բարի անմասն բարկութեան խաւարի , ուստի յոյժ նուազ են քում մեծութեան աստեղացն թիւք , զորս գոյացուցեալ յոչէից յորջորջմամբ անուանց կնքեցեր , և կամ հիւթ երկրի՝ 'ի յօդս հեղեալ , զոր 'ի չգոյից հասեալ տարածումն յատակի կառուցեր , քան ինձ նախագրեալ համարդ սակաւութեան , որովք քեզ նմանիլ վարդապետեցեր :

Բ. Ահա ծածկեցաւ և ընկզմեցաւ 'ի քոյդ լոյս կամաց երկայնատութեան՝ հանուրց չարութիւն , իբր գոյզն մուսլ 'ի տապ արեւու , և որպէս աստուստ իսկ կիրք բնութեանց զհասարակաց բարուց ցուցանէ . Քանզի ով ոք 'ի մարդկանէ մեղաւ , և ոչ զվջացաւ . ո՞վ ոք զազրացաւ , և ոչ ամաչեաց . ո՞վ ոք գարշեցաւ , և ոչ պատկառեաց . ո՞վ ոք

սխալեաց , և ոչ սողաշուեաց . ո՛վ ոք կործանեցաւ , և ոչ
 հեծեծեաց . ո՛վ ոք գայթակղեցաւ , և ոչ ստրջացաւ . ո՛վ
 ոք պարտեցաւ , և ոչ ինքեամբ բմբերանեցաւ . ո՛վ ոք
 պատրեցաւ , և ոչ յուզուց ելաւ . ո՛վ ոք ճաշակեաց լեզի ,
 և ոչ դառնացաւ . ո՛վ ոք անկաւ 'ի բարձրութենէ , և ոչ
 ընդոստեաւ . ո՛վ ոք կորոյս մեծութիւն , և ոչ աշխար-
 եաց . ո՛վ ոք զրկեցաւ յերանութենէ , և ոչ ելաց . ո՛վ ոք
 կապտեցաւ 'ի շնորհէ փառաց , և ոչ ողբաց . ո՛վ ոք գտաւ
 ինքեան վնասակար , և ոչ սողտաւ . ո՛վ ոք մերժեցաւ յե-
 րեսացն աստուծոյ , և ոչ հառաչեաց . ո՛վ ոք լուաւ զաս-
 տուծոյ սպառնալիսն , և ոչ սոսկացաւ . ո՛վ ոք ընդ մի չար-
 եացն՝ հազարս չաւաղեաց . ո՛վ ոք մերկացեալ յաւուրս
 ձմերայնոյ , և ոչ զովացաւ . ո՛վ ոք անօրինեցաւ , և ոչ քա-
 բամբք զմիտան կոծեաց . ո՛վ ոք ետես զստրուկն յիւրում
 մեծութեան , և ոչ զկծեցաւ . ո՛վ ոք կատարեաց չարիս ,
 և ոչ զինքն խկ նղովեաց . ո՛վ ոք աստացաւ , և ոչ զանձն
 դարովեաց . ո՛վ ոք յամօթալեացն դործեաց , և ոչ զիւրն
 մարմին ձաղեաց . ո՛վ ոք 'ի պատկառելիսն հպեցաւ , և ոչ
 զօրն իւր անիծեաց . ո՛վ ոք զգործեցեալսն յիշեաց , և ոչ
 տապացաւ . ո՛վ ոք զգաղտնիսն մտաբերեաց , և ոչ խորո-
 վեցաւ . ո՛վ ոք զծածուկսն նկատեաց , և ոչ մահ կորստեան
 խնդրեաց . ո՛վ ոք զաներեւոյթսն կերպաւորեաց , և ոչ
 կրկին յերկիր կորացաւ . ո՛վ ոք ընդ մեղացն հեշտութեան
 բոց անչէջ հնոցի ոչ խառնեաց . ո՛վ ոք զվնասակարսն բը-
 նութեանն , և ոչ պապակեցաւ . ո՛վ ոք զկամաւ ներգործ-
 եալսն , և ոչ սատակման ինքեան աղօթեաց . ո՛վ ոք զան-
 ճառելիսն , և ոչ խռովեցաւ . ո՛վ ոք զանկրելիսն էութեն ,
 և ոչ թախծեցաւ . ո՛վ ոք զմեծամեծան , և ոչ մաշեցաւ .
 ո՛վ ոք զանբծութեանն ապականարարսն , և ոչ տոչորեցաւ .
 ո՛վ ոք զտարագրութեանն պատճառ յանցմունս , և ոչ տաղ-
 նապեցաւ . ո՛վ ոք զերեսացն աղտեղի տեսիլ , և ոչ բար-
 կութեան վերնոյն զանձն պարտ վարկաւ . ո՛վ ոք զմի 'ի
 կարեւորացն մեղաց յաչս կերպացոյց , և ոչ զինուր մահու
 խոցեցաւ . ո՛վ ոք զխայտառականացն , և ոչ վսոյս վհա-
 տութեան ընդ հեծութիւնս ձայնին հիւսեաց . ո՛վ ոք յար-

քայական դահոյիցն անանկացաւ , և ոչ կարկամեալ 'ի վայր
 դլորեցաւ . ո՛վ ոք ընդ պատկին պերճութեան հող 'ի գլուխ
 եղեալ , և ոչ կրկին շարչարեալ յոգի մահացաւ . ո՛վ ոք
 ընդ պայծառ պատմութեանին քրճաղղած եղեալ , և ոչ
 տխրեցաւ . Ո՛վ ոք զկեանս իւր կորոյս , և ոչ արեան
 արտասուս երկնեաց . ո՛վ ոք ընդ արկանելեաց լուսոյ
 խաւար զղեցաւ , և ոչ նուաղեցաւ . ո՛վ ոք 'ի վերայ սղոյ
 սիրելոյ ոչ թառամեցաւ . Ահա այս կերպարանք ճշգրտ-
 տաղոյնք պարտաւորիս յանդիմանութեան , տխուր դէմ ,
 քաղեալ ճաճանչ , ցամաքեալ խոնաւութիւն , երիթաց-
 եալ շուրթն , անչքեալ տիպ , տրամեցեալ ոգի , այլայլեալ
 ձայն , կրկնեալ պարանոց : Եւ զի թէ ոք զիսկութիւնն իսկ
 նշանակեացէ , ոչ անօրինէ , անամբարտաւան միտ , անհը-
 պարտ սիրտ , անխնդրող պարգեւի թշուառ , անաղերսպի
 պասքեալ , ինքնակշտամբելի դեղեբրեալ , իրաւամբրժ սով-
 եալ , արդարալուկ քաղցեալ , պատշաճաղատ հարուած-
 եալ , ինքնավիայ մահապարտեալ , արժանապէս հանեալ ,
 անձնանէժ եղկելի : Եւ զայս թարգմանեալ ցուցանէ ար-
 դարադորժ փարիսեցին կշտամբեալ , և մեղապարտ մաք-
 սաւորն բարեհամբաւեալ :

Գ. Եւ արդ եթէ զչարիան՝ հնարաւորութիւն բանսարկ-
 ուին գտողին զմեզ դայթակղեալս , զիւրսն 'ի մեզ սերմա-
 նիս առ օրն համարեացի , զխաբոյ ոչ զբարիսն անկեալս 'ի
 մեզ հոգւոյ արութիւնս 'ի խնամակալութենէ կամաց կե-
 ցուցչիդ օնեւօն գրեացես , տէր բարեգութ , հզօր և յաղ-
 թող , քաւիչ մեղուցելոց , կարող յամենայնի առ ամենայն
 փրկութիւն : Եթէ զանդունդս առ երկինս փոխես , և կամ
 զխաւար մթութե 'ի լոյս հաստատես , եթէ զդաւնութիւն
 լեղոյ 'ի մանանայի քաղցրութիւն կազմես , և կամ զկոծ-
 սաստկութեան վշտաց 'ի սարս դատու բերկրութե հարսա-
 նեաց կարգես , զխրինք և հնարաւորք են քեզ պստքիկ ,
 և ևս քան զտոսին բաւես առ նոսին տիրեալ համայնից ահա-
 ւորապէս . և քեզ փառք յաւիտենից յաւիտեանս . ամէն :

ԲԱՆ Լ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՆՌԻՔԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՅ ԽՕՍԻՔ ԸՆԴ ԱՍՏՈՒԾՈՅ

Ա. Եւ արդ ճշմարտեացի բան քո, ողորմած բոլորից
աստուած, ներող և օրհնեալ, 'ի բազմադ թելին դարձա-
ւորութիւն աւուրն պատկերի զզման մեղաւորին. թէ և
առ յետին խակ շունչն իցէ ընտրութիւն, և կամ 'ի մէջ չա-
բութեանն փոխադրութիւն. Մանաւանդ զի գժնեաց կը-
ցորդս այս անձնիշխանական՝ միշտ մարտիկ, խաբող չոր-
քորթ, յարեալ 'ի ստութիւն, ըստ առակողին առածող
հողմոց, գժուարունելի հաստողին փախչող, գերեալ
որսողին մոլեկան մարմնոյս, ներհակ տնկակից, յոգնա-
պատճառեան ամենավարան, զոր քո է գիտել զքանեացն
յաճախութիւն. Եւ զկնի մեղանացն, ողորմագինս իմն
ողբարկութիւնս վճատականս տաժանակոծս բազմաւաղե-
լիս, քո առաջի տէր գթարկութիւնս գրեալս արտաս-
ուօք, թառանչս թշուառութեանց կարգերոց անբաւս չար
վտանգից մեղատագնապ պատկառեցելոյն.

Բ. Եւ զի մի կրկնաբանութիւնս 'ի շատխօսութիւն կըր-
թեացի, առաւել քան զսոյն այսու ողբալի, քանզի ոչ եր-
բէք համարձակի խնդրել իւր զարքայութիւն, այլ զտան-
ջանացն թեթեւութիւն. ոչ ընդ կենդանեացն 'ի լոյս, քան
թէ ընդ գերեզմանականացն զգայական շնչովն 'ի խաւար.
ոչ ընդ ամբարձեալն, այլ ընդ բեկեալն և ընդ խորտակ-
եալն. Ի հանդստեան իւրում վաստակեալ, 'ի խրախու-
թեան ինքեան տրամեցեալ. գիմք ժպտեալ, և մտօք
խոցեալ. կերպ 'ի ծաղր, և աչք 'ի յողբումն. երեսք զսիո-
փանս ձեւացուցանէ, և արտասուքն զգառնութիւն սրտին
ճշմարտէ. Ըմպանակք երկու յերկոսին ձեռին, մինն ար-
եամբ և միւսն կաթամբ. երկու բուրանոցք կայծակնա-
ւորք, մինն խնկով և միւսն ճենճերիւ. սկաւառակք կըր-

կին կրաւորականք համոյ, մինն քաղցու և միւսն դառնութեամբ. բաժակք զոյգ առ երկուս բերմունս, մինն արտօսք և միւսն ծծումբ. տաշտք կրեցեալք 'ի ծայրս մատանց, մինն դինի և միւսն լեղի. դրունք տեսանելեաց ներհակաց, մինն 'ի լաց և միւսն 'ի վրիպումն. խանութք հալոցականաց հակառակութեց, մինն արծարծէ և միւսն շիջուցանէ. հայեցուածք գիմաց երկուց, մինն դոյզն ողբանօք և միւսն անանխայելի բարկութեամբ. համբարձումն երկակի բազկաց, ոմն 'ի հարուածս և ոմն 'ի մերժումն. դէմք կրկնակի կերպից, մինն տխրեալ և միւսն ցասուցեալ. կշտամբանք ընդ միոյ երկու, մինն աստեացս և միւսն ապառնեացն. ապաւինութիւնք կարծողականք, մինն գոնէ և միւսն թերեւս. 'ի մի բերան երկակի բարբառ, մինն եղկութիւն և միւսն խռովութիւն. երկուս աղբմունս 'ի միում սրտի, մինն կեղակարծ յուսոյ և միւսն ճշգրիտ կորստեան. ամպ լրթադոյն ահագնատեսիլ կրկին տեղացմանց, մինն նետս և միւսն քարինս. որոտումն ահեղ երկոցունց բերմանց, մինն կարկուտ և միւսն հրացան. ցայգ ցաւազին երկուց վտանգից, մինն լալոյ և միւսն մահու. տաւառս սգոյ երկուց բողբանց, մինն սաստից և միւսն սպառնալեաց. արեգակունք երկու 'ի յերկուց ծայրից, մինն խաւարի և միւսն կիզման.

Գ. Եթէ հարուածոց աջ կառուցանի, ինքեան վարկանի. և թէ ձեռն պարզեւածիր, ոչ իւր ակն ունի. Ի պարժանս ուրուք կորանայ, յամբարձումն գլխոյ ընկճի, 'ի չարեացն յիշատակ հեծէ, 'ի ճառս մաքրոց պատկառէ, 'ի պատմութիւնս հանգերձելոցն երեբրի. Եթէ օրհնի յումբէ յայտնի, 'ի ծածուկ զանձն անիծանէ. եթէ գովեստ յումբէ լսէ, պարսաւանօք զինքն կշտամբէ. եթէ գարովեցի սաստկապէս, ինքեամբ ինքեան վկայէ. եթէ ձաղեցի ուժգին, սակաւ հատուցումն առաւել պարտոցն գրեցէ. եթէ ըղձումն մահու ինքեան լսիցէ, սյս ասէ, և դարձեալ կրկնէ. և եթէ որոգայթ մահու ճայթեցէ յերկնէ, հազիւ զդէմն համբառնացէ. Զիւրոց իրաւանցն մատեան խիեալ, զպատասխանութեանն յոյս լքուցեալ, զհամարձա-

կութեանն ընթացս փակեալ, **Ե**ւ եթէ ոչ էր անկրկանաւոր կորուստ գրեւոյն, զիւրովին երթալ ոչ ինչ դանդաղէր, **Ա**րդարեւ վայ մեղաւորին՝ որ տարակուսեալ կայցէ ՚ի վերայ երկուց ճանապարհաց, ըստ հոգեւոյն բանի խմասանոյն.

Դ. **Ե**ւ արդ զխորդ ոչ ողորմեացիս, բարեգութ, այս քանեացս ձայնարկութեանց կողկողաղինս հեծեծանաց, որ անուամբս այսու մեծացար, թէ ողորմած եմ ես տէր, **Ա**հա առ չարութիւն գերույս բարութիւն քո, առ մահապարտիս դառնութիւն քաղցրութիւն քո, առ կորուսելոյս յայտնութիւն ճառագայթ քո, առ յանդգնելոյս մութիւն ողորմութիւն քո, առ խակութիւն վնասակարիս հեղութիւն քո, առ կործանելոյս այցելութիւն աջ քո, առ ընկղմելոյս վերբերութիւն ձեռն քո, առ բժշկութիւն անողջանալի խոցուածոյս մատն քո, առ պակուցելոյս պաշտպանութիւն ոգի քո, առ ապախաւորիս իմ վստահութիւն երկայնամտութիւն քո, առ օժումն ամենադժնէխ զօրութիւն քո, առ մեղաւորիս քաւութիւն հրաման քո, առ փախուցելոյս ազաւինութիւն ոտք քո, առ սրացելոյս պատրաստութիւն բազուկ քո, առ վրիպելոյս առաջնորդութիւն լոյս քո, առ տարակուսելոյս հնարաւորութիւն հանձար քո, առ անիծելոյս կրկին ստացումն օրհնութիւն քո, առ վհատելոյս քաջալերութիւն խրախոյս քո, առ վշտադնելոյս մխիթարութիւն բաժակ քո, առ նեղելոյս ընդարձակութիւն կամք քո, առ ատեցելոյս կոչումն սէր քո, առ հաստումն սասանեցելոյս բան քո, առ հոգւով վիրաւորելոյս կտթուած արեան քո, առ աներեւոյթ մթերս ցաւոց ակնարկութիւն քո, առ յուսահատելոյս անդրէն ընարութիւն իշխանութիւն քո, առ պատուաստումն կտրեցելոյս կցորդութիւն քո, առ խաւարաւ մահու ծածկելոյս նշոյլ կենաց քոց, առ խռովեցելոյս իմ հանդարտութիւն խաղաղութիւն քո, առ վայրագութիւն օտարացելոյս ողջոյն քո, առ մոլորելոյս դարձաւորութիւն ձայն քո, **Ձ**ի դուտիրես ամենայնի զթութեամբ, և չիք ՚ի քեզ մասն ինչ խաւարի, և ոչ է բարութիւն առանց քո, և քեզ վայելէ փառք յախտեանս, ամէն.

ԲԱՆ ԼԱ՛

ՎԵՐՍՏԻՆ ԾԱԽԵԼՈՒԱԾ ԿՐԻՒՆ ՀԵՆՈՒԹԵԱՆ ՆՈՐԻՆ ՀՅԱՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՍԻ ԸՆԴ ԱՍՏՈՒԾՈՑ

Ա. Եւ արդ քանզի բազմացուցի պոյսմանաւ բանիս զաղէտ տաղնապի հեծութե՛ն ձայնիս մեծ հառաչանացս անպիտանելի խնցս վտանգի. զի դու ողորմած սկզբնահայրդ խոստովանութեան անցայտ ծածկութից որդի աստուծոց կենդանւոյ տէր Յիսուս Քրիստոս, քաղցրութեամբ նախեսցիս քաւել. Արդարեւ կարող ես, ճշմարտապէս բաւական ես, եթէ կամիս՝ հնարաւոր ես. կամիս առաւելապէս, որպէս և կարես. Հարստանաս մեծապէս ընդ տալն քան եթէ ընդ առնուլն, բազմանան քեզ դանձք 'ի ձրուելն քան 'ի ժողովելն, յաճախեն ստացուածք քո 'ի սիրուելն քան 'ի ճշդելն, կուտին քեզ համբարք 'ի տարածանելն քան 'ի շտեմարանելն. Հաւատամ այսմ ամենայնի՛ դտանել քեւ ելք վրկութեան. հաւատամ անարդս ընդ պատուականին, յուսամ ընդ Արբահամու և ընդ Աննայի. զի մինն բանիդ քո հաւատաց և միւսն քահանայապետին բարբառոյ անսաց. Վասն որոյ և ոմն 'ի խորին ծերութեան անհամար որդւոց հայր հաստատեցաւ, զառանցեալն և զամուլն արդանդ Սառայի՝ անդաստան պտղածին արդեան օրհնութեան բազում ժողովրդոց մարդարէից սրբոց և թագաւորաց ընտրելոց հայել յուսացաւ. Իսկ միւսն զանհանգեբրձելի երկիր որովայնին սենեկի եօթնեակ զաւակօք բարգաւաճեցոց, որ է թիւ մի անբաւութեան զբնառն նշանակելոյ զէութիւն, աստուածութեանն յարակայութե՛ն տահման անհետազօտելի, և աւազանին նորածին որդւոց անհատ յորդութիւն. Այս թիւ պանծալի, որում ոչ է կէտ կցորդի և ոչ սպառուած վախճանի, այլ կոյս ոմն է ուրոյն ընտրութեամբ նուիրեալ յաւէտ անճառ վիճակաւ համայն յախտենիւ, դժուարաթարգմանելի մերոց խնաստից.

Բ. Արդ համարեա յարդարութիւն անյուսալի փրկութեան հոգւոյս զամենալարան ձայն կողկողանաց սրտիս հեծութեան, ընդ նախագրելոցն երջանկաց եղեալ և դասեալ զայս դաւանութիւն փոքր հաւատոց խնցս խնդրուածոց. զի կեցից և ես առ նոքօք բերկրեալ ընդ նոսին, բուռն հարեալ քան զխնոց գործոց դքոյդ շնորհաց. Մանաւանդ զի կրկին բարձունք են և փառաւորք և քան զչափ կշռութեան բանի գերագոյնք, իմումս խոսովութեան հաշտարանք և հզօրապէս քաւարանք, և կարծեաց թերութեան մտաց սլացեալք. ընդ արեան քս ահաւորի և ըստ մարմնոց ծնողքս խնկելի. պարք առաքելոցն, դասք մարդարէիցն, դունդք մարտիրոսացն՝ ձիւարեալքն հետեւակ սպառազէն արիութեամբ մերկամարտիկն մրցութեամբ, դումարք միանձանց, բոյլք բանականաց ընտրելոց, ժողովք բարեկրօնից, հոյլք հոգեղինաց յերկրէ երկնաւորաց, զինուորութիւնք վերնականաց ընդ մեզ կցօրդեւոց, աւանդք երախայրեաց, մատուցմունք զուարակաց, լուցմունք զամբարաց, բուրմունք խնկոց իւղոց հանդերձանօք, յաղթանակք փրկական նշանաց, կառուցմունք խորանաց աստուածարնակաց, ձեռք քահանայից շնորհիւ կատարելոց. Առ շարժումն անձին յիշատակ աստուծոյ, առ փոփոխումն գարշապարի, առ կարկառումն աջոյ և ամբարձումն բազկի, առ բարիս գոհութիւն, և առ գթել աղաչանք, առ բանս ընտանիս, առ խօսս հասարակաց, առ ձայնս բնաւորականս, առ գործոց յաջողուածս, առ առաքինութեան ջերմութիւնս, որ ՚ի տունջեան և ՚ի գիշերի՝ ընթացմունս օգտակարաց հոգեւորաց՝ քեւ առաջնորդեալք. ՚ի նիրհել և ՚ի զարթնուլ, ՚ի պատերազմի ազգաց, ՚ի մարտս դիւաց, ՚ի հակառակութիւնս հերձուածողաց, առ փոքունս, առ մեծամեծս, առ ձգումն ըմպելեաց և հաշակումն կերակրոց և որ ինչ միանգամ ՚ի կիրս մեր կերպանան, եթէ հեշտականս եթէ տատամնելիս. վասն ոմանց աղօթս՝ մնալ ՚ի նոսին, և յազգոս ոմանց՝ զի զերծ արասցես սքանչելապէս հնարիւք անձառիւք. հաւատացեալ յամենեցունց, թէ բաւական ես յամենայնի, կաթնաբոյծ հասակաց, տիոց

պատանեաց, մտաց վայրենեաց, ստամբակաց դոռողաց. մինչ զի առ թատերս տեսարանաց, և առ կոյտս խառնիճազանճ բազմութեանց, և կամ առ կաքաւս կայթից անախորժականաց կամաց հզօրիդ՝ ոչ ես մտացեալ.

Գ. Արդ գու ստացար զամենեսեան, և քո են ամենեքեան, և ողորմեցիս ամենեցուն՝ միայն բարեգութ. զի թէ և մեղիցեն, քո են. վասն զի 'ի քում' համարի են. քանզի գիտեն զզօրութիւն քո, ըստ առաւորդին մաղթանաց. Որում և ես կցորդիմ թշուառս բանիւ վկայեալ սրին յանցաւորապէս. յանդղնիմ ասել, թէ որ կարգաց ըզքեզ դովեսաիւ, ծանուցեալ զքեզ թէ իցես, թէ և եօթեամբք իցէ վարակեալ կրկնապատիկ պատժաւորութեամբ, առ այս օրինակ կիրթ ձեռնարկութեան, զիա՞րդ ոչ քո իցէ. Յորս է անասնել 'ի մէջ արջնատեսս պաւաւուց' ըստիտականիչ երամս աղանեաց, 'ի մէջ խոխտականաց ձիոց անմաքից' որոջս հանդարտաբարս, 'ի թիւ շանց դաղանականաց դառինս նուիրելիս, հեղութիւն 'ի խրատութեան, կատարելութիւն 'ի թերութեան, խոնարհութիւն յամպարհաւաճութեան, ճշմարտութիւն 'ի ստութե, միամտութիւն 'ի մանկութեան, անբժութիւն յայլամտութեան, բարօրութիւն 'ի չարութեան, պարկեշտութիւն 'ի լկտութեան, ողորմութիւն յանդթութեան, ապաշաւանք յանցուտութեան, քաղցրութիւն 'ի բարկութեան, հաշտութիւն 'ի թշնամութեան, անոխութիւն 'ի խաժանողութեան, քաջալերութիւն 'ի լլկութեան, օրհնութիւն 'ի նետաձգութեան. Յոր ոչ բաւականացայ երբէք 'ի դատել ճշդբտապէս, թէ ս'վ յերկրածնաց աստի կանխեսցէ ժառանգել զքեզ, որ միայն անաշտաբար կշտամբես իրաւամբք զարդարութիւն՝ առ ամպարիշտ մաքուրն և առ պոռնիկ զղջացեալն. առ ամենեսին բարեգործ՝ միայն թաղաւոր օրհնեալ 'ի բարձունս և յամենայն յախտեանս ամէն.

ԲԱՆ ԼԲ.

ՎԵՐՍՏԻՆ ԾԱԽԵԼՈՒԱԾ ԿՐԿԻՆ ՀԵՏՈՒԹԵԱՆ ՆՈՐԻՆ ՀՄԱՌԴԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻՔ ԸՆԴ ԱՍՏՈՒԾՈՑ

Ա. **Ե**րբ ես յեանեալս 'ի նախագրութեանց արժանաւորաց գրեալ ինձէն ընդ պարտաւորան պատժոց, հայցեմ զողորմութիւն ընդ ամենեցուն մաղթանաց, ընդ նկունս և անհամարձակս, ընդ տկարսն և փոքրկունս, ընդ ընկեցիկսն և արհամարհեալս, ընդ տարադրեալսն և առ քեզ դարձեալս, ընդ երկուացեալսն և ճշմարտեալս, ընդ կորժանեալսն և յարուցեալս, ընդ ընկձեալսն և հաստատեալս, ընդ գլորեալսն և կանգնեցեալս, ընդ մերժեալսն և ընկալեալս, ընդ ատեցեալսն և կոչեցեալս, ընդ սպչեալսն և ըզդաստացեալս, ընդ անառակեալսն և զսպեալս, ընդ հեռացեալսն և մերձեցեալս, ընդ հերքեալսն և սիրեցեալս, ընդ պատկառեալսն և զուարթացեալս, ընդ ամաչեցեալսն և ինդամոեալս: Այլ ես պատմեմ աստանօր դարձեալ՝ ոչ զմեղան Երուսաղէմի, ըստ մարդարէին հրամանաւութեանն որ առ ժողովուրդն նախնի, և կամ՝ տանն Յակօբու զանօրէնութիւնս նորա, այլ խնյս ժամանեցից յայսնութեան. քանզի աւաղ ընդ աղէտս մահու յարելով ըստ մարդարէին, յանդիմանեցից զիս ինքն ինձէն խնովս ձայնիւ ըստ սաղմստղին. որպէս զի յանձնառական յայսմ համայնապատում խոստովանութենէ ոչ կարօտացեալ կրկնակին, միանդամայն 'ի սպառ սրբեցայց օրհնեալ հրամանաւ էլիզ:

Բ. **Ե**րբ կրկնելով ծունր բարերարիդ քաղցրութեան, տարածեալ զանձն իմ առաջի, զի մահ գլորմանն ցուցից կերպարան. որ 'ի հող խոնարհեալ մածայ ընդ երկրի, և ընդ անցաւորս այս կենցաղ կորստեան՝ անասնական գեաւնաքարչութեան սողնոց սահեցմամբ՝ կամօք բեւեռեցայ: Այլ 'ի քեզ տէր յեցեալ իբր 'ի հաստարան կենաց գաւազան 'ի յարմատոյն Ղաւթի ընծիւղեալ մարմնով անձառ

չաղկապմամբ յանեղ անձուծիւնդ, կանգնեցայց անդրէն կիսայար՝ պատկառեալ ՚ի քոցդ երախտեաց ՚ի վայր կորացեալ դիմօք, աչք ՚ի բարձունս յառեալ ողորմագին տեսութեամբ ՚ի քեզ մերձդ ՚ի հեծութիւն, բնաւին ողորմութիւն, բոլորովին քաղցրութիւն, զլիճ լուսոյս արտասուօք լցեալ՝ պաղատանս յուսոյ առաջի մեծիդ վերբնծայեցից։

Լուր ամենառատ աննուաղ երկայնմտութեամբ՝ քո դառնացուցչիս, միայն դու ՚ի յամի սահման փրկութեան, աստուած բոլորից, անճառ մեծութիւն, անբովանդակելի բնութիւն, անքննելի իսկութիւն, հզօր զօրութիւն, կարող բարերարութիւն, անպակաս լրութիւն, անճառ ժառանգութիւն, վայելչական վիճակ, առատ պատրաստութիւն, անստուեր իմաստութիւն, տենչալի տուրք, անձկալի ձիր, բաղձալի բերկրութիւն, անախուր հանգիստ, անտարակոյս գիւտ, անկապուտ կեանք, անծախելի ստացուած, անփոխանորդելի բարձրութիւն, ամենարուեստ բժիշկ, անսասանելի հաստատութիւն, դարձուցիչ մոլորելոց, գտիչ կորուսելոց, յոյս ապաւինելոց, լոյս խաւարելոց, քաւիչ մեղուցելոց, ծածկարանդ վախուցելոց, անդորրիչ խռովելոց, փրկութիւնդ մահացելոց, արձակիչդ կապելոց, ազատիչդ մատնելոց, պատսպարանդ սահեցելոց, վշտակիցդ գայթաղղեցելոց, երկայնմտութիւն տարակուսելոց, լուսոյ տեսակ, ցնծութեան ցոյցք, օրհնութեան անձրեւ, հոգի երեսաց, զօրութիւն դիմաց, հովանի դլխոյ, շարժարան շրթանց, ազդումն բանի, կառավար անձին, բարձումն բաղկի, ձրգումն ձեռին, երասանակալդ սրտի, ընտանի անուն, մերձաւոր ձայն, կցորդութիւն հարազատ, խնամածութիւն հայրենի, խոստովանեալ անուն, պաշտեցեալ պատկեր, անպարագիր տիպ, երկրպագեալ տէրութիւն, բարեբանեալ յիշատակ, ինդութեան մուտք, անվրէպ շաւիղ, փառաց դուռն, ճշմարտութեան ճանապարհ, երկնածեմասնդուղիք։

Եւ այլ բազմութիւն բանից գովեստից անհամար կարգաց և տանց անբաւից, զոր ոչ բերէ բերան երկրածին, և ոչ տանի գործի մարմնեղէն, և ոչ կշռեն իղձք հոգեղէնք։

Գ. Առ քեզ հայի ամենայն ակն տեսողի, աստուածդ

ամենայնի . նայեա 'ի պաղատանս հառաչման ձայնի քոյոց ծառայից , և եթէ յաղախնաց ոք աղաչեսցէ : Եւ ընկալ զցօղ ողբերգութեան լալոյ արտասուաց աչացս ցանկասիրի՝ յանարատ ոտս մարդեղութեան քոյ , Քրիստոս , և օրինակաւ խորհրդոյ հերաց կնոջն յանցաւորի՝ զառ քեզ դարձն և զգաւանութիւն , և համբուրիւ շրթանցս առ ճաշակ փրկութեան կենացդ հաղորդութեան՝ համաշնչապէս զանքակ միութիւն . և զնոյն գթութիւն նորին ողորմութեամբ ընկալեալ 'ի քէն , բարերար , գրաւականեսցես զմեծդ պարգեւ ընդ փոքու հաւատոցս . և 'ի ձեռն գթութեան սիրոյ քոյ առ քո անձկալի անունդ խոստովանեալ ծառայիս , դարձցին ձմերունք հողմոյն խոստութեան 'ի յօդհանդարտութեան , և մրրկին սասակութիւն 'ի սիկ ախորժութեան , և կարծիք երկիւղին 'ի մեծ վստահութիւն , և պատահաս պատժոցն յերանութեան պատահումն , և վըտանդք թախծանացն 'ի հոգեւոր խրախճանութիւն , և ալէկոծութիւն ծփանացն 'ի խոր խաղաղութիւն , և զեկացն թեւարկմունք յանքոյթ նաւահանդիստն , և բերք բեռանցս մեղաց փոխարկեսցի 'ի թոշակ շնորհաց : Եւ յայսքանեացս ամենից բիւրուց բարութեանցս 'ի քէն եղբոյ՝ մեծացի անուն հզօրիդ խնկեալ և խոստովանեալ , ամաչեսցէ բանսարկուն չարեաց՝ հերքեալ և հալածեցեալ , ունայնացին մուրհակք մեղացս , խզեսցին հաղբքն , որոշեսցին որոգայթքն , կապտեսցին կապանքն , վանեսցի վիհն , վերասցին վնասքն , պարսեսցին պատրանքն , ջրեսցին մեղքն , պատառեսցին պարտիքն , խորտակեսցի լուծն , քակտեսցին քեղիքն : Եւ ընդ մնայլ մթութեան չարեացն յանցանաց և դիւացն բանակաց պաշարողաց՝ արեւ փառաց քոց ժամանեսցէ կեցուցանել փրկել և լուսաւորել , յաջմէ և յահեկէ , 'ի դիմաց և 'ի թիկանց . և եղիցի նշոյլ առաւօտու հոգւոյ դարնայնոյ ընդ ակնկալութեան սպասողացն քումբերեւման : Զի դու ես բարերար առ ամենեսին , և հնարաւոր են քեզ ամենայնք . և ամենեցուն զկեալն կամիս և զփրկութիւնն բաղձաս :

Դ . Ո՛վ ամենապարզ եւ ձեռն Յիսուսի Քրիստոսի , և առ

իս դարձցիս կարկառմամբ շնորհի աջոյդ քոյ սրբոյ բնակեալ միացեալ, և ոչ հեռացեալ յանձկութեան սրտէ սիրոյ սենեկիս . և անեղծական քո նկարագիր՝ նշխար պանծալի լուսոյ քրիստոնէական վերկաւէտ կոչմանս՝ ընդ իս պահեսցի, միջնորդեալ ընդ քեզ ՚ի մատեան յաւիտեան կտակադ կենաց հոգւոյդ աւետեաց երկնից յօրինողիդ . Եւ քեզ միայնոյ պատճառիդ, և միոյդ ՚ի միոյ պատճառէ, և ունոյդիդ զպատճառ միոյ, երբեակ անձնաւորութեանդ և միոյ աստուածութեանդ վայելեն փառք յերկնաւորացն վեհից, ՚ի սրբոցն դասուց, յաւիտեանս յաւիտենից . ամէն .

ԲԱՆ ԼԳ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍՅՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՅՄԲ ԸՆԴ ԱՍՏՈՒԾՈՅ

Ա. Արդ զյարմարութիւն պաշտաման բանիս ՚ի խայրեաց հոգւոյս քեզ նուիրելոյ, օրհնեալ բարեգութ, կցորդելով ընդ խնկազգեստիցն զուգամասնապէս խառնեացես ՚ի յանուշութիւն կազմութեան իւղոյն Մարիամու կնոջ բարեպաշտի . Յոր հաւասարեալ նոյնութեամբ ընդ երջանիկ պոռնկացն ՚ի քէն ընկալելոյն յաւետահրաշ յարգանօք, պարարեացիս մեծապէս իմովս բանիւ նուաստիւ, ընկալեալ յանհաս և ՚ի բարեբանեալդ գլուխ բարձրելոյդ, անկշտամբելի ՚ի բամբասանաց սաղմոսին, մի՛ օժցէ զտերեւոստոց զագաթման իւղ մեղաւորին . Այլ արասցես զօրանալ կրկին յաճախութեամբ բուրման խոստովանութեան այսր մատենի ՚ի բազումն ազգեալ, համասփիւռ ամենատարած և աշխարհալիր տանն տեսակաւ, ըստ օրինակի համեմատութեան նոցայն յիշատակի . Քանզի դու նոյն տէր զգաստացուցիչ նախնի չարախորհից կանանց մեղաւորաց, որոց առակեալ զմարգարէին կերպարան՝ քումբ ճշմարտատիպ պատկերի յեղանակեցեր, անտուտ առ տ-

սին անճառ ներդործութեամբ 'ի յիս վերաբերեալ զժայ-
 րագոյն շնորհին կատարումն, Ընդ անասնական գարւոյն
 կերակրոյ զբազմահամար պտուղ յորենոյդ կենացդ հացի,
 ընդ ապականացու արծաթոյն՝ զարքունականդ պատկեր,
 ընդ յիմարարար թմբբութեան գինւոյն՝ զբաժակդ արեան
 արարչիդ, ընդ իւղոյն առելոյ 'ի յայրատ կնոջէն հնոյ ժո-
 ղովրդեանն՝ զօծումն շնորհին առ իս գարձելոյ, ընդ զերծ-
 ման զլխաշուք կտառոյն՝ զանապականութեան վերարկուն,
 ապարանջանին պճնութեամբ՝ զթուխս բարեմասնութեան,
 օրինիւն և աւետարանաւն՝ հանդերձ գործնական առա-
 քինութեամբն, ընդ ունկանն գնդի վայելչականն զարդու՝
 զանստուեր յիշատակ տէրունականդ ձայնի, ընդ քայռս
 պերճութեան լանջացն՝ զյոքնահաւաք աւանդս ուղղու-
 թեան քոյինակրօն լծոյդ քաղցրութեան.

Բ. Բայց զի է յայտասիկ ինձ պարծել, և ոչ վերստին 'ի
 սոյն պատկառել. Այլ յայլ օրինակ փոխեալ զմատեան
 մաղթանաց այսր ողբերգութեան, որ ինչ ինձ է յարմա-
 րաւոր, ամենայնիւ հատուցից զպատիժ պարտուցս իմոց
 մեղանաց, 'ի մարգարէիցն տառից բերեալ համառօտս՝ 'ի
 սոյն յարկ մոծից սաստիկ դատախազ. ընդ ողբոց նոցին
 լծակցեալ, քան թէ ընդ բերկրումն նոցա պարել՝ յորս
 հառաչանս, ձայնս հեծութեան, բողոքս բարկութեան,
 նախատինս խորտակման, լալումն կարեւոր. Այլ մեծիդ
 աստուծոյ գթութիւն ամենաժաման՝ կանուխ ազդեցաւ
 յիմ յուսատրութիւն, առ որս՝ զղջմունս, խոստովանու-
 թիւնս, աւետիս, պարգեւս, լուսոյ երեւմունս, խրախոյսս
 աստուածայինս, փառաց ժառանգութիւնս, հրաշխոյ յայտ-
 նութիւնս, սքանչելեաց տեսութիւնս. յորոց ոմանք յոյս
 ընձեռեն, և ոմանք վհատութիւնս բազումս մատուցանեն.
 յորս ես կամաւ կորժանեալ՝ կորստեանն վիճակեցայ. Չի
 եթէ զգեստ աստուծոյ զվարագուրին պատրուակ ասաց
 Եղեկիէլ, յորում արար ժողովուրդն կուռս կարկատունս,
 որով պոռնկել ասէ 'ի նոսա, իսկ ո՞րքան պատիժ անմաք-
 րութեանս եղիցի զաստուած՝ զգեցողիս ներքոյ և արտա-
 քոյ. Չարմանամ, թէ զի՞մրդ ոչ կիզում. հիանամ, թէ

կիր ոչ այրիմ. ափշիմ, թէ ո՞րպէս չյափշտակիմ՝ տանջեալ, լքեալ, չարչարեալ, ջաղխեալ, մանրեալ, խորտակեալ, կտրեալ, բաժանեալ ՚ի յօրինակէ ժանեաց կորուսչին, ըստ դրոյն. Այս այս միայն է պահեցեալ ինձ նշոյլ յիշատակի փրկութեան յուսոյ, զի քրիստոսեան աւետարանն կեանս է ամենեւին, ՚ի կերպարանաց պատկերի բանին ծանուցեալ. որով առ մեղանան դարձն, առ պարտիսն շնորհն, առ եղծումն նորոգութիւնն, առ անօրէնութիւնն քառութիւնն, առ վէրն բժշկութիւնն, առ վտանգն անդորրութիւնն, առ պատիժն ներումն, առ պատերազմն հանդարտանալն, առ հուրն անձրեւն, առ պատուհասն պարգեւն, առ ակնկալութիւն սատակմանն՝ ձիրն, առ գործարան մահուն՝ կենացն ազատութիւն.

Գ. Եւ զի՞նչ է ինձ զայս քանեաց յիշմանց ՚ի թիւ արկանել, և ոչ զանճառելիսն աստանօր դասել. Յիշատակահօրն բարձրելոյ՝ յորդին կցորդութիւն, յանուն միածնին՝ առ հայրն ընտանութիւն, սոցին ակնարկութեամբ ընդ հոգւոյն հաղորդութիւն. խաչին փրկանք, բանին սփոփութիւն, բարօք վարձ կամացս առ կշռութիւն գիտողին, աւազանն կենդանարար՝ հաշտութեանն միջնորդութիւն, և այլք ամենայնք անթիւք բարիք ՚ի բարերարէն բարդեցեալք, ազատք ՚ի հարկէ, արձակք ՚ի լծոյ, իշխանականք իշխեցեալք. Այսոքիկ և ոչ են, որ ինձ ՚ի մէջ դառնութեանս մահու՝ կեանս անտարակոյսս աւետարանեն. քանզի եթէ ոչ զայստսիկ ունէի, կանխաւ արդեօք կորուսեալ էի իսկ և իսկ ըստ բանի երդողին. Այ փոքրկութեամբ որդւոյ զհայր փառաւորեմ, ոչ նուաստութեամբ հոգւոյ զորդի նախադասեմ. համափառ ունիմ զերեսեան՝ և նոյն արարչութիւն. Քանզի և ՚ի դէմս հոգւոյն սրբոյ այս են աղաչանք, նախ ընծայ սկզբան պատարագին՝ յորում դառնդ երկնաւոր զենանի, զայս աղօթեցի.

Աղօթք, որ նախ քան զպատարագն մատուցանի.

Գ. Ամենակալ բարերար մարդասէր աստուած բոլորից, յօրինող երեւութից և աներեւութից, փրկող և հաստատող

խնամող և խաղաղարար, հօր հզօր հողի, հայցեմք բազկատարած մաղթանաց գոչմամբ հեծութեան յանդիման եղեալ քեզ ահաւորիդ։ Մատչխք մեծաւ թողութեամբ սաստիկ երկիւղիւ մատուցանել նախ զբանականս զայս պատարագ քում անղնին զօրութեանդ, իբր ակժողակցի փառակցի և արարչակցի հայրենի անկապուտ պատուոյդ, և քննողի ծածկութեան խորոց խորհրդոց ամենակատար կամաց հօրդ Էմմանուէլի՛ դքեզ առաքչի, փրկչի և կենդանատուի և արարչի ամենայնի։ Ի ձեռն քո ծանուցաւ մեզ երբեակ անձնաւորութիւն միասնական աստուածութեանդ, յորոց մի և գու ճանաչիս անհաս։ Քեւ և ՚ի ձեռն քո առաջինքն նահապետական տոհմին շառաւիղք՝ տեսանողք անուանակոչեալք, զանցեալսն և զգալոցսն, զեղեալսն և զոչ գոյացեալսն անստուերաբար բարբառով բանի վերապատմեցին։ Ողի աստուծոյ քարոզեալ դքեզ Մովսէսի, որ ՚ի գնալն քո ՚ի վերայ ջրոցն, անպարագիր զօրութիւն, ահեղ չըջարկութիւն տածողականաւ՝ թեւապարիակ պաշտպանողօրէն գթասիրեալ ՚ի ծնունդս նորոգս՝ զաւազանին խորհուրդ ծանուցեր։ Յոր կերպարան օրինակութե՛ նախ քան զկառուցանել զյոյժդ մածուած վերջնում վարագուրիդ՝ յօրինեցեր, կարող տիրապէս, զբովանդակ բնութիւնս ամենից բնաւից բոլորից գոյից ամ էից յանէից։ Քեւ ստեղծանին ՚ի նորոգութիւն յարութե ամ եղեալքս, առ ՚ի քէն յայնմ ժամանակի, որ է օր վերջին այսմ կենցաղի, և օր առաջին երկրին կենդանեաց։ Քեզ հնազանդեցաւ միութիւն կամացն որպէս հօրն իւրում ազգակիցն քո, էակիցն հօր անգրանիկն որդի մերովս կերպիւ։ զքեզ աւետարանեաց ճշմարիտ աստուած հաւասար և համագոյ հօր իւր հզօրի, և զառ ՚ի քեզ հայհոյութիւնն անքաւելի քարոզեաց, և իբր զաստուածամարտիցն զքո հետտեւրցն շարաբանական բերանս կարկեաց, և զիւրն շնորհեաց արդարն և անարատն գտիչն ամենայնի, որ վասն մեզաց մերոց մատնեցաւ, և յարեաւ վասն զմեզ արդարացուցանելոյ։ Նմա փառք ՚ի ձեռն քո, և քեզ բարբարութիւն ընդ հօր ամենակալի, յաւիտեանս յաւիտենից. ամէն,

Դարձեալ կրկնեսցի 'ի նոյն կարգ բանի , մինչև վատահոթիւնն լուսոյ հրաշապէս յայտնեսցի ազգեալ , աւետարանել վերստին ըզ կրկին խաղաղութիւնս :

Ե. Աղաչեմք և աղերսեմք արտասուալից հառաչմամբ յամենայն անձնէ զի առաւորեալ արարչութիւնդ անեղծ և անստեղծ անժամանակ հոգւոյդ գթածի որ բարեխօսդ ևս վասն մեր անմուռնչ հեծութիւնս առ ողորմածդ հայր . որ զսուրբսն պահես , և զմեղուցեալսն մաքրես և տաճարս կազմես կենդանի և կեցուցիչ կամաց բարձրեալդ հօր . Արդ ազատեա զմեզ յամենայն անմաքուր գործոց , որ ոչ է հաճոյ քումդ բնակութեան , և մի շիջցին առ 'ի մէնջ լուսոյդ շնորհաց փայլմունք 'ի տեսականացս աչաց իմաստից . վասն զի զքեզ ուսաք միանալ 'ի մեզ 'ի ձեռն աղօթից , և ընտիր վարուց խնկելոց . Եւ քանզի մինդ յերրորդութենէդ պատարագի , և միւսդ ընդունի՝ հաճեալ ընդմեզ հաշտարար արեամբ անդրանկի իւրոյ , իսկ դու ընկալցիս զմեր պապատանս , և յարդարեսցես զմեզ օթեւանս պատուականս ամենայն պատրաստութեամբ 'ի վայելումն ճաշակման երկնսուր դառինդ , առանց պատժոց դատապարտութեան ընդունել զայս անմահացուցիչ մանանայս կենաց նորոյ փրկութեան . Եւ հալեսցի 'ի հրոյս յայսմանէ գայթազղութիւնս մեր , որպէս մարգարէին կենդանախարոյկ կայծակամբն 'ի ձեռն ունեւեացն մատուցման . զի յամենայնի քոյդ քարոզեսցի գթութիւն , որպէս որդւովդ աստուծոյ՝ հօր քաղցրութիւն . որ զանառակ որդին մեր ձեցոյց 'ի հայրենի ժառանգութիւնն , և զպոռնիկան յառաջեցոյց յերկնային արքայութիւնն արդարոցն երանութե . Այո այո և ես մի եմ 'ի նոցանէ . և զիս ընկալ ընդ նոսին իբր մարդասիրութեան կարօտեալ մեծի , շնորհօք քո ապրեալ , զարեամբ Քրիստոսի ստացեալս . Չի յայսմ ամի՝ յամենայնի ծանխցի քո աստուածութիւնդ ընդ հօր փառաւորեալ համապատարար 'ի մի կամս և 'ի մի իշխանութիւն գովութեան . զի քո է գթութիւն և կարողութիւն և մարդասիրութիւն , զօրութիւն և փառք յաւիտեանս յաւիտենից . ամէն :

ԲԱՆ ԼԴ

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՍԲ ԸՆԴ ԱՍՏՈՒԾՈՑ

Ա. Արդ առ այսօրիկ թշուառացեալ շնչոյս իմոյ իղձք, և առ քեզ դաւանութիւնք յարմարականք, որ բովանդակես բանիւ զամենայն՝ աստուած, զոր 'ի նախնին ճառեալ և յերկրորդումն ցուցից: Իսկ յանդիմանութիւնս գրաբանականս՝ 'ի կոյտս բազմութեւ ազգաց, և թարգմանութիւնս ժողովրդոց, զայս արգահատութիւնս մաղթողականս նուիրեցի, զոր ներքնաշարեալքդ սահմանադրեն զոհաբանութիւնք:

Ի հանդիսարանս խօսից ատենի քանս մաղթանաց, որով հողին աստուծոյ հաշտեալ հասանէ յօգնականութիւն:

Բ. Ազաչեմ զանփոփոխելի տէրութիւն ամենազօր հոգւոյդ հզօրի, առաքեալ զցօղ քաղցրութեան քոյ, և բարեգործեալ 'ի յանձին և յիշխանական ազգման զգայութեան զամենայն շնորհս բազմապարգեւ քո ողորմութեան: Եւ հերկեալ զբանական անդաստան մարմնեղէն կարծրացեալ սրտիս յընդունակութիւն արգասեաց հոգեւոր սերմանդ: Քում ամենիմաստ էութեանդ խոստովանիմք զամենայն պարգեւս 'ի մեզ ծաղկեալ և աճեցեալ, որ ձեռնադրես առաքեալս, լցուցանես մարգարէս, ուսուցանես վարդապետս, բարբառեցուցանես համերս, և բանաս զփակեալ ականջս իլից: որպէս աղգակիցն քո էակիցն հօր անդրանին որդի քոյին գործակցութեամբ ներգործելով զայս ամենայն, քարոզեաց զքեզ աստուած հաւատարակից իսկութեանդ հօր: Շնորհեալ և ինձ մեղաւորիս խօսել համարձակութեամբ զկենդանարար խորհուրդ աւետեաց աւետարանիդ, հետեւել արագաթռիչ ընթացիւք մտաց ընդանհուն ասպարէզս քոյինաշունչ կտակարանաց: Եւ 'ի

մատչել իմ 'ի գլուխ հանդիսի մեկնութեան բանի՝ նախա-
 ժամանեցէ առ իս գթութիւն քո, խօսելով յիս զարժանն
 և զպիտանիսն և զհաճոյսն քո 'ի ժամանակի, 'ի փառս և 'ի
 գովեստ աստուածութեանդ քո, և 'ի լրութիւն շինութեան
 կաթուղիիէ եկեղեցւոյ: **Եւ** կարկառեա 'ի վերայ իմ զամե-
 նամերձ աջ քո, և զօրացո զիս շնորհօք գթութեանդ քո.
 փարատեա 'ի մտաց իմոց զմէզ մթութեան մոռացութեան,
 ապաքինեալ ընդ նմին զխաւար մեղաց, ամբառնալ ուշիւ
 իմաստիցս՝ 'ի կենցաղոյս երկրէ 'ի բարձունս, **Լուսաւորեա**
 'ի յիս վերստին զծագումն անստուեր հրաշից գիտութեան
 աստուածութեան քոյ, հզօր, արժանի լինել առնել և ու-
 սուցանել յօրինակ բարեաց աստուածասէր լողաց: **Եւ** քեզ
 ամենայն փառք յամենայնի, ընդ հօր ամենակալի և ընդ
 որդւոյդ միածնի և բարերարի, այժմ և յանվախճան յա-
 խտեանս. ամէն: **Իսկ** զհաւատոյ սահման բանի ընտրութե-
 շնորհի կենաց կանոնի առ համագոյ սուրբ **Երրորդութեն**
 զայս վարդապետեցի, զոր շաւիղ կարգիդ վերանկարէ:

Երրորդութիւն անայայլական նորոգ ստեղծարանութեան ազդեալ
 յաստուծոյ, յոր ինչ 'ի Նիկիայն սահմանեցաւ հաւատ:

Գ. **Խոստովանիմք** և դռանեմք, պաշտեմք և երկրպա-
 գեմք զդուգափառ միութիւն ամենասուրբ **Երրորդութեն**,
 աստուածութիւն անճառ, միշտ բարի, նոյնադոյ, հաւա-
 սարապատիւ, անհաս իմաստից թեւոց սլացման, 'ի վեր-
 քան զօրինակ և անդր քան զնմանութիւն, գերազանց գո-
 լով սահմանի անպարագիր բացարձակութեամբ, յառաջ
 քան զհիմն յախտեանցս անտարրափակ էութեանց ստեղ-
 ծականացս կարգաց, օրհնարանութեամբ անթարգմանե-
 լեաւ ամենահարուստ մեծութեամբ յաւէտ պրակեալ,
 հաստիչ ժամանակաց և որ 'ի ժամանակի են կերպաւոր-
 եալք, ինքն պատճառ հանդերձիչ և յարմարապէս յօրի-
 նիչ տեսականաց և աներեւութից: **Ոչ** անուամբ չափեալ
 և ոչ յորջորջմամբ նշանակեալ, ոչ որակութեամբ նմանեալ
 և ոչ քանակութեամբ կշռեցեալ, ոչ օրինակաւ ձեւացեալ

և ոչ որպիսութեամբ ծանուցեալ, ոչ 'ի թերութենէ տարածեալ և ոչ 'ի լրմանէ ամփոփեալ, ոչ ուրեք երբէքի գրաւեալ և ոչ 'ի սեղօնջ վայրի երեւեալ.

Գ. Հայր դժութեանց՝ ունող ամենայնի, և աստուած հանուրց որ յերկնի և որ յերկրի, բաց 'ի բանէն միայնոյ՝ որով զամենայն ինչ ունի. ստեղծիչ և տուիչ շնչոց ամենից, բաց 'ի հոգւոյն խկակցէ որով զհամայնն կազմեաց.

Ն. Մինն յերջանկափառ համազօր ահաւորութենէ երիցն անձնաւորութեանց խոնարհեալ 'ի վերուստ՝ անտուստ 'ի ստորինս, որ էրն իսկ 'ի բնէ անբաժ 'ի ներքնոցս՝ անկապուտ մնալով փառացն ամբողջ, և անկարօտ դիմացն ծնողին իւրոյ, մտեալ 'ի սենեակ կուսին արգանդի պարզաբար, և ելեալ անտի յօդաւորաբար մարմին էապէս անորոշելի, անթերի մարդկութեամբն և անպակաս աստուածութեամբն. Մի որդի հօրն միայնոյ և միաժին անգրանիկ աստուածամայր տիրածին կուսին, արարիչն յեղականու մն մարդ ելով ճշմարիտ սկզբնածին. ահա ոչ զկնի եղելոց երկրաստեղծիցս նմանութեան, այլ նոր և չքնաղ, թաղաւորաց վեհափառ, որ ոչ ցուցաւ 'ի դարս, և ոչ գոյացաւ 'ի ժամանակս, անգրանիկ ըստ սաղմնողին, քան զամենայն թաղաւորս երկրի. անապական խառնութեամբ կերպացեալ զմերս 'ի մարմնի, ըստ օրինի հոգւոյ ընդ մարմնոյ, և ոսկւոյ ընդ հրոյ. և կամ յայտնապէս իսկ ասել լուսոյ ընդօդոյ, ոչ փոփոխեալ և ոչ անջատեալ. Նոյն ինքն եկեալ կամաւորութեամբ 'ի խաչն մահու, իբր զգառն անարատ 'ի սպանդ վարեցաւ, և հանդերձեաց զօրեղ ինքնիչխանութեամբ զարարածոց իւրոց փրկութիւն. չարչարեալ իսկութեամբ կենդանեօք՝ եղաւ 'ի շիրմի անորոշելի յաստուածութենէն. եռօրեայ թաղմամբն 'ի դժոխս՝ սանդաբամետականացն վհատելոցն բանտարգելիցն քարոզեալ ցուցաւ նորոգումն և լոյս. Եւ աւարտեալ զանօրինականացն զփրկանաւորն զոնտեսութիւն, աստուածապէս վերակենցաղեաց. և կառավարեալ 'ի թելս հողմոց՝ ելեալ 'ի Քրովբէս ամպով անքննութեան ծածկեցաւ. համբարձեալ գեր 'ի վերոյ ամենայն երկնի, նստաւ ճոխութեամբ յա-

Թոռն իւրական սկզբնածառանդ հօրն հաւատարութեան ,
 յորմէ և բնաւ իսկ ոչ մեկուսացաւ , անկորուստ առեցեւրմէ
 և աննուազ սեպհականօքն : Որով և եկեացէ 'ի դատաս-
 տան հատուցման , քննել զժածկեալան կշռութեամբ չափոյ
 արդար իրաւանց . որում սպասեմք և յոր աղօթեմք , հա-
 ւատացեալք յամենայնի՝ ամենայնիւ ամենակալ տէրու-
 թեան նորա . որ արդարեւ մինն է միայն 'ի միայնոյն՝ 'ի
 միոյն փառակցութիւն յաւիտեան երկրպագեալ :

2. Քարերանեմք միշտ և օրհնեմք բնդ որդւոյ և ընդ-
 հօր և զհոգի էութեան նոցին , ամենազօր , ճշմարիտ , կա-
 տարեալ և սուրբ , որ յանէից դոյացոյց զբոլոր եղեալքս ա-
 մենայն , ինքնադործ հոմիշխան երկուցն եւս ընդ նմին
 անեղծ և անսահման թագաւորութեան . որ ինչ պատճառն
 առաջին և բանն ահաւոր նորին ինքնութեան , նոյն ինքն
 և հոգին բարձրացեալ , Քարի ինքնակալ , ամենից բաշխիչ
 զհօրն պարզեւս՝ 'ի գովեստ անուան փառաց միածնին . որ
 ազդեաց յօրէնան , շնչեաց 'ի մարդարէնն , փչմամբ ազգակ-
 ցին տպաւորեցաւ յառաքեալն . կերպիւ աղաւնոյ ցու-
 ցաւ 'ի Յորդանան 'ի մեծութիւն փառաց եկեղյն , փայ-
 լեաց 'ի գիրս աւանդականաց , արար հանճարեղս , զօրա-
 ցոյց իմաստունս , լցոյց վարդապետս , օժարքայութիւնս ,
 օժանդակեաց թագաւորս , ետ վերակացուս , հրամանա-
 տրեաց փրկութիւնս , շնորհեաց ձիրս , հանդերձաւորեաց
 քաւութիւնս , զմկրտեալս 'ի մահն Քրիստոսի՝ 'ի բնակու-
 թիւն իւր մաքրազարդեաց . զոր հայր և որդի , զնոյն և
 հոգին ներգործեաց , և ինքն է աստուած լննկեալ տիրա-
 պէս ամենայն յամենայնի :

Ե. Քանզի ոչ նախաթուելովն յԵրրորդութեանն ոք մեծ
 ինչ քան զմիւսն , և կամ զկնի անուանիլն նուաստագոյն առ
 նմանն , և կամ 'ի մինն ասելով խառնակութիւն գոլ դի-
 մացն , և կամ յերկոյն տրոհումն ուրոյնութիւն ել կամացն .
 Քանզի անմեծար հայր ամենայնիւ , եթէ ոչ զբանն ունիցի
 ինքեան զօրութիւն . որպէս ոչ գոլով ընդ նմա հոգւոյն՝
 անհազագ ոմն և անկենդան և առ ամենայն հրաման նը-
 ւաղեալ . իսկ բանն եթէ ոչ անուամբ հօրն ծանիցի , որբ

ումն և կամ լքեալ և կամ 'ի մահացու է ու մեմնէ ոչ էի . Արպէս
 և հոգին եթէ ոչ 'ի պատճառէն նշանակեսցի , ապաշուք
 ոմն թափառեալ իրր զշունչ ինչ անդասելի . Այլ եթէ ոք
 հակաճառական բանիւ յաւակնի կապտել զհայր 'ի յիւրմէ
 բանէն , որ թէ էր երբեմն յորժամ և չէր , և անբանութեն
 բամբասանօք պատուել վարկանի զվեհին մեծութիւն , և
 կամ ստրկութիւն տացէ բղխողին՝ ոչ բնաւորաբար գոլով
 հոգեւոր , որով այլ իմն գոյութիւն օտար մուծանել և կամ
 ամբոխումն ինչ այլայլական յանարատ պատիւ միութեան
 սուրբ Երրորդութեանն , զայնպիսին քարամբք պարսից
 հաւատոյ բանից , իրր զդժնդակ դեւս դիմամարտիկս գա
 զանականս , հերքեալ 'ի միջոյ 'ի բաց հալածեմք , եղեալ
 'ինզովս զնոյնս ընդ նոսին՝ փակեմք ընդդէմնոցին զկենացն
 մուտ եկեղեցականս գաւթի . Աստի զսուրբ Երրորդու
 թիւնն փառաւորելով 'ինոյն տէրութիւն միակցորդ հաւա
 սարութեան , զուզածայն սրբաբանութեամբ , հանգունա
 տիսլ հարթութեամբ , օրհնեալ և փառաւորեալ յերկնի և
 յերկրի , 'ի ժողովս անդրանկացն , և յազգս երկրածնացս
 բանականաց , յաւիտեանս յաւիտենից . ամէն .

Ը . Արդ զայս գոչումն ծածուկ խորհրդոց կերպաւորելոց
 յայսմ մատենի՝ ամենալուր ակաջաց մեծիդ աստուծոյ ըն
 ծայեցուցի . սովիմբ սպառազինեալ , և ապա մտի 'ի հան
 դէսն . Այլ ոչ եթէ կարօտեալ իմոյս ինչ ձայնի ասու մե
 ծանաս , որ մինչչեւ ստեղծեալ էր քո զամենայն՝ նախ քան
 զլինելն երկնի փառաբանչօքն անմահից և երկրաստեղծս
 բանաւորօք , դու քեզէն 'ի քումդ լրութեան փառաւո
 րեալ իսկ էիր . այլ զի զմերժեալս զիս յարդեսոցես , անճառ
 քաղցրութիւն , ճաշակել զքեզ բանիս հաղորդութեամբ .
 Իսկ զի՛նչ պարտ իցէ ըստ արքունական հրամանիդ կենաց
 կանոնիդ ասել Ադոնայի տէր , և զհրամայեալ պատուէրդ
 ոչ առնել . որ ինձէն իսկ զիս զոսկեղէն տախտակս խօսուն՝
 նուիրեալ քումդ պատգամի , զգրեալս մատեամբդ աս
 տուծոյ՝ եղծի , որ և խորտակելն է իրաւացի . և ես տըխ
 րատեսակ մրով զերկրորդն նմանութիւն առեալ հայթայ
 թեմ , Այլ արդ քանզի բազմօք պաղատեսցայ դրուակօք

խանդաղատականօք, որ ոչ է գրեալ 'ի յայս կարգ ձայնի, լուր, բարեգութ, ըստ ամին բանի այնմ ամենայնի. Եղիցի և այս աղերս բարբառոյ հայցման աղօթից յողեալ ընդ նոսին. թերեւս 'ի մաքրոց և 'ի կամարարից այս նուէր հացի պանից բաղարջուց իւզով զանգեւոց 'ի սեղան վառացքոց մատիցէ.

Թ. Այլ դու բարերար և յամենայնի մարդասէր Քրիստոսոք մի՛ աստուծոյ միոյ, հզօր և ամենակալ, որ յաղթեա գթութեամբ ինամոց քաղցրութեան քո, ոչ հասարակականաց միայն մարդկութեանս իմոյ գոյակցաց, առ որս յաւէտ է ամբօխութիւն և բիւրամասնեոյ հակառակութիւն, այլ եւ հրեշտակացն անախտականութեան, նաեւ և եւս քան զայս՝ սրբասնելոցն անբատութեան. յորոց մի էր և Հեղիաս, որոյ ցոյցք խտութեանն 'ի Քորեբ լէրինն նշանակեցաւ յերիս օրինակս, 'ի շարժումն մեծ, 'ի հողմն ուժգին, 'ի հուրն կիզանողական. իսկ քոյդ հեղութիւն երկայնմտութեան՝ 'ի հանդարտութիւն մեղմութեան օգոյն քաղցրութեան. քանզի կամաց ողորմութեանց դու միայն ես, ըստ գրեցելումն. Ասան զի թէ և հաճոյք գլտան մերասերքս առաքինութեամբն յեղանակեալ յոյլ նըմանութիւն վերնային, սակայն երկրածինք են և նոքա, ընտրեալք 'ի մարդկանէ. իսկ դու ոչ ունիս չարանալ իսկութեամբ բարիդ, յամենայնի օրհնեալդ, ամենեւին փրկութիւնդ, ամենայնիւ հանգիստդ, համայնից անդորրութիւնդ, համօրէն ախտացելոց դեղ առողջութիւն, աղբիւր ջրոյ կենդանոյ ըստ Երեմիայ, Պարձ առ իս և ողորմեաինձ, որ այնքան ծարաւես պասքիս անկարօտդ աստուած իմում փրկութեան, մինչ զի զուարթնոցն երկնից անմահից օրհնաբանողաց բան իմն ընծայեցեր մարդկօրէն փրկական քահանայապէս և քաւչապետաբար՝ անեղծական յարակալութեամբ մշտնջենաւոր պաղտտանս օրհնեալք քո գթութեան 'ի մերոց դիմաց կենցաղականաց վասն իմ լքելոյս հաշտութեան մաղթել, ողորմեա Երուսաղէմի, որ է լուսաւոր խորհուրդ յայց ելանելոյ մեծիդ յայտնութեան առ հրեշտակական թափուր տեղի ստորանկելոց 'ի ձեռն մարդ-

կան՝ քո կցորդութեամբ աւետարանեալ առական այսր օրինականս , Երուսաղէմի .

Փ. Արդարեւ լուար բարեգութ , անասցեր թագաւոր , ունկնդրեցեր կեանք և յոյս , 'ի միտ առեր երկնաւոր , յարգեցեր հզօր , նկատեցեր ծածկագէտ , տեսեր խնամակալ , կարեկցեցեր անպատում , խոնարհեցար միշտ բարձրեալ , նուաստացար ահաւոր , յայտնեցար անճառ , ամփոփեցար անսահման , քանակեցար անքննին , մածար ճառագայթ , մարդացար անմարմին , շօշափեցար անքանակ , կերպաւորեցար անորակ , լցեր իսկապէս զաղաչողացն բաղձանս . Դու իսկ եղեր թշուառացելոյս ինձ՝ ձայնիւ զուարթնոցն՝ բարի բարեխօս , միջնորդ կենդանի , պատարագ անմահ , սպանդ անվախճան , նուէր մաքրութեան , ողջակէզ անծախ , բաժակ անսպառ . Ահա ողորմած , մարդասէր , օրհնեալ , միշտ կատարեսցես առ մեղուցելոյս զբարերաստութիւն կամաց քոց կենդանատուաց , գովեալ երկայնամիտ . և քեզ վայելէ փառք յաւիտեանս . ամէն .

ԲԱՆ ԼԵ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՄՐՏԻՑ ԽՕՄԲ ԸՆԴ ԱՍՏՈՒԾՈՑ

Ա. Ե՛ի արդ , տէր զօրութեանց , մեծութիւն ահեղ , անտարակոյս տեսաւորութիւն , կամք ամենընդարձակ , առատութիւն անպակաս , ո՞վ ոք զօրեսցէ տօնել հանդիսիւ պարերդութեամբ 'ի միոյ կաթուածոյ ցօղոյ քումդ բարութեան , որ ցանկ դեգերիս պատրաստել պատճառս հնարից իմում փրկութեան . Եւ զոր մեծն է գրեցից պատմել յապառնիսն , քանզի ոչ անուանեցար հրեշտակասէր , և որ զպետութիւնս նոցունց հաստատեցեր . այլ և զերկինս զամբարօք նոցին զմատանց քոց գործ , ոչ գրեցեր երբէք սիրել զնոսս . այլ առեր 'ի պատիւ մեծաց գովեստից ա-

ԲԱՆ ԼԶ.

ՎԵՐՍՏԻՆ ՅԱԻԵԼՈՒԱՆՆ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՐՈՅ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. Ե՛ր քանզի անթիւ են յաճախեցեալ և գերազանցու թեամբ միշտ առաւելեալ փրկանաւորդ արգասիք շնորհաց առ պարտուցս իմոց առաւելութիւն, չարչարանացդ հանդէս և յանձնառութիւն, Զափդ ամկոտիիչ ամենից հոգւոց գոյից արարիչ 'ի դործարանի մահուն նշանի խաչին հեղուսեր, զի զձեռնարկութիւնն իմ ընդդիմութեան կամաց քսց լքցես: Զընթացողականդ լծակցութիւն երկուցունց ոտիցդ կեցուցանողաց՝ յանարգելութես պատճառ՝ 'ի պատժարանի փայտին մաժուցեր, զի զփախուցեալս վայրագութիւն թշուառացելոյս դբաւականեսցես գթածարար:

Բ. Ոչ գօսանալ ձեռաց կոփողացն հրամայեցեր օրհնեալ գագաթանդ, որ զթղենւոյն տունկ առժամայն չորացուցեր, զի և զառ իս ներելոյդ օրինակ կանխաւ աւետարանեսցես: Ոչ գանողացն ապիրատութեան զխոստովանեալդ աստուած սպառնացար, որ զարուսեակն մթացուցեր, զի մահացելոյս անձին բարութիւն հանգստեամբ հանդերձ գործեսցես: Ոչ զհայհոյչացն հնարաւոր չարաբանութիւն կողտեցեր, որ զլուսնին պատկեր երանգաւ արեան գունեցեր, զի զանհամարձակ լեզուս 'ի գովեստ քեզ զօրացուցես: Ոչ նախատողացն մղկեղնութեան սաստեցեր, որ զոտրերս սասանեցեր, զի զթշուառացեալս դլուխ գթութեանդ օժմամբ իւղեսցես: Ոչ 'ի մղբրեցուցիչն կարգալ զքեզ աստուածասպանիցն՝ զօգուած ծնօտիցն բաժանեցեր քակտեալ 'ի միմեանց, որ զկարծրութիւն վիմացն հերձեր, զի զանունակս բարեաց հոգիս՝ 'ի բերմանէ ընդունայնութեան ողորմութեամբ հանգարտեցուցես: Ոչ զպահապանացն սուրս ընդերաց իւրեանց մատուցեր, որ զորովայն օձին սահեցման հօղոյ մատնեցեր, զի զտառապեալս մարմնոյ ոս-

կերս իբր 'ի գանձարանի պահեալ, կենաց յարութեան արժանացուցես . **Ոչ** 'ի կնքելն զշիրմին փականս կենդանագիր քո գերեզմանին՝ անդրէն յորսպսեալս զնոսին յանդունդս երկրի սուզեցեր, զի 'ի տապանակի անձինս զնըշխար լուսոյդ հանգուցես . **Ոչ** 'ի համբաւելն զքեզ կորուսեալ և իբր զերկրաւոր մարմին գողացեալ, համայնաջինջ և ամենասպառ զսերմն ծննդոցն կրճատեցեր, զի զիս զանարժանս յիշատակի ընտրութե բարեաց՝ անկորուստ և անվնասելի ընդ փրկեցելոցն հաղորդեսցես . **Ոչ** յարժաթոյն կրկնակապէն կաշառածգութիւն, որ 'ի գանձարանէ հօրքում նուիրաց քեզ գրաւ մասնութեան և անարդութեան մասնաւորեցին՝ զուրացողացն մելեզներոց, ըստ հին հարուածոց հանուոյն **Մովսէս**՝ 'ի յարձան քարի յեղանակեցեր, զի զիս զվրիպեալս 'ի հաստատութեանց և ընդ իշխանութեամբ մահու վաճառեալս՝ արեամբ քո փրկեալ, 'ի հաստատութիւն վիմիդ կառուցես . **Օրհնեալ** կրկին, օրհնեալ վերստին, յամենայնի միշտ օրհնաբանեալ՝ յաւտեանս յախտենից . ամէն .

ԲԱՆ ԼԷ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՄԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. **Ս**րբ այդ գումարտակ վերադասեցեալ բարեշնորհութեան քոյդ պարգեւաց առ իմն երախտիս, ով ամենագութ բարերար գովեալ և ամենազօր, թէ և սակաւք շարագրեցան աստանօր եդեալ, այլ արքայազունք են և իշխանականք ինքնակալութեանց, որդիք զօրութեանց, ծնունդք վեհից, մեծափառք, լուսանորոգք և հրաշապատիւք . յաղթողական վերամբարձութեամբ դրօշխք հրաշակեալք ըստ գլխոց գլխոց պատկապածոյճ գեղաղարդելոց, բերեալ ընդ ինքեանս անթիւ պետութիւնս օրհնա-

բանողաց, համբոյրս հեղս երջանիկս և խաղաղականս աստուածային հարազատութեանց այնոցիկ նահանգաց, զորոց մարդարէն մաղթեաց ասելով, զարթո տէր զզօրութիւնսքո, և եկ կեցուցանել զմեզ. որք յոյժ զօրեն հալածել ըզմեզս, և զանյուսութեանն կարկուտ հալել և փախուցանել, քան թէ նախամարտիկն զինուորութիւն երկնային պարուն զգիշերավարն խաւարատէր սկզբնաներհակ բարւոյն աստուծոյ. Քանզի և զբնուն այսքանեացս ձրից որ ՚ի բարձրելոյն ինձ անձրեւեցաւ տկարիս, թշնամուցս և ապախտաւոր ծառայիս, անճառ է ասել. իսկ եթէ համարձակեսցի ոք զօրել խօսել, զսակաւս ՚ի բազմացն քան թէ զիսկութիւն համանգամայնիցն. առ սցոսսիկ զառաջին նիւթն յիշելով յորմէ հաստեցաւն, իբր զտկար ոք նկուն ՚ի զօրութենէ մեծէ հերքեալ պարտեսցի.

Բ. Այլ թէպէտ և այսպէս գրեցի, և դարձեալ զնոյն վրկայեմ՝ առ թերի խակութիւն հողոյս՝ և կատարելութիւն հաստողիդ, և առ բարիսն իմ չարժանութիւն, սակայն ամենալոյս աննախանձ և բազմազեղուն գովեալ արարչութեանդ զօրեզութեան վանեալ են կարծութիւնք արտաբերութեան սրտի բանասարկուին որ քարին առակաւ՝ յուսահատն վհատութեան, սպառմամբ խոպանման ազբերացս երկուց, որ ՚ի զգայականս Եդեմայ բղխել պատրաստեաց տնկողն, զի ոռոգեալ ծաղկեսցի նովաւ՝ որ ՚ի յիս բարեգործութեան կենսատունկն դրախտ, ահա մի ցամաքութեամբ արտասուացս՝ աղանդահնար պատրանօք՝ չարաչար խորամանկեսցէ վերստին հանել ՚ի փափկութենէ նախնում վիճակին. իսկ յորժամ կացցէ աստուած համբարձեալ հրաշիւք արուեստից ՚ի մէջ աստուածոց հաշտաբանացն խաղաղութիւնք, բարձեալ ընդ ինքեան զշնորհացն կտակ, առ որ ամենայն վնասակարութիւնք խարդախութեանց և կարճմտութիւնք սրտնեզութեանց իբր ընդ վիմեղէն լերին պնդութե բախեցեալ ցնդին, ջրոյ օրինակաւ սակաւու հեղեալ, և կամ հողոյ խորտակմամբ փշրեալ.

Գ. Արդ չեւ իմ կշտամբանքս՝ ըստ ձայնին Յօբայ՝ ՚ի մարդկանէ իցեն, այլ յամենատես աչաց վերին հրամանիդ,

մտեալ ընդ խզճիս տաղնայ երկիւղիս, սոսկամ սասանեալ յամենայն կարծեաց. ապաւինիմ և արդ անձամբ բեկելով 'ի յոյսդ հաստատութեան կենդանի անեղծ. զի ողորմութեամբ նայեցեալ 'ի յիս իրբ 'ի սպարտաւոր կորստեան պատժոց, առաջի բարերարութեան երկնայնոյդ յանդիման եղեալ ապաձեռն անթողակութեամբ, զքոյդ երախտիս անպատու՝ փառաց բերելով ընդ իս՝ յուշ քեզ արկանեմ. որ ոչ մոռացմամբ զբաղեալ նիրհես, և ոչ թարթափմամբ աչաց ընդ միջեալ՝ զհեծութիւն կրից անտեսես. Վերացս յինէն, աղաչեմ զքեզ, խաչիւդ լուսոյ զխեղդ վռանդիս, հոգարկութեամբ արտմութեանդ՝ զտարակուսելի տխրութիւնս, փշանիւթ սսակաւն՝ զբողբոջ մեղացս, զարկուածով գանին՝ զհարուած մահուս, ապտակին յիշմամբ՝ զկարիս ամօթոյս, թշնամանօք թքոյն՝ զանգոսնելի գարչութիւնս, լեղոյն ճաշակմամբ՝ զհօգւոյս դառնութիւն. Ահա քո են այս ամենայն բարութիւնք անբովանդակելիք՝ աստուծոյ միոյ միածին որդի. առ սրովք զչարութիւնս իմ յիշատակեալ՝ զամենօրհնեալ անուն քո կարդամ բարձր աղաղակաւ իմանալեացս պաղատանօք. Տես 'ի խոստովանութիւն զղջման պարտութե ամաչեցելոյս, և սուր ողորմութիւն որդւոյս սատակման մահուն անմահի. զի 'ի բազմութե իմոցս մեղաց՝ վերստին կրկնեալ նովին աճեցմամբ առաւելութե՞ քո ողորմութիւնդ աւետարանեսցի, հոչակեալ հնչմամբ ահաւորութեան յերկնի և յերկրի. Եւ քեզ ընդ հօր հոգւովդ սրբով փառք յաւիտեանս. ամէն.

ԲԱՆ ԼԸ.

ՎԵՐՍՏԵՆ ՅԱԻԵԼՈՒԱԾ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՄՐՏԻՑ ԽՕՍԲ ԸՆԴ ԱՍՏՈՒԾՈՅ

Ա. ԲԱՅՅ արդ որպէս երբեմն յայլ ընթերցուածի որ 'ի սկզբնաւորականացն կարդի՝ զմեզանացն զխաւարային ծնունդս գլխաւորացն օրինացն մարմնականացն անդամոց

գրեցի, յորոց տիրեցայ ժառանգս մահու, նոյնպէս և յայսմ սահման ընտրութեան բանի զլուսածնելոյն զաղատարարն օրէնս հոգւոյն կենաց որ 'ի տէր Յիսուս՝ յիշատակեցից նուազս յոքունց, իբր յանբաւ բազմութեանց ծովու կաթիլ մի առեալ :

Բ. Քանզի են արդարեւ կայսերականք ոմանք 'ի բարձրութեանն գահի բազմեալք, թոշակաւն շնորհաց լցեալք և հարստացեալք, Թագաւորն և սիրեցեալք իւր, արքայն և պատուաւորք իւր, պսակեալն և իշխանականք իւր, բարեհռչակեալն և հնչմունք իւր, յաղթողականն և փողք իւր, զօրաւորն և մարտիկք իւր, դավեցեալն և փառք իւր, փեսայն և պարաւորք իւր, դշխոյն և օրիորդք իւր, փեսաւէրն և հանդերձանք իւր, ազատութիւնն և շնորհք իւր, այցելութիւնն և ձեռն իւր, խոստումն և քառութիւն իւր, պահպանութիւնն և աջ իւր, պարգեւն և զարդ իւր, նշանն կենաց և ամբութիւն իւր, կնիքն և նկարագիր իւր, ամպն և հովանի իւր, արուեստն և հրաշք իւր, հոգին և անեղծութիւն իւր, բանն և կատարած իւր, ոխտաղբութիւնն և լրումն իւր, զօրութիւնն և հրամանք իւր, լուսցարանն և սքանչելիք իւր, մանանայն և անապականութիւն իւր, վէմն կենդանի և վտակք իւր, սիւնն հրոյ և ճառագայթ իւր, որոտումն և ազգմունք իւր, յոյսն վերին և փրկութիւն իւր, ծառն օրհնութեան և պտուղք իւր, բարունակն և բարութիւնք իւր : Եւ զի մի զբնուան ասելով յամենայնէն վըրիպեցայց, իբր յարեգակնէ պլայլեալ աչաց տկարութիւն, 'ի շատն ասել լուեցից և 'ի սակաւն ժամանեցից, բառականացեալ ամենապիկար կարիւ :

Գ. Բայց աւաղ յաւէտ աստանօր թշուառացելում եղկելի անձինս, քանզի կարգ բանիս բերէ ինձ խառնել ընդ ձայն աւետեացս բողոք գութիս. վասն զի ընդ այսոսիկ առ ընթեր սորին գայ արդարութիւնն և կշիռքն, վճիռն և հատուցմունքն, քննութիւնն և լոյսն, յանդիմանութիւնն և զամբարքն, մերկութիւնն և պատկառանքն, յայտնութիւնն և ամօթն, ամբիծն և վաստակքն, թիրութեալն և պատիժքն :

Դ. Դարձեալ վերստին աշխար կրկին եղկելոյս, քանզի

դայ հասանէ առ հասկ հասակիս անհնարին բարկութեամբ մանգաղն առ հունձնն, դատաւորն առ ատեանն, հղօրն առ բեմն, սպառնացեալն առ կորուստն, բազուկն առ դատատանն, դաւազան խրատուն առ հարուածն, սպառազինութիւնն առ նախանձն, հովիւն առ ընտրութիւնն. Քանզի բանն զոր խօսեցար ընդ իս, նա դատի զդատապարտեալս 'ի վերջնումն աւուր հատուցմանն. Այլ կանխեա, բարեդուծ, նախընծայ քաղցրութեամբ առ նուազ հեծութիւն վարանական երկիւղիս, և զօրութիւն ընձեռեա ձեռամբդ օրհնութեան 'ի յետին տագնապիս առաջինդ քո օգնութեամբ մխիթարել, բժշկել, քաւել և կենագործել. Եւ քեզ փառք յամենայնի յաւիտեանս յաւիտենից. ամէն.

ԲԱՆ ԼԹ.

ՎԵՐՍԻՆ ՅԱԻԵԼՈՒԱԾ ԿՐԿԻՆ ՀԵՌՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՄՔ ԸՆԴ ԱՍՏՈՒԾՈՅ

Ա. Ե՛ի քանզի զկերպարանն առաջին լքի 'ի մնասակարին թելադրութենէ իմովս ծուլութեամբ կորուսեալ 'ի սպառ, յուցից արդ այժմուս զհնոյն յիս տեսակ. ողորմելի հեծութեամբ թախծեալ 'ի հոգի, անաչառ խայտառականօք հրապարակաւ 'ի յեկեղեցիս բազմութե ազգաց վերապատմեցից բարձր ձայնիւ, բարբառով մեծաւ աղաղակելով.

Բ. Մատեանս շնչական բարդեալ 'ի յինքեան ներքոյ և արտաքոյ ողբս և վայս և ձայնս, ըստ տուժարի տեսլեանն Եղեկիէլի, քաղաքս անպատուար և անմահարձան, յարկս ունայն 'ի դռնափակաց ամրութեանց, աղս տեսակաւ այլ ոչ համեղութեամբ, ջուրս աղտաղտին անախորժելի ծաբաւեաց արբման, գետինս անօգուտ հերկագործութեան, սահմանս լքեալ հեղեղավայրս կնիւնոյ, խոպանացեալ և տատակաբեր անդաստանս, աստուածախնամ երկիրս անձնաւոր՝ որ բանսարկուին պատրանաց մշակեցայ, իւղ.

ընծիւղ փայտս պտղակորոյս , հատանելի ծառս ունայնարոյս , կրկնամեռ խօսուն տունկս անյոյս , ամենաշէջ ճըրագարանս անլոյս . Արդ վերստին առ սոյն բերելով զսոյս նմանութիւն աւաղականաց , բաղմօք կրկնեցից . որ ամօթոյն դառն պատուհաս պահեալ կայ հիքոյս , կրճումն ատամանց և անկէտ լալումն աչաց եղկելոյս , հայրական ցատումն անսպութելի՛ դառնութեան որդւոյս , ապականութիւնն աննորոգելի՛ մեղուցեալ մարմնոյս , նոր կշտամբութիւն գտողիս չարեաց՝ ախտացեալ հողւոյս , տարտամ տազնապի տարակուսանաց՝ ելից գերելոյս , զոր երկնային զօրքն մատուցանեն թշուառացելոյս , ՚ի խրճունս որմանցն վկայելով՝ վտանգեցելոյս , ՚ի ձայն ահարկու զանբժշկութիւնն ազգել լքելոյս .

Գ. Ահա արդարեւ երգս կատակերգութեան ջնարահար պոռնկի , յածեալ և կոծեալ քաջ հնչեցուցեալ ողբս ողորմելիս և զկծեցուցիչս , ըստ առակաւոր բանին Եսայեայ՝ որ ՚ի պատգամին Տիւրոսի . Զի թէ նա զդիպուածն փոքր անցից ասպառնեացն ՚ի մօտոյ իմն տպաւորեալ , բողոքէր դիմակս դիմակս կերպից կերպից աւաղականաց , ըստ կոծողացն կաքաւելոյ , իսկ առ իս ո՞րչափս և ո՞րպիսիս ձայնս մրմնջեցից վհատեցուցիչս . որ գալատեանն տեառն սպասեալ առանց վրիպանաց , մնացի անպատրաստ և անհանդերձելի . Արդ եթէ զգատաստանացն ահաւորութիւն կրկնեցից , բաղմացուցից ինձ աշխար . ապա եթէ զփորձն իսկութեամբ ցուցից , յաճախէ ինձ երկիւղ . իսկ եթէ ըզկերպարանացն տեսիլ գրեցից , առաւելուն ինձ հատուցմունք , զի կանխաւ նկատեալ զսոյնս և ոչ անագան ապաշաւեցի . Այլ իննայեալիս , գթած , մարգասէր , հզօր , բարերար , ամենապարգեւ Քրիստոս թագաւոր , օրհնեալ յաւիտեանս , ամէն .

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀԱԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԲ ԸՆԴ ԱՍՏՈՒԾՈՅ

Ա. ԱՄԵՆԱԿԱԼ աստուած բարերար ստեղծիչ բոլորից՝ լուր հառաչանաց ձայնիս վտանգի, և յերկիւղէ տաղնապի ապագայիցն կարծեաց փրկեա կարող զորութեամբ զերծեալ 'ի սպարտեաց. քանզի բաւական ես յամենայնի առամենայն հնարս զօրանալ անբաւ մեծութեամբ և իմաստութեամբ անսահմանելեալ:

Բ. Եւ քանզի ուշիւ մտացս անսեալ 'ի հեռուստ զհանդերձելոցն հանդէս ահաւորափայլ, նկատեմ ինձէն աստանօր կանխաւ զտիւն լուսոյ սրբոցն յուսոյ, զօրն խաւարի պատժապարտիս պատուհասի. ուստի ոչ զօրէ ոք յէիցս առ պատուպարան փախստեան. ոչ անդունդք խորոց, ոչ վիհք վհից, ոչ բարձրութիւնք լերանց, ոչ անձաւք քարանց, ոչ կարծրութիւնք արձանաց, ոչ ծերպք ծակաց, ոչ փապարք փոսից, ոչ սորք հեղեղաց, ոչ բաւիղք խորշից, ոչ շտեմարանք յարկաց, ոչ ծածկութիւնք սենեկաց, ոչ եմակք հովտաց, ոչ ծործորք դժուարաց, ոչ վերադրութիւնք բլրոց, ոչ արձակմունք շնչոց, ոչ անբաւութիւնք ծովուց, ոչ սահանք յորձանաց, ոչ հեռաւորութիւնք եզերաց, ոչ ողբմունք ձայնից, ոչ հեղեղք արտասուաց, ոչ տատանմունք մատանց, ոչ համբարձմունք ձեռաց, ոչ պաղատանք շրթանց:

Գ. Այսոցիկ սաստկութեանց մասանց անձողոպրելեաց դու ես, տէր Քրիստոս, հնարք և դադարք դիւրութեան և անդորրութեան փրկութեան ամենամեղս հոգւոյ, արդհայեա 'ի յանդերձ վտանգիցս շրջադրութիւն՝ միայնդ քաղցր առ ամենեւեան. Խղեա սուսերու յաղթական կենաղէն խաչիդ զցանցս վարմիս, որ յամենայն կայից պաշարեն 'ի մահ զգերիս, և հան 'ի յանդորր զոտս սասանեալ

Թիւր ընթացողիս . Բժշկեալ զհրատապ շերմեական տոչո-
րումն մղձկեալ սրտիս , մերժեալ զգիւսային չարահնարու-
թեանս շշուկ քո պարտաւորիս , հալածեալ զյուսահատ
անձկութեան հոգւոյս մթութիւն չարի կենակցիս , ցրուեալ
զժխամած թանձրութիւն բռնութեան մեղացս երեւոյթ
մտելոյս 'ի յիս , կորո զզազիր թխատիս կրիցս ապականու-
թեանս կարիս . Նորոգեալ զպատկեր լուսոյ պաշտեցեալ
փառաց մեծութեան անուան հզօրից յողիս , զօրացո զը-
նորհից փայլումն 'ի գեղ գիմացս և 'ի կերպարան տեսու-
թեան մտացս հողեղինիս , յարմար յերիւրմամբ կացո յար-
դարեալ որ զքոյդ բերէ նկատումն՝ նշուլազարդ մաքրու-
թեամբ զտեալ զմնայլս մեղաւորիս , աստուածային կեն-
դանի անեղժ երկնաւոր լուսով քո ծածկեալ յօրինակս
երիս . Չի գու միայն ես օրհնեալ ընդ հօր 'ի գովեստ
հոգւոյդ սրբոյ յաւիտեանս յաւիտենից . ամէն .

ԲԱՆ ԽԱ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՄԲ ԸՆԴ ԱՍՏՈՒԾՈՑ

Ա. ՈՐԻ աստուծոյ կենդանւոյ օրհնեալ յամենայնի ,
հօրդ ահաւորի անքնին ծնունդ , որ տկարանայ առ 'ի քէն
և ոչինչ . որ 'ի ծագել անասուեր նշուլից ողորմութեան քոյ
փառաց՝ հալին մեղք , հալածին գեւք , ջնջին յանցանք ,
խղին կապանք , խորտակին շղթայք , կենդանածնին մա-
հացեալք , բժշկին հարուածք , ոյջանան վէրք , բառնին
ապականութիւնք , տեղի տան տխրութիւնք , նահանջին
հեծութիւնք , փախնու խաւարն , մեկնի մէզն , մերժի մա-
ռախուղն , փարատի մնայլն , սպառի աղջամուղջն , վերա-
նայ մութն , գնայ գիշերն , տարազրի տագնապն , չքանան
չարիքն , հալածին յուսահատութիւնքն , և թագաւորէ ձեռն
քո ամենակար , քաւիչդ ամենայնի .

Բ. Որ ոչ եկիր կորուսանել զմարդկան ողիս, այլ կեցուցանել. թող ինձ զանթիւ չարիան իմ բազում ողորմութիւնդ. զի դու միայն ես յերկնի անճառ, և յերկրի անզննին, ՚ի տարր գոյի, և յեզրս ծագաց աշխարհի, սկիզբն ամի և յամի ամենայն լրմամբ, օրհնեալ ՚ի բարձունս, և քեզ ընդ հօր և հոգւոյդ սրբոյ վառք յաւիտեանս. ամէն.

Բ Ա Ն Խ Բ .

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ՝ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. Տե՛ր աստուած գթութեան, փրկութեան և ողորմութեան, քաւութեան և նորոգութեան, բժշկութեան և առողջութեան, յուսաւորութեան և կենդանութեան, յարութեան և անմահութեան, յիշեալ զիս յորժամ գայցես արքայութեամբ քո՝ ահաւոր, հզօր, բարերար և ամենաստեղծ, կենդանի, գոյլեալ, ամենակատար, մերձ ՚ի հեծութիւն համայն եղելոց. Ընդ խաչեցելոյն ընդ քեզ պազատիմ, որ ոչ ըմբռնեալ վասն քո և ոչ կապեցեալ, ոչ կախեալ և ոչ բւեւեւեալ, ոչ կռփեալ յանուն մեծիդ և ոչ անարդեալ, ոչ լիկեալ և ոչ նշկահեալ, ոչ խորտակեալ և ոչ մահացեալ, և արքայութեն արդարոց մասին անձկալեաց լուսոյ արժանի ցուցեալ, իրաւամբք ուխտի երդմնականաւ ամենիւն ազդեալ զանփոփոխութիւն բարեացն տուելոց, վառաւորեցեր առ յոյս փրկութեան ՚ի սպառ լքելոյս.

Բ. Օրհնեալ օրհնեալ և գարձեալ օրհնեալ, և զիս ընկալեալ նովին հաւատովք կանգնեալ ՚ի կործանմանէս, բարերար. բժշկեալ ՚ի հիւանդութեանցս ախտից, ողորմած. յեզերաց մահուս գարձո զիս ՚ի կեանս, կենդանութիւն. քո եմ և ես, կեցո ընդ նմին, ապաւինութիւն. անձամբ մեռելոյս կենդանական շունչ ընծայեցո, յարութիւն, կեանք, անմահութիւն, անպակաս բարութիւն, անսպառ.

չնորհ, անխօփօխ ներողութիւն, աջ ամենազօր, ձեռն ամենիշխան, մատն ամենամերձ. **Կ**ամեաց աէր և փրկեցայց, ակնարկեա միայն զթութեամբ՝ և արդարացայց. ասա բանիւ՝ և վաղվաղակի անարատ դասայց, մոռացիր զթիւս չարեացն՝ և անդօտին համարձակեցայց, առատաձեռնեա՝ և արդէն ՚ի քեզ իսկ պատուաստեցայց. փառաւորեալդ յամենայնի յաւիտեանս. ամէն.

ԲԱՆ ԽԳ.

ՎԵՐԵՏԻՆ ՅԱՒԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ ԽՅՄԻ ԸՆԴ ԱՍՏՈՒԾՈՅ

Ա. **Բ**ժՇԿԱԿԱՆ կրթականութեան ամենափորձ հնարաւորութեամբ պատճառ կենաց անախտականաց, թաղաւոր զօրաւոր երկնաւոր՝ տէր **Յ**իսուս **Ք**րիստոս. աստուած ամենեցուն, իմանալեաց և տեսականաց. ահա դու ՚ի յիս ըստ մարդարէին՝ որ ընդ ասելոյն՝ նոր կցորդութեան, առ որ բարեզարդ դաշամբ այս բանի ընդ քեզ միութեան, լուսաւորեցայց կրկին ողջացեալ շնչով և մարմնով, ամենայնիւ կարող և անվանելի:

Բ. **Ո**ր ոչ կարօտանաս սպեղանեաց առ պատրաստութիւն պատանաց հոգեկան վիրաց, ոչ ժամանակի, ոչ միջնորդի, ոչ աւուրց երկարաձգութեան, ոչ փոփոխս մատուցանելոյ, ոչ հատման, ոչ խարման, ոչ սրագործութեան, ըստ երկրաւորս դեղատուութեան, առ որս միշտ է վրիպութիւն և ամենասխալ տարակուսութիւն. **Ա**յլ քեզ արարիչդ հոգւոց և մարմնոց ամենայն ինչ լուսաւորեալ է, ամենայն ինչ առաջի է, ամենայն ինչ դրեալ է, ամենայն ինչ գիւրիին է, համայնն հնարաւոր է, իմաստն գլխաւորեալ է, խոստումն լցեալ է, կամեւն կատարեալ է, քո կտակն աւետարան է, քո վճիռն ազատութիւն է, քո մատեանն շնորհ է. **Ո**չ փակեալ ես ընդ օրինօք, ոչ պարունակեալ ես ընդ

կանոնաւ, ոչ արգելեալ ընդ նուազութեամբ, ոչ խոնարհեալ ընդ հնազանդութեամբ, ոչ պարագրեալ ընդ փոքրըկութեամբ. ոչ չափեալ ես ընդ սահմանաւ, ոչ վրիպեալ 'ի բարկութենէ, ոչ այլայլեալ ինչ 'ի ցամանէ, ոչ սխալեալ 'ի խտուութենէ, ոչ ամբոխեալ 'ի խռովութենէ, ոչ դժբախեալ յանդիտութենէ, ոչ փոփոխեալ յողորմութենէ, ոչ պակասեալ 'ի բարձրութենէ, ոչ լքեալ յայցելութենէ, ոչ տկարացեալ 'ի փրկութենէ. Գու սկիզբն և լրումն ամենայնի, և 'ի քէն է ամենայն. և քեզ փառք և երկրպագութիւն յաւիտեանս. ամէն.

ԲԱՆ ԽԳ.

ՎԵՐՍԻՆ ՅԱԻԵԼՈՒԱԾ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՄԲ ԸՆԴ ԱՍՏՈՒԾՈՅ

Ա. ԱՍՏՈՒԱԾ անսահման, ծնունդ աստուծոյ հարազատ անթարգմանելի, արարիչ բնաւին եղելոց, Քրիստոս թագաւոր, լոյս 'ի խաւարի սրտից մթացելոց. ընդ մեզ լրմամբ և ընդ առաքչիդ խկութեամբ, մերայնովս գրոյինսոց ծանուցանող հրաշապէս. Հայր քո օրհնեալ երկնաւոր անճառ՝ որ առաքեացդ զքեզ 'ի վերուստ, ում փառակիցդ ես արարչութեամբ. այնքան հոգացաւ փրկութեան իմոյ տարագրեալ գերւոյ, մինչեւ զքեզ խկ մատնեաց մարդկան. Իսկ դու կարող գոյով 'ի վեր քան զվիշտս, զտընտեսութեանն աւարտեալ խորհուրդ՝ հաճեցար ընդ պարտեցելումն զմահուն ճաշակել բաժակ անթերի մարդկութեամբ և անպակաս աստուածութեամբ. Եւ հոգիդ սուրբ կենդանարար՝ որպէս քո և հօր քոյ խկակից, և համապատիւ էութեամբ ծնողիդ և ծնիցելոցդ. Մի Երբորդութիւն կատարեալ 'ի դիմաց երկոց անսրոշելի հաստուածոց, անսկիզբն և անժամանակ, բնաւին բարերար, համայն կենդանարար, բոլորից խաղաղարար, ստեղծիչ գոյից և յօրինիչ

ամենից, անքակութիւն և միով բնութեամբ փառաւորեալ.

Բ. Իսկ եթէ հոյրն զթած երկնաւոր հզօր՝ մին յէութէ՝ վասն մահապարտիս յանցանաց մատոյց զմիայնակ ծնունդդ յանբնին ծոցոյն, ոչ անխայեալ յորդիդ ՚ի համապատիւդ և ՚ի սիրելիդ, այլ կամաւ նուիրեաց մահու շարշարողացն զինու, ըստ մարդարէութեանն Չաքարիայ. վասն զի զարթնուլ սրոյն ՚ի վերայ հովուին, և հարկանիլ նոյն ինքն հօտապետին, և ջրուիլ ոչխարացն հօտին, որպէս օրինակն նուրբ նախագրին և ուխտադրութիւն խորանին և նուիրումն արեան սպանդին և առակ խորհրդոյ արբահամեան պատարադին, զփրկութիւն թշուառացելոյս ՚ի կամաց կեցուցչիդ յառաջագոյն նկարագրէր. և արդ հիմ՝ արտմիս անձն իմ՝ կործանեալ՝ ոչ յաստուածուստ հնարաւորութեանց, այլ ՚ի քումբ ինքնագործ հակամիտութեանց, կամ ընդէջ զիս խոռվես՝ յուսահատութեամբ սատանայականաւ զմիտս հարեալ. յուսա յաստուած, խոստովան լեր նմա, և նա հողա վասն քո, ըստ դաւթեան սաղմոսին, և այլ մարդարէի կենսախրատոյսն բանի.

Գ. Իսկ յեղանակ խնամարկելոյ հաստողին ՚ի վեր է քան զսահման կշռութեան մտաց հրեշտակաց և երկրականաց, և եթէ բիւրս կրկնեացի, ոչ լինի չափեալ. քանզի անբովանդակելոյն և բարերարելն է անձառելի. Նա զի ոմն օրհնեալ զոմն օրհնարանեալ յերրորդական համագոյութեանէն առաքեաց. իսկ նա ՚ի հաճութիւն կամաց առաքչին մեռաւ. և միւսն ահաւոր՝ ՚ի յերկուցն հաւանութիւն՝ մեծաջան բաղձանօք մաղթէ. Իսկ համարարոյ միակամութեանն ջուցակ՝ առ ՚ի զնոյն բարի ներգործել, որպէս հողին կենդանոյն և բանն բանականին, պոյժառութիւն փառացն և կերպարան էութեանն. Առ կեանան փոյթ, առ ողորմութիւնն սթափ, առ ձեռնկարութիւնն պատրաստ, առ փրկութիւնն կաղժ, առ առատութիւնն յորդ, առ յաճախութիւնն զեղուն, առ անբաւութիւնն լի, առ աննուազութիւնն փարթամ, առ երկայնատութիւնն ճոխ, առ անհասութիւնն բարձրեալ. մի Նորրորդութիւն կատարեալ ՚ի յանձանց երկից, օրհնեալ յաւիտեանս. ամէն.

ԲԱՆ ԽԵ՛

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՄՐՏԻՑ ԽՕՄԲ ԸՆԴ ԱՍՏՈՒԾՈՅ

Ա. Ե՛ արդ յոյս բարեաց անկեալ 'ի սրտի՝ անձն իմ կործանեալ, և դօտեաւն հաւատոց սնդեալ զերիկամանցդ երկակի մատունս՝ զկրկնապղտոր խորհրդոցդ զցանկակաւնիդ գործարան, խոստովան ընր բարերարին աստուծոյ՝ զմտացդ իբրեւ զգործոց, զխորհրդոցդ իբրեւ զլուծից, զանտեսիցն իբրեւ զյայտնելոց, զսրտիդ ծածկութից իբրեւ զբարբառումն ձայնից, զակնարկութեանցդ իբրեւ զարդիւնականաց մեղանաց, զաղդեւ շրթանցդ իբրեւ 'ի զլուխ ելելոց չարի, զոտիցդ հետոց իբրեւ զսխառ իրանան աստուծոյ վազողաց, զձեռացդ ձգումն առ ցասումն իբրեւ 'ի հեղումն արեան գործողի, զծիծաղելն բնաւին իբրեւ զկամաւորական լքումն շնորհի, զերդմնականն՝ որ թէ 'ի հանդէպս թէ 'ի տարադէպս՝ իբր զգործակցութիւն խարողին, զամբարտաւանութիւնն իբր զհին կործանիչ նախաստեղծին բարձրութեան, զսրտին նեղութիւն իբրեւ ըզթերութիւն հաւատոց, զմեղիութիւնն իբրեւ զպարտութիւն զօրաւորին սնդութեան, զտրտունջն առ վտանգս կրիցն՝ իբր զուրացութիւն ուխտին որ առ տէրն, զապարասանութիւնն իբր զթոռն իմն անգթութեանն, զամբարհաւածութիւնն իբր ոչէիւք առ վեհան գոռողութիւն, զհպարտութիւնն իբր զկամակոր հարազատ գտողին չարեաց, զակամայիցն ընդ կամաւորացն, զբռնացելոցն ընդ հաւանականացն, զեկամտիցն ընդ բնաւորականացն, զանօրէնութիւնն ընդ ապաստուածութեանն, զփոքունսն ընդ սաստկագունիցն, զնուազունսն ընդ հոլովիցն, զանճառիցն իմոց իբր զճառելեաց գիտողին, զանգրելոց վիասուցն իբր զնկարելոց տեսողին 'ի յարձան մագնեատիս վիմի, զթեթեւագունիցն առ խտիր մտաց իբր զստուար ծանրութիւն բեռանց,

զինդիր չափոյ ծածկելոցն իբր զճշդով պահանջումն սատերն սակի 'ի բերանոյ կիտին կորիւնի չորեքդրամեան կրչուութեամբն, զանդնդականացն գործոյ իբր 'ի յականջն աստուծոյ արագ ժամանելոց, Չայտտիկ յաճախեա կուտեա կրկին յանձնառութեամբ, վերստին պատմեալ աստանօր մեծաւ հեծութեամբ զչէոցն իբր զեղելոց, ընծայեալ աստուծոյ զպարտութիւն վանեցեալ անձինդ. զի ընկալցիս 'ի փոխատուէն զչնորհօք թողութիւն պարտուց մեղաւորին, զոր տերն արդարացոյց և հրաշափառապէս հոչակեաց, ամենապատիկ ներքողիւ կրկնեալ զգովեսա զըղջմանն քան զպարսաւանս մեղացն.

Բ. Բարդեա և դիղեա անձինդ մեղապարտի բամբասանս յօքունս զքոյնն խոհերս բազմամասնեայս, անձն իմ կշտամբեալ յօքնախթանդ բանիւ. զչարութիւնն, զանօրէնութիւնն, զվրիպութիւնն, զառ 'ի մարտին հանդիսէ փախուտտ, զպարտութիւնն, զմոլեգնութիւնն, զամբարշտութիւնն, զսպլութիւնն, զթմբութիւնն, զքունն արթնական, զառ 'ի յընթացնն զնիրհումնն, զխորհուրդն օտարտաի, զբանիցն նանբութիւն, զզազրութեանն հաճութիւն, զյամենաչն 'ի նմին, զփափաքելն աստուծոյ ատելեացն, զաներկիւղութիւնն, զանսաստութիւնն, զանհարթութիւնն, զթերութիւնն, զթիւրութիւնն, զլուծութիւնն, զճշդութիւնն, զանկապ արձակումնն, զծիծաղականն, զվրնջողականն, զկատակերզականն, զգայթակղականն, ըզպատրողականն, զանդէպ քաջութիւնն, զանյարմար մարտն, զառանց օրինի արիութիւնն, զխեղճունս հոգւոյն, զտատանողականն զերկչտութիւնս, զբազմաստեղնեան ճիւղնն զբահետականն, զանպատկառ փարաքմունն, զգժտութիւնն, զգժդմութիւնն, զանդատ ատելութիւնն, զմարմաջմուննն դիւրմբունողականն, զփոքունցն զանկչւութիւնս, զխոտմանցն գրժողութիւնս, զուխտիցն մոռացութիւնս, զնմանեացն այլակերպութիւն, զկեղծեացն քողարկութիւն, զփառամուղութեանն մորոտութիւն, զյօնիցն յաւակնութիւն, զսպիրատութիւնն, զինքնասիրութիւնն, զնախագահիցն տենչութիւն, զհատու

ցանեւն եղեռնականացն , զնոցինսն զանչա՛հ աղճատանսն , զվայրապար բերմունսն , զընթացակցութիւնսն խորամանկութեան բանասրկութիւն , զբանին սերմնակաթութիւն , ըզվաճառումն կենացն ընդ զնոց սատակմանն , զկորուստ աւանդիցն , զհայրենեացն ծախս , զկապարանն ձողական , զփակով լծոյ երնջոց անխղելի ըմբռնմամբ զանօրէնութիւնս , զյարաթաթաւ տղմաբնակութիւնս , զլքումն լաւացն , զընթադրութիւնս անկարծիցն , զկնի գարձին առ նոյն գարձ դաժանական , զնորոգ մտացն , զօտար խորհրդոցն , զանկայուն կամացն , զհաչման հագագին , զէութիւն շնչոյն , զեւսն քան զսահման կանոնացն գրութեան՝ զիշխանականին զամենասիրեա բացարձակութիւն , և զոր չէ ճառելի և կամ գրելի և կամ պատմելի և կամ յերեսս գիմոց բերելի .

Գ. Եւ արդ զիա՛րդ բժշկեսցիս , անձն իմ եղկելի , 'ի յայսքանեաց տիգաց խոցոտեալ , բարձեալ թողեալ այր մի տարագիր անողջանալի , ըստ մարգարէին . քանզի մի 'ի վերագրելոցդ բաւականապէս զօրէ սատակման , թող թէ այսքան դասք սպանողաց գժնէից դահճաց շուրջ պաշարողաց . Մանաւանդ զի ոչ այսու և եթ նմանագրութեամբ կչաի տարացոյց տարժանեցելոյս , այլ զոր օրինակ անթիւ բաղմութիւն կայտառաց կարճաց խայթողականաց , 'ի ստորին մասունս ծայրից տանոյն զօրհասական թոյնս բերելոց , և յաման մաշկեղէն արկեալ ամիտփէ զելիցն շաւիղ կապարանին շրջափակութեամբ , ցուցանի արտաքուստ բարիօք , իսկ 'ի ներքուստ համբարք չարի և պահեստ կորստեան և կոյտ կսկծման և գործօնեայք սատակման և մշակք մահու . Սրդ այսօքիկ են ամբարեալքն քո անօրէնութեան տաժանեաց թշուառաքիրան թոշակք , անձն իմ պարտական կրկին սատակման . որ կամաւորաբար ընկալար 'ի քեզ , զոր թշնամին սերմանեաց 'ի վերայ ցորենոյն՝ յագարակի աշխարհիս . ով այր անմաքուր՝ ամբարիշտ և ծոյլ , բնաւին ատեցեալ , սիրողդ մտացդ ակորժմամբ զլցեալսն ամենայն անառակութեամբ , և զոր առաքեալ ցուցանէ զթիւս բանիցն սարսափեղեացն կշտամբողաց , աստուստ սկսեալ մինչեւ 'ի կատար կանոնի այնր պայմանի , և որ հասեալ են ,

ասէ, յաստուծոյ իրաւանցն վերայ, եթէ որք զայսպիսիան զործեն և կամ կամակից են, արժանի են մահու. Արդ ես ինձէն զիս ինքն պարտ վարկայ կրկին հատուցման կորստեան սատակման 'ի մահ դատապարտութեան. այլ անխայեա յիս ողորմութեամբ՝ բարեգութ, կենդանի, հզօր, կամարար, կարող, հնարաւոր, օրհնեալ յաւիտեանս. ամէն.

ԲԱՆ ԽԶ.

ՎԵՐՍՄԻՆ ՅԱՒԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՄԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. Արդ վրիպեալս ես յաւէտ ամենապատիժ, միշտ գժնեայ վայրենաբարոյ անձամբ անձին մահու կշտամբիչ, արածողս զերամակս զազիրս վայրագասունս խողից արօտականաց պարչութեան մեղաց նախատ վարձկանութեանց. հովիւս տաժողական զհօրանս ուլուցն ամոյաբնակաց 'ի վրանս հովուացն, ըստ երգոյն երգոց առ իս առակին. որ ոչ իսկ ծանեայ զիս երբէք գիտել, թէ յո՞վ և յո՞յր պատկեր և վասն ո՞յր գոյացայ.

Բ. Ահա 'ի յոտս տանողականս կրողաց երկուց միակցօրդ խորհրդականաց, ըստ ձեւոյ հրեշտակի կառուցար, իբր 'ի թռիչս թեւոց կրկնաբարձ բաղկաց վերատանողաց յաշխարհն հայրենական հայել, ով յիմար, զիա՞րդ քեզէն կուրացար յերկիր, զաստեացս միշտ հոգացեալ գիպուածս, ընդ յիւս անապատականս համարեցար. Իբր զճրագ բաղմաբերանեան 'ի յաշտանակի մարմնիդ հաստեցաւ գլխոյդ բոլորութիւն, զի և այսու 'ի յօրինակէն շնորհէ մի՞ օտարացիս զաստուած տեսանել, և զմնացականացն իմաստապիրել. Բանականութեանն յարդանօք կրկին ճոխացար, զի զյողթանակ բարեմասնութեանն որ առ քեզ եղեն՝ անարդել լեղուով խօսեսցիս. Չեւ ինդ հաստմամբ յարմարոտեան մատանցդ շառաւեղօք՝ զգործնականացն տնօ.

րինել զտնտեսութիւն, իբր կցորդ համացեղութեամբ ա՛մենաբաշխ աջոյն աստուծոյ՝ աստուած կոչեցար, **Երկր** հարիւրոց և տասանց վեցից յօդիւք շաղկապեցար, յարեալ 'ի քեզ ընդ նոսին 'ի նոյն և պատշաճական մասունս չափոց ազդողականաց հինգ զգայութեանց, զի մի և երեւելիդ նիւթականութիւն քումդ տեսութեան՝ մտացդ դիտման անդատ եղիցի. զի ոմանք ստուարք են և զօրաւորք, և այլք փոքունք են և պիտանիք, կէսք կարծրակերտք և ազդողականք, են և գողտրականք և պատուականագոյնք, դարձեալ կարեւորք և պատկառելիք. **Իսկ** թարգմանութիւնք սոցլին տեսութեան 'ի քեզ են նկարեալ իբր յարձանի անջնջականի անձն իմ եղիելի. որպէս զի և տարր ժամանակաց և շարունակ հետեւման աւուրցն առ պակամին, իբր կանոնաւ իւիք սահմանեալ մասամբքդ՝ անսխալ և անայլայլելի պահեսցի.

Գ. **Պարձեալ** այլ օրինակ հոգեւորական, որ զփրոյն յօդուած շաղկապէ 'ի մի առ եկեղեցի, քեւ խորհրդածի. իբր զի առանց բնաւից զուգամասնութեան կապակցել ւրժով հաւանականաւ զվեհն ընդ փոքուն, փաստեալ է հաստուածոյն անարատութիւն յանուն Քրիստոսի ժողովելոցն. որպէս 'ի հատումն և 'ի նուազութիւն միոյ յանդամոցս ա՛նարգացս պատուաստելոցս 'ի մարմնի, կրճատեալ իմն է յօրինուած կազմութեան մարմնոյ քում սենեկի զգոյականի, և չրջեալ է ընտանութիւն պատկերին յանարդ փոփոխութիւն. **Եւ** արդ այսպիսեօք, և ևս բազմք անզուգական հրաշակերտութեամբ եղական պատկեր աստուծոյ՝ կշտամբեալ 'ի սպառ ողի իմ դերի. և թէպէտ յառաջին նմանութենէն կողոպտեալ գտար պատուիրանին յանցարութեամբ 'ի դրախտին կենաց, այլ աւազանին լուսազարդ շնորհիւն զհոգւոյն փշու մն առեալ, և նմանութիւն ես կերպարանին. և արդ ընդէր կորուսեր զփառսն երկնաւորս, իբր նախաստեղծն երբեմն զվիճակն երկրաւոր **Ս**դին դարաստանի. ընդէր փակեցեր քեզէն քեզ զերկին, և զվերելիցն դուռն աղխեսցեր. ընդէր խառնեցեր ընդ ջրոյն մաքրութեան զախտ արտասուացդ տարժանութեան. ըն-

դէր զլուացեալ զճորձ վերարկուն գարշելի գործովք զազ-
րացուցեր . հիմ զեղեալ հանդերձին մեղաց պատմուճան
անառակ վարուք քեզ արկեր . ընդէր զտանողացդ ոտից
սրբութիւն ճանապարհաւն ժանդից ազտեղեր . ընդէր
կրկնեցեր իրաւագատին զուխտազանցութիւն հին պատուի-
րանին . ընդէր մերժեցար 'ի պողոյն շնորհաց, իբր զԱգամ
'ի ծառոյն կենաց . ընդէր նենդեցեր քեզէն քո կամու-
զանստուեր յուսոյն յարակայութիւն . ընդէր պատկառանք
անհամարձակելիք քոյին դիմացդ նպաստեցեր . ընդէր զի-
նեցար ընդդէմ քո ներհակ, ու ընդունարան խելագարու-
թեան . ընդէր որսացար 'ի ծուղակ մահու . թողեալ զարա-
հեան վստահութեան . ընդէր կարթիւ պատրանաց ածար-
հաղորդ մարմնոյ կենդանարարին . Այլ վերստին յուսա-
ցեալ 'ի նա կարդա նմա ապաւինելոյս քաւիչ նորոգիչ վրկիչ
կեցուցիչ և կենդանարար, ողորմած խնամող մարդասէր
և անխակալ բազմագու թ, օրհնեալ յախտեանս . ամէն .

ԲԱՆ ԽԷ.

ՎԵՐՍՏԻՆ ՅԱԼԵԼՈՒԱՆ ԿՐԿԻՆ ՀԵՅՈՒԹԵԱՆ ՆՈՐԻՆ ՀՍՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԻ ԸՆԳ ԱՍՏՈՒԾՈՅ

Ա. Եւ արդ զի՞նչ գոյ ասել ամաչեցելոյս յերեսաց մե-
ծիդ ահաւորութենէ, բայց եթէ համրանալ և հող 'ի բե-
րան եղեալ լուել 'ի օրաի, ըստ մարդարէութեանն խրատու,
ահա 'ի բարւոյն կարկառեալ 'ի յոյս . Իսկ եթէ զխականա
շարժողութեան շրթանցս բացից, բռնագատեցից խօսել
կամեցեալ, դարձեալ զնոյն ձայն կրկնակական եղերեր-
դութեան լալեաց բազմութեան խէթ մտացս յառաջադրէ .

Բ. Եւ արդ ողբակից մեծ մեղաւորին անօրինելոյ կամաւ-
առ 'ի մահ՝ զնորին գոչումն երկրորդեցից և ես ընդ նմին .
մեղայ տէր մեղայ, և անօրէնութեանց իմոց ինձէն վկայեմ .
Հիւսեալ ընդ նմին զբանս յիսներորդի սազմոսին, անթիւս

գրեմ՝ զպարտուցս սակ անձինս մեղաց՝ քան զհիւղ երկրի հողմահոս փոշւոյ ընդ օդոյ ամենայն տարածեցելոյ .

Ք. Մեղայ յերկինս և առաջի քոյ, ընդ անառակ որդւոյն պատկառեցելոյ հայրենի գթոյդ վերստին դարձեալ թաւանձ արկանեմ՝ զողորմելին ձայն աղերսանաց արտօսածին ողբովք գոչման 'ի տխուր դէմն մատուցեալ առաջի քո տարածանեմ՝, հայր գթութեանց, աստուած բողոքից, չեմ արժանի կոչիլ և ոչ բնաւին առ այս անուանիլ, ոչ միայն որդի, այլ և անպիտան ապարան վարձկան: Ընկալ ըզսովեալս տարագրական, պարտական քնասուց. և զցաւ քաղցոյս լիկանաց նեղոյս նուաղեցելոյս՝ կենաց քո հացիւդ բըժըղկեցես: Ար ընդ առաջ քո ողորմութեամբդ 'ի սկզբնաւորս ապաւինութեան. զգեցո, գթած և անոխակալ, անօրինեալս մեղապարտի զնախակապուտ հանդերձին ծածկոյթ. աւանդակորոյս ձեռացս աղտեղեալ մեղօք՝ զկնիք մատանւոյն համարձակութեան ամենառատ կամօք մատուցես. զգարչսպարացս թշուառութիւն մերկութեան ոտիցս՝ պատսպարութեամբ աւետարանական ամրավերարկու օգիցս կօշկաց 'ի յօձին թիւնից միշտ ամրացուցես: Չզուարակդ պարարակի եզինդ երկնայնոյ, որ է միածին որդիդ քո օրհնեալ իսկապէս մարդասիրութեամբ, կարօտելոյս բարեաց նուիրեա. որ մատուցեալ միշտ և անպակաս մնայ 'ի լրութեան, յարակոյ զենեալ 'ի սպանդարանի անթիւ սեղանոց անսպառութեամբ, բոլոր յամենեսին և բնաւ յամենայնում, էութեամբ յերկինս և իսկութեամբ 'ի ստորինս, աննուաղ մարդկութեամբ և անթերի աստուածութեամբ. փշրեալ և բաշխի 'ի մասունս անհատս, զի ըզհամայնն հաւաքեցէ առ 'ի նոյն մարմին իւրումն գլխոյ. քեզ փառք ընդ նմին, հայր ողորմութե, յաւիտեանս. ամէն:

ԲԱՆ ԽԸ.

ՎԵՐՄՏԻՆ ՅԱԻԵԼՈՒԱԾ ԿՐԿԻՆ ԸՆԾՈՒԹԵԱՆ ՆՈՐԻՆ ԸՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՑ

Ա. ԲԱՐՁՐԵԱԼ, հզօր, անսկիզբն, անեղ, անբովանդա-
կելի, աննիրհելի ակնդ նկատող, ծնող անքնին փառաց
միածնիդ. իրաւացուսցես զիմս ողորմութիւն հերքեցելոյս
ընդունելութեան առ երկնայինս և առ երկրաւորս. Տօնեա
զկեալս կորուսելոյս վերնականացն պարերդութեամբ, ա-
ւետարանեա բանիւդ օրհնութեան զկենդանութիւն իմ
մահացելոյս, զբարերաստութիւն կամացդ յայտնեա, գով-
եալ ըզրորից գոյից եղելոց, ստացիր անուն քեզ անճառ և
ինձ թշուառիս նորոգ փրկութիւն, կորուսցես զգիր մուր-
հակի մեղուցելոյս ամբաստանութեան, զվճիռ հոգւոյս մա-
հու ջրեսցես կայլակօք արեան որդւոյդ սիրելոյ, վստա-
հութիւն փրկութեան բարեաց արեամբ Քրիստոսի քո նը-
կարեսցես, ցոյց զսքանչելիս քո բարեգթութեանդ 'ի ճաշ
հարսանեաց քում հարազատի. Մի՛ փակեսցես զիմելոյս
առ քեզ զառադաստ սրահի կենացդ յարկի, մի՛ տրոհես-
ցես 'ի բաղմականացդ և 'ի բարեացդ քո զրկեսցես, մի՛ պա-
հեսցես 'ի գանձարանիդ զնիւթեալ իմ պարտուցս անօրէ-
նութիւն, մի՛ կնքեսցես 'ի քսակ բարեացդ զզազրութեանց
իմոց գարչութիւն, մի՛ երկարս ինձ զվէր մեղացս 'ի յախ-
տալից մարմնիս ծածկեսցես, մի՛ զփտութիւն նեխութեան
ցաւոցս ինձ տնկակից մահու մնացուսցես, այլ բարձ բանիւ
քոյդ ողորմութեան զժանտութիւնն ապականարար, որպէս
զի զատեալ 'ի հիւժմանց ախտից՝ առողջութեանն պատ-
րաստեցայց. հնարաւորեա, գթութեանցդ հայր, մեծ
խոցուածոյս զօրեղ սպեղանիս, կարևոր կործանմանս՝ բարի
այցելութիւնս. Չի՛ քո եմ, տէր ոգեսէր, թէ և առ մի նը-
ւագ թիւքս մեղիցեմ, բայց ոչ գրեցայց համայն մեղուց-
եալ, տուիչ կենաց իմոց բարերար, 'ի շնորհ պարգեւաց

կենաց քոյ ապաւինեալ . զի ճանաչելդ զքեզ բովանդակ արդարութիւն է , և զիսել զգօրութիւնդ քո՝ արմատ անմահութեան , որպէս և կանխաւ խակ զրեաց իմաստունն . և դարձեալ՝ տիրելդ քո , ասէ , ամենեցուն , խնայել տայ քեզ յամենայն . և դարձեալ , մօտ է քեզ յորժամ և կամիս կարող գտանել :

Բ. Այս սօղոմոնի յուսոյ աղերսանք խնցս առեալ տիպ . քանզի ոչ այլ ոք բազմամեղ որ քան զնա ինձ զուգաշաւիղ . երբեմն որդի , ապա ատելի . երբեմն միջնորդ խաղաղութեան աստուծոյ ժողովրդեանն , և յետոյ խարոց որոշման բազում խռովութեան . երբեմն օրէնք կենաց կացեալ , և յետոյ մուրհակ մահու հաստատեալ . զերկնաորին պաշտօն ընդոտնեալ , և զօտարին անուն ծանուցեալ . Անպատճառ օցտող , անկարօտ զրկող , անսովելի գող , գրքեալ արտնջող , փափկացեալ փախստական , սեղանանենդ սարտուցեալ , անպատասխանի մնասապարտ , քաղցրասնոյց հայհոյիչ , զաւակ հայրատեաց , կտակարանացն մատնիչ , Մովսէսի չարխօս , մոռացող երօխտեացն , իմաստուն սըխալական , ամենագէտ յանցաւոր , ամեթապարտ զղջացեալ , տարակուսեալ աշխատող , աղաչաւոր կռապաշտեալ , յամբային դարձաւոր , կաղակարծ ընկալեալ , կասկածաւոր հաշտութիւն , յապայտ յիշատակ , յերկբայտ փրկութիւն , չաւատալի գիւտ , ՚ի մասնէ մնացուած , խարդաւանեալ դերի , կիսակտուր պրծեալ , կամաւոր անձնամատն , տըմարդի յղիացեալ , բազմավրէպ հանճարեղ . Ի յընթացս բանից երկեակ որոշմանց՝ ամենայն ուրեք բանս արկեալ ողբոց և ձողանաց , մեծ պարսաւ և փոքր գովեստ՝ իբր ՚ի վերայ ինքնագրաւ կորստականի , երգիծանութիւն խառնեալ ընդ աշխար . բան նորա թելագիր բարգաւաճութեան ամենայն հասակի , և խտորումն նորին ՚ի շրթունս բնաւից թառանչ թախծութեան ողորմելիս իմն աղղեալ .

Գ. Զարմանամ , վշատիւմ տարակուսեալ ապշութեամբ . զի թէ նա այնքան զթեաց , ինձ զի՛նչ պատահեցէ . զիւրդ անկաւ ամբարձեալն , զիւրդ սասանեցաւ հաստատեալն , զիւրդ կործանեցաւ կառուցեալն , իբր օտարացաւ

ծանուցեալն, զիա՞րդ զակատեցաւ զաւակն ընտրութեան, զիա՞րդ սրացաւ մերձաւորն, զիա՞րդ աղօտացաւ փայլեցեալն, զիա՞րդ պատանդեցաւ ազատեալն, զիա՞րդ անօրինեցաւ ուսուցիչն, զիա՞րդ նուազեցաւ հռչակեալն, զիա՞րդ անարգեցաւ փառաւորն, զիա՞րդ փոքրկացաւ մեծատունն, զիա՞րդ ամբարշտեցաւ բարեպաշան, զիա՞րդ ամբարհաւածեցաւ ընտրողն, զիա՞րդ ունայնացաւ պատարունն, զիա՞րդ կտրեաց զուխան որ ընդ բարձրելոյն: Պատկառեմ' ասել, թէ և ընդ սանդարամետականին կասեցաւ. զի՞ կայր նորա և կռոց, ուստի՞ սէրն ընդ պատկերաց, վասն է՞ր կամքն ընդ խտրանաց. զիա՞րդ ոչ յիշեցաւ յանդիմանութիւն Սամուէլի առ Սաւուղ եղեալ, հմայք, ասէ, մեղք են, և ցաւս և աշխատութիւն ամէ թերափ 'ի վերայ. զիա՞րդ ոչ հայրենի յանդիմանութիւնն, կուռք, ասէ, հեթանոսաց դեք և անչունչք են, և նման նոցա լիցին պաշտօնեայք նոցա: Տէր միայն ամէր զնոսա, Մովսէս նախագրեալ յառաջաձայն ձաղանօք սաստիկս իմն ամբաստանէ, ոչ էր ընդ նոսա ասէ աստուածս օտարոտիս, զոր ոչ ճանաչէին հարք նոցա: Ո՛ր է մահամատոյց այլազնեայ արձանն Փագովբայ, ո՞ր տղեղն և անպանծալին սիդոնացւոց իգական ամենանզով ձուլածոյն, ո՞ր կանացի կերպին անգրելին խայտառակութիւն զաղիր տեսակին, որով ամօթոյ մարգարէքն զանանօրէն դիմեցումն անխտրաբար յանուն չարութեան անժուժկալ դիւին անաստուածաբար ձօնեալ մոլէին: Տարաւ զէութիւն բարեբաստութեանն՝ որ զնախնին որսաց 'ի կորուստ, յաղթեաց մեծութիւնն իմաստիցն առաւելութեան, գերեաց դողողութիւնն, յիմարեցոյց փափկութիւնն, վանեաց արծաթն ծառայեցուցիչ, յոգի դատեցաւ զայրն տօնելի հին զէնն կործանողին, 'ի գրկացն աստուծոյ հանեալ 'ի յոտս ստամբակին գթեցոյց, մեռոյց մեղկութիւնն, թմբրեցոյց ծուլութիւնն, արբեցոյց շուայտութիւնն: Ով դիւրապատիր մարմին երկրածին, որո՞վք ձայնարկութեք զքեզ աւաղեցից. քանզի ոչ տիրադէս առնա հանդիպի ընդդիմաբանութիւնս, այլ ամենից սխալողաց՝ կամաւ վըրիպելոց, վասն զի նովաւ է իմանալ, թէ անիրաւ է պար-

ծել յիմաստս մարմնոյ , եթէ ոչ աստուծով դատեալ ընտրեացի . որ զի թէ առ այս պայմանի յիմար ոք իցէ , և 'ի հաստչին կամս յուսացի , ոչ ևս 'ինտրայոց անտի ինչ կրեացէ .

Դ. Այլ քանզի սաստիկս և քստմնելիս ունի Սողոմոն ըզդարձին իւրոյ յիշատակարան ինքնապարսաւն կշտամբութեամբ , իրր մեռեալ իսկապէս համոյն աշխարհիս անձնասիրութեան . զոր եթէ զիսկն ոք նկատեացէ , Ունայնութեամբքն է իմանալի . այլ և 'ի մատեանս քահանայիցն և 'ի գիրս Աբիայ սիրնացւոյ , յորում զփոյթն իւրում ընթացիցն արտատուելիս իմն յեղանակէ . զուր ջան , անօգուտ վատտակ , անմիտ հետեւումն , անշահ արշաւանք , անկայուն երկք , օտարին իմաստք , ոչնչից հոլովք , բամբասելի բերք , անյարմար վարկածք , անտի սերմանիք , աւազափուլ շինուածք , ասպականացու ստացուածք , քամահանաց տաժանմունք , ինքնամարտ կռիւ , ընդ ոգւոյ իւրում դատ , ընդունայնաթող քիրտն , վնասակար փափաք , կորտական շաւիղ , վրիպակ ճանապարհ , կործանական կրթութիւնք , մորրապատիր վարժութիւնք , հանապազասակ տեսութիւն , ակնայայրատ պջրութիւն , պոռնկակերտ կերպարան , ախտարորոքքնիւթ , դժնեատեսիլ գոյն , յոքնատխտուր գեղ , յոլվամեղձ ծուխ , շոգի ցնդելի , վաճառ մերձ 'ի յառ , տաղաւար քակտելի , ընդ վայր աղաղակ , անպատճառաւոր ծաղր , արհամարհելի ասպարէզ , անձնավաճառ գիր , սատակչական ելք , անաստուած մտածմունք , ստայօդճառ , զայրացուցանող զրոյցք , եպերանաց խժբիծ , խելագարութեան խնդիր , ամօթանաց ցոյցք , խայտառականաց յայտնութիւնք , առակ ազառնեացն , ասպշաւանաց գործ , ըմպոհկանաց պատմութիւն , հեղգացելոյ օրինակ , խորխորատ ծածուկ , որս խաւարային , մահադուշակ վիհ , անյատակելի անդունդք , ուղեկցութիւն սպանողաց , յիմարութեան բարբաջմունք , դարանակալաց վայր , խարխուլ յարկ , շինուած սասանեալ , կամուրջ խախտեցեալ , երևայթ փախչելի , խաբող շողոքորթ , անտպայ մատնիչ , ընդդէմ բարձրելոյն հակառակութիւն . Չայս ամենայն մատունս բանից խոտտվանական կանոնադրութիւն , 'ի սիրտս

բնաւից նախասերմանեաց Չողովոցս կանոնագիր դարձելոց զղջման . որպէս զի մի պարծեացի ոք 'ի մարդկանէ բամբասաւորօք զինուորեալ նետիւք՝ զանձն և զընկերն խոցտելով . քանզի կռասպարիշտ է քողով ծածկեալն , որ զկերպարանսն միայն ունի , և զոչ ակորժելիս ստեղծչին կատարէ :

Եւ արդ նա՛ որ ոչ այնքան մեղաւ որքան զղջացաւ , մի 'ի սպառ պախարակեցցի . այլ յիշեցցի այլն այն 'ի բարի , իբրեւ զհիմն յուսադրութեան 'ի տէրունի ոտան գիւնելոց , յորժամ հոգւովն էջ յայցելութիւն աստուածութեամբն անբաժանելեալ՝ կենագործել զանդ խոստովանեալն . զոր մեռեալքն ահա կենդանեացս անտարակոյս բերին աւետիս : Ընդ որում մաղթեալ իմ պարտաւորի՛ իմաստութեանն ոչ ժամանելոյ , 'ի մեղանայն մասն կարգեալ , բարեբանեալ մեծիդ պաղատիմ . լից զնուազդ իմ բանագրութիւն 'ի յերջանկին հանճարեղութիւն . նիւթեցիս ներկայիս հայցմունք 'ի բարգաւաճին յարգաւորութիւն՝ 'ի դերաշխարան արքային աղերս . այցելութիւն խնդրոցս դիցիք ընտրեցեալ վեհ արքայորդւոյն , զոր միածնիդ օրինակեցեր : Յարեանն կյորդութենէ զքո փառակիցդ ճաշակեցաք . տուր փրկութիւն քոյոյ ծառային , ամենահնար , զօրեղ , ահաւոր , 'ի ստեղծողիդ փառս աճեցուցեալ զանքաւելի մեղացն ջնջումն : Յիշատակա խորհրդոց բարեաց՝ ընդ ողորմեալն նորոգեսցես . որ ամենահամ ակորժաճաշակ բազմապաճոյճ առակագրութեամբ զաստուածութիւնդքո քարոզեալ 'ի մատեան լուսազարդ կտակի , եկեղեցւոյ ընծայեաց հետս բարութեան՝ խոստովանութեամբ մատչել առ քեզ , հայր : Քանզի ոչ հեռի յողորմութենէ առ այս ցոյց բանի է իմանալի , թէ անյուսութեանն կաթուածչէր անկեալ 'ի յեռանդն սրտին ըզձից , որ զճեպ զղջմանն փոքր ինչ կասեաց :

2. Արդ 'ի յուշ բերեալ զոր 'ի քեզ անճառելի բարեմասնութիւնք , զգթութիւնք ողջունեսցես . որով զկոչկոճեալն 'ի բաղում դարուց՝ բամբասանաց քարաձգութեամբ , երանութեան վերարժանացո . որ յոքնահոսան արտասուաց ելիւք զմէջ յատակի յարկին հեղեղեալ ապարա-

նիցն իւր խրախճանութեան՝ սաստկակսկիծն ապաշաւանօք, հօրն կրիցն դերազանցեաց ողորմելի ոգւոյն հեծութեամբ. զոր 'ի յաչաց բանիդ քո արասոր՝ առ որ մերովս 'ի յիւրն ախտակրեաց, երկայնամիտդ ներողութեամբ միացուցեալ խառնեցես, զթած. և զանյարմարն առ նա կարծեցեալ զսաղմասին բարեբանութիւն, 'ի փառս էակցի որդւոյդ կընքելով նովաւ կեցուցես զնա քաղցրութեամբ ընդ աղքատս ժողովրդոց. **Չայս** պուեաիկոս ոմն բարեշնորհ արգահատէր ընդ **Սողոմոնի**, ամենայնիւ վարձս վարկուցեալ համակցորդ զուգածայնութեամբ՝ իբր կենդանեօք նովաւ ընդ նմին վասն նորին աղերսել առ քեզ, զոր յաւելուած կարգիդ անտեսէ. **Քանզի** և օստացւոյն 'ի նմանէ ստեղծեալն բազմահրաշաւորն մարգարէաճառն պատմագրութիւն սատուածութեանն արգարացուցիչ՝ զ**Սողոմոն** ողորմեալ կարգէ. որ զի անպարսաւ է աղօթելն, քան չարաբանելն վասն նորին.

Ե. **Չոր** և ես մաղթեմ մեծ վստահութեամբ՝ նմանակից այսր հեծութեան՝ և զիսն ընդ նմին ընծայել դոչումն. զի թէ կորուսցես զմեզ դատեալ ըստ դորժոց, ոչ պակասին փառք քո, զի իրաւամբք քո ճանաչիս. խակ եթէ դուցես, այնքան բարձրանաս, որքան մեծութեանդ քում վայել է. քանզի յաւէտ օրհնաբանելի ես դու երկրորդաւս՝ ողորմածութեամբ, քան նախահրաման սաստկութեամբն. **Դարձիր** տէր՝ դարձիր քաղցրութեամբ 'ի խնամս զթութեան ձրի և ամենառատ պարգեւօք սիրոյ մխիթարել յաւէտ զտրտմեալքս համաշաւիղ տաղնապաւ տապոյ տոչորման անբժշկականի. **Չեռն** եղեալ փրկութեան նորոգեցես վերստին, քաւեալ և պատասպարեալ 'ի մեղակործանս խորտակմանէ. **Եւ** քեզ միայնոյ սկզբանդ և անսկզբանդ, ընդ սկզբանդ և սկզբնաւորիդ սկզբանց՝ սուրբ **Երրորդութեանդ** և միում սատուածութեանդ փառք և իշխանութիւն յախտեանս յախտենից. ամէն.

ԲԱՆ ԽԹ.

ՎԵՐՍՏԻՆ ՅԱՒԵԼՈՒԱԾ ԿՐԿԻՆ ՀԵՆՌԻԹԵԱՆ ՆՈՐԻՆ ՀՄԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԲ ԸՆԴ ԱՍՏՈՒԾՈՅ

Ա. Ե՛րբ արդ մի տիրեսցեն անօրէնութիւնք քում պատկերիս կայսերականի արքայութեանդ վերնում, աստուած բողբոց լուսոյ . մի կապտեսցէ գուռն ապստամբ զղարդփշմանդ շնորհի 'ի քո ստեղծեալս կերպէ . մի թագաւորեսցէ մեզքն խափանեալ՝ մարմնոյս մահացուի առ 'ի զըրաւել զիս 'ի նոյն . Չիք իմ թագաւոր առ իշխել շնչոյս՝ բաց 'ի քէն, Քրիստոս, որ անբռնադատ հնազանդեցուցանես լծոյն քաղցրութեան, որ բառնաս զկարիս մեղաց ամենակարգ բանիւ, որ արեամբդ քո ստացար և մարմնովդ կերակրեցեր . որ կարդեալ սահմանեցեր ուխտ կենաց անփոխադրելի, որ յոգի քո կնքեալ կցորդ քեզ զբերով, հօր քում մատուցեր ժառանգակցապէս . որ յանուն զենման միշտ յիշաստակաւ քո չարչարանաց առ նոյն բարերար աղօթել համարձակեցեր, ստեղծիչ ամենից և կեանք . Պա՛ս ես աստուած ամենայն հոգւոց, որ մեծացուցեր զայս տուրս շնորհաց քան զամենայն գործոց քո հրաշս . ոչ զերկինս իւրովքն զարդուք և հրեշտակացն պայծառութեամբք, ոչ զերկիրս և զմարդկութիւնս և որ առ սոսա են զարմանութիւնք, ոչ զսահման լայնութեան ծովու և որ 'ի նմա են եղելութիւնք, ոչ զանդունդս աղիւսիքն հանդերձ և որ 'ի նմա են անբաւութիւնք, ոչ բարձրացար յօրինմամբ այսքանեօք վեհիւք՝ որչափ առ իմն կարեկցութիւն, յասելն քո սուրբ մարդարեհիւն՝ քաղցրութեանց յուսոյ բարութիւն, ո՛վ է աստուած իբրեւ զիս կարող թողուլ միշտ զմեզս և ջնջել զանօրէնութիւնս . Ահա արդ խնկեալ են բանք քո, ողորմած, և խոստովանեալ բարերարութիւնք, փառաւորեալ խորք խորհրդոցդ և երկրպագեալ զեղմունք շնորհացդ .

Բ. Արդարեւ ոչ ոք բաւէ յէկեցս թարգմանել խօսիւք նիւթական լեզուի 'ի մասանց այսի քումդ գթութեանց զոր առ իս ցուցեր, յօրինիչ. քանզի և մեծ իսկ է զօրութիւն՝ զհնացեալն անդրէն նորոգել ըստ առաջնունն պայծառութեան, քան յանդոյից ստեղծագործել. Եւ զի ոչ է քո տկարութիւն, որ զօրութիւնդ ես ամենայնի, առ որ բան քո միայն ազդեալ՝ զլրութիւն գործոցն գլխաւորէ, ահա յարիցես փառաւոր լինել, բարեգործ, 'ի ստացուածս այս կրկին անյուսալի փրկութեանս. զի իրաւամբք ուխտի բարձրացի՝ հաստատուն եղեալ մեծապէս օրհնարան աւետեաց քո ձայն 'ի քաւելոյդ շնորհ ծանուցեալ, ողորմութեան լուսովդ ուղերձեալ, քան 'ի ճանապարհ ստեղծանելոյն. Չի առ մինն արարիչ միայն ճանաչիս, իսկ առ միւսն՝ առաջնով կոչմամբն և երախտաւոր. ընդ կերպացուցանելոյն և քաւիչ, ընդ նորոգելոյն և բարերար, ընդ հաստեղոյն և ողորմած, ընդ կազմելոյն և հնարաւոր, ընդ յօրինելոյն և հեղ, ընդ նկարելոյն ամենազօր, ընդ առաջնորոգելոյն և լոյս, ընդ տածելոյն հովիւ, ընդ դարմանելոյն խնամիչ, ընդ ողջ պահելոյն բժիշկ, ընդ ձեռնկալութեանն զօրավար, ընդ անպարտութեանն թագաւոր, ընդ արարչութեանն քաղցր, ընդ ամենատուր պարգեւացն առաւտ, ընդ միշտ անսելոյն ներող, ընդ ոչ բարկանալոյն անոխակալ, ընդ կարեացս վշտակցելոյ ծածկագէտ, ընդ յանձանձելոյ գթոցն ապաւէն, ընդ գերունակ գորովոյն անձ, ընդ անապառ բարութեանն՝ օրհնեալ յամենայնի.

Գ. Արդ որպէս ստեղծեր մինչ ոչն իսկ էի, և ծանուցար ինձ գոյացուցիչ, և այժմ՝ զհոգի մաղթողիս մարմնոյս տաղաւարաւ յարդարեա անդրէն վերստին յանարատութիւն մաքուր սրբութեան նախնի լինելութեանն. զի բազմապիս առաւել աճեցուն եղեալ յաճախ տուչութիւն անսահմանելի քոյդ սքանչելեաց նորոգ ներկայիս, քան զանցելոյ հնոցն ստուերակնաց. Եւ ընդ ճառելոյս զթիւս մեղացս՝ որքան մտացս թեւս ընթանայ զանբերելիսն յիշատակել, արդարացայց յանուն քո հօր. և 'ի պատմելս ինձէն զանձին իմոյ բիծ, և դու թողցես զամբարշտութիւն

բազում մեղանաց խոստովանելոյս , հզօր , ծածկատես , ամենափրկիչ . զի մի ծայրագոյն լրութեամբ աւետեացս , դարձեալ նախնումն կարօտացոյց՝ երանելով սաղմնաին զՀնորհօք փրկեալն մկրտութեամբն . և փշովք մեղաց յոզի խոցոտեալ , ձեռն քո մխեսցի յիս առաւելապէս այժմէն վերստին , ծանրս առնելով զբեռն պարտեացս քան զքաղցրութիւն պարգեւացդ , այլ աղատեա զիս օրհնաբանեալ հողւովդ սրբով , աղաչեմ՝ զքեզ՝ տէր ամենայնի , յօրինաց մեղացն և մահու . Քաւ լիցի , թէ անկցի ընդ տկարութեամբ սահմանաւ ճշմարտութեանդ ծագումն իբրեւ զգրոյն օրինակ . քանզի ուր քաւութիւն է թագաւորեալ՝ վտարեալ են մեղք , և ՚ի խրախոյս կենդանի բանիդ՝ ոչ է յուսահատութիւն , և ամբարձեալ քոյոցդ Հնորհաց՝ հալածեալ են պարտիքն , և մերձ գոլով ձեռինդ աստուծոյ՝ ոչ գոյ անհնարութիւն , այլ ամենեւին լուսաւորութիւն , բովանդակապէս զօրութիւն , անպարտելի կարողութիւն . Քո է փրկութիւն , կենդանութիւն , նորոգութիւն , ողորմութիւն , միանդամայն և քաղցրութիւն , արքայութիւն , անեղծութիւն և փառք յաւիտեանս . ամէն .

ԲԱՆ Ծ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՄՐՏԻՑ ԽՕՄԲ ԸՆԴ ԱՍՏՈՒԾՈՑ

Ա. Ա. Եւ , արդ , քանզի որպէս ոչ է առանց Քրիստոսի աստուծոյ ոգւոց փրկութիւն , և ոչ առանց տեսման աչաց՝ առ լոյս զուարճութիւն , և կամ առանց արուսեկին նշուլից արեւու երբէք քաղցրութիւն , այսպէս և ոչ առանց խոստովանութեան ծածկութից և սողտանաց անձին՝ քաւութիւն . Չի զի՞նչ օգուտ քեզ է մաքրութիւնդ , եթէ ընդ փարիսեցւոյն դատեսցիս , և կամ զի՞նչ վնասեսցեն զիս պարտիքս , եթէ ընդ մաքսաւորին գովեցայց , և կամ

ո՛ր ասի պարսաւեալ մարգարէն Յովէլ՝ երկցս կրկնելով զանձինն եղկութիւն , և կամ զի՞ դուցէ սրբոյն դատաստան առ 'ի յիշատակ աւուրն մեծի , և կամ իբր արդեօք անմաքուր իմացի շրթամբք Եսայի՝ հեռին 'ի գործոց տանն Իորայէլի , և զիա՛րդ աստուած պարտաւոր պաշտի ազամեան մարմնովն՝ իմոյս կարեկցեալ յանցաւորապէս առ հայր աղօթել , և կամ յո՞րս թարգմանի առած առակին , թէ սիրտ իմաստնոյն 'ի տան սգոյ , և սիրտ անմտին 'ի տան ուրախութեան . Ջի որ զսխալէն Ադամայ անձին իւրում ոչ գրեացէ , և զմեղս ամենից ինքեան ոչ համարեցի , իբր երջանիկն արքայից զհարցն , կորոյս զիւրն արդարութիւն՝ որպէս անախտակիր գոլ բնութեանս . և ոչ բերկրի սիրտ առ զուարթութիւն երեսաց աւետեօք յուսոյն , ըստ ասացելոյն , եթէ ոչ յառաքելոյն Քրիստոսի ուսեալ՝ ամենայնիւ ահա ըստ աստուծոյ տրամեցի .

Բ. Արդ ըզձալի է ինձ յաւէտ աստանոր խրատն հին՝ նորոզ ընկալեալ՝ հողեւոր հանձարեղին , զոր տէրն իսկ երկրորդեաց , երթալ նստել ոչ յառաջին բարձին հպարտից ընդ ամբարշտացն նանրախորհուրդ ժողովեցոց , ուստի Պաւլթ և Երեմիա ուխտիւ կանոնի սահման հաստատեալ հրաժարեցուցին , այլ ընդ զըջացեալսն սրտիւ պատկառեալն մեղօք՝ և 'ի դատաստանաց մեծին պակուցեալ ահիւ հատուցմանն , յետնոցն հաւասարեալ աստէն 'ի յերկրի կամաւ խոնարհութեան , ուստի բարձրեալն աստուած պարարեալ բերկրի . որով ընդ նախադասեալն 'ի բազմականն երանութեան համարձակեցայց , թէ ես և թէ նա հետեւեալ սովիմբ . Առ որ զերծեալ 'ի բամբասանաց բանի մարգարէին , որ 'ի վէսս ոմանս ակնարկի . մի՛ յիս , ասէ , մերձենար . մաքուր եմ , և ո՞վ զիս տեսանիցէ : Այլ զանկըշիւն խոնարհութիւն երջանիկն Պաւլթի ինձ նպաստ առեալ ասել ընդ նմին , ես իբրեւ զանասուն համարեցայ հերքեալ 'ի զգայութենէ , և հասին չարիք ինձ շուրջանակի . և նեխեցան և փտեցան վէրք իմ 'ի յանզգամիս անբժշկութիւն , և զայլոյ ոմանց ընտրելոց 'ի յաստեատանի՝ զկամաւորն կշտամբութիւն մեղապարտութեան անձանցն

անարատից . ընդ որս և ՂԵղրի մեծի քահանայի զատելն՝ ես ինձէն առեալ բարբառ իմ, թէ և ոչ զերեսս բաւական իցեմ համբառնալ ՚ի վեր առ քեզ աստուած .

Գ. Արդ ես ճշգրիտ պատկեր ամենայն երկրի՝ զիսն խառնեալ ընդ նոցին պարտիս, և ՚ի նոցայոցն զառ իս դառնութիւն կրկին առաւելեալ, նոքօք հեծեծեցից . թէպէտ և չէ ինչ պիտոյ գարշութեան գունոյ՝ գարծեալ աղեղութիւն . Ահա արդ մեղայ, զի անմտութեամբ գործեցի զոչ հաճոյսն քո բազմօք սխալեալ յանցաւորութեամբք, նաշեա յիս, գթած, որպէս երբեմն յուրացութեանն ըմբռնեալ Պետրոս, զի յոյժ ունայնացայ . Լուսաւորեա ինձ զոգորմութեանդ քո ճառագայթ, ամենեւին բարերարութիւն . զի ընկալեալ զօրհնութիւն քո, տէր, արդարացաց կեցից և մաքուր եղէց յանտեղծիցն քո խնց լկողաց . Չունիմ համարձակութիւն զմեղապարտ ձեռինս հաստուած առ քեզ տարածանել, մինչեւ մատուցես զօրհնեալդ քո զաջ ՚ի նորոգութիւն գատապարտելոյս . Արդ յաղթեա վերստին իմումս յամառութեան քոյին հեղութեամբդ առ իս ժամանեալ մարդասիրապէս . և զամենայն յամենայնի ամենայնիւ քո կարողութեամբդ՝ զառաջին չարխն միջնոյքն և վերջնականօքն թո՛ղ ինձ, հնարաւոր անհասից Քրիստոս թագաւոր լուսոյն արգարաց .

Գ. Չեմ արժանի յիշել զանուն քո օրհնեալ, զի վնասակար եմ բարեգործիդ մահու հարուածոց առ կնիքն, առ շնորհն, առ փշումն, առ պարգեւն, առ աւանդն, առ ձիրն, առ անունն, առ սրղեգրութիւնն, առ պատիւն արքայական, առ պատկերն, առ դրոշմն, առ օծումն, առ ճոխութիւնն, առ համարձակութիւնն, առ ընտանութիւնն, առ կեանսն, առ լոյսն, առ երանութիւնն, առ յոյսն, առ փառսն, առ անխոնարհելի բարձրութիւնն, առ պսակն անկապտելի, առ խոստմունսն ծածկեցելոցն, որ քեւ տէր Քրիստոս, բազմօք աւետարանեցաւ ինձ յամառելոյս իժիս և քարբիս՝ ունկնախից և լսելափակ անլուր ականջացս . որ միշտ յառաւելութեան քումդ բարութեան յոքնապատիկ յաւէտ քան զսոյն չարիքն իմ յաճախեալ, ՚ի սպառ

կործանեցին, մերժեալ 'ի կենաց ընդ մահ կապեցին, ծառայ կարգեալ ապականութեան. Եւ արդ դու միայն ի բաւակչիւ և ճշմարտադատ բարերար՝ օրհնեալդ 'ի գթութեան, մեղոյ քեզ անօրինեցայ անիրաւեցայ. վասն որոյ և եղծայ զեղծոյ յանցեայ ամբարշտեցայ. և ոչ լուայ խոտովանեալ և երկրպագեալ գովեալ քո բանիդ, որ դու իսկ երեւեցար անճառելեալ քո սիրովդ, զոր գրեին իսկ մեծ է, և նշանակեին սարսափելի. Քեզ արգարութիւն և փառս և մշտնջենաւոր գովութիւն, և ինձ պատկառեցելոյս 'ի քէն, խնամակալ, քառութիւն և ողորմութիւն և բժշկութիւն, օգնութիւն և պահպանութիւն սրտի և ոգւոյ. բարեբանեալդ յամենայնի յաւիտեանս. ամէն.

ԲԱՆ ԾԱ.

ՎԵՐՍՏԻՆ ՅԱՒԵԼՈՒԱԾ ԿՐԿԻՆ ՀԵՆՌԻԹԵԱՆ ՆՈՒԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԲ ԸՆԴ ԱՍՏՈՒԾՈՅ

Ա. Ե՛ր արդ առ երկրածին ոք պաղատեցայց այսր մահացու ամենապատիր, եթէ ընդունայն է աղաղակելն. առ մահկանացու բանական, եթէ սուտ իցէ փրկութիւնն առ յուսոյն վստահութիւն. առ մարդ ոք եղծական, եթէ ընդ տկարութեան բանին և նանիր է զօրութիւնն. առ իշխանս երկրաւոր գահից, եթէ անցաւոր է ընդ ինքեանս և իւրեանցն բարութիւն. առ եղբայր ոք հարազատ, եթէ կարօտ է կամելոյն առ անձինն անդորրութիւն. առ հայրն իմ երկրաւոր, եթէ պակասեալ են խնամականքն ընդ աւուրց նուազութեանն. առ մայրն իմ որ երկնեաց, եթէ կասեցան գթութիւնքն ընդ նահանջել կենդանութեանն. առ թագաւորութիւնս աշխարհի արդեօք, որք զմահացուցանելն միշտ արուեստաւորեն քան զկենագործելն. այլ առ քեզ բարերար աստուած օրհնեալ 'ի բարձունս, որ կենդանի ես և զկենդանութիւն տաս ամենայնի, որ և յետ վախճանին զօրես անեղծապէս նորոգել.

Բ. Որ եթէ փախնումք 'ի քէն , դու զկնի ընթանաս . եթէ տկարանամք , զօրացուցանես . եթէ վրիպիմք , շաւիղ դիւրութեան ուղղես . եթէ պատկառիմք , քաջալերես . եթէ ախտանամք , յանձն և 'ի մարմին , բժշկես . եթէ դարչանամք մեղօք , մաքրես . եթէ ստեմք , քո ճշմարտութեամբդ արդարացուցանես . եթէ յանդունդս ներքինս սուղեալ գլորիցիմք , յերկինս ցուցանես . եթէ 'ի կամաց մերոց ոչ դառնամք , դու դարձուցանես . եթէ մեղանչեմք , ողբաս . եթէ արդարանամք , ժպտիս . եթէ օտարանամք , սգաս . եթէ մերձենամք , տօնես . եթէ տամք , ընդունիս . եթէ յամբանամք , երկայնամտես . եթէ մեք ժխտեմք , դու առատապէս շնորհեալ ընձեռես . եթէ լքանիմք , տրտմիս . եթէ արիանամք , խնդաս .

Գ. Որպէս հարիւրորդ երկրորդ սաղմոսն օրհնարան հըրաշաւորական զվճատելոյս զսիրտ սիրտիէ , և մեծ յոյս կենաց աւետարանէ առ փրկութեանն հանդէս . որ յաղթականն է գիւաց և տարակոյս բանսարկուին . որ իբր զխաչին տէրունի նշան բարեբաղդ պանծալի սքանչելափառ , անխոնարհելի բարձրութեամբ լուսոյ և անպարտելի վերնոյն զօրութեամբ կանգնեալ է ակոյեանն անվանական և անչարժական ամենայնիւ յաւիտենական ընդդէմ անբարի բարուց բռնութեանն Բելիարայ , որ ունի յինքեան զանձս հոգեւոր օգտից գիտողաց մտաց ընծայեալս զպարտումն մահու և զլուծումն մեղաց , և յոյսս կրկինս յերկուս յաւիտեանս , և զնորոգումն խոստմանն անեղծութեան արդարոցն , կանոնս բարեհրաւէրս և կենդանատուրս գրեալս հոգւովն աստուծոյ . որպէս ամենայն իսկ երգ սաղմոսացն մաքուր սրտից է տեսանելի կտակ կենաց մարդկան նկարեալ ,

Դ. Ձի եթէ 'ի նախնումն տկար կերպարանն զայս աւետիս և վատահումիւն ընդդոգեալ ունէր՝ կործանման մահու նախաժաման մեծ աւետադիր և կեանս երկնակրօնս վերնակենցաղս միշտ անճառելիս , և այն՝ ջնջական գիրն և յեղանակաւոր օրինակն , և պաշտօնն դատապարտիչ վճատութեան յանցաւորացն , և խափանելի կտակն երկրային , և տկար հաշտարարութիւն միջնորդացն , և թերութիւն բանից մտղթու

զացն . Որ զի թէ Մանասէի փրկութիւնն խոտտովանելի է
 անտուտս վկայեալ յետ այնքանեաց մեղանաց անբժշկակա-
 նաց , որ արեամբն արդարոց ելից զնուիրեալն մեծի թագա-
 ւորին հրաշանուն քաղաք հայրենի , ըստ մարդարէաց իր ան-
 տուտ պատմութեանն . որ և զմեծն իսկ տեսանողաց բազ-
 մերախտիս ձեռնկալութեան խնամողօրէնն պաշտպանութե-
 նախնակերտ յարկին տեսչութեան , մանկավարժ ինքեան և
 նախնի , մեքենայիւ մահու սղոցեաց , ՚ի յերկուս մասունս
 խղեալ դժնդակ տանջանօք մաշեաց , իբր խորհրդով ապրս-
 տամբութեան ղյուսոյն փրկանակ կտրեալ . Առ որով զչար-
 յաւելուածն մոլեղնական՝ զքրէական վերնամարտութիւնն ՚ի
 բարձրեալն յանդձնութիւն . քանզի ոչ պատկառեաց երբէք
 զստեղծողին պատիւ և զանուն յիրարնակ խորանէն մեր-
 ժել . հալածեալ զայ հոգին , Բեղիարայ զանձն դաւանեաց .
 Քանզի զնոյն տաճար տիրական խնկարկութեան հաստողին
 սահման՝ հռչակաւորն երկրի տեսարան՝ զսարսափելին ա-
 զանց սրբարան , ուր տեսիլք հրեշտակականք և աստուա-
 ծային հրամանք յաթողականք լուսաւորապէս յայտնութիւն
 ազդեալ երեւէին , զայն վայր երկնանման ահաւոր սքան-
 չելատես՝ Քեւանայ ումեմն քառադիմակի նախանձարկու
 պատկերի աւերածոյն անապատի սղոյտօնատեղ զարշելի և
 դիւաճենձեր զոհարան պատրաստեալ կազմեաց , Զրկեալ
 զարքայն երկնաւոր ՚ի յարքայականն կայից , զամենահա-
 լուսան ունայն ՚ի ստացուածոց իւրոց , զտանուտէրն՝ անհան-
 դիստ և թտխառական տատանեալ , Բէհեզզերու զայ ձեղուն
 նկարեալ , և զանունն ահեղ վտարանդի արարեալ . զերի
 տարեալ զաւանդ գովելոյն , ողբալի զողորմածին մասն նը-
 ւազեցուցեալ . աղուեսուն փոքու ապարանք զորահն լուսոյ
 կարգեալ , և բնաւից ունողին և ոչ գլխոյն տաղաւար յիւ-
 բայոցն եղեալ . հատեալ զցանկ հօրին , բախտից հմայից
 զսեղանն մեծախորհուրդ արեանն սրակման երեւեցուցեալ .
 Լայնեալ հետս բազումս ընթացելոց ՚ի զայթակղութիւն ,
 հովիւ կորստեան հօտին սատակման , մարտութեան բուռն
 վարդապետ , և այն գիտութեամբ կրօնիցն օրինաց , հայր
 ունելով զմեծն Եզեկիա զնմանակիցն Դաւթի ,

Ե. Այնքան ստացեալ գումունս չարեաց, որ և զաստուծոյ պատիւն՝ որ զարքայութեանն փառս ընծայեաց նմա, հայհոյեալ և թշնամանեալ, և զաղթկերացն բազմութիւն սուսերաւ մահու խողխողեալ. Ընտանի դաւաճան, մերձաւոր վատնիչ, հարազատ սատակիչ, կցորդակից սպանող. Առ աստուած ոչ գոյր դառնալ, զի ուրացեալ էր զնա. զԱբրահամ ոչ էր յիշել, զի խորթացեալ էր ՚ի նմանէ. Իսահակաւ ոչ էր աղօթել, զի նզովեալ էր ՚ի նմանէ. Իսրայէլիւ ոչ էր պարծել, զի տարագիր էր անուան կողմանն մեծախորհուրդն շնորհի. զՊաւթեան երգ ոչ էր նուագել, զի կշտամբիչ էր նորին. ՚ի քաւարանն ոչ էր մերձենալ, զի պղծեալ էր զնա. ՚ի տապանակն աստուածաղիծ ոչ էր ապաւինել, զի ընդ դարչութեան ձուլածուին էր փոխանակեալ. առ Մովսէս ոչ էր կարգալ, զի անքաւելի էր պարտիքն որ առ նա. առ Ահարոն ոչ գոյր ազաչել, զի վնասապարտ էր առ նա. առ մերձաւոր մարդարէիցն դունդ ոչ էր դիմել, զի սպանող էր նոցա. Եւ նորա քաւութիւն մեղաց, և արքայութիւն թագաւորութեան վերստին պարգեւեալ տուաւ. զի քեզ, բարերար, բազմացուցես կարգեսցես գովեստս անճառս և անկուելիս ՚ի յազգս տոհմից և ՚ի դարս ժամանակաց, և զդուռն յուսոյն մտից անփակելի պահեսցես ՚ի փառս քոյդ բարձրութեան և ՚ի փրկութիւն դատապարտելոյս, անմահութեանց պարգեւաց տուիչ Քրիստոս, գովեալ յաւիտեանս. ամէն.

ԲԱՆ ԾԲ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՇՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՄԲ ԸՆԴ ԱՍՏՈՒԾՈՑ

Ա. Օրշնեալ, տիրաբար ՚ի քումդ էութեան, անսահմանելի և անփոխադրելի իսկապէս բարի, պաշտօն խնկելի, և երջանկութիւն խոստովանելի ամենայն երկրի, երկայն

յուսոյ ամենապատրաստ տեսութիւն , գլխած ողորմած , որ ոչ պահես ոխս բազմութեան ամաց մեղանաց քթթել միական , որ հրաշաւորս զարմանալիս գեր քան զամենայն ազինս նախնեացն անսահման առաւելութեամբ կրկին ընդ միոյ հաճեցար հեղուլ զողորմութեան վերնահոս վտակաւ ամենախնկաւորս 'ի շնորհարաշխութեանս նորում' : Եւ զանտուտա զմուտս լուսարանի պատուհանին անձկութեան նըշուղիցն աղօտականաց , չափով գիտութեանցն ըստ Սողմոնի , և իւր խակ նմին և ինձ ընդ նորին բացեր ընդարձակեցեր թշուառացելումս զառագաստն անջրպետարան ելիցն ողորմութեան ձրի պարգեւացն աստուածականաց . զոր ընդ մէջ իմն մասնաւորօք աւետար յիշատակաց և 'ի հնումն զայսր տպաւորութիւն օրինակաւ նկարագրէր , ըզդարձարուքն առ իս և ես դառնամ առ ձեզ . և յորժամ դարձցիս և հառաչեսցես , յայնժամ կեցցես , Ես զի և զաղջամիջին սեւութիւն գունոյն փոխարկել 'ի ձեան պայծառութիւն , և զարանցն արեամբ ներկելոցն յեղանակել 'ի պատահումն դեղման , ըստ Եսայեայ և Զաքարիայ , և 'ի մէջ բարկութեանն դարձեալ զոյգ զողորմութիւն . քանզի անապատանալ քաղաքացն Խորայէլի և դարձեալ բնակիլ , և ճանապարհացն ամայի լինել 'ի չգոյէ մարդկան և անդրէն հետեւիլ , և լքանիլ 'ի սովոյն ոգւով և դարձեալ զօրանալ ձեռամբ , և գնալ աստուծոյ 'ի տեղի իւր զայրացմամբ և դառնալ ողորմութեամբ , ըստ ներսողութեան զեխն , և 'ի մէջ սաստիցն սպառնալեացն կրկին պաշտպանութիւն , և 'ի սրտին խռովութեան յուզումն ինամոց գլթութեան :

Բ. Այս մարգարէիցն ձայն խնկելի , որ զօրհնեալք քո դալստեան զաղատարարդ հրաման կանխաւ ազդէին , և զոր չէ բանիւ նիւթեղէն լեզուի ընդ թիւ արկանել վասն անբաւութեան , փոքունք են և նուազունք օրինակք և նըմանութիւնք , հինք և ժամանակաւորք առ աւետեացդ քո յայտնութիւն և խաչիդ փրկագործութիւն : Որ յամենայն վայրի կառուցեր զխորանն վկայութեան արեան քո ուխտի , որք մեծարարաւ միշտ աղաղակեն քան զդատակնիք մահուն չարելի զյաղթանակ բարեաց քումդ հանդիսի ,

կեանս կրկինս և անմահականս շնորհաց, մկրտութեան, յաբուութեան, նորոգութեան, առ քեզ ընտանութեան, ընդհոգւոյդ սրբոյ միութեան, քաւութեան, ազատութեան, լուսաւորութեան, մշտնջենաւոր մաքրութեան, խսկապէս երանութեան, ընդ վերնայնոցն կցորդութեան, անկապուտ վառաց, ՚ի շրթունս մեր ձայնիւ բարձրելոյն հաշտեցուցիչ բանից ազաչանք. **Եւ** զոր ահաւորն է ասել, կարգեմ աստանօր յիշատակ եղեալ մեծիդ երախտեաց, աստուած խկլինել ընտրութեամբ շնորհին, և ընդ հաստողիդ միանալ տէրունի մարմնոյդ ճաշակմամբ, և ընդ լուսոյդ կենաց խառնութեամբ զոր կատարումն երջանիկ խոստմանն, ըստ Պօղոսի բանին, ոչ ունէր օրէնն. **Այլ** դու, վերկութիւն, եկիր հայրենիդ քո հարստութեամբ, արարեր և կատարեցեր զյուսոյն յերկարաձգութիւն, որ առ քեզ պահեալ անհամառօտելի, քաւիչ ամենայնի. **Եւ** քեզ վառք ընդ հօրքում ՚ի դովեստ բարեբանութեան հոգւոյդ քո սրբոյ, յաւիտեանս յաւիտենից. ամէն.

ԲԱՆ ԾԳ.

ՎԵՐՍՏԻՆ ՅԱԿԵԼՈՒԱՅ ԿՐԿԻՆ ՀԵԾՈՒԹԵԱՆ ՆՈՐԻՆ ՀՄԻՂԻ

ԱՌ ՆՈՅՆ ԱՂԵՐՄ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՄԻ ԸՆԴ ԱՍՏՈՒԾՈՅ

Ա. **Տ**ե՛մ տէր զօրութեանց, բուրբից դոյից թագաւոր, օրհնարանեալ ողորմութիւն, աստուած ամենեցուն, որ յաղթես սահմանի լայնատարած ընդարձակութեան, ամենայն ամբաւութեանց դու ես որքանութիւն. մինչ զի կարծրն քեզ հոսանուտ է, և լոյծն քեզ պնդակազմ, և չիք քո իր անհնարաւորական, յաղթող զօրութիւն ահեղ. հուրն ցօղ իմն է զովական, և անձրեւն բոց կիզանողական. **Չ**քարն բաւես ցուցանել կերպարան ազգման, և զբանականն դնես անխօս և անշունչ արձան. **Չ**պարտաւորն ոչ զքեալ պատուական առնես, և զկարծեցեալն մաքուր՝

իրաւամբք քննեալ դատիս . **Զ**մատուցեալն 'ի մահ՝ բերկրութեամբ բարեաց արձակես , և զամաչեցեալն՝ զուարթ տեսութեամբ օծեալ դարձուցանես . **Կ**անգնես զմատնեալն հաղբից զլրման , և զսասանեալն՝ 'ի վստահութիւն վիմրհաստատես . **Զ**ախտացեալն բազմահառաջ՝ երջանիկ կարգես , և զյառաջատեալն դարձեալ անդրէն 'ի յետանահանջես . **Ե**ւ յորժամ սպառին առ 'ի մէջ բարիքն , զառաւել զարմանալիսն յայնժամ ներդործես . քանզի վասն քո գիտես թողուլ զմեղս և ջնջել զանօրէնութիւնս , և քաւիչ լինել անիրաւութեանց և զմեղս մեր ոչ յիշատակել , ըստ **Ե**սայեայ և **Ե**րեմիայ .

Բ. **Ա**յլ առ շնորհ նորոգ վերկութեանս բազմօք դոհարանութեամբ հետեւեալ , 'ի յաճախութիւն անբաւիցն լռեալ առ ամին խակոյն կարկեցայ . քանզի կրկնեալ զուսոյդ անսպառ բարիսդ , որ 'ի քէն առ իմ յամառս թշուառութիւն , քոյին աղերսիւ առ քեզ մաղթեցից , յարմարեալ դարձեալ 'ի նիւթս բանիս զտառ ողբերգութեան այսր մատենի , լցից թախժութեամբք և հեծեծանօք . **Ա**յլ առեալ խառնեցից 'ի տուողիդ հաճութիւն ընդ ցառոցն զդեղն , ընդ վհատութեանն զխրախոյսն , ընդ յուսահատութեանն զյիշատակդ անուան հաստողիդ , ընդ տխրութեանս զսիրտիանսդ , ընդ իմու մն դառնութեան զքաղցրութիւն կենարարիդ , ընդ սլատիժ օրինին զշնորհն , ընդ սլարտս անիծիցն զաղատարար օրհնութիւնդ , ընդ մարմնոյ մահուն զամենայնիւ նորոգութիւնդ .

Գ. **Հ**աւատամ հզորիդ բանի , ուստի վիայեմ . լուր լռութեան սրտիս , տէր **Յիսուս** , որ հնչումն է առ քեզ մեծութեան ձայնի երկար գոչելոյ . **Ո**ր մարմնակից և պաակերակից մեր եղեալ , և քահանայապետապէս անօրինակդ զօրինակին խորտակեալ զլուծ , ընդ զենման մահու անասնոցն՝ բարեբանեալ մարմնոյդ նուիրմամբ , անմահապէս միշտ մատուցանիս , և աննուազարար քաւութիւն շնորհես , ոչ սակաւամեղիցն միայն , այլ և որոց հատեալ է ակնկալութիւն առ երկենաց . **Զ**ի ո՛րքան զօրէ մարմնոյ անդամոց առ մեղս կենդանութիւն , թէ և բխրուց ամաց

ունիցի յերկարածդութիւն, յորժամ աստուածդ բոլորեցուն վասն սորին կամաւ և յօժարութեամբ զենուիմ ընկալեալ, մահու համբերես բաշխեալ 'ի քաւութիւն . Ձի ոչ եթէ մաքրութեանդ աղբիւր պարտական գոյ մահու յորըստօրէ կատարին, այլ կամօք քովք՝ հոգւոյդ գործակցութեամբ՝ 'ի հաճութիւն հօր և 'ի մեր հաշտութիւն ցանկ մատուցանիս . **Իսկ եթէ** ամենիցդ աստուած անքնին՝ իմնիս վասն իմ առ իմ փրկութիւն, 'ի դէմս իմ, իբր թէ ընդ քոյդէութեան ես իցեմ մարմնով պարունակողիդ կցորդ միացեալ . և դու, բարերար, յաղազս իմ 'ի յիմն կերպի փոխանակեալ ընդ իմում պարտեաց, և մահ ընկալեալ անպարտդ զմահապարտիս վնասուց պատուհաս, և 'ի յիմ անուն յանցաւորապէս, որպէս թէ կամաւ ընդ քեզ ես կրիցեմ, բազումս մեռեալ և մնաս կենդանի . ոչ ուրացողացն ձեռօք, այլ դաւանողացն հաւատովք՝ աստուածապէս նուիրեալ և 'ի մատունս անհատս բաշխեալ .

Գ. **Ասէր** ոմն ողոքաւոր՝ չաւատալեացն պաշտօնատար . մեծ ինձ և անկշռելի առ ամին դատէր անյարմարագիր անձին յուսադիր, Հաւատամ դիառս և զերջանկութիւն, քան թէ մարտիրոսութեամբ իսկ թող թէ ուղղութեամբ իմն թշուառութեան յանցաւոր մարմինս վախճան ընդունել . **Իսկ զանճառութիւն** խորհրդոյս այսու դիտեցի . դաւանէր իսկոյն, որ զի և մաքրոցն անձինք առանց նուիրման այսր յիշատակի չեւ են իսկապէս կատարեալք 'ի սպառ, եթէ ոչ ընդ այս հրաշակերտութիւն մեծութեան հոգւով խառնեսցին . **Ապա** թէ մեղաւորիս մատին կրկին մատուցար բաժին ասելով՝ յուսայր, իբրեւ այն թէ ես ինքն եղեր ճշմարտիւ, զբաւեալ զիմն դաժանութիւն ընդ քում համբուութեան, պատարագեալ քոյինանիւթ զանգուածոյ նըշխարաւդ կենաց լուսոյ . **Այսու** ամենայնիւ 'ի վերնատանն նախանուէր բարեշնորհութեան՝ անհնարաւոր ախտիցն ճարակ՝ զմարմին և զարիւն իւր բաշխեաց 'ի քաւութիւն, 'ի վեր կարծեցուցանէր քան զնահատակի վկայեցելոյ արեամբ կատարմամբ . յուսոյս օրինակ յարգաւորութեամբ գրել զիս 'ի փառս, այսմ փրկանօք հաւատալի երեւեցուցանէր,

քան թէ քաւելոյ և ողորմելոյ և շնորհելոյ , որչափ աստուածականիդ առ մարդ զօրութիւն , և տիրական աստուածախառն մարմնոյն կամաւորական նուիրումն առ անասնական սպանդին մատուցումն , և անմահն առ մահկանացուս , լոյսն ահաւոր առ ստուերայինս , յախտնականն քան զանցաւորս , բարձրեալն քան զերկրաւորս , անստեղծն քան զեղականս , բարին խելութեամբ քան զթիւրեալս բնութեամբ , մանաւանդ զի իւր է կամելն , և իւր կենսագործելն , օրհնութեանն առ իմ քան զանիծիցս պատճառ .

Ե. Արդ տուր խոցելոյս ՚ի սիրտ և յոգի , աղաչեմ զթած , զառ ՚ի յերկնուսս ընծայեալ զդեղդ կենաց , մատիբ քաղցրութեամբ առ ակտացեալս մեղօք , քաւեա ՚ի պարտեաց՝ ամենակատար բաւականութիւն . Իսկ առ ՚ի յինէն այս է ճշմարիտ և անխարելի կերպարան բանի , որ զի հաստիչդ ամենից ՚ի սուրբս բնակես . և ըստ տարազու սերմանն և հնձելն է իրաւացի , ըստ ճշմարիտ բանին Պօղոսի , և աչացաւացն ՚ի տապ արեւու ոչ է զօրութիւն . Այլ դու , բարերար հաստիչ յոչէից , յարդես յաւէտ խկապէս համայն և զդաւանելն զքեզ՝ բաւական առ կենդանութիւն . և ոչ ես ընդ սահմանաւ փակեալ օրինի , այլ յաղթես՝ մանաւանդ թէ խզես զկապ կանոնի , և դու միայն մնաս պայման աւետեաց համօրէն յանցաւորաց տարակուսելոց .

Եւ քեզ ընդ հօր՝ հոգւովդ սրբով փառք և իշխանութիւն յախտեանս . ամէն .

Բ Ա Ն Ծ Գ .

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԻ ԸՆԴ ԱՍՏՈՒԾՈՅ

Ա. Ե՛ր արդ յամենայնի առ ամենայն ակնկալութիւն քո է ողորմութիւն , սկզբնալոյսդ աչաց տեսանելեաց և սրտի իմաստից Յիսուս . քո է բարերարութիւն , կեանք և ան-

մահութիւնս . Պարձ առ իս գթութեամբս , և հանդերձեալ
ցես դառնալ առ քեզ ինձ կրկին բերկրութեամբ . զի ա-
ռանց քոց կամաց ոչ ունիմ լինել նորոգ փոփոխեալ . և
եթէ ոչ կամք քո գթացին , ոչ զորեմ փրկիլ մահու պար-
տականս . և եթէ ոչ կառավարդ յարդարեացես պատրաս-
տել ինձ հետս ճանապարհի՝ որ առ քեզ բերէ , վիհ է
ինձ խորոց յաջմէ և յահեկէ :

Բ. Ահա ոչ պարծիմ ամենայն իրօք նախատեալս , ոչ
պանծամ գարովեալս , ոչ խրոխտանամ լքեալս , ոչ մեծա-
բանեմ պապանձեալս , ոչ ըմբոստանամ ճաղեալս , ոչ եր-
ջանկանամ եղկելիս , ոչ արդարանամ ամբարիշտս . Զի ոչ
երբէք հարթ ընթանայ երիվար առանց սանձակալի , և ոչ
նաւ համբառնայ հանդէպ առանց ուղղչի , և ոչ արօր կշիւ-
ինչ գործէ առանց մաճակալի , և ոչ երկուորեակք լծոցն
'ի ճահ ճեմեսցին առանց եզողի , ոչ ամպ վերաչուէ առանց
հողմոյ , ոչ աստեղք ցնդին և կամ դումարին առանց ժա-
մանակին , ոչ արեգակն փոխաբերեալ ուր շրջանակի ա-
ռանց տարրական օդոյ , և ոչ ես նոքօք հանդերձ առանց
բարեգործիդ հրամանաց ակնարկութեան . Զի դու միայն
ես տուիչ կենաց բանականաց և խնամիչ կարգաց հորովման
արարածոց , և 'ի քէն է ինձ փրկութիւն , ըստ սաղմստողին .
և դու ձայնես բարբառ խնդալից աւետեաց հնչման յա-
կանջս լսելութեան ամենայն հասակի , Եկայք 'ի հանդիստ
իմ բնաւին աշխատեալք , և ես մաքրեցից զձեզ 'ի պար-
տեաց . Իսկ զի՞նչ օգուտ 'ի լուացմանէն , եթէ կրկնակի
զազրացայց . և կամ ո՞ր օգուտ 'ի ճաշակմանէն , եթէ գե-
հենին մատնեցայց . Եւ կամ զիա՞րդ Սքրահամ պարծե-
ցայց խորթացեալս 'ի գործոց նորին որդիս գարշութեան
հօր ամուրհացւոյ , և մօր քետացւոյ կամ քանանացւոյ ,
ըստ մարգարէին որ առ իս յանկաւոր ձայնի . ժառանգս
մերժելի եթովպացի և ոչ սենեկին Սառայի , ըստ տեսա-
նողին առ իս առածի , եղբայրս Շամինի և կամ Գոմորայ ,
համբախս անլուաց և անաղելի՝ խակակութ պորտոցն խա-
կութեան Ողայ և Ողղիբայ , ըստ Եղեկիէլի կրկնանա-
խատն կշտամբութեան :

Գ. Եւ քանզի 'ի ծուխս բազմափտանդս ալէտանջ հողմոց սաստկապէս զգուեալ ուժգին լլկանօք 'ի սպառ տաղնապմամբ 'ի ծովին, փոխեալ ընկեցեալ 'ի վտակն վայրենական ողողիչ. առ որս զմատունս ձեռացս այսր անդր տարաբերեալ, իբր 'ի հոսանաց բռնութեանց գարնանազայր գետոց, արտաձգեալ յակամայ ընթացս ողորմագին զլորման, ջրակուլ ոգեսպառ պղտորարբութեամբ, դաժանահոտ սկախառն մամռարմատ խառնախառն մահաբեր երկամբք վանեալ, ըստ որոց յուզխիցն հեղեղիցին հեղձուցեալ. Այսու առակաւ և ես եղկելիս՝ խօսին և ոչ իմանամ, գոչեն և ոչ ինչ լսեմ, բարբառին և ոչ զարթնանամ, հնչեն և ոչ փոխադրիմ, փողեն և ոչ գումարիմ, վիրաւորիմ և ոչ ևս զգամ, կոոցն գարշութեան նմանեալ թափուր յազգմանէ բարեաց իմաստից. Արգարեւ չար առաւել յաւէտ իսկապէս քան զօրինակդ՝ ճշմարտութիւնս, ասելի և մեղադրելի, և ատենին Քրիստոսի արժանապէս մատնելի.

Գ. Եւ քանզի անդառնալի ուղւոյն յիշատակ աստեացս պարտեաց զայս կտակ թողի որոց ընթեռնուն, ինովս բանիւ առ աստուած կարգալ հանապազորդութեամբ, այս կացցէ սահման յանձնառական խոստովանութեամբ մշտնջենաւոր ձայնարկու առաջիքո, ամենակալ. զոր գիրդ ընդ մարմնոյս և բանդ ընդ հոգւոյս զանսահմանելիք միշտ թախանձեսցէ, իբր յանեղծական մաղթողէ ընկալեալ աղերս 'ի յիմոյս ձայնէ, բարեգութ, մարդասէր, օրհնեալ յաւիտեանս. ամէն.

ԲԱՆ ԾԵ.

ՎԵՐՍՏԻՆ ՅԱԻԵԼՈՒԱՅ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. Եւ վասն զի սրացեալ ոգւոյս թեւօք 'ի թիւս անբաւից ծննդոց մարդկան՝ եդի 'ի կշիռս իմանալեացս մտաց, ոչ գտի համեմատ զոք ինձ պարտաւոր. և առ այս զգալութեան սաղմօսին զբանն 'ի յերգ ինձ առի դառն կշտամ.

բռնութեան դաւազանաւոր դործավար . ո՞վ յարիցէ ընդ իս
 'ի չարիս հաւասարել յանօրէնութիւնս . **Եւ** քանզի այս ըստ
 ամին մասին կնքեցաւ . և ճշմարտեցաւ առ այրս մահու , և
 ես վկայեմ կրկին հաստատեալ . առ այսր իրաւունս գրեմ
 ինձ միայնոյ զեղծանիլ 'ի սպառ , քան իմովս բանիւ բազ-
 մաց տարագրիլ . թերեւս սովիմք առ այսու արդեօք և
 ինձ շնորհեսցես , շնորհողիս զպարտիս իմոցն .

Բ. **Եւ** արդ զի՛նչ քեզ աղերս հաճոյական 'ի յայսմ և 'ի
 սոյն , և ծուխ անուշից ընդունելի խնկոց մատուցից , գով-
 եալ թագաւոր երկինաւոր **Քրիստոս** , եթէ ոչ զառ 'ի յինէն
 անիծեալն օրհնել մաղթեմ , զկապեալն արձակել , ազա-
 տել զդատապարտեալն , բարեգործել զնորվեալն , պսա-
 կել զթշնամանեալն , սկոփել զտրտմեցեալն , դարմանել
 զխորտակեալն , խնամել զսարտուցեալն , պատասպարել ըզ-
 նենդեալն , զվիրաւորեալն 'ի մարմին՝ յոգի բժշկել . **Ե-**
թէ օրհնութեան բանիւ առ ոք մատուցայ , լուիցես . իսկ
 եթէ անիծիւք , մի հայեսցիս ընդունել , գթած . **Ես** տա-
 ռապեալս ամենաթշուառ 'ի վերջին սպասաւորութեան մաղ-
 թանաց այսր մատենի 'ի բովանդակ մտաց շնորհեցի իմոցն՝
 փակեալ առ 'ի քէն զանիծիցն դժնդակ ըզձիցն չարաշուք
 ձայն . և դժնէից նենդողացն իմոց՝ ընդ բարիսն 'ի բողոր սըր-
 տէ հաշտութեան արգահատեցի , վասն որոց և ծունր պա-
 զատանաց կրկնեցի . որչափ դու ինձ ահա յայց ելեալ ա-
 ռաւել ողորմեցիս ըստ քոյդ մեծութեան , գովեալ ինա-
 մակալ , կեանքդ՝ մահացուիս , հզօրդ՝ տկարիս , ամենա-
 կարդ՝ վարաներոյս , իմաստութեանդ՝ աղբիւր՝ յիմարիս և
 թմբերեցերոյս . **Քանզի** յաւէտ սխալեալ անկայ իբրեւ զողո-
 զակ մթային ոչ ընդելական 'ի հաղբս մահու անզգայապէս ,
 չիմացայ զկորուստն , չբիտացի զբողայթն , չտեսի զըմ-
 բրունող որոյն ծածուկ մեքենայս , չկարծեցի զխաբումն
 կերպարանաց կեղծաւոր վարմին , չնկատեցի զգայթագ-
 զութիւնն շուրջանակի , չշօշափեցի զպատանդիչ զցանցարկ
 կարթին , ժամանեցին ինձ չարիք , և ես ոչ կարացի ճա-
 նաչել , ըստ սաղմոսողին .

Գ. **Քանզի** և որպէս իմաստակի ումեմն արտաքնոյ բար-

ւոք թուեցաւ, չար ասել զմահ առ չիմանալոյն պատճառի, և ես վկայեմ իմովս բանիւ. քանզի իբր զանզոյ պաճարս անասնոց մեռանիմք և ոչ զարհուրիմք, կորնչիմք և ոչ հիանամք, թաղեցեալ լինիմք և ոչ խոնարհիմք, տարագրիմք և ոչ տազնապիմք, եղծանիմք և ոչ զղջանամք, մաշիմք և ոչ մտառեմք, պակասիմք և ոչ պատրաստիմք, դնամք և ոչ զգուշանամք, գերիմք և ոչ ևս զգամք, Խոհ հանդիստ ասել երջանկին Յորայ զվախճան մարդոյ, և ես խոստովանիմ զայն ընդ սրբոյն, եթէ ոչ ունէի զբեռն աշխատութեան մահացու գործոց ըստանձեալ, Մանաւանդ զի որոգայթն գաղանի և հնարադիրն աներեւակի, տարր ժամանակիս յանէից, անցեալն անյայտ և ապառնին կարծողական, ես անհամբեր և բնութիւն թերահաւատ, ոտք անհաստատք և միտք ցնդեալք, կիրք հարկաւորք և բարք անժուժկալք, մարմին մեղսամակարդ և յօժարութիւն երկրասէր, դիմամարտութիւն տնկակից և խառնութիւն ներհակական, բնակութիւն կաւեղէն և անձրեւք ուժգնակիք, կարիք անթուելիք և պատահարք ամենագրաւք, միտք չարախնամք և տենչմունք բարբիատեացք, կեանք առօրեայք և զմբազք սակաւաւորք, խաբմունք յիմարութեան և խաղալիք տղայականք, աշխատութիւնք ընդունայնք և վայելմունք երազականք, համբարք ոչնչից և պահեստք հողմոց, նմանութիւնք ստուերաց և կերպարանք ծիծաղելիք: Քանզի իբրեւ եկն եհաս պատուիրանն, ըստ պօղոսեան բանին, անպատրաստ գտեալ զիս ինքեան, մեղքն կենդանացան յանդիմանեալ յարդարութեանցն, և ես մահացայ կենացն և կենդանացայ կորստեանն:

Գ. Գողացան օտարք, չարին գումարք, զստացուածս սրտից իմաստից, ըստ գրոյն կանխարանութեան. որով եկն եհաս խելոյն աստանօր իմաստութեան ինձ նուազանալ, ըստ առակողին, և առաւելուլ ոչ բարւոյ ցանկութիւն. Ոչ յառեցի զակն ոգւոյս ՚ի գլուխն իմ կենաց Քրիստոս, որով ընդ ուղիղն հետեւեցայց: Քանզի կամելով ուժգինս ընթանալ ընկղայ սաստկապէս, յանչափն ձգտիլ իմոյն ոչ հասի, ՚ի մեծագոյնն ամբառնալ՝ աստուած զլորեցայ,

յերկնային ուղւոյն անդնդոց մատնեցայ, 'ի գգուշանալն առաւել՝ յաւէտ վնասեցայ, յանարատն սրահիլ՝ մանր խորտակեցայ, կարծելով ընդ ահեակն մրցիլ՝ յաջն դժեքի, 'ի զերկրորդն խուզել՝ զնախնին կորուսի, 'ի խնդիր սակաւուն՝ 'ի կարեւորայն զրկեցայ, 'ի յուխտին սրահել՝ զայինն դժեքի, առ սովորութեանն կտրիլ՝ կորուսիչս գտի, 'ի փոքուննն փախուցեալ՝ մեծամեծայն մատնեցայ, զոր ես ինքն ինձէն ստեղծեալ՝ չարաչար դատախազ անձին կարգեցի: Յորոց փրկել զմատնեալ դերիս դու միայն զօրեացես, կենաց մատուցեալ զընծայեալս մահու զհողիս. զի դու միայն, տէր Յիսուս, ճանաչիս բարերար, անսահման փառօք ընդ հօր և հոգւոյդ սրբոյ օրհնեալ յաւիտեանս յաւիտենից. ամէն:

ԲԱՆ ԾԶ.

ՎԵՐՍՄԻՆ ՅԱԻԵԼՈՒԱՄ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՐՈՅ ՄՐՏԻՅ ԽՅՄԻ ԸՆԳ ԱՍՏՈՒԾՈՅ

Ա. ԻՍԿ զառիթան մահու դիպուածս դժոխարմատ ծառոցս դառնութեան ստուգք, ընտանիք թշնամիք, հարազատք հակառակք, և որդիք դաւաճանողք, ստորագրեցելովք մասամբդ նշանակեցից՝ դրեալ յանուանէ, որ են այսօրիկ:

Բ. Սիրոս նանրախորհուրդ, բերանս չարախօս, ակնս յայրատատես, ականջս վրիպալուր, ձեռնս մահաձիգ, երիկամունքս անխորձ, ոտնս մոլորաշաւիղ, ընթացքս աներկիւղ, հետք խոտորնակ, շունչք ծխախառն, գնացք խաւարային, գոյութիւն լերդի վիմական, խորհուրդ ծորեալ, կամք անկայուն, չար անխոփոխ, բարեմասնութիւն սասանեալ, անձն տարագիր, աւանդ վաճառեալ, Քաղան վիրաւոր, թռչուն նետահար, փախստական քարավէժ, ըմբրունեցեալ վնասապարտ, աւաղակ ծովակուր, Զինուոր նենդաւոր, մարտիկ անպատրաստ, սպառաղէն անժուժ:

կալ, մշակ հեղդացեալ, Աղօթական անխրախոյս, բեմական
 ոտորնաքարչ, քահանայ անկնդրուկ, օրինական աննուէր,
 Գպիր կշտամբեալ, իմաստակ խելագար, ճարտասան ան
 ճոռնի, Կերպ անպատկառ, դէմք անամօթ, երեսք լլլր
 շեալ, գոյն անհամբոյր, տիպ տմարդի, դեղ ծանակեալ,
 Խորտիկ խանդարեալ, ճաշակ դարչեցեալ, այդի գաղձ
 նաւոր, որթ որդնահար, պարտէզ փշաբեր, հասկ ուտճա
 հալ, մեղր 'ի մկանց ճարակեալ, անպատասպար անկեալ,
 Մնապարծ յուսահատ, անհամոզելի նզով, անհոշտական
 բաժանեալ, ունայնաբան շղակրատ, պաճարամիտ դոռող,
 անասնօրէն ապիրատ, դժոխային ազահ, աներասան յան
 դուգն, Մղեգնութիւն անաստուած, ձեռնածգութիւն
 սպանող, տատակացան երկրագործ, երջանկութիւն եղ
 կելի, մեծութիւն վատթարեալ, վայելչութիւն անչքեալ,
 կարողութիւն տկարացեալ, բարձրութիւն խոնարհեալ,
 փառաւորութիւն ընդօտնեալ, պատուիրանազանցութիւն
 յարակայ, սխալանք ինքնակամ, Մատակարար կամակոր,
 խորհրդակից նենդաւոր, բարեկամ հատուածեալ, հաղա
 բապետ գողամիտ, մերձաւոր կծծի, բաշխող ժլատ, վե
 բատեսուչ կարկամ, ոգի անախտակիր, իղձք անսէր, բարք
 ատեցող, աղիք անգթականք, գնացք անխոհեմ, աներե
 ւոյթք մնասեալք, ծածուկք անիծեալք, դիպուածք թըշ
 նամանեալք, Վաճառական վատնիչ, շահարար շուայտ
 եալ, պաշտօնեայ արբեցող, գանձուց ոստիկան երկմիտ,
 պատգամաւոր բանսարկու, դռնապան քնէած, աղքատ
 հպարտ, մեծատուն ժխտող, Գիւննապետ անօրէն, պա
 հապան մատնիչ, ընակակից չարախօս, սուրհանդակ ան
 ժաման, թղթարեր պարտաւոր, առաքեալ խոովարար,
 միջնորդ անիմաստ, Արքայ արտալած, թագաւոր թար
 մատար, կայսր ոգէկործան, իշխան տիրագաւ, զօրավար
 զրկող, դատաւոր ակնառու, ռամիկ ինքնագործ, Նախա
 տողի ծաղր, սիրելւոյ աշխար, բանագրի դսրով, յանդի
 մանչի դատախազութիւն, Քանդի և 'ի վեհագունիցդ կոշ
 մանց էր ուրեք արդեօք զի էի, իսկ 'ի վատթարականացդ
 մասանց եկն երբեմն եհաս զի եղէ, Արդ այսքան մնասա

կարու թիւնք խարդախութեանց յաճախագունից, յորոց յոմանց խորեցայ իբրեւ զյիմար, և յոմանց արեցայ իբրեւ զտկար՝ կամաւ մատնեալ զիս ինքն մահու :

Գ. Արդ զորս 'ի վերագրելոցդ մասանց՝ քեզ ատելեաց և իմ կորուսչաց՝ 'ի սպաս պաշտաման քեզ ընծայեցից, զորս պիտիս ապականութեամբ պարագրեալս՝ ամենասուրբք քո մեծութեան հանգէպ կացուցից, և կամ ո՞րքանեօք երկայնմտութեամբք համբերեսցես այսքանեաց պարտուց, ո՞րքան ներես, ո՞րպէս լուսես, զիարդ իսկ անապցես, իբր ոչ մատնեսցես հարուածոց զանից զարժանիս սատակման մահու : Արդ այսոցիկ աննչոյլ մթութեանց հողոց խաւարի ողորմութեամբ լուսոյ քոյ պատահեսցես բժշկել քաւել և կենագործել, զօրեղութիւն անվթարելի. և քեզ փառք յամենայնի . ամէն :

ԲԱՆ ԾԷ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՑ

Ա. ՔՐԵՍՏՈՍ աստուած անուն ահաւոր, մեծութեան տեսակ անքնին բարձրութեան պատկեր, անսահման զօրութիւն, կերպարան փրկութեան լուսոյ, պաշտպան կենաց, դուռն արքայութեան վերնում հանգստեանն, ճանապարհ հանդարտութեան, ապաւինութիւն նորոց և անտխրական երանութեան, ամենակալ ինքնիշխանութիւն բոլոր էականութեան, օրհնութեան կոչումն, տւեռեաց ձայն, բերկրութեան բարբառ, անմահութեան դեղ, որդի անճառաստուծոց միոյ . որ ինձ անհնարին է, քեզ դիւրին է . որ ինձ անհասն է, քեզ սահմանեալ է . որ ինձ անանցն է, քեզ հպաւոր է . որ եղկելոյս ինձ ծածկեցեալն է, քումդ երանութեան մերձաւոր է . որ ինձ անկարելին է, քեզ կատարեալ է . որ ինձ անկշուելին է, քումդ անճառութեան չափեալ է . որ ինձ յուսահատութեանն է, քեզ սփոփանաց

է. որ ինձ անբժշկականն է, քեզ անխտանդելի է. որ ինձ հեծութեանն է, քեզ խնդութեան է. որ ինձ ծանունք են, քեզ թեթեւագոյնք են. որ ինձ եղծեալն է, քումգլորեղութի գրեցեալ է. որ ինձ կորուսեալն է, քեզ ըմբռնեալ է. որ ինձ անճառն է, քեզ համարեալ է. որ ինձ մաւայն է, քեզ ճառագայթ է. որ ինձ անթիւն է, օրհնեալդ քումձեռին բովանդակեալ է. որ ինձ սոսկալին է, քեզ հեշտալի է. որ ինձ փախչելին է, քեզ վանելի է. որ ինձ անմատոյցն է, քեզ դիւրահերքելի է. որ ինձ մահարերն է, քումգլէականութեան զօրութեան ընդ ոչ գոյնն համարեալ է.

Բ. Այլ դու, ողորմած աստուած բոլորից տէր Յիսուս Քրիստոս, և այսմ զօրես առ ելիցն հնար՝ եթէ գլխացիս. վասն անուան փառաց մեծութեան հօր քոյ օրհնելոյ, վասն կամաց գլխութեան ոգւոյդ քոյ սրբոյ, տես 'ի տաժանաւորս կրից յանդիմանական յայտնութիւն, և 'ի խորոց սրտի ինքնամատոյց դատախազութիւն. նայեա 'ի բնութեանս ամենապատաղ խաղութիւն, և պարզեւեա բժշկութիւն վերացս և հնարաւորութիւն կորստեանս, զերծումն բազմամասնեայ մահուս և շաւիղ կենաց ապականելոյս, նորոգութիւն եղծմանս և մուտք յուսոյ ամբարշտելոյս, Եթէ ես զաննմանն ինձ կամս ցուցի, ո՞րչափ առաւել դու զբնաւորականսդ քո զընտանի բարերարութիւնսդ. եթէ 'ի փշոց պտուղ ընծայեցաւ քաղցրութեան, ո՞րչափ առաւել 'ի ծառոյդ կենաց՝ ճաշակ անմահութեան. եթէ ես իմոց տակեաց ողորմութիւն մաղթեցի, դու քոյոյս զխորդ ոչ կրկին մատուցես, հզօր, յաննուազդ առատութենէ.

Գ. Արդ տես 'ի քոյդ մեծութիւն, բարձրեալ, նայեցեալ 'ի յիմն փոքրկութիւն. ընկալ զսակաւ խոստովանութիւնս անհամար մեղացս, որ զբնաւն համոյն տեսանես. և որպէս զՎիմին գլխել ոչ գրեցեր, և զաւազոյս փոքու սասանել մի համարեացիս. և իբրեւ զՂաւթին՝ ընդ մեղայն ասել իսկոյն անցուցեր զպատիժ պարտոյն, և առ իմ՝ ձայնիս հեծութիւն զնոյն գործեցես, երկայնմտութիւն. սրտաս ամենեցուն առատապէս անաշառտութեամբ որպէս յաղթող բարի բաղմնաստ, և ոչ նախատես զյետնեալ սորուկս

որպէս ողորմած և ամենաստեղծ . ստացիր վերստին , և մի կրօնասաներ զբուժեալս արեամբ քո , զթած . **Ձի քո է փրկութիւն , և 'ի քէն է քառութիւն , և քեզ վայելէ փառք յամենայնի յաւիտեանս . ամէն .**

ԲԱՆ ԵՐ .

ՎԵՐՍՏԻՆ ՅԱԻԵԼՈՒԱՅ ԿՐԿԻՆ ՀԵՏՈՒԹԵԱՆ ՆՈՐԻՆ ՀՍՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԻ ԸՆԴ ԱՍՏՈՒԹՈՅ

Ա. **Օ**րճնեալ տէր Յիսուս ընդ հօր , 'ի կամս հաճութեան հոգւոյդ քո սրբոյ . և օրհնեալք ամենայն առ 'ի յօրհնելոյդ օրհնեցան . օրհնեալ միայն որդի օրհնելոյ . չիք լս' թագաւոր իշխեցող ճնչոյս բաց 'ի քէն , Քրիստոս . **Այս է օրհնութիւն Յակորայ՝** ասէ **Եսայի** , յորժամ բարձից զմեզս նորա .

Բ. **Արդ ողորմեաց ինձ , տէր բարեգուծ , ըստ նախնիդ քո սուրբութեան , և օրհնեա զանօթս քո բանական , ըստ ձայնին Գաւթի և ըստ Մովսէսի . զի բանիւդ քո փրկութեան ժամանեալ հասից քառութեան օրհնեալ առ 'ի քէն .** **Աստուածապէս ինձ հրաշաղործեա , ողորմած արքայ երկնաւոր , որպէս անկերպն 'ի բաղմաժամանակեայ մահճացն խշտիս , ժողովելոցն 'ի սրահին Բեթհեզդայ . Յորոց մի էր և կրկին թերահաւատն՝ երկոյ տասանց և ութի միոյ ամօք ախտացեալ յողիցն լուծմամբ , որում ոչ անխայեցեր զբժշկութեանն ձեռնտուութիւն , իբր գիտելով զանրոյժ չարութիւնն՝ որ նիւթեացն քեզ յաւուր մատնութեան դառն գիշերին տիրամարտութեան՝ երախտաւորիդ , մեծիդ և բարերարիդ .** **Որ թէպէտ և կանխաւ իմն զգուշացուցեր , թէ մի՛ մեղանչեր , զի մի՛ կրկնեցին քեզ չարիք , ոչինչ վերջացաւ լինել ձեռներեց սկզբնաւոր անհամբուրելի դատողացն զքեզ 'ի խաչին .** **Եւ դու այնպիսւոյ անյարիր ջատուկ մահու ծնդեցեալ չարաշուք առն ողորմեցար , անճառ բարութիւն , սխրալի մարդասիրութիւն ,**

սարսափելի ներողութիւն, սոսկալի երկայնմտութիւն, անբաւելի քաղցրութիւն, փառաստելի հեղութիւն. Ար միշտ յաղթիս 'ի գթութենէ և ոչ թշնամանիս, պարտիս յողորմութենէ և ոչ պարսաւիս, բռնադատիս 'ի մարդասիրութենէ և ոչ անգոսնիս, հարկիս 'ի բարութենէ և ոչ հայհոյիս, ստիպիս 'ի սիրոյ և ոչ բամբասիս. Պաղատիս դարձին իմ առ քեզ և ոչ ձանձրանաս, արագես զկնի ապերասանիս և ոչ լքանիս, ձայնես չլտողիս և ոչ սրտմտիս, փութաս մեղկեւոյս և ոչ խափանիս. Առ չարս ես բարի, առ ամենապարտս ես ներող, առ մեղաւորս ես քաւիչ, առ խաւարեալս ես լոյս, առ մահացեալս ես կեանք.

Գ. Այս են գիրք ամենայն հոգեշունչ օգտակարութեան, որ յաճախ ծնանին երկնաւոր պտուղս անձառս և զարմանալիս. Ասա և ինձ թշուառացելումս, օրհնեալ ամենապարզեւ, արի առ զմահիճս խշտացդ մեղաց 'ի վայր կործանմանդ, և հետեւեալ ժամանեա յանդորր հանգիստ անաշխատ կենաց. Խղեսցես ամենակարող սուսերաւ բանիդ հրամանի զերկրպայնդեալ մահազգեստս պարիակութիւն դժոխսզնեայ կապանացս, և լոյժ ինձ զհանգոյցս խեղդողականս ոգեպահանջ սաստկութեանս, առաքելով զարժանաւորս մահու յազատութիւնն վերին անանց բերկրութեանն, կենսաբեր և աստուածային քո բանիւդ. Մի տակաւ տակաւ ազդեսցես, և մի օր 'ի յօր յերկարաձգեացես, զի մի ստուար ծանրութիւն բեռանցս մեղաց տիրեսցէ թիկանցս ազդերաց, և կործանեալ զիս կորացուսցէ հայել 'ի դժոխս, և ուժգնակի գոռոզ բռնութեամբ անպարսպ հոգեւորական զինուն արարեալ՝ մահու ծառայեցուսցէ. Այլ օգնեա ինձ, բարի վշտակից հեծութեան կարեացս մահու երկանց, առեալ յինէն զփայտ սատակմանն, որպէս երբեմն յուսոյ պահակին. որով կառուսցես զվայելչականն յաղթանակի արի զօրութեան, պնդապէս հաւատով յուսոյն կարծրութեան ընդ քեզ բեւեռել անսայթաքելի. Եւ քեզ ընդ հօր հոգւովդ սրբով փառք և իշխանութիւն յաւիտեանս. ամէն.

ԲԱՆ ԾԹ.

ՎԵՐՍՏԻՆ ՅԱՒԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՍԳ ԸՆԴ ԱՍՏՈՒԾՈՅ

Ա. **Հ**ԱՒԱՏԱՄ և վկայեմ մտաց դիտութեամբ՝ ՚ի քէն ազդեցեալ ոգւոյս իմաստիւ ուշիւս տեսման, զի ըզձալի են քեզ, բարերար, աղաչանք մեղաւորաց քան զխնդրուածս արդարոց. **Զ**ի մինն զպարտութիւն անձինն յայտնեալ չընորհիդ քո սպասէ, առ որ ծանուցեալ զբնութեանս չափ, և մեծ կշտամբիչ աստէն համբարձեալ ինքնողոր մարտակից նմին իսկ ինքեան և դառն դարովիչ և ծածկատես դատախազ. **Ի**սկ միւսն յարդիւնս բարեացն իւրոց նայելով, յանձին հարեալ ձեռն վստահութեան, մուսնայ զսահման բնութեանն, և պարգեւաց քան ողորմութեան դիտեալ ակն ունի. **Վ**ասն որոյ առ մինն անթիւ են օտեղծուածք ճառից, որ զողորմութեանցդ քո փողով բարբառոյ ազդէ. իսկ առ միւսն լռեալ են քոյդ, անքնին հաւար և ամենախնամ, ամաչեմ ասել թէ և երկրաւորիս դործոց պատմութիւն զքոյդ յառաջեալ. **Ա**րդ արի տէր, և մի զօրասցի քան զքոյդ աջ հողեղինի. մի կշռեսցին ողորմութիւնք քո ընդ ջանից մարդկան.

Բ. **Ե**ւ արդ առողջքն անդամօք անկարօտք են բժշկութեան, և տեսանողականքն աչօք չունին պէտս առաջնորդի, և փարթամքն ընչիւք ոչ դեգերին առ դուրս լիոցն, և ամենայնիւ յղփացեալքն ոչ սպասեն փշրանաց սեղանոյ հացի, և սուրբքն վարուք ասէնիբազ են ողորմութեան. **Ե**ւ արդ ինձ զթասցիս ողորմել, բարձրեալ երկնաւոր հըզօր, ամենատխուր վարանեցելոյս. **Վ**անզի թէ էի իբրեւ զՅոբ, ասէի զանձն իմ իբրեւ զնա արդար և անարատ. թէ էի իբրեւ զՄովսէս, ասէի վստահութեամբ զնորայսն, ծանիցէ տէր զայնոսիկ որ իւրն են. թէ էի իբրեւ զՔաւթիթ, ասէի՝ արարի զիրաւունս և զարգարութիւն, և դարձեալ

զմեծն քան զբնութիւն մարմնոյ, զմեզս թէ տեսանէի 'ի սրտի իմում, մի լուիցէ ինձ տէր. թէ էի իբրեւ զԵղիա, ասէի զանձն իմ սցր աստուծոյ. թէ էի իբրեւ զԵրեմիա, զբոյդ ճշմարտութիւն յանձն օրինակէի. թէ էի իբրեւ զԵղեկիա, պարծէի զբարւոքն և զիրաւացին՝ զնացի առաջի քո արդարութեամբ. թէ էի իբրեւ զՊօղոս, ասէի զիս բնակարան ազդարան և ընդունարան աստուծոյ բանին. Այլ ես անօրէնս 'ի մէջ զխտութեան օրինացն, ոչ միայն չունիմ զանձն իմ քեզ ընծայել յարդանօք բանից իբրեւ բղնոսս, և զբնաւին շարս որպէս զբարխն զայնսօսիկ առաջի քո յիշատակել, այլ և ոչ զամենուսս գոյից զբարեհոյսակեալ անունդ հզօր ամբարշտեալս լեզունով գովել. Իսկ դու առ ամենայն հնարս զօրաւոր՝ մատո ինձ ոգի վրկութեան, աջ պաշտօնաւթեան, ձեռն այցելութեան, հրաման բարութեան, լոյս ողորմութեան, բան նորոգութեան, պատճառքաւութեան, դաւազան կենաց օգնութեան. Զի դու ես յոյս ապաւինութեան, տէր Յիսուս Քրիստոս, օրհնեալ ընդ հօր հոգւովդ օրբով յաւիտեանս յաւիտենից. ամէն.

ԲԱՆ Կ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱԳԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԻ ԸՆԴ ԱՍՏՈՒԾՈՅ

Ա. Ե՛ր արդ որպէս զի ոչ վայելէ օրհնաբանութիւն 'ի բերան մեղաւորի՝ 'ի ճշմարիտն առակէ կանխաւ իսկ ուսայ, զի արդ յաւելից կրկնել զնոյն գովութիւն աղաչաւորս բազմապատկառ, որ հանապաղ ընդունիմ անէծս 'ի սաղմոսիս բարեբաստութեան. Զի իբր երգեցից ինձ վտանգս և արձանացուցից նախատինս, և 'ի մերկութեանս գրկի փուշս ընդ շուշանաց ժողովեցից. զի արդ ընդ Ղաւթի համարձակեցայց ասել, թէ զատամուսս մեղաւորաց փշրեցես. զի արդ դարձեալ, թէ մի անօրէնք բնակեցցեսն առաջի ա.

չաց քոց . զխա՛րդ , թէ դատ արա ինձ տէր ըստ արդարու .
 թեան քո , ըստ ամբժու թեան խնց որ յիս . զխա՛րդ , թէ
 կատարեսցին չարիք 'ի վերայ մեղաւորաց . զխա՛րդ , թէ
 խորտակեսցին բազուկք մեղաւորի և չարի , և զայն որ զինի .
 զխա՛րդ , թէ տեղացէ 'ի վերայ մեղաւորաց որոգայթ հուր
 և ծծումբ . զխա՛րդ , թէ սատակէ տէր զչրթունս նենգաւորս
 և զլեզուս մեծաբանս . զխա՛րդ , թէ փորձեցեր զսիրախմբ
 և ոչ գտեր անիրաւութիւն . զխա՛րդ զյաջորդն ամին , թէ
 ես պահեցի զճանապարհս խիստս . զխա՛րդ զեւան , թէ ես
 արդարութեամբ երեւեցայց երեսաց քոց . զխա՛րդ , թէ և
 ես եղէց ամբիծ ընդ նմա . զխա՛րդ զմիւսն , թէ հատուցէ
 ինձ տէր ըստ արդարութեան խնում և ըստ սրբութեան ձեռաց
 խնց . զխա՛րդ անձամբ ինձէն զտութիւն իմ ծանակեցից՝
 տեւ ընդ սրբոյն , թէ լուացայց սրբութեամբ զձեռս իմ .
 զխա՛րդ 'ի մէջ նանրութեան զամբարշտացն աթոռս բամբասեցից .
 զխա՛րդ զերջանկին սարծանս թշուառացեքումս կերպաւորեցից ,
 թէ դատ արա ինձ տէր՝ զի ես յամբժութեան խնում գնացի .
 զխա՛րդ օտարս 'ի բարեաց՝ զխողիդ գաղանեաց արդահատեցից ,
 թէ մի համարիբ ընդ ամբարիշտս զանձն իմ . զխա՛րդ ես ինքն դողով զայլս
 անիծեցից , թէ տուր նոցա տէր զգործս նոցա , և 'ի կարգ
 բանիցն համարձակեցայց .

Բ. Քանզի թէ զյետինս բանիցն առաջնովքն աստանօրեգից ,
 կրկին ծանրանան ինձ ցաւք և յաճախեցեն դառնութիւնք .
 Բայց 'ի շեղչեցերցն արտասուաց՝ դոյզն մի չափեալ ,
 բաւականացայց հանապազորդեան յանդիմանութեամբ սաղմոսարանին
 ընտանի ձայնին , որ զպարտաւորեալս միշտ կշտամբէ .
 առ որս և սպառուած քառասներորդի իններորդի հատուածի
 բանի յանդիմանողի զիս գարչեցուցեալ , հանապաղ խայտառակէ .
 խցեալ զբերանս 'ի փառաբանութենէ , եղկելի զանձն իմ
 ցուցանէ , աստուածային ձայնին դատախաղեալ , յակնկալութենէ
 կենաց լքանէ , միանգամայն և վիրգս մահու ինձ իբր
 'ի պտոնչէ առաքէ . Քանզի թէ չար է անէծս առնուլ
 յօտարէ , տպա անձամբ զանձն անիծանել կրկին
 չարաչար . իսկ եթէ չառնուլ նս

խատինք 'ի մերձաւորաց օրէնք են , ապա 'ի տեսողէն հայել զայսոսիկ , կրից արեան տաժանմունք , վիշտք աղէտից և խէթք մտաց . Բայց թէ առ խոնարհութեան անձին իւրում մատնեսցի , ջնեալ և կշտամբեալ անիծիւք 'ի լեզուէ իւրմէ , 'ի խոստովանեալ և յամենիշխան շրթանց բարանոյ վերնոյն օրհնեսցի . զի ճշգրտեալ թարգմանեաց ըզգարձն իւր առ նա՝ զհետս կենաց ոչ լքանելով . սահմանան սիրոյ զպարտեացն արմատ կրճատեաց , ոչ տիրեալ 'ի խարդաւանաց չարաբանողաց . ոչխար հօտին Քրիստոսի գտաւ բժշկեալ՝ դիմելով 'ի յաղն բուժիչ աղեացն արկածից . Բայց եւս անբանական բարոյից է՝ ասուն կենդանեաց 'ի մէջ դալարոց ծաղկածին վայրից կենսածիր բանից թմբրութեամբ մտաց 'ի յարօտս մահու ճարակել .

Գ. Եւ արդ քանզի իմ է առակս վերջին կշտամբողական , և առ իս ակնարկէ զդիպուածոցն չար պատահմունս , որ ինձէն անձին նիւթեցի միշտ զեղմունս կիզանողականս հրոյ տոչորման , հոսեալ 'ի յերկնուստ զդոյիւ գազաթանս իմաստնարանի բազմակիս . Քանզի զիա՛րդ 'ի յարդիւնս ինձ օգտից սաղմոսն եկեսցէ , յորժամ անպտուղ 'ի բազմերգութենէն լինիցիմ , ոչ նուագել հոգւով , ըստ թելադրելոյն Պօղոսի . զիա՛րդ ընդ մարգարէին եւս զտէրունին խառնեցից մեծս մեղաւորաց՝ նկունս պիտանեաց , ասել ընդ սրբոյն , թէ 'ի բաց կացէք յինէն ամենեքեան որ գործէք զանօրէնութիւն . զիա՛րդ ոչ ունելով 'ի բազմացն պատուիրանաց կատարեալ շնորհին և օրինին՝ բարբառեցայց զերջանկին , որ նախ ինքն արար զոր մեզ կանոնեաց , թէ քանզի ծառայս քո պահեցի զայս , և որ զհետն գան սացեալքն . զիա՛րդ թափուրս 'ի լրութենէ իմաստից կենաց ընդ երկիւղածս տեառն օրհնեցից . զիա՛րդ ընդ մեծին մաղթանաց զիմս յօդեցից , թէ զմին խնդրեցի 'ի տեառնէ՝ զտեսիլ վայելչութեան նորա և զհրամանատրութիւն տաճարի նորա . զիա՛րդ 'ի հրաժարելին ինձ ձեռնամխեցից , յորժամ լեմ , թէ ուղղոց վայելէ օրհնութիւն . զիա՛րդ շրթամբք իմովք զանձն իմ անիծից՝ ասելով զկնի յուրից առեալն , թէ երեսք տեառն 'ի վերայ չարագոր-

Ճաց՝ սատակել զյիշատակս նոցա յերկրէ . զիա՞րդ զմիւսն
 գարձեալ , թէ չարք վաղվաղակի սատակեսցին . զիա՞րդ
 զկերպարանացն իմ՝ նմանութիւն , թէ բազուկք ամբարշտաց
 խորտակեսցին . զիա՞րդ սատակման ինձ պաղատեսցայց , թէ
 ահա մեղաւորք կորիցեն . զիա՞րդ զբաղմնյաժեան լեզուս
 'ի յօրհնեալն բան մխեցից , թէ ասացի պահել զճանապարհս
 իմ , զի մի՛ մեղայց լեզուաւ իմով . զիա՞րդ փշովք մեղաց
 հեղձեալս զանարատին պարծեսցայց , թէ այլ զիս յամբժու-
 թեան իմում ընկալար . զիա՞րդ ես մեղաւոր և կրկին պատ-
 ժաւոր զհանդուճակիցսն դարովեցից ապրել 'ի նոցունց , թէ
 'ի մարդոց մեղաւորէ՛ նենդաւորէ՛ փրկեա զիս աստուած .

Դ . **Զ**իա՞րդ իբր ոչ կռասպալտեալ անպատկառապէս պեր-
 ճացայց ունայն պանծանօք ասել ընդ Քաւթի , միթէ մո-
 ռացեալ իցէ մեր զանուն աստուծոյ , կամ ձգեալ զձեռս 'ի
 մաղթանս օտար աստուածոց . քանզի որ 'ի մեզս դարչու-
 թեան խոնարհեսցի , առաջի կայ նորին կառուցեալ առ-
 եալ 'ի պաշտօն յաւանականացն արտարծարծիցն պառնկա-
 պատիր պատկերացն կերպարան՝ Աստարտայ և Քամուխայ
 և Մեղքումայ արուարձանի և Թարահատայ թարմատարի ,
 ընդ զաղբոտեացն կանացեաց՝ իշանդամիցն պատկառանք՝
 անվերարկու ծանակութիւնք . **Ի**բր ոչ պատկառեցից սո-
 վիմբ ասել ընդ նահատակին , որ զայս գիմագրաութիւն
 առ բարին ունէր միշտ , թէ վասն քո մեռանիմք զօրհա-
 նապաղ , և որ 'ի կարգին է սորին սաղմոս . **Ի**բր յիմարս յարս
 և վատթարս ասել ժպրհիմ , թէ բերան իմ պատմեսցէ զի-
 մաստութիւն և սիրտս զհանճար . իբր մարդեւոյզ կերպա-
 րանաւոր՝ զմարդահաճոցիցն ոսկերս ցրուել մաղթեցից . իբր
 զկրկին երկրորդեալսն մեծանունն բարութիւնս , թէ հա-
 ճոյ եղէց առաջի տեառն յերկրին կենդանեաց . **Զ**իա՞րդ
 ունողս անբաւից մեղաց զարդարոյն առեալ կարգացից ,
 թէ ոչ մեղք իմ և ոչ յանցանք , առանց մեղաց ընթացայ և
 ուղիղ եղէ . զիա՞րդ զիս ինքն մատնեցից կորստեան յասելն
 զայս բան , թէ մի՛ ողորմիր գործողացն զանօրէնութիւն .
 զիա՞րդ , թէ որպէս հալի մոմ առաջի հրոյ , այնպէս և մե-
 ղաւորք յերեսաց աստուծոյ . զիա՞րդ գրգեալս ապականա-

ցու փափկութեամբ՝ սահմանեցից զաննմանն ինձ բան, թէ խոնարհեցուցի պահօք զանձն իմ՝ և զազգակիցս նորին ընդ նոյն, թէ ես ՚ի նեղել նոցա քուրձ զգե՛նուի, և իբրեւ ըզ սգաւոր և զտրտում խոնարհ առնէի. Ո՛րպէս հանգարտեցից զնմանեացն իմ պատիժ միշտ յիշատակել, թէ սակայն մտօք բարկութեանն աստուծոյ ոչ սպառեցի, և արբցեն ՚ի նմանէ ամենայն մեղաւորք երկրի. իբրեւ զեւնն առ ամին, թէ զամենայն եղջիւրս մեղաւորաց փշրեացես. **Չ**խաբդ զպերախտութիւնն **Յ**ակորայ ՚ի ճառ առեալ հեգնեցից, որ ընդ ստուերին զճշմարտութիւնն ընկալեալ, մուսցայ ընդ նոսին նոցին թերութեամբ զերախտիսն **Ք**րիստոսի աստուածայնովքն արուեստիւք խաչին փրկանօք, քան նօքա զզօրավարութիւնն **Մ**ովսէսի ցարոյն սքանչելեօք, որ զօրինակն նկարագրէր տէրունական անտեսութեանն. **Չ**խաբդ զյարուցելոյն ՚ի վերայ դիւաց զաղէտս ցուցից, իբր նօքա զօտարացեղից խուժադուժ ազգացն ասերով, թէ արկին զդիակունս բարեացն որ ՚ի մեզ՝ կուր վնասակարացն թրուչնոցն, այս է՝ այսոցն օդայնոց. ո՛րպէս զանկեալ զսերմն բանին ՚ի ճանապարհին, և զմիարանեալ զկտան ընդ չարին՝ սուրբ անուանեցից. իբրեւ զնմանակիցն առ ՚ի նոյն շախզ չարին պատերազմի՝ գուպար գազտնամարտ մտացս օցտելոց, զոր ես զօրացուցի գօրծակցեալ հնարից բանսարկուն. **Ե**ւ ոչ ունիմ աղերսել, թէ մի լուեր և մի դադարեր, աստուած. և խորհեցան ՚ի վերայ սրբոց քոց և ասացին, զոր ՚ի կարգէ սաղմսիս է աղօթել. **Ք**անզի յոյժ պատեհագոյն է առնուլ զայստսիկ ՚ի վերայ բռնութեան մոլեկան դիւաց միշտ ճակատելոց առ ներկայիս խռովութիւն, և ընդ նոսին նոցին մշակաց.

Ե. **Յ**որոց դու, տէր **Ք**րիստոս որդի բարձրեալ մեծիդ աստուծոյ, պահեացես և սմբացուցես երկնային զօրուղ շրջափակութեամբ՝ յամենայն ընթացից խարողին հոգմոց խաչիւղ լուսոյ զմեզ պաշտպանեալ. որ զի թէ և դացին յիսանօրէնութիւնք բաղմօրինակք, այլ ոչ հայհոյութիւնք. **Ա**ր ոչ հանգեար ՚ի կորուստ նմանեացն իմոց ամբարշտելոց, այլ ամենագորով թախանձամբ ընդ եղծման ջրողոյն զազ

րագործաց կրկին վշտացար, տաղակալի զմահու նոցա դիպուածն քեզ գրեցեր, ասելով զզարմանալիսն լողաց բան, ածեալ զմտառ ոչ եւս յաւելից անիծանել զերկիր վասն գործոց մարդկան: Եւ մխիթարիս մեծ իմն պարարեալ ընդ կեանս աննաբրից և պարտաւորաց սատակման. որ երբեմն առական դգմենոյն զանխայելն 'ի կործանելիսն ցուցեր, ողորմած, և առ այլ ումեմն նեղեցար սատակ վտանգեալ ընդ յամբանալ անձրելին առ ուրացողացն դարման: Անձառելիս ցուցեր բարութեան անսակս յիշատակաց տօնելիս՝ 'ի վերջին աւուրս. քեւ 'ի ձեռն առաքելոց քոց՝ ողջոյնս հասարակաց անհամբուրիցն հեռաւորաց քաղցրաճաշակս հրամայեցեր: Ահա և յիս ցողեա կենդանի զհայրենի գթութեանցդ զսէր, զի և ես փրկեցայց քաւեալ ամենառատ քո այցելութեամբդ: Եւ քեզ ընդ հօր հոգւովդ սրբով փառք յաւիտեանս. ամէն:

ԲԱՆ ԿԱ.

ՎԵՐՍՏԻՆ ՅԱԻԵԼՈՒԱԾ ԿՐԿԵՆ ՀԵԾՈՒԹԵԱՆ ՆՈՐԻՆ ՀՍԻՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԻ ԸՆԴ ԱՍՏՈՒԾՈՅ

Ա. Եւ ընդէր է ինձ բնաւն որ 'ի սաղմոսին այնպիսեաց բանիցն 'ի կիր արկանել, որ 'ի նախատինս միանգամայն և 'ի նզովս ինձ յարակային, համասպազ երգել իմովս տաւղօք: Քանզի զիմորդ արդեօք զչուք երջանկին ինձ դատասպարտելոյս նմանեցուցից՝ ասելով ընդ նմին, թէ ոչ մերձեցաւ առ իս թիւրեալն սրտիւ: Զիմորդ զկարգադրութիւնս տանցն 'ի յայտմանէ զկնի թուելոցն զարհուրեցուցչաց ընդակից կայից կանոնաց օրինաւորին՝ զինուորին և թագաւորին և մարմնական հրամանատուին, որք և երկնայնոցն են համբուրելիք ասելով, ոչ յուսահատ եղէց 'ի կենաց պատմողս աւետեացս և նորոյս աշակերտ աննամն յամենուսս բարեկարգութեանց: Զիմորդ ըստ իրաւախորհ արդարոյն, ընդ

դէմ մեղաւորացն մահու զինեցայց առական առաւօտին 'ի սկիզբն արթնութեանն միշտ պատրաստական լինելոյ, որ և ոչ զանդամն մարմնոյս գանեալ խրատեցի. զիարդ մասնակցեալ մեծին արութեան՝ սատակեցից 'ի քաղաքի տեառն զանօրինեալսն, որ և ոչ զբուսեալ բիծս հոգւոյս իմոյ մեռուցի. Զիարդ ստեցից գրողին շեւ յայտնելոցն, թէ զմտխիր որպէս հաց կերայ. զիարդ, որ ոչ միացուցի յիմոցս կրից կաթիլ մի պղտոր ընդ յստակ արտօսը աղբերց երգողին՝ ասեմ ընդ նմին, թէ զըմպելիս իմ արտասուօք խառնեցի, և արտասուօք իմովք զանկողինս իմ թացի. Զորս ինձ գրեցից մեղօք մահացեալս, յորժամ սիրողն աստուծոյ 'ի բոլոր սրտէ զյանցմունս նախնեացն իւր՝ վարկանիցի, թէ մեղաք մեք ընդ հարս մեր՝ անօրինեցաք և յանցեաք, և որ 'ի վախճանն յանգի սաղմոս իրաւամբք առ իս, քան առ Խորայէլ. Որովք յարգեցայց դասիլ ընդ բարխն, յորժամ մարդկային հնարից սյս դեղ պատուեցաւ՝ որ ոչ յիս գտաւ, 'ի գարշութենէ կերակրոց 'ի մահ սովեցեալք և յաճախութենէ ճգանց 'ի հոգւոց նուաղեալք, ըստ խտրութեան ինքնօրէն կրօնից հրէից և հեթանոսաց. Զիարդ արդարութիւն իմ մնայ յաւիտեանս, զոր ոչ բնաւ իսկ կատարեցի.

Բ. Եւ զի մի տաղտկացայց յամեալ 'ի բանիս, 'ի համառօտել զայն վութացայց, Զի'նչ ունիմ ասել 'ի տեղի բանիցն՝ զոր աստուածաշունչ ձայնն նուազեաց օրհնեբզոյն Գաւթի, թէ բոլորով սրտիւ իմով խնդրեցի զքեզ. զիարդ ընդ սմին զմեծն քան զայս, թէ յամենայն ճանապարհէ չարեաց արգելի զոտս իմ. իբր ընդ եղեալս և զայն մատուցից, թէ 'ի սրտի իմում թաքուցի զբանս քո, որպէս զի մի մեղայց քեզ. Որպէս զունայնութեանցս իբր զլրութեանց ճառեցից ընդ պարս մաքրոց, թէ 'ի պատուիրանաց քոց իմացեալ, ատեցի զամենայն ճանապարհս չարաց. Զիարդ զհեզոյն ճշմարտութիւն իմում ստութեանս մշտնջենական երգմնահարութիւն կարգեցից՝ ուխտեալ ընդ հաւատարմին, երգուայ զոր հաստատեցի պահել զդատաստանս արդարութեան քոյ. Զիարդ ինձ հրեշտակ մահագոյժ անհրաժեշտ վճռի՝ զբանին պատգամ կրկնեցից, թէ

հետի է 'ի մեղաւորաց փրկութիւն. Չիա՛րդ չարս իսկապէս՝
 զբարեացն գրեցից՝ որք 'ի տեառնէ առնուն զնոյն հատու
 ցումն՝ զայս տուն յեղյեղել, թէ բարի առնէ տէր ուղղոց
 սրտից. Չիա՛րդ զհամառօան փոխատրութիւն անաչառու
 թեան՝ վրիպեցելոյս ինձ սահմանեցից, թէ զթիւրեալսն յա
 փրշտակութեամբ տանի ընդ այնոսիկ, որ գործեն զանօրէ
 նութիւն. Չիա՛րդ զաստուածագգեստին սանձանս ամաչե
 ցելոյս ինձ պատուաստեցից՝ ասել զնորայսն, թէ տէր ոչ
 բարձրացաւ սիրտ իմ և ոչ դբօսան աչք իմ, և որ յետ սո
 րին պատմին ասացեալքն. Չիա՛րդ զանճառն քան զմար
 մին բան՝ 'ի ցոյցս առից քաջալերութեան վհատելոց ես գանձ
 գեհնեին, ասել ընդ օծեալն աստուծոյ հոգւոյն, թէ յա
 ռաջագոյն տեսեր, զի ոչ գոյ նենգութիւն 'ի լեզուի իմում,
 'ի սկզբնաւորն նախաձայնեալ սաղմոսիս մինչեւ 'ի լրումն
 աւարտման բանիս. Չիա՛րդ դասակցութեան դժնէից մար
 դոց համարան այրս մահու և որդիս սատակման բարբա
 ռիմ զբարեշնորհին, ո՛չ ահա զատելիս քո տէր ատեցի, և
 զմնացուածն սորին կարգի. Չիա՛րդ մեծաւն վստահու
 թեամբ տօնելի վեհին, անձն իմ և դու աշխար աշխարհի,
 զանդատ քո ոգի յառաջ ընծայեալ՝ մեծացուցանես ընդ
 պակելոյն, թէ փորձեա զիս տէր և տես, թէ իցեն անօ
 րէնութիւնք 'ի ձեռս իմ, և զյաւելուածն որ զհետ սորին.
 Չիա՛րդ ես գոլով՝ և յայլոց աղօթեմ ապրել՝ յուսացելոցն
 յաստուած ձայնակցեալ, պահեա զիս տէր 'ի ձեռաց մե
 ղաւորի և 'ի մարդոյ չարէ. Չիա՛րդ համբարձայց ընդ փա
 ռաւորեալն մաղթել աստուծոյ, թէ դու ես յոյս և բաժին
 իմ յերկրին կենդանեաց. Չիա՛րդ իբր հանդիսացեալ ընդ
 ճգնաւորին՝ զմրցանակն յաղթանակի թագաւորին մատու
 ցանելով՝ զառաւելեալն քան զօրինակ աղերս աղօթից, թէ
 ինձ սպասեսցեն արդարք քո մինչեւ հատուցես ինձ.

Գ. Բարեբանեալ է և այս իմաստ հոգեւոր և տէրունի
 գործոյն նմանի, որ զփորձիչն պատկառեցոյց, յորժամ զա
 մենայն արհամարհիցէ և զսկզբնապատճառն եղելոց միայն
 ընտրիցէ ասելով, թէ երանի ժողովրդեան, որոյ տէր աստ
 ուած է նոցա. Մեծ է և այս բարձրութիւն շնորհի և

զգուշական համարձակութիւն լցեալ երանութեամբ, թէ սուրբք քո օրհնեացեն զքեզ: Ըղծալի է և այս ընտանութիւն մերձաւորական հոգեւոր հաղորդութեան՝ յաստուած յուսալ և ՚ի նոյն արձանանալ բանիւ սաղմոսին բերկրեալ, թէ զկամս երկիւղածաց իւրոց առնէ տէր. և զկարգ բանին կատարէ, մինչեւ զողբալին և զգուարձալին ազգեացէ, թէ պահէ տէր զամենեւեան որ սիրեն զնա, և զամենայն մեղաւորս սատակէ տէր. ՚ի գլուխս լրման գրոց նուագարանաց սաղմոսիս՝ իբր թէ զօրինակն իսկ եցոյց վերջին հատուցման արդարոց և մեղաւորաց. Զուգակցորդք են միմեանց և զկնի երգեցեալքս. զի թէ ընդունի զհեզս տէր և խոնարհ առնէ զամբարտաւանս մինչեւ յերկիր, ապա ինձ ո՞րքան եղկութիւնք կան առաջի. իսկ եթէ հաճի տէր ընդ ժողովուրդ սուրբ, և բարձր առնէ զհեզս ՚ի փրկութեան, ապա հերքեալս ՚ի բարեմասնութեանց ես ո՞ւր հաստատեցայց. իսկ եթէ օրհնելի է աստուած ՚ի սուրբս նորա տիրապէս, ապա օտարս ես ՚ի մաքրութեանց ընդ ո՞րս դասեցայց. իսկ եթէ ՚ի կանխերգիցն մերձ այսր եղից յիշատակարան ինձ կշտամբութեան, թէ սիրեցէք զտէր սուրբք նորա, զի ստուգութիւն խնդրէ տէր՝ և կրկին հասուցանէ ամբարտաւանիցն, ապա յոր՞՞մ դնդի ես դասայց գերեալս ՚ի գաղանեաց գտողին շարեաց. Քան զի զորօրինակ սասանին տազնապաւ տերեւք անկոց եղեւին ծառոց շարժեալք ՚ի հողմոց ուժգին բախելոց հոսեալք ՚ի խոնարհ, այնպէս ջանացաւ ջարդել զընթացից իմաց վերարձակութեան քաջաբեր ուղէչս՝ զյարմարեալս ձեռամբ անեղ մշակիդ. Զոր հաստատեցես արմատացուցեալ վերստին դարձեալ նոր պողաւորութեամբ անապահնաւ, յանդաստան կենաց խնամոց քոց կամացդ ամենապարգեւ թագաւոր Քրիստոս, օրհնեալ յաւիտեանս. ամէն.

ԲԱՆ ԿԲ.

ՎԵՐՍՏԻՆ ԶԱՒԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ ԽՕՄԲ ԸՆԴ ԱՍՏՈՒԾՈՅ

Ա. ԱՅլ արդ ընդէ՛ր ոչ 'ի վերադրեցեալն սաղմոս նախաճառական և այլ մարդարէիցն մասն ինչ յօդեցից . Քանզի զի՛նչ վայելումն իցէ կերակրոյն , եթէ անզգացեալ ցառովք ուտիցեմ . և կամ զո՞ր շահ սաղմոսն ունիցի , եթէ ոչ 'ի միտ առնուցում . Քանզի նշովեմ զիս ինքն 'ի նստին և ոչ իմանամ , լուացեալ լինիմ և ոչ սլայծառանամ , արեւու ծագեալ և ոչ լուսաւորիմ , մեղք ճաշակեմ և ոչ քաղցրանամ , ուետնիւ ընանիմ և ոչ բժշկիմ , միշտ կանխեմ 'ի նոյն և դատարկ երեւիմ , հանապազ ձաղիմ և ոչ երբէք խրատիմ , ողորքիմ դարձեալ և ոչ զգաստանամ .

Բ. Արդարեւ մեղք և անօրէնութիւնք իմ յիս , և ես մաշիմ 'ի նստին , ըստ մարդարէին որ 'ի դիմաց պարտաւորացն բանի և տէրունական առակին հին տկոցն և նոր գինւոյն . Վասն զի թէ սատակին անօրէնք և մեղաւորք 'ի միասին , ըստ Եսայեսայ ձայնին , ապա և ինձ դժնէիս նոյն բաժին հանդերձեալ պահի . Քանզի ասեմ զսաղմոսն , թէ հատուցանէ այնոցիկ՝ որ առաւել առնեն զամբարտաւանութիւն . և կցորդեմ սմին զընթերցուածն , թէ օր տեառն 'ի վերայ հպարտից և ամբարտաւանից . ասեմ , թէ օտար եղեն մեղաւորք 'ի մօրէ , և որ ինչ կարգ սորին ցուցանէ . յարեմ առ սմին , թէ կործանեցին անօրէնք երկրի , և ամբարիչսն բարձցի յերկրէ , և անիրաւք մերժեցին 'ի նմանէ . Ողբք ինձ կարգացէք առ ձայնն ; թէ զորօրինակ վառի եղէզն 'ի կայծականց հրոյ , այնպէս սյրեցին մեղաւորք 'ի բորբոքեալ բոցոյն . լացէք առ սաղմոսն , թէ արկցես 'ի վերայ նոցա կայծակունա հրոյ . աշխարս պատմեցէք 'ի բանս աստուածեան վճռին մարդարէիւն ազդեցեալ , թէ ոչ կամիցիք լսել ինձ , սուր կերիցէ զձեզ . կոծեցաւ

րուք առ սաղմոսն, թէ մահ հովուեացէ զնոսա. աղի արտասուս ողորմ հառաչմամբ ընդ հեծութիւնս իմ յարմարեցէք, յորժամ բարձրեալն ընդ Խորայէլի և ինձ ասացէ բանիւ սաղմոսին, թէ ժողովուրդ իմ ոչ լուաւ ձայնի իմում. աւաղ կարդացէք թշուառացելոյս, յորժամ այլ մարդարէ զնոյն դիցէ, վայ նոցա զի վազեցին զինեւ. Բարբառ փողեցէք 'ի սիրտ մղձկեալ նոր աղաղակի, յորժամ տեսանողն աստուծով ամաչեցուցեալ զիս կշտամբեսցէ ընդ ապարասան տանն Յակոբայ, տեսէք արհամարհոտք՝ զարմացարուք և եղծարուք:

Գ. Այլ դարձուցես և ամփոփեսցես զբարձրացեալ ըզսուր բարկութեան ահաւորիդ սպառնալեաց 'ի սարտուցելոյս յերեսաց մեծիդ, և ինամովք աջոյդ բարբառախութեան առ իս ժամանեալ՝ օծումն կենաց պարգեւատրեսցես քո աղաչողիս: Եւ քեզ վառք յերկինս 'ի բարձունս, և 'ի մահացուաց յերկիր 'ի խոնարհ, 'ի սահմանս բոլոր ազանց և յամենայն յաւիտեանս. ամէն:

ԲԱՆ ԿԳ.

ՎԵՐՍՏԻՆ ՅԱԻԵԼՈՒԱԾ ԿԻԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՑՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՑ

Ա. Բարբառ և բազմագութ, մարդասէր և երկայնամիտ միայն թագաւոր, ընդ հօր քում պատուեալ և օրհնաբանեալ տէր ամենայնի, որդի աստուծոյ կենդանւոյ. անպատճառ դ միշտ իմում կորստեան, որ ամենեւին անխորձ ես 'ի չարեաց, որ ոչ կամիս զմահ մեղաւորի, որ փրկութիւն են 'ի քոց կամաց ընծայեցեալ, որ դարձուցանես զմրրիկ մեղաց 'ի յօդ քաւութեան, որ զհուր բարկութեան յանձրեւ փոխարկես. Որ զյետնեալ զկինն 'ի բարեաց՝ կրկնակի դոյիւ նահանջեր երկեակ բնութիւն 'ի նոյն արձանի, ոչ իսկապէս ընդ անպարտսն, և ոչ համայն ընդ պատժաւորսն. Որ զլու-

ծուծիւն ծովուն սահանաց իբր զկարկառս քարանց կառուցեալ յեղանակեցեր . որ զկարծրանիւթ վէմն անսպասին 'ի փիտակս վտակաց հոսեալ բղխեցեր . Ար զՅորդանանու ջրոյն սրաշարժ վայրեկութիւն՝ հրաշաւոր անդրադարձութեամբ 'ի յետնորդս հեթանոսաց լուացումն աւազանին 'ի թիկունս առաքեցեր . Ար զսրատուաստեալ սարիսպն Երիքովի , յօրինակ կործանման բռնութեանն սատանայի՝ իբր զթեթեւութիւն յարդի ցնդեցեր . որ զվնասակար ջուր նորին 'ի յառակ այլայլութեան առ 'ի բարին փոխարկութեան՝ քանանացւոցն փրկութեան խորհրդական աղին համեմեալ անուշեցեր . Ար զՄեռային դառնութիւն , իբր զմտաց անհաւանութիւն , կենացն փայտիւ 'ի քեզ յարմարեալ պիտանի արարեր . Ար զառեալն 'ի գետոյն՝ 'ի գծագրութիւն անսահմանդ . քո հրամանի անորակիդ գունակութեան՝ 'ի նոր երանգ բոսորային մածեր արիւն 'ի ցամաքի . Ար զանկենդան ցուպ գաւազանին , 'ի կերպառութիւն առ 'ի զքոյդ մերովս նկարագրիլ , այլ և յօտարազնիցն ընտրութիւն , 'ի տիպն ապաթոյն կերպիւ վիշապի նմանեալ ցուցեր . Ար զերջանիկ ձեռն աջոյն Մովսէսի , 'ի ցոյցս տեսութեան ապագայիցս հրաշից մարդեղութեանդ . բարձրեալ , և քեւ ակտաւոր մարմնոցս մաքուր լինելոյ անփոփոխ փոխատրութեամբ՝ կրկին գուշակեցեր . Ար յայսքանեացս շրջադրութիւն բարեխնամապէս արուեստիւ սիրոյ զանակնկալն գիւտ մեղաւորաց կորստականաց նշանակեցեր , օրհնեալ ամենագութ .

Բ. Ար բուսուցանես յերկրէ դալարի զմեռեալն յանշնչականէն , որ զանշարժն իբր զընթացող կառավարես , որ յանարդ արդանդէ կուչս քեզ պատկերակիցս , որ տաս պատանեկաց աղորիս ըմբոշխնելիս , որ յայտս մաքուրս հերս ընծայես , որ զսաղաթ սեւութեան վարսից 'ի ձեան կերպարան զարմանագործես , ցուցեալ թէ առ ամենայն սահման հեռաւորական յաղթող ես հզօր , որ փոփոխես զշրթունս բնաւորականս , ըստ բանին Յօբայ , 'ի կամս հաւատարիմս . Ար սասանես զերկիր և զսիւնս նորին 'ի հիմանց , նշանակեալ հաստուածին գոյիւ՝ թէ դու միայն

մնաս անկորնչելի . որ հոյովես զտարերս իբրեւ զանցաւորս ,
 և գարձեալ 'ի նոյնն կապես իբրեւ զյարակացս , յայտ ա-
 բարեալ՝ թէ և առ մեղաց բազմութիւն դիւրապէս ունել
 կամ թողուլ գոյնպէս զօրաւոր իցես . Ար զօրուսեկին ան-
 զգաց էութիւն իբր երասանաւ իմն գատտիարակես երե-
 ւեցուցեալ այնր իրի կերպիւ , թէ զբնութեանս շար գի-
 մեցումն յորժամ և կամիս հանդարաւ առնիցես . Ար զան-
 բարբառ բոլորակ լուսնին կարգես ունայնս և պատարունս ,
 լուսաւորեալ զպատճառն առ աւետիս տեսողաց՝ թէ 'ի
 նուաղութենէ բարեաց զպարտաւորս մարմին գուածես 'ի
 լրութիւն առաջնաստեղծ հարստութեանն . Ար զպատկերս
 անխօս աստեղաց իբր զգատակս գոյզն հօտից արոհես և
 ժողովես , յոյս իմն կենաց առ ոյս խորհրդաբերեալ , քաղց-
 րահայեաց տեսութիւն , թէ և անաղաչաւորաց լեզուաց
 կարողապէս բաւես ողորմել . Ար 'ի մէջ մահու և կենաց
 շաւիղ վստահութեան ուղղես 'ի ծովու , վկայութիւն եղեալ
 հաւատտի , թէ և յանկասկածաւորն վայրի քեւ պաշտպա-
 նիմք անգայթազղելի . որ իբր զջուր կաթսայից 'ի հոյ ե-
 ոացեալ , որպէս զմեղաց միրիկ պղտորեալ՝ բանիւ կամաց
 քոց խափուցանես . Ար հայիս յերկիր և տատանես զսա ,
 զի անբանիւն զմտաւորս զգատացուցանես . որ իբր զա-
 կատ մի անձուկ նաւի 'ի վերայ շարժութեան ալեաց՝ զան-
 բաւ թանձրութիւն գեանոյս գլրդես , որով ծանուցեալ
 լինիս ամենից հաստուածոց՝ թէ իցես աներկբայելի , որ
 'ի բան քո զօրեղ հիմնացեալ ունիս զամենայն . Ար սերմա-
 նես զարտաշնչացեալ մարմինս յերկրի , և զնոյն անկորուստ
 պահեալ կրկին կենդանածնես , որ ապականացուս աւանդ-
 եալ՝ անեղծս ստանաս , որ ընդ մահացու նիւթոյս՝ զնըչ-
 խարդ կենաց խառնես , որ հրամանաւ տկնարկութեան 'ի
 խուն վայրկենի կազմեցեր՝ պատրաստ կացուցեր զանզար-
 դութիւն ամենից եղանակաց . Քո է զօրութիւն և կարո-
 ղութիւն , որ շրջանակես զժամանակս ամաց հողովման ա-
 ւուրց յայլ նմանութիւն բարեպատեհ տեսողութեան . Ար
 կարգաս զանմուռնչան իբրեւ զկենդանիս . որ աղղես միայն ,
 և նոքա ընթանան , որ միայն հենուս անկանես անճառ .

արուեստիւ հնարագիտութեան մէջ և առաւօտ : Ար յետ նախակարգ յօրինուածոյն առաջնատեղծ լինելութեանն, արարեր զփառաւորեարն մեծամեծս հրաշակերտիցն հանդիսից, ըստ գրոյն երջանկութեան կանխահիացն զարմացման, այլ իմն գոյացութիւն տօնելի տեսակի անեղծ աշխարհագործութեան եւս քան զսոյն ՚ի մարդանալդ քո, որոց ոչ գոյ թիւ :

Գ. Ար ահա զմնասն մեր քեզ գրեցեր, որ զարդարութիւնն քո մեզ շնորհեցեր, որ ընդ քեզ կրեցեր զհաշտութեանն մերում փրկանակ, որ ոչ երբէք լքանիս յողորմութենէ, դարձս զամբարշտեալս ՚ի պաշտօն բարի երկիւղի, զթմրեալս ՚ի զգաստութիւն արթնութեան սրտի, զանմաքուրս ՚ի սրբութիւն պայծառութեան կերպարանի, ըզբաղմարիծս յամբծութիւն հանդարտական սուրբ պատկերի, զբեկեալս յողջութիւն, որ ՚ի դիպմանց ոչ խորտակի, ըզլացեալս ՚ի խնդութիւն զուարթութեան անտօրելի, ըզուսահատեալս ՚ի սէր միաւորիչ անքակտելի, զամաչեցեալս ՚ի վստահութիւն հաստատութեան անշարժելի, զխաւարեալս ՚ի լոյս երանութեան անմեկնելի, զմահու գերեալս ՚ի կեանս որ ընդ եղծմամբ ոչ անկանի : Զի փառաւորեացի անուն քո, Յիսուս. խտատլանեալ յամի ընդ հօր և ընդ հօգւոյդ սրբոյ ՚ի բարձունս երկնի և ՚ի ստորեւս երկրի և ՚ի բնակիչս նոցա, յախտեանս յախտենից. ամէն :

ԲԱՆ ԿԳ.

ՎԵՐՍՏԻՆ ՅԱԻԵԼՈՒԱՅ ԿԻԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՄԻ ԸՆԴ ԱՍՏՈՒԾՈՅ

Ա. Եի արդ առ ամենայն բան յամենայնի ուղիղ ես, անծիրաւամբք դատիս, արդարութեամբ կշռեա, ճշմարտութիւն չափեա, օրհնութեամբ հետեւիս, բարեք ընթանաս, ստուգութիւն սիրեա, յտակութիւն կամիս, լուսաւորութիւն

համբուրես, փորձիւ յանգիմանես, երկայնամու թեամբ քննես . ոչ ունիս նենդութիւն և ոչ դռուողութիւն . այլ ամենեւին հեղութիւն, հանդարտութիւն և ողորմութիւն .

Բ. Արդարացար վերին իմաստութիւն անայլայլական հօրդ հանճարոյ կրկին վկայեալ անզեղ զովեստիւ յորդեգրեցելոցն շնորհօք, ըստ բանին սրբութեան՝ որ աւետարանաւն կենաց ՚ի քէն ընկալաք . որ ոչ ՚ի կոծելն ողբացի, և ոչ ՚ի փողելն կաքաւեցի . Ասացեր անօրինիս՝ թէ մի անօրինիք, և ես ՚ի նոյն չարիս պնդեցայ . մեղաւորիս՝ թէ մի ամբառնար եղջիւր ՚ի բարձունս, և ես զընդդէմն քեզ գործեցի, և ոչ զդացի երբէք զառածեալս, թէ ՚ի ձեռին քո են եղջիւրք արքայութեան հպարտից ամբարձեցոց, խոնարհեցուցանել և բարձրացուցանել, ըստ Ամբակումայ, Դատթի և Զաքարիայ . Օրհնութիւն ինձ կամեցար, ողորմած, և ես անիծեալս՝ մեծ տարադրութեամբ խտտրեցայ յարժանին ինձ մասն . սիրեցի բարկութիւն և ոչ բարութիւն, չօչափեցի ըստ գրոյն զխաւար, և ոչ զլոյս, կենդանի ձայնիդ քո, զթած, աղաւու մս պատասխանեցի . Զորդն անմահ ասացեր բանիւ Եսայեայ, և զհօրն անչէջ և զկշտամբութիւնն անվախճան և զտեղին յաւիտենից և զօրինակ նմին սոսկալի, և ես ոչ իմացայ ըստ սաղմոսողին և ոչ մտաւեցի, այլ ՚ի մնայլ մտաւորական կուրութեան դնացի . Յուցեր մարդարէիւն, թէ զօրհնութիւն ստացի որ զօրէնս դնէ, և ես համառօտել զնոյն փութացայ . Արձան հողեւոր վիմի գրեալ մատամբ քո, տէր Յիսուս Քրիստոս, զՂաւիթիւրովքն բանիւք կանգնեցեր, ասելովն ինքեան ընարութեամբն առ սոյն, թէ պահեցի զօրէնս քո յամենայն ժամ, յաւիտեան . անդարդարձութեամբ բանին միջնորդեալ ըզկրկին հաստատութիւնն; թէ և յաւիտեանս յաւիտենից . ընդ որս և զսորին նմանիս պարժանաց առ իմս խրախոյս, և ոչ զկծեցայ . ձեպեցայ ՚ի տօնս Բահաղու և ոչ աստուծոյ : ՚ի յերկուս հետս երկմտութեան կրկին կաղացի կասեալ ՚ի բարեաց, ըստ երգիժանելոյն Հեղիու . Ունիմ զՄովսէս իւրովքն օրինակօք եկեալ ՚ի մեռելոց, և զտառս մարդաբէկոյն գրեալ ՚ի յողի, և զմատեանս առաքելոցն ընդ մը-

տացս մասն յեռեալ, և զտէրդ հասարակաց կտան աւետեաց յարուցեալ 'ի թաղմանէ անթիւ ննջեցելովք, և անհաւատագոյն քան զհնգեաին եղբայրակցութիւնս այնր մեծատան, որ է առակ իմն յարմարական, նմանեալ զգայակա նացն մասանց անողորմիցն յգլխացելոց, մնացի իբրեւ զսալ դարբնաց անոստ՝ յամառեալ քարացեալ սրտիւ, որպէս օրինակն է Բելիարայ, և ոչ ապաշխարեցի :

Գ. Այլ ազգեա վերստին առ սոյն կերպարան լքեալ կըրկին ողորմութիւն բարի, ահաւոր, մարդասէր, խնամակալ, կենդանի, սուրբ, լուսաւոր և անվախճան թագաւոր, զօրութեամբ պանծալի խաչիդ խորհրդոց, 'ի կարծրացեալս մեղօք անբեր անգաստան երիկամանցս յիմարութեան և անպտուղ սրտիս լքութեան, զի առեալ նպաստ օթանդակութեան 'ի գթութենէ կամաց ամենակալիդ, որոտացէ բղխեսցէ հոգիս, ընծայեալ աչաց վշտագնեցելոյս վտակ արտասուաց արբուցանողաց ինձ 'ի վրկութիւն և 'ի մաքրութիւն, և քեզ 'ի հաճութիւն ընդունելութեան, ամենապարգեւ տէրդ բոլորից, փառաւորեալդ յախտենից. ամէն.

ԲԱՆ ԿԵ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՄԳ ԸՆԳ ԱՍՏՈՒԾՈՅ

Ա. Եւ արդ ես նախնիս ամբարշտաց, զլուխս մեղաւորաց, պեաս անիրաւաց, առաջինս պարտաւորաց, պատկերս յանցաւորաց, ատտիկեցիս ըստ վատթարութեան՝ այլ ոչ ըստ բարեբաստութեան, ահա զանճառիցն իմոց ճառեցի, զպատկառելիսն խայտառակեցի, զգաղանիսն հրապարակեցի, զծածուկան յայտնեցի, զթաքուցեալսն ցուցի, զամբոխեալսն տարածեցի, զգառնութեանս մաղձ ժայթքեցի, զգործակցութիւն չարին մատնեցի, զամբարեալ թարախ վերկս քամեցի, զխորս պարտեաց իմոց ծանուցի, զպատ-

բուական կեղծեաց առի, զքօղ տգեղութեանն վերացուցի, զամօթալեացն զգեստ մերկացուցի, զգարչելիսն յանդիմանեցի, զմբուրն մահու փոխեցի, զպալարս հողուոյս խածուածոց քահանայապետիդ Քրիստոսի բացի, Յանձինս փտանդ ոչ անխայեցի, մարմնոյս սիրոյ ոչ աչառեցի, զարմատն հնութեան տեսիլ արարի, բնութեանս կարեաց ոչ ողորմեցայ, ըզմիաբանութեանն կապ խզեցի, զգղեակ սրտիս քանդեցի, ընդ կամացս որոյ իբր ընդ դարանակալի մահու կռուեցայ, զպահեստ անյայտիցն արտաքս հանի, զմթերիցն դանձ՝ մեծին գուշակեցի, զգատախաղն գատաւորին հանդէպ կացուցի, զասպառնեացն զփորձ այժմէն իսկ դաի, զդաշն կործանողին կարեցի, զուխան խաբողին ցրուեցի, զկատարած մարտին յաղթութեան 'ի քեզ տէր Յիսուս ապոստանեցի, զպատերազմին խումբ գրգռեցի, զգիմադրութիւն գիմեցմանն՝ բանիդ աստուծոյ յուսացայ, զխաւարատիրացն փաղանդ լուսեղինացն զլնուց սողրեցի:

Բ. Եւ արդ, ստեղծիչդ ամենայն եղերոյ Քրիստոս սրդի բարձրեալդ աստուծոյ, զատէն դարովեալս յայսպիսեաց բանից և զհարուածեալս յայսքանեաց դանից մի կշտամբեացես կրկնակի դատել 'ի մեծի աւուրն: Ահա, հզօր անքնին անճառ բարերար թագաւոր անմահ, առ այս կերպ պատկառանաց ինքնապարսաւս խոնարհութեան, որ ինձէն զանձն մեծաւ ձաղանօք յոգի դատեցի, լից նուազօք այսր մատենի անարդանօք ամօթոյ զգէմն սատանայի, և զերեսս կերպի պատկառեցերոյս նշանաւ խաչիդ զօրացո: Միասցի կնիքդ լուսոյ 'ի գեղ տեսակիս, ամբութեանդ նշան հաստատեցի 'ի տիպ դիտակիս, երեւակ կենացդ փայտի ձեւացի 'ի պատկեր այտիս, արուեստդ հրաշից 'ի ճոկատիս շուք նշանակեցի: Մի այլայլեցի յինէն գրոշմդ լուսապաճոցձ, մի բարձցի 'ի տեսանելեացս բբաց ճաճանչդ օրհնութեան, մի մերժեցի 'ի զլիսոյս առհաւաչեայդ վտարհութեան, մի սասանեցի 'ի բերանոյս տիրութեան սեւեց՝ փառք տեառնադրութեանդ: Պահպանակդ երկրպագելի 'ի զգայարան սրտիս մխտցի, շրիցս նիւթոց խնցս գոյութեան քառաթեւիդ նշոյլ աղ-

գեացէ, ձեռինս կտրկառման փրկչիդ իշխանութիւն օժանդակեացէ, մատուցման հաստուածոյ մատինս՝ խորհրդարանդ համարձակութեան բարեգործեացէ։ Ի մեկներս իմում մի հեռասցի որբութիւնդ, մի լքցի պապիւս 'ի պատինն պարտաւորիս, մի մերժեացի 'ի յողւոյս անդաւաճանելիդ փրկութիւն, մի ջնջեացին դիժք կենդանատուիդ 'ի քո գրեցեալս շնչոյ, մի եղծցի նկարումն արեան դորութեան 'ի տիրատիպ խորանէս, ընդ իս ընակեացէ յիմում գերեզմանին. 'ի ծորել մարմնոյս թշուառի՝ օծումն շնորհիդ առ իս պահեացի, 'ի նորոգութեանն աւուր սովա հանդիպեցայց փառաց փեսայիդ, 'ի քոյոց այտի ծանուցայց, քոյովքդ վաստակօք պճնեցայց, երախտօք մեծիդ յարդեցայց, աւազանին զգեստիւ պերճացայց՝ քաւեալ ողորմութեամբ։ Մատո, բարեգութ, զվերարկուդ անապականութեան տաժանեցեալս մեղօք մարմնոյս, մի յարիցէ ընդ քոյս՝ բանաարկուն, հնացուցիչ հողւոյս վասնեացի, խաւարաբնակացն պատիրք մի ընդ իս վերերեւեացին։ Օրհնեացի անուամբ քս, գթած, վիհն իմ հանգստեան, ողորմութեամբ քո լցցի դուրն իմ գերութեան, ընդարձակեացի քեւ ինձ տեղին թշուառութեան, անդորր եղիցի, խնամող, ինձ բանան բարկութեան, անուսցէ զիս առ յաճումն արգանդն մթութեան, յուսով քո շտեմարանեացէ զիս յարկն այն անձկութեան, ձեռամբ քո պահեցայց 'ի խշտին օտարտամութեան, թեւօք քո ընկալայց 'ի տունն տաղնապի, դու, գովեալ, ընդ իս 'ի սենեակն վտանգի։ Աւաղս ինձ աստանօր 'ի թիւս հաղարաց, զի երբեմն էի վերնային և այժմ անդնդոյին, երբեմն տօնելի և այժմ աշխարելի։

Գ. Այլ և արդ կրկին դու օրհնեալ 'ի բոլորից գոյից յերկնայնոց և 'ի ստորնայնոց և 'ի սանդարամետականաց մեռելոց, անպարտականդ այս տարազրութեան։ Ես վրիպեցայ, ես օտարացայ, ես յիմարեցայ, պարտեցայ և խոտան գտայ. ես լքայ, կամեցայ և կործանեցայ, ես մըլորեցայ, ես մատնեցայ, ես մերժեցայ, ես խորթացայ, գերեցայ, և գայթակղեցայ. ես նղովեցայ, ես թշուառացայ, արբեցայ և վատթարացայ. ես ընկլուղայ, ես խա

բեցայ, եւ անօրինեցայ, եւ ապականեցայ, մահացայ և 'ի սպառ եղծայ. չիք քո առ այս ինչ մասն չարի, որ եւ միայն անփոփոխ բարի: Արդ կամք քո յիս, և խաւարն ինձ ճառագայթ. ճրագ յուսոյ քո անդ, և գիշերն վաղորդայն. մարմնոյ քո հաղորդեալ, և յամօթոյն կարծեաց ապրեալ: Իսկ եւ ոչ գրեմ զանձն իմ կենդանի վասն անփախչելի վախճանին, դարձեալ զի ոչ վարկանիմ կորուսեալ վասն աներկեւան նորողմանն: Որ և փակեալ համարիմ ինձ զերս կենացդ վասն անքաւելեացն պարտեաց, դարձեալ բացեալ ինձ զդրախտն՝ վասն փրկութեանն աւետեաց. քանզի ոչ այնքան վճատութեանն գոյժ տագնապէ, որչափ փրկութեանդ քաջալերեալ ձեռն կարկառէ: Արդ տուր, տէր, տուր ողորմութիւն, առ ամենայն ձայն դո՛հաբանեալ, օրհնեալ յաւիտեանս. ամէն,

ԲԱՆ ԿԶ.

ՎԵՐՄՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ ԽՕՄԻ ԸՆԴ ԱՍՏՈՒԾՈՅ

Ա. Արդ որ ոք և առցէ զայս դեղ մաղթանաց այսր մտննի պարկեշտականի պաղատել սովաւ, եթէ 'ի մեղաւորաց իցէ մատուցեալն, եղէց և եւ խնովս բանիւ կցորդեալ նմա. իսկ եթէ յարդարոց դուցէ յառաջեալն, գտայց և եւ սովիմբ ընդ նմին ողորմեալ նովաւ: Ապա թէ երջանկացի այնպիսին ինքեամբ՝ ինձ միայնոյ գրեալ զեղկութիւնն, և եւ ինձէն վկայեմ այսմիկ, Բայց յիշեացէ նա զՍողոմոն և զբանս նորա զհողեշունչս, թէ ո՞վ ոք վատահասցի սիրտ սուրբ ունել, և կամ ո՞վ պարծեացի մաքուր լինել 'ի մեղաց, և զի ոչ յարեաւ մարդ երկրածին ազատեալ 'ի պատասխանեաց, և ոչ ընտիր՝ ինքնարչաւ վաղիւքն, և ոչ թէ և 'ի թուրչս ամբարձման թեւոց բերիցի. առ որ զգոյշ լինիցի կրկին երկուցեալ 'ի վիմին իսկ հաստատութեան՝ ուս-

եալ 'ի Պօղոսէ, դու ցէ անկեալ 'ի յերկիր՝ սահմանողի այսմ կանննի իրաւադատի կշռեալ նմանեացի : Այլ առցէ զայս կշտամբութիւն մաքուրն՝ նիւթ պսակաց , առ 'ի չիջանել անընտրողաբար յանձեռնհասն բարձրութենէ . և պատժապարտն՝ առիթ աղատութեան , որով ամբարձեալ 'ի կործանմանէ հոգեւորական մահուն՝ ապրեացի յուսով : Իսկ ինձ եղիցի պատգամս այս բանի արձան փոխադրեալ ամենեւին անեղծանելի , որ փոխանակ խնց եղկելոյս անձին մահացուի՝ անդադար հնչմամբ հեծութեան լալոյ առանց լուրջ միշտ աղաղակէ, լիցի և ոսկերացս քակտեցելոյ 'ի հոգապատեան շիրիմ վերարկուին՝ անմուռնչ ձայնիւ զայս խոստովանել . հասցէ և մարմնոյս 'ի հող լուծելոյ՝ բարբառով իմն անազգելեաւ ծածկատեսիղ զոյն պաղատել :

Բ. Տէր գթութեանց , աղբիւր ողորմութեանց , պարգեւք բարութեանց , որդի բարձրելոյ տէր Յիսուս Քրիստոս , ողորմեա , խնայեա , մարդասիրեա , նայեա 'ի վտանգս , ակնարկեա 'ի բեկութիւնս , խոնարհեաց 'ի թշուառութիւնս , տես 'ի տարակոյս անձեռնհաս տագնապիս , հասիր հաղորդել կորստականս կարեաց : Եօշափեա բժշկապէս զամենաթշուառ ակտաւորութիւնս , ունկն մատուցես քաղցրութեամբ ողորմազին հեծութեանս , լուր 'ի խորոցն անդընդոց մահուն գերեզմանի անմռնչելի հառաչմանս , մտցէ յականջս ամենալուր լսելեացդ ձայն պաղատանաց վատնեալ անդամոցս : Եւ վասն զի գրաւական կենդանութեանս անապական է , անփոփոխ լիցի և սիրոյդ քո գթութիւն , կցորդելը հեղութեամբ տաժանաւորս տկարութեան : Մեռեալ պատկերիս մի՛ ոխս պահեցես , ընդ անշունչ կերպարանիս մի՛ 'ի դատ քննութեան մտցես , մահու տանջեցելոյս մի՛ հարուածս յաւելցես , ընդբեկեալ խեցեղէն անօթոյս մի՛ ուժգնութեամբ մարտիցես , վճռաւ կոչկոծելոյս մի՛ բարկութիւն կրկնեցես , կործանեալ շինուածոյս մի՛ պատուհաս մատուցես , շանս սպանելոյ մի՛ քարինս արձակեցես , լուոյս ջախջախելոյ մի՛ սաստիկս որոտացես , հողոյս անպատուելոյ մի՛ իրբ ամբարհաւածի ուժգինս մռնչեցես : Զմոխիրս մերժելի մի՛ 'ի դատ ընտրութեան կոչեցես , զփոշիս ցնդելի

մի՛ իբր զքո գիմամարտ գտցես, զտիզմն տանդուկալի մի՛ իբր զտոխ վարկանկիցիս, զգարչութիւնս անդոսնելի մի՛ իբր ըզբանամարտիկ վանեացես, զխէթս ՚ի բաց ընկենելի մի՛ նիւթ գեհնինն պահեացես, զայսքանեաց բազմապատիկ բանից կշտամբեալս մի՛ վերսաին յանդիմանեացես .

Գ. Այս ամենաթշուառ և խաւարարդեւ շիրմին են ահա սրտաբեկ և յոգնաթախիծ արդահատութիւնք . հաստա տեսցէ օրհնեալդ քո բան անվտիտիական լինել, ըստ սրտի արդահատելոյս . քանզի և այժմ՝ մինչ կենդանեօքս խօսիմ, մեռեալ եմ անհասիդ . որպէս ՚ի կորուստ մահուն սատակ ման՝ ամենազօրիդ հրամանի անեղծ եմ հաւատովքս . Արդ աղաչեմ զքեզ, տէր Յիսուս Քրիստոս, հայեաց յիս սղորմութեամբ, և մի՛ թողացուցես լինել անակից ինձ Բելիաւսայ . և զմահազեկոյց տապանին ազդումն անկենդանաւորն թնդման թշուառն թաղման՝ աղազակ ձայնի հառաչման լալեաց քեզ հաշտեցուցչաց՝ յարդեացես լսել, միայն բաբեզործ, հողեակէր, հզօր մարդասէր . և հողիդ քո բարի բնակեացէ ընդ իս՝ լոյս առնելով ինձ ՚ի խաւարին . Մնասցին ընդ իս կենարար քո կրից պաշտեցեալ մատունք . զի իբր զաւանդ գանձու զիս պահեալ ՚ի քեզ, կենաց նորոգման ընծայեցուցին . օճառք անվատնելի զինուց ինձ պատկանեցին, ընդ իս յարակայեալ քարինք պարտից հողեւոր հնարից՝ զչարին հալածել զգունդ . Մարտն որ առ իս քեւ, տէր, վանեցի . զի եթէ յարիցէ ՚ի վերայ իմ պատերազմել, տեսեալ զքազաքն ունայն ՚ի զօրաց և զազդու զականացն գործի ապաձայն, զքեզ տէր ունիմ մշտնջենաւոր և աննիրհելի պահապան .

Կ. Զի եթէ այժմ՝ իսկ կանխաւ արագեալ յառաջ քան զօրն կատարածի, և անշաւիղ արդեւլան ինձ պատրաստեցէ, առաքեմ՝ զաղօթման տէրունականս նմին գան մահու . եթէ ՚ի վայր զիս հնարի կործանել, զծնրադրութիւնս արարչին . եթէ ՚ի մխիթ երկրի թաւալել ձեռն բերիցէ, երեսացն աստուծոյ ՚ի նոյն մամուլցումն զնա հերքեացէ . եթէ վատասկս ինձ ցառոց նիւթեացէ, քրտունքն յուրթի արեամբն զանգեալ վերկչին աշխարհի զնա խոււեոցէ . եթէ

յընթացից բարեաց զշունչս իմ պատանդեացէ, կապանք ամենատեղծին զիս արձակեացէ. եթէ յուրացութիւն պարգեւաց լուսոյն բռնադատեացէ, հայհոյութեանն համբերութիւն յասուածամարտիցն՝ զնոսին ընդ նոյն կարկեացէ. եթէ հարուածս նետից գաղանաձիգ զինուց ինձ արձակեացէ, կարթ հնարից աղեղան փառաց հօրն կապարճից նմին պատահեացէ, Եթէ քօղով լուսոյ խաւարականի մտանել ընդ աչս անամօթեացի, կափումն գլխոյն ձորձով պատեցեալ լրմանն ամենից զնա տանջեացէ. եթէ մոլեացի ըզվատահութիւն ձեռինս կապել, եղէգն մատուցեալ ՚ի յաջ գոյացուցին զնա չարչարեալ ըմբերանեացէ. եթէ ձաղանօք այգանման զիս կատակեացէ, տանելն ծաղու ամենազօրին զնա հեգնեացէ. Եթէ բժժանօք ինչ յուսթից կախարդել խորամանկեացէ, ապտակն դիմաց հզօրին աստուծոյ զնա սաստկապէս ամաչեցուցէ. եթէ ՚ի մուտս գիշերային մթութեան խաւարաւ խարէութեան լինեալ մարտիցէ, ՚ի ճառագայթից լուսոյ երեւման քո, տէր, խայտառակեացի. եթէ ՚ի միջօրէական տապոյ փորձութեանցն արեգակնակէզ վասնիչ խորչակին զիս ՚ի յարմատոց խախտել կարծիցէ, ՚ի զօրութենէ նշանիգ լուսոյ խլեալ դօսասցի. Եթէ ՚ի փշմանն շնորհէ ունայն զիս առնել հնարաւորեացի, թուքն զոր ընկալաւ տէրն քրովբէից ընդ մեղաւօրիս զնա պատկառեցուցէ. Եթէ ժանիք խածողք ինձ ցուցանիցէ, լուսթիւն երկնաւորին բերանոյ զնա պասպանձեցուցէ. եթէ խածմունս աղուականս հոգւոյս աղեւացէ, բեւեռացն հարմունք հաստողին բնաւից զնա կսկծեցուցէ. Եթէ յընթացս անիրաւութեանց խորհրդոց զիս մոլորեցուցէ, սեւեռք ոտից անհասանելոյն զնա կապեացէ. եթէ հրապոյրս ինձ գըժնեայս արբուցէ, քացախն ընդ լեղոյն խառնեալ ՚ի յարբումս բարերարին՝ զնա դառնացուցէ. Եթէ առաջին ճաշակմամբ փայտին զիս գտցէ, սոսկալի խորհրդով խաչին ըմբռնեալ ՚ի սպառ պարտաւորեացի, եթէ ընդ վզել ընդ գէմ հնաղանդութեան տեսուն հրամանի զանձն իմ ուսուցէ, բերումն պարանոցի անսահմանելոյն զնա կործանեացէ. եթէ ՚ի մահ սատակման զիս վանեալ վիրաւորեացէ, տուար տէգ զինու

միտերոյն 'ի կող ստեղծչին Ադամայ զնա հերձեացէ . եթէ երկամբք վշտաց դժոխականաց զիս պարփակեացէ , պատանայն կտառ էից ունողին զնա ըմբռնեացէ . եթէ յատակս մահու հայել զիս խարդախեացէ , բնակել կենդանւոյն 'ի վէմն մահու զնա մեռուացէ . եթէ խնդացէ ընդ մարդկօրէնս իմ դայթազղութիւն , կրկին կորասցի կարկամեալ կամաւ , յորժամ անմահն աստուած յարուցեալ փառօք ընդ իւր նորոգեաց զընաւ մահացեալս : Եթէ ընդ լուծանել փոքր կատանաց հազարամէից բերկրեցի , դողացի կրկնեալ վերստին իսկոյն ընդ վերջին շղթայս անզերծ տագնապին ըմբռնման սաստկագունի յանվախճան տանջանաբանին : Եթէ ընդ առաջին հարուածն դժուարեցի , գոյժ կորստեան յետնում սատակմանն անշէջ գեհննին , որ պատբաստեալն է նորա և նորին հրեշտակաց , նմա պատմեցի , որ յաւուրն մեծի մեծին ատենի :

Յ. Իսկ ինձ ազաւինելոյս 'ի քեզ տէր Յիսուս , միայն թագաւոր ինքնակալ զօրեղ , արարիչ երկնի և երկրի և ամենայն զարդուն որ 'ի նմա , որ դալստեանդ քոյ ակն ունիմ և ողորմութեան վրիչիդ սպասեալ յուսամ . 'ի յոտս քո անկանիմ , և զգարչապարիդ հետս համբուրեմ , զպարտութիւնս խոստովանիմ և զմեզանս հրապարակեմ , կշտամբանաց քաբամբք կոծիմ և հառաչանօք սրտիս տապանամ , 'ի խէթ խղճիս խոցոտիմ և բոցով շնչոյս ճենճերիմ , ազի ցօղով արտասուացս այրիմ և երկկամանցս ազգմամբ կիզանիմ , յուսակտուր օդով ցամաքիմ և դառնաշունչ հողմով շիջանիմ , թախանձանաց բանիւս երեբիմ և կողկողազին հեծութեամբ դողամ , տաժանելի կրիւք տուայտիմ և տազնապաւ հողւոյս տատանիմ , 'ի կոծ մրրկաց ծփիմ և 'ի բախմանէ ալեաց ռասանիմ , 'ի լրութեանէ համբաւոյն սարսեմ և յիշատակաւահին կորնչիմ , կերպարանօք ատենին հաղիմ և սպառնալեօք մեծիդ մեռանիմ , լուր բազմազութ , քաւիչ , մարդասէր և երկայնամիտ , քաղցրութիւն անճառ , որ բարի և տիւ տենչալի , Քանզի կարող ես յամենայնի և առ երջնչոյս խոյ վրկութեան մեծի . և քեզ ընդ հօր հողւովդ սրբով փառք յաւիտեանս . ամէն :

ԲԱՆ ԿԷ

ՎԵՐՍՏԻՆ ՏԱՒԷԼՈՒԱԾ ԿՐԿԻՆ ՀԵՇՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. ԲԱՅՑ քանդի յոյժ արդար է բան իրաւանցն Քրիստոսի աստուծոյ առ իս քան առ սկզբնահայրն չարեաց սատանայ . զի վասն նորա յայն սակս յայտնեցաւ , զի լուծցէ զգործս նորին . և վասն իմ՝ զի զհնացեալ պատկերս նորոգեացէ . առեալ զկերպարանիս բոլոր էութիւն կերպին իսկութեան մեծին աստուծոյ՝ միացոյց ինքեան անշուշտ խառնութեամբ . Նորա ոչ են շնորհեալ ՚ի բազմացն , և ինձ զբովանդակն հհեղ առաստութեամբ . վասն նորա ոչ երբէք չարչարեալ , և վասն իմ հանապազ պատարագի . նա անհաղորդ է կենացն , և ես միշտ վայելեմ ՚ի վրկութեանն . նա վանեալ է խաչիւն , և ես զօրացեալ նշանաւն . նա հերքեալ ՚ի լուսոյն , և ես միացեալ ընդ փառացն . նորա ոչ խոստացաւ հանդիստ և յերկրի , և ինձ զերկինս սեպհականեաց . զնորայն կտրեաց զառհաւատչեաց , և զիմն առանց խզելոյ յարակայեաց . զնա յերամակս խողիցն արգել , և յիս ինքն զօրացաւ . զնա կարծաց օրինակեաց , և զիս ճառագայթ նշանակեաց . զնա սողնոց նմանեցոյց , և զիս իւրովն անուամբ կնքեաց :

Բ. Իսկ ես զերախտիսն աստուծոյ լքի զայս քանեաց բարեաց արարողի , և չարին զկնի միտեցայ՝ հայել ընդ նմին յատակս դժոխոց . ահա անարժանս բարեաց , անձիրս երախտեաց , անընդունակս սիրոյ , տոռամբք մեղաց ձգեալս , յերիկամունս խորոց խոցեալս , քանցեալ ծառս արմաւենւոյ , զինիս յեղաչըջեալ , ցորեանս հեղեղեալ , մուրհակս ջրեալ , վճիռս պատառեալ , կնիքս այլակերպեալ , նմանութիւնս փոխեալ , արկանելիքս կիղեալ , ըմպանակս կորուսեալ , նաւս ընկզմեալ , մարդարխոս մանրեալ , ակնս պատուական սուղեալ , տունկս դօսացեալ , նեցուկս՝ խոր-

տակեալ, փայտս ամենեւին փտեալ, մանրագորս աղաւաղեալ, յարկս տասրալեալ, խորանս խարխալեալ, բոյսս արմատաքի խլեալ, ձէթս հեղեալ 'ի դռեհս աղբեւաց, կաթնս հոսեալ 'ի կոյսս մոխրոյ, այրս մահու 'ի յարեաց դնդից: Քանզի միշտ խրատեալ ընդ Նրուսողէմի առաւկաւ Քարերնի 'ի մարգարէիցն ձայնից անձն խ' ողբալի, և ոչ ինչ խրատեցեալ. որ աստէն անդոննեալ եմ և անդէն խայտառակեալ, աստ դարովեալ և անդ կշտամբեալ, աստ ձաղեալ և անդ նախատեալ, աստ թշնամանեալ և անդ յանդ խմանեալ, աստուստ ապշեալ և անդ անօր էքեալ: Աստ հեծումն և անդ հառաչանք, աստ կարծիս և անդ կպտարած, աստ խէթ և անդ հատուցումն, աստ արկածք և անդ հանդէսք դատաստանի, ուր ոչ է բան ի բաւանց և ոչ ձայն պաղատանաց, ոչ թիւք աւուրց և ոչ ելք ժամանակաց, ոչ ուղք յուսոյ և ոչ դրունք ողորմութեանց, ոչ աջ պաշտպանութեան և ոչ ձեռն այցելութեան:

Գ. Այլ դու ապաւինութիւն, դու ինքն վրկութիւն, դու այցելութիւն, դու և քաւութիւն, դու երանութիւն, քեւ բժշկութիւն, քո ողորմութիւն, միայն հզօր, կենդանի, անձառ, աէր Յիսուս Քրիստոս բարերար աստուած, օրհնեալ, օրհնեալ և դարձեալ օրհնեալ, ընդ հոգւոյդ քո սրբոյ յաւէտ բարձրացեալ 'ի վառս հայրենի խութեան մեծիդ յաւիտեանս յաւիտենից. ամէն:

ԲԱՆ ԿԸ.

ՎԵՐՍՏԻՆ ՅԱԼԵԼՈՒԱԾ ԿՐԿԻՆ ՀԵՇՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՄԲ ԸՆԴ ԱՍՏՈՒԾՈՅ

Ա. Եւ արդ 'ի յիշատակ ահարկութեան վերագրեցերցդ՝ որք յաստուածուստ են սղառնալիք ինձ ժամանեցեալք, զիմորդ դադարեցայց 'ի նորոգ ողբերդութեանց, և կամ ըրպէս զյամարումն առցէ հեղեղք արտասուացս:

Զի եթէ զչորեքվտակեան առաջս դետոյդ յորդահասան ծաւարմանցդ՝ որ զՅդեմ՝ և զերկիր առ հասարակ ուռողանեն՝ լիտպէս բաւականութեամբ բաշխեալ ամենայնի, և ըզբղխումն ելից իւրեանց առ աչս խմեդեալ, զանձինս մեզաց սաստիութեան զբոց զովացուցանել ոչ բաւականասցին։ **Ե**ւ կամ մարդարէին սրբոց ըղձականութիւն կրկին ինձ լցցի գլուխս ջուրց բազմութիւն, և ճրագարան տեսութեանց կերպիս՝ աղբերց կայլակմունք, զբեկման ողուոցս չափել զվտանդ ոչ ձեռնարկեսցեն. և ոչ եղբրականք ջայլից համօրէն բանահիւսից կանանց լալականաց ՚ի սիրտ և յողի վիրաւորելոց՝ զաղէտ վտանգիս ՚ի յերդ արկանել և կամ ՚ի նուազս ձայնից բերել։

Բ. **Ի**մ է օրն լինելութեան նշովեալ, և ոչ Յորայ կամ Երեմիայ. քանզի տօնելի է օրն նոցա, զորոց մի ՚ի նոցանէ ոչ արժէ աշխարհ, և ոչ տարագրելի. ապա ուրեմն զիս նկատեալ եղեալ զոչ արժանիս լուսոյ և կամ միոյ մասնաւոր բարւոյ, զհանդիպումն աւուրն անիծին՝ յորում ես գտայ կորստեան որդիս և մահու դրացիս, մշակս մեղաց և արբանեակս անօրէնութեանց։ **Ո**ր ոչ կացի յուխտին կենաց՝ զոր դու սահմանեցեր, աստուած բարբար. ոչ դրնացի ՚ի քո պատուիրանն կենդանական անմահացուցիչ, ոչ վաստակեցի ՚ի հունձս արմատեացն, որով ՚ի մուտս ձեանն աւուրցն խռովութեան կերակրել պատրաստեցայց. ոչ կառուցի ամբութիւն որմոց և ոչ ձեղուն յարկաց ձգեցի, որով ՚ի շնչմանէ միրկաց օդոց պահեցայց. ոչ համբարեցի նշխարս պաշարաց ՚ի յուղին աննդրական, որով զտագնապ սովոյն խմբձկեցից. ոչ հանդերձաւորեցի քեզ աղերս աղօթից, որով առաջի քո կալ համարձակեցայց. ոչ կազմեցի թոշակ վերկութեան վարուց մաքրութեան, որ զնորսդութիւն ինձ երաշխաւորէ. ոչ ետու զընտրութեան հաշիւն ՚ի կենցաղոցս ճանապարհի՝ իմոց մասնչին, զի ՚ի դատաւորին ձեռանէ աստէն իսկ վրժայց. ոչ լրութեամբ ձեռին օրհնութեան մատեաց յանդիման, որով օրէնսդրին մասնակից գտայց սրբեցեալ։ **Ո**չ դիմաց ետու զգուշութիւն և ոչ թիկանց պատասպարութիւն, ոչ աջոյս խմղնուորութիւն և ոչ ահե-

կիս պարածածկութիւն, որով 'ի պատերազմիս վտանգէ զերծաց. զերիվարս ոչ զգեցուցի զրահիւք, և ոչ զմարտիկս սպառազինութեամբ, որով զճակատն յարդարեցից. Զկանուխն ոչ կատարեցի պտուղ, և անազանին ոչ ժամանեցի, և ահա տարակուսիմ ունայն 'ի բարեաց. մաքրութեան ծաղիկ ոչ ունիմ և ոչ իւղ ողորմութեան, և զիշերոյն մուշլաննչոյլ. 'ի նիրհունն մահու ննջեալ եմ, և տաղնապ կոչողին փողոյ ստիպէ. զզարդ հարսանեացն կրկին մերկացայ, և զձէթ վարուցն վերստին լքի, և դուռն մտին հարսանեաց աւասիկ փակի.

Գ. Եւ արդ զիսրդ առից մխիթարութիւն այսքանեաց վշտաց, և կամ ընդ ո՞րքանեաց տարակուսանաց խաւարի՝ լուսաւորութիւն յուսոյ կենաց խառնեցից, և կամ ս՞ր արդեօք զգարչապարս ոտին կառուցից, և կամ յո՞ր վստահութիւն զաչս իմ՝ յառեցից, և զի՞նչ անդորրութիւն ծփանացս նկատեցից, և կամ յո՞ր ըզձական գիւրութիւն ձեռն համբարձից. Զի եթէ 'ի ձեղուն բարձրութեան երկնի, անտի անձրեւեաց հուրն սողոմայ, որպէս ասացեալ է. իսկ եթէ յատակ խորութեան երկրի, սա եբաց զիսկորդն ըմբրնսողական և եկուլ զՊաղան բանակօքն Աբիրօնի. Եթէ յանդգնեցայց փախչել յունողէն, գուցէ կալցի զիս վիշապն ահազին. Եթէ ընդ գազանս ինչ թափառեցայց, արագունք են խնդրել զվրէժ ստացողին առաւել առ իս քան երբեմն զԵղիսէին առ մատաղ մանկունս բեթեղացիս քրքմորդիս. Եթէ յամենատարած օդոյս պարզութիւն, այն եղև եգիպտացուոցն խաւար շոշափելի. Եթէ 'ի թռչունս բարձանց, նոքա են կոչեցեալք 'ի սպանդն զոհին բոսորայ գիւտկանցն. Եթէ 'ի տկարսն խիղախեցից, վատնիմ 'ի պիծակացն, և զի՞ պիտոյ են ինձ առիւծունք. Եթէ յարջոցն պատառողաց ապրեցայց, մթիւսքն արեան ծարաւիք ինձ պատահեցեն. Եթէ յանհոգս ուրեք նստիցիմ, մթղուկքն անարգագոյնք՝ իբր ցնցուզս հրոյ եռացման զինեւ մաղեսցին. Եթէ յեղջերէ միեղջերոյ փախնուցում զերծեալ, նկուն ճիրանք ազկազկայ մնոյն մարմնքողաց՝ զիս կեղեքեցեն. Եթէ 'ի սենեակս շտեմարանաց խորչից զօղեալ

ամիսիցիւմ, տաղտիատեսակ գարշու թիւն գորտոցն՝ մեզաց օրինակքն զիս զազրացուցեն. **Ե**թէ 'ի վայրս ինչ անդատ տանաց կացեալ զեռեղեցացյ, շարք շանաճանճոցն տարմից զինեւ սպատեացեն. **Թ**ողում ասել զխառնիճն և զջորեակն զզօրն զօրաւոր ընդ թունաւորն թրթուր և ընդ անկենդա նական երեւիլն, հանդերձ ջրակարծ կարկախն և սպակա նազործ եղեմամբն. որ առ աչաց տեսիլ ապագէնք և նուա տագոյնք, բայց 'ի յակնարկելն աստուծոյ յաւէտ դողա ըստ ուժգնութեամբ հարին հանին վանեցին զհպարան ամ բարհաւաճութիւն **Փ**արաւօնի բռնութեանն բուռն գաւա զանին՝ յալթող վիճակաւ. որ են կերպարանք թաքուցելոցն կրից լլկողաց անձնականացն աներեւութից եղիպտացուցն անօրէնութեանց՝ յոգի տանջողաց՝ զազունի վնասողաց.

Կ. **Ա**յլ գու ամենազօր արարիչ բնաւից տէրգ բոլորից, 'ի յատելիսն հանդիսացիր հերքել զնոսա. և ինձ ողորմեա կրկին գթութեամբ ձեռն մատուցեալ վրկութեան տա ըստ հոսեցեալ կոչկոճեալ վարանեալ 'ի մահ սպարտերցս. **Զ**ի գու միայն ճանաչիս աստուած փառաւորեալ միշտ ընդ հօր հոգւովդ սրբով յաւիտեանս յաւիտենից. ամէն.

ԲԱՆ ԿԹ.

ՎԵՐՍՏԻՆ ՅԱԽԵԼՈՒԱԾ ԿՐԿԻՆ ԼԵՆՈՒԹԵԱՆ ՆՈՐԻՆ ՀՄՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԻ ԸՆԴ ԱՍՏՈՒԾՈՅ

Ա. **Ե**թէ արդ, վասն զի 'ի ձեռն մեծիդ և ամենահնար արուեստաւորիդ խն եղանութեան տեառն և աստուծոյ՝ իբր 'ի քրոցս ընտրութեան փութոյ քոյ սիրոյ հանապաղ եւ աւամ և ոչ երբէք սպարդիմ, միշտ խառնիմ զուզիլ և ոչ ևս միանամ, ահա զուր արծաթագործդ երկնաւոր իմ ճար տարապետ, 'ի սնտոխ վաստակեալ առ իս աշխատիս, ըստ մարդարէին յայտնի առակի, և չարութիւնս իմ ոչ հալեցաւ. զբր ինձէն մոլեալ չարաչար՝ իբր զխեղագար դիւա.

բախ իմն սղորմելի յանդգնեալ անկարգս խօսիմ՝ զիմն ըզ պարտիս անկեցուցանել, քան հաշտութեան հնարս ինձ այսու կազմել. Եւ զի մի անընդել գիպուած և անկիրթ պատահումն և անհաւասար հանգիստումն՝ պատրաստութիւնք հանդերձելոց տանջանարանացն ինձ երեւեցին, ամենեւին անմուտց պահեաց աստտին ՚ի յիմում մարմնի նշխար մնացուածոց նախնումն անիծիցն. զոր ՚ի փոքուէ տարբէ անարգէ զմեծն է ուսանել.

Բ. Քանզի խաղալն ինքնաբերական գիւտք որոյնցն՝ բոտոսք ճապուկք շարժողականք և ազգի ազգիք, որդունք աղեաց գաղտնակուրք, խաղաւարտք հրակայծակք և բիծք բոցակիծք և անիծք անկերպաւորք և երամակք ոմանք քրտնածինք զազրաթորմիք կսկծեցուցիչք և մարմնաջողականք. Ասպատակք այլոց վայրենեաց, ըստ նմանութեան գիւաց գիշերամարտից և մեկնազէն բարբարոս գնդից խաւարասիրաց, և գաղանտութեամբ քանասար գայլոց արբացւոց, կորակոր գնացիւքն, արջնաթոյր գունդն, կրկնասպարոյր կուսածագ կտցաւն, որ զօրէն ունի խայթոցաց կարծի, իբր գժնիկ վշտիք խոցոտեալ ծծենն ձգենն զարեանն խոնաւութիւն, և յանկողինս մահճաց հանգստեանն վաստակս կրից ցուցանեն. Եւ կարկառեալ ուրուք ձեռն՝ հատուցանել զհատուցումն նոցա նոցին, վաղվաղակի զգան զվնաս վտանդին՝ զոր ազդեն մարդոյն. և անդէն խկոյն լերկամարմին փոքր հասակաւն՝ իբր թեւօք իմն թռիչս արձակեն, և ըստ մարախի ձեւոյ ոստոստեալ այսր անդր տարաբերին. և ըստ բաղմնապատիր նենդութեան բարոյից դաւող աղուեսուց՝ խորամանկեալ խուսափեն ՚ի պատուածս բաղում ելլոյ, զի յերկիւղէ մահուն ապրեացին. Եւ այնքան չքոտի և անքատ անձամբքն ոչ միայն զուամիկան և զխառնիճաղանձս, այլ և զթագաւորս հզորս և ահագինս վախուցանեն հաննն տարազրեն ՚ի դատիկոն յարկի ասարանիցն բարձրութեան, և կամ ՚ի բացի բնակեցուցանեն. քաջք արանց արեաց, որք իշխեցին ամբոխից և տիրեցին ժողովրդոց և առին գրաղաքս ազգաց, զպարտութիւն իւրեանց զօրաւոր ձեռինն ինք.

եանք վիպեն, թէ քանզի ոչ կարացաք 'ի դիմի հարկանել վեհիցն բռնութեան, վասն այնորիկ խոյս տուեալ հասաք յայն տեղի :

Գ. Եւ զի՞նչ է ինձ զիտքունց և զանկամից ծաղրակաւնաց ոմանց դոյութեանց 'ի կիր արկանել, որք զօրեղ և անհերքելի ջատագովք են աստուածութեանն՝ յիշատակել ինձ զհանդերձեալսն, որք 'ի մարմնոյս անօրինեւոյ ընծային պտուղք դառնութեան : Ընդ որս և եկամուտ սատակականացն ախտից դիւտք, և կերչացն կոյտք անողոքելիք, յորոց չէ զերծանել, քան թէ հարկաւ մարմնոյն վտանգի զապագայիցն սոքօք իմաստասիրել. և ոչ տեղի է գտանել ապաստանի՝ վտխտեամբ անկանել առ նոսա, այլ առանց կամաց քումդ ակնարկութեան և մարդկային կարք և հնարք վրիպեցան : Իսկ դու, բարերար, զամենայն ունիս բաւականապէս զկենացն հնար՝ եթէ կամեցիս վրկել, նորոգել, քաւել, բժշկել և կենադործել. և քեզ փառք յամենայնի յաւիտեանս յաւիտենից . ամէն :

ԲԱՆ Հ.

ՎԵՐՍՄԻՆ ՅԱՒԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՄ ՄԱՂԹԱՆԱՑ ԲԱՆԻ

Ի ԽՈՐՈՑ ՍՐՏԻՅ ԽՕՍԻ ԸՆԴ ԱՍՏՈՒԾՈՅ

Ա. Ե՛ր քանզի համբարձեալ զընթացս բանիս 'ի փոքունց աստի երկրայնոց չհամարեւոյ ընդ դոյս եղելոց՝ 'ի մեծագունիցն տեսակս, ասացից զտօնելի հանդէս իրաւանց աստորին անաչառութեան : Որ զի թէ մերձաորագոյնք իցեն աստուծոյ իբրեւ զնախածանօթ հայրապետութիւնսն, և կամ մաքրագոյնք որպէս մարդարէսն, կամ անբժաղոյնք իբրեւ զառաքեալսն, կամ ընտրելագոյնք որպէս մարտիրոսն, եթէ ոչ դու մարդասիրեցես աննուազ բարիդ և անխոփոխ խնամակարութիւնդ և անպակաս ողորմութիւնդ, ընդունայն է ինձ վրկութիւնն առ 'ի նոցանէ :

Բ. **Զ**ի եթէ առ նոյն ինքն **Ա**բրահամ ձայն արձակիցեմ, իբր ողորմագին առակ ընչեղին ինձ վարդապետէ, 'ի տապոյ անտի պապակեալ, կաթի միոյ ջրոյ ոչ բաւականանայ. քանզի և նա փակեալ է ընդ կարեօք հասարակաց անհնարութեան. **Ի**սկ եթէ առ **Մ**ովսէս, և նա զգածեալ է արկարութեամբ, որ ոչ զօրեաց առնն փրկութեան, որ ըզհայթայթանաց կրկուտն 'ի պահպանութեանն աւուր ժողովէր. **Ի**սկ եթէ առ **Ա**հարոն, և նա ինքնին իսկ կարօտացաւ մաղթողի. **Ի**սկ եթէ առ **Դ**աւիթ, 'ի մէջ բարեացն առաւելութեան ըստգտեալ է և նա. **Ի**սկ եթէ առ **Ն**ոյ և **Յ**օբ և **Դ**անիէլ, զայս **Ե**ղեկիէլ մարգարէ մեկնեաց յանուանէ իսկ յիշատակեալ զնոսա, և զայն ընդ նոսին իբր 'ի դիմաց աստուծոյ աղդեալ, կենդանի եմ ես ասէ տէր, թէ ոչ ապրեցուցեն զուստերս և զդատերս իւրեանց 'ի բարկութենէն որ հասանիցէ, բայց եթէ ինքեանք միայն ապրեսցին. **Ի**սկ եթէ առ **Պ**ետրոս վէմն հաւատոյ, 'ի քումդ խնամոց խուն մի խիթացեալ և նա ընդ կրիւք իմն գրաւեցաւ. **Թ**ողում ասել զբազմացն գումարութիւն խոնարհեալ առ կարիս կարիս, թէ և յաւէտ երջանիկք իցեն. ընդ որս և **Յ**ովսառոմն մարգարէի 'ի մէջ աստուածառաքն սպասաւորութեան մարդկօրէնն գայթակղութիւն՝ մնայ յոլովից անթարգմանելի, թէ և 'ի դէմն իմն մեկնութեան ձեւակերպեսցի.

Գ. **Ե**ւ քանզի չափեալ սահմանեցաւ զօրութիւն փրկութեան մարդկան, և ցուցան նոքա ողորմեալք բարերարիդ և զօրացեալք ամենակալիդ, կոչեցեալք պաշտպանողիդ և քաւեցեալք հնարաւորիդ, շնորհեալք ազատեցուցչիդ և բժշկեալք անախտականիդ, կենադործեալք անպականիդ և լուսաւորեալք նորոգողիդ, այսուհետեւ գիտացեալ ըզսակն որքանութեանց հողածին ընութեանս, որք մխիթարեն օրինական նմանաբար հարազատապէս վատահութեան յուսահատելոց, ահա առ քեզ դիմեցից՝ որդի աստուծոյ կենդանոյ Քրիստոս օրհնեալ յամենայնի. **Մ**անաւանդ զառակն ազգակից այսմ մաղթանաց աստանօր յիշեալ, ըզվերագրելոցդ բան վերսաին արդարացուցանէ. բարի է, ըստ իմաստնոյ ումեմն երջանկի, անկանել 'ի ձեռս տեսուն,

և մի՛ ՚ի ձեռս մարդկան . զի որպէս մեծութիւն նորա , և ողորմութիւն նորին . Եւ այս բան թէ և զՔաթիկոսին իմն գծագրէր , որ զերեքմանեան հարուածն աստուածեան առաջի եղեալ ընտրեաց ինքնին կամուորաբար զդատակնիք մահուն աստակման՝ իրր զկենդանի Քրիստոսի հաւատոցն յաճախութեամբ , քան զերկունս և սյլ փոքրկունսն՝ որք տանջենն և ոչ ողորմին . սակայն և իմն օրինակութիւն բանիս պատկերի ճարակեցեց ճնարս կենաց կորուսեալս անձին՝ ոչ է այլայլեալ յարմարութենէ . զի ոչ եթէ զփրկեալսն նուաստացուցանեմ ՚ի մատենի այսր ողբերգութեան , առանց որոց ոչ է մատչել առ տէր , այլ զփրկողին անունս պակեմ , և զչնորճ նորին առ ամենեւին բարեհոգակեմ , և զընառն բարձունսն ՚ի թուիչս վարուց խոստովանիմ՝ բանիս պայմանաւ յաւէտ կարօտեալ ողորմութեանն գեղոյ .

Գ. Ահա դու կեանք , դու փրկութիւն , դու բժշկութիւն , դու անմահութիւն , դու երանութիւն , դու լուսաւորութիւն . արա ինձ անդորր ՚ի մեղացս աշխատութեանց , զի և քեզ լիցի հանգիստ ՚ի մշտադատս հեծութեանց՝ ձանձրացուցիչս թախանձանաց . որ ոչ այլ իւիք , քան թէ փրկութեամբ մարդկանս պարարիս , օրհնեալ յախտեանս . ամէն .

ԲԱՆ ՀԱ.

ՎԵՐՍՏԻՆ ՅԱԼԵԼՈՒԱՆԻ ԿՐԿԻՆ ՀԵՆՌԻԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՅ ԽՕՍԻ ԸՆԴ ԱՍՏՈՒԾՈՅ

Ա. Ե՛ր քանզի երջանիկքն և վառաւորեալք սրբոցն պարք , յորոց ոմանք գոյլն ինչ զթեցին և յաճախագոյնս հաստատեցան , փոքունս սասանեցան և մեծագոյն վառմամբ նշուլից հոգւոյն մաքրութեամբ լուսաւորեցան . յորոց մինն զզանգուածոյն յայտնէ զհասարակաստեղծն տկարութիւն , իսկ միւսն զգերազանցն քան զընութեանն օրէնս , վարս և առաքինութիւնս հրեշտակականս . Եւ արդ նորա

որ օրհնեալքն են յամէնիշխան բերանոյ աստուածութեան հօրն Քրիստոսի, ընտրեալքն տօնեալքն խնկեալքն և բարերանեալքն, իբրև զանդամս Քրիստոսի պաշտեցեալք, և իբրև զօթեւանս հոգւոյն սրբոյ յարդարեալք, յորս չիք ինչ նշմարանք և կամ դիւտք խաւարի, այլ ամենեւին անկեղծութիւն և լուսաւոր արդարութիւն, և որքան մարթէ ըզմարդն այ՛ այ՛ նմանեցուցանել: Երեսք պարզք և անպակառելիք, կրօնք բարձունք և անխոնարհելիք, կեանք զգաստք և անստղտանելիք, պաշտօն առ աստուած կարծր և անփոխարկելի, ընթացք արիականք և անկասելիք, ճշմարտութիւն միատարր և անցնդելի, դիմագրաւութիւն զօրեղ և անհերքելի, տեսաւորութիւն պայծառ և անապշելի, իմաստասիրութիւն վերնական և անկոխելի, պատկեր մաքուր և անաղարտելի, Զորոց կերպարանս և զյիշատակս անուանցն աղաչել՝ աստուած իսկ վարդապետեաց, և նօքօք հաճութիւն ՚ի մէջ խռովութե արարչիդ բան լուսաւորեաց,

Բանք պանծալիք հաշտեցուցիչք աստուծոյ

Բ. Այլ ես անպիտանս յամենայնի, և որքան բան զօրէ պարտաւեալս, որ մինչդեռ արթունս եմ՝ նիրհեմ, մինչդեռ զգաստ երեւիմ՝ թմբրիմ, ՚ի բարեպաշտելս իմում գայթակղիմ, մինչդեռ աղօթեմս՝ և վրիպիմ, ՚ի յընթանալս իմում և կասիմ, յարդարանալս իմ և մեղանչեմ, ՚ի խաղաղանալս իմում ամբոխիմ, մինչդեռ արշաւեմս՝ առ ՚ի յետոյսն հակամիտեմ, ՚ի չուեմն իմում՝ ընդ կրունկն դառնամ: Ընդ լուսոյն մասին և խաւար յարեմ, ընդ քաղցրութեանն ճաշակ՝ օշինդր խառնեմ, ընդ կուղս բարեացն՝ չարիս հիւսեմ, ընդ կանդներն և կրկին գլորիմ: Ծաղկիմ և ոչ պողաբերիմ, ասեմ և ոչ առնեմ, խոստանամ և ոչ կատարեմ, ուխտեմ և ոչ վճարեմ, կարկառեմ և անդրէն ամփոփեմ, ցուցանեմ և ոչ ընծայեմ, մերձեցուցանեմ և ոչ մատուցանեմ: Ի ճարակել խոցուածոյս անդրէն վիրաւորիմ, ՚ի հաշտեցուցանելն՝ վերստին խռովեմ, զուր հանդիսանամ և իրաւամբք պարտաւորիմ, գրիմ և իսկոյն եղծանիմ, նաւեմ և

'ի դիժն թուլանամ, սկսանիմ և 'ի հանդիսան ոչ ժամանեմ, Կարգիմ և դարձեալ սասանիմ, լնանիմ և կրկին հեղում, շարունակիմ սաս' և անդ 'ի ստորեւս հոսիմ, բարդիմ և անդրէն տոչորիմ. Հիմն արկանեմ և ոչ գլխաւորեմ, սակաւ փաստակիմ և բիւրս վատնեմ, դոյզն գանձեմ և անթիւս սպառեմ, զայլս խրատեմ և ես ինքն անխորձ եմ, միշտ ուսանիմ և երբէք 'ի ճշմարտութիւն գիտութեան ոչ հասանեմ. **Չ**չիջեալ շարխն նոյնչափ արծարծեմ, սուղ ինչ քաջաբերիմ և առաւելապէս լքանիմ, լարիմ և իսկ և իսկ առնմին մեղկիմ, զայս կարկատեմ և զայն պատառեմ, խլեմ զեղիժն և տատակ անկեմ. **Ը**նդ ամբառնայն և այսրէն բերիմ, մտեմ 'ի բոյնն ազաւնի և անտուտ ազուաւ ելանեմ, գամ սակաւ մի սպիտակ և սրանամ դառնամ բնալին սեւացեալ, ասեմ զիս քեզ դաւանել և սպանողին նուիրիմ, ընդ յանդիման լինելն և թիկունս դարձուցանեմ: **Մ**աքրիմ և այլ միճոտիմ, լուանիմ և նովին զաղբանամ, կերպարանիմ զՊատիւն և գործք զՍառուզայն կատարեմ, շրթամբք ճըշմարտեմ և ստեմ երիկամամբք, աջովս մատակարարեմ և ահեակ կողմամբս աւերեմ. **Ը**նդ երկրագործութեան ցորենոյն՝ որոմն սերմանեմ, 'ի բարձրագոյն խնաստիցն 'ի վայր իջեալ, ես ինքն գտանիմ: **Հ**րեչտականամ յերեսս և 'ի խորհուրդս գիւանամ, 'ի յոտս հաստայտիմ և 'ի միտս տատանիմ, սուտ ձեւանամ և իրօք խտտորիմ, կեղծաւորիմ արգար և արդեամբք ամբարչտեմ, **Պ**ասիմ 'ի պարս հեզոց և ընդ այսս կաքաւեմ, 'ի մարդկանէ գովիմ և 'ի տեսողէդ պարսաւիմ, 'ի հողածնելոցս երանիմ և յորդուոցն լուոյ աւաղիմ, հաճոյանամ յետին ուամկին և թագաւորիդ մեծի յաչաց ելանեմ. **Չ**ատեանն դատաւորին թողեալ, խառնակրօնիցն աղերսեմ. հերքեալ 'ի վնհիցն, սոսկականացն սպրդիմ. մարմնովս արտաքուսս պճնիմ, և անձամբս երփնիւ ճային ճանաչիմ. հպաւորիմ դաշն հաստատել, և ուխտակորոյս արտաքս մերժիմ. **Ս**յսօր մաքուր հողեկիր, և վաղիւ մոլի խելագար. զտէրունի պատուէրն լքեալ, թեւ լաղբութեան օձին հետեւիմ: արխանամ զօրապէս, և վտտթարագոյնս ընկրկիմ. զժանրութիւն աւուրն բառնամ, և

'ի ժամ վարձուն անմասն ելանեմ'. 'ի բացուստ ճոռան խօսիմ', և 'ի պատասխանատուութեանն պահու պապանձեալ կարկիմ'. 'ի յերս արեւուն հարուստ երեւիմ, և ընդ երեկս ունայն դեգերիմ. Յաթոու ծերոց բազմեալ, և խեղցեղից կցորդիմ. ննջեմ խեթիւ, և արհաւրօք զարհուրեալ զարթնում. Չանդաստանս կամացս չարաչարս հերկեմ, վոյթ խնամով 'ի չարիս, միշտ անառակ սրդիս, անդարձ տարագրեալս, անդղջական զառածեալս, անմխիթար սրբումեալս, ինքնագրաւ դերեալս, մահու և ապականութեան ծառայեալս, անողոքելի տանջեալս, անիրկելի մասնն նեցեալս, անպատուաստելի հատուածեալս, անարժարժելի շիջուցեալս, անկազդուրելի խորտակեալս, անհանդերձելի կործանեալս. Եւ եթէ պարտ է զաստիկն աստանօրասել անօրինեալս անձին նախատինս, ահա գրեմ, գրեմ և ոչ անխայեմ զխօիւս նիւթեալ գեհննին. Ստացուածս նախանձու նորոյս Ադամոյ երկնայնոյ, որպէս և Ապէնն առաջին հնոյն և հողեղինին. որ ունիմ զքնաւն աստուստ 'ի յանձին զնչանակ ամբաստանութեանս, ոչ զչնչոյս տուրեւառութիւն, այլ զբանիցս կշտամբութիւն.

Գ. Եւ արդ ո՛ր իցեն փրկութիւնքն, ուր սկզբնահայրն հաւատոց 'ի յուսահատութեանն վայրի զանգթութեանն իմ չարիս կրկնէ, մեծն մարգարէից քարամբք բանից կոչկոծէ, արին բարեփառ աշտէին նիզակաւ 'ի մահ ստտակէ, պատկեր ճշմարտին ընդ Աբարու համայնիւ ջնջէ, աստուածարեալն վեհից՝ յարագողացն վրիժուց մասնէ, մարգարէածին տեսանողն՝ ընդ ամաղէկացւոյն առաջի տեսաւն սպանանէ, նախանձաւորն աստուծոյ երկնատեղաց բոցովն վասնէ, ստուերին լրումն և նորոյս սկիզբն՝ հեծանողին ընտրութեամբ հոսէ, պետն առաքելոց ընդ Սափիրայի 'ի կենաց զբաւէ, զարմանալին քննութեամբ հողւոյն՝ բուրումն ինձ մահու ընդ կենացն քարոզ խառնէ. Արդ անաչառք և ինձ կաճառք երջանկացն, և ուժգնութեան հրամանի վերնոյն արի սպառազէնք. ընդ հրեշտակացն և մարդիկ, ընդ տիեզերաց երկրի և տարերք, ընդ անդգայիցն և չարժողականք, որովք դատեալ միշտ լինիմ տուժիւք լկանաց յօ-

րինակ և յիշատակ սոսկալեացն ապագայից . իբր հոգմով
 փոթորիկի ալեաց յաւէտ մրրկեալ կենացս վատահուծիւն ,
 մնայ անկայուն 'ի հաստատութեանց , **Զոր** եթէ ոք իմաս-
 տութեամբ 'ի քնին առեալ խուզեսցէ զլուղակացն բազմա-
 տեսիլ զանազանութիւն , զմանունս փոքունս ընդ մեծամե-
 ծացն դասեալ , որ առանց թուոյ և քանակութեան համա-
 րոյ թինդս առեալ անբաւ երամոց եռան զեռան սլանան
 'ի մարմնիս ծովու , վկայեսցէ և հաստատեսցէ ճշմարիտ լի-
 նել զասացելոցս բանադրութիւն :

Վ. Այլ դու ինքն օրհնաբանեալ անմահ թագաւոր բարի
 երկնաւոր մարդասէր **Քրիստոս** , աստուծոյ կենդանւոյ միա-
 ծին որդի , հզօր բարձեալ անքնին անճառ քաւիչ ահաւոր ,
 սաստեա 'ի ձմեռն ամբոխեալ ալեաց ոգւոյս ծփանաց , ար-
 ձանացո զծաւալս մրեգին շարժման սրտիս խուլութեան ,
 ընդոտնեա 'ի սանձս կապոյ երասանաց ըմբռնման զցնդեալ
 մտացս վայրագութիւն : **Եղիցի** խաղաղութիւն հրամանաւ
 մեծիդ ամենավարան բքոյս սասանման , սատակեա խափա-
 նեա զբազմազլխեան անդամս ուրուականս գաղտնեաց ա-
 մօթոյս երկրակենցազս հինից : **Գրեացես** աղօթս մշտամա-
 տոցս զայս նորնրժայ տառ ողորմազերս թախծագին ձայնի
 ողբերգարկութեան այսր մատենի . հան 'ի խորոց մահուս
 անդնդոց չքնաղ ապրեցեալ ընդ մարգարէին փրկելոյ . ըն-
 կալ զխոստովանութիւն անձնադատ բանիս 'ի հոտ անուշից .
 շնորհեա մխիթար դառնութեան վշտաց ուժգին հեծու-
 թեան յուսահատելոյս : **Եւ** քեզ ընդ հօր հոգւովդ սրբով
 փառք սպատիւ և իշխանութիւն յաւիտեանս , ամէն :

ԲԱՆ ՀԲ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՄԻ ԸՆԴ ԱՍՏՈՒԾՈՑ

Ա. ԱՅԼ ահա ձեզ ասեմ , ով եկեղեցիք միանձանց և
 աշակերտութիւնք կրօնաստանաց , որք մերկամարմին մա-

տանցդ ձեռօք առ ակնկալութիւն յուսոյն սարգեւաց բարեացն անբաւից տեառն զինուորեալք, որոց զայս սեղան հանդերձանաց խորտկաց բանից ընծայեցուցի, ընկալարուք զայս աւանդութիւն խոստովանութեան 'ի շինուած փրկութեան հոգւոց, Մաներուք սովիմբ զմարմնոյս պարտութիւն, յիշեցէք զմարգարէականն ընդ առաքելականին առեալ մեզ 'ի խրատ, զի մի պարծեսցի ամենայն մարմին առաջի աստուծոյ, և զոչ ոք է արդարն և ոչ մի, Չաէրունականն մի մոռանայք, 'ի կատարածն իսկ պատուիրանին դոզլիք զձեզ ծառայս անպիտանս, մի եղիցի լինել ձեզ որսք խարողին, զգուշացարուք և դրոյն, թէ կերակուրք նորա ընտիրքն, Քանզի և ես իսկ, որ զայս նուազութիւն մասնաւոր պտղոյ ձեզ ջամբեցուցի, վկայեալ զանձնէ կամաւորական ստգտանք բիւր բամբասանաց անբժշկական մեղանաց, 'ի սկզբնահայրն սկսեալ մինչեւ 'ի սպառումն ծննդոց նորա՝ կամայականն յանձնառութեամբ հաստեցի եդի զիս ամենայնիդ պարտական չարեաց,

Բ. Լուայ յումեմնէ ոչ պարտաւորէ, և ոչ հաճեցայ, 'ի յասելն նորա անյարմարապէս առ այն, որոյ առաջի ոչ է արդարանալ մարմնոյ երկրածնի, թէ ոչ երբէք շնացայ, ոչ պոռնկեցայ, և ոչ զաշխարհիս ինչ համբուրեցի ճաշակս մահու, Այլ ոչ ընդհատ ինչ յանօրէնութենէ, թողցէ նմա տէր աստուած զայսոսիկ, թէ և ճմարտիւ իսկ գրեցաւ, ոչ ընթացաւ, որքան թէ գթեաց, 'ի յասել զանյարմարսն 'ի դիմաց ժողովրդեանն Խորայէլի բանիւ Չաքարիայ, օրհնեալ տէր, և մեծացաք, որ է փարիսեցւոյն ձայնի կերպարան, Բայց ես քանզի գիտողին աստուծոյ մատնեալ եմ դատաստանի, որ զկիրս աներեւութիցն մտաց 'ի կշիռս եդեալ՝ համարի դատել զիս նոքօք ամենիրաւ հատուցմամբք, ոչ կերպարանեցայց տեսողին, ոչ կեղծաւորեցայց քննողին, ոչ ստեցից զոչ գործեցեալսն նկատողին, ոչ խարէութեամբ ընդ միտ ինչ մտից մեծին, ոչ 'ի տեսիլ բարւոյ ցովութեան զչարս քողարկեցից, ոչ 'ի պատկեր ընտանի զպակարս երբէք յարդեցից, ոչ խենեշեցայց 'ի զարդօտալոտի, ոչ պճնեցայց պլով պայծառութեամբ, ոչ պաճու-

ճանա յարմարեցից տղեղութեանս գեղոյ . Այ ոք մեղաւոր իբրեւ զիս , ոչ ոք անօրէն , ոչ ոք ամբարիշտ , ոչ ոք անիրաւ , ոչ ոք չարագործ , ոչ ոք վրիպեալ , ոչ ոք սխալեալ , ոչ ոք մոլեգնեալ , ոչ ոք խարդախեալ , ոչ ոք շողախեալ , ոչ ոք ամաչեցեալ , ոչ ոք դատապարտեալ , ես միայն եմ և այլ ոչ ոք , ես ամենայնն և յիս ամենեցուն . Ահ հեթանոսք , զի ոչ զիտէին . ոչ հրէայք , քանզի կուրացան . ոչ տղէտք և խառնիճաղանջք , քանզի յիմարք էին իմաստից . Պետ վարժից կոչեցայ յանձինս դատախազ . ռարբի ռարբի անուանեցայ , և զգովեստն առ աստուած եղծի . բարի ասացայ առ եղկութեանն ժառանգութիւն . սուրբ վկայեցայ ՚ի մարդկանէ , որ եմ անմաքուր առաջի աստուծոյ . արդար դաւանեցայ ամենայն իրօք ամբարիշտս . հեշտացայ ՚ի գովեստ մարդկան , զի ծաղր եղէց յատենին Քրիստոսի . յաւազանէ կոչեցայ Արթուրն , և ես ՚ի քուն մահու ննջեցի . ՚ի փրկութեանն առուր Հսկող յորջորջեցայ , բայց զգատութեանն աչս կափուցի . Ահա դատաստան , ահա յանդիմանութիւն , ահա նոր կշտամբանք և հին դատապարտութիւն , ահա ամօթ դիմաց և տագնապ հոգւոյ , ահա խնդիրք փոքունց և կշիռք մեծամեծաց .

Գ . Այլ գու միայն տէր աստուած մարդասէր , անոխակալ և երկայնամիտ , համարեաց մեղապարտս անձին ընդ վերջին պարտաւորութեան առուն ահաւորի զայս կսկծեցուցանող ինքնաբանական նախատինս . Մի լուայց ՚ի քէն զայտոսիկ , զթած , փոխանակ զի ես ինձէն անձինս գրեցի . Արդ բարձցես և վերացուցես զպահ պարտաւորութեան կանոնիս ընդ քեզ կապելոյս տենջանօք հոգւոյս . Հան ըզ նախատինս պատկառանաց խոյտառակութեանս , ծածկես աջովդ կարողութեան զտղեղ տեսակ մարմնոյս մերկութե , մատտ հանգատեան զթոպեալս ուժգին մեղացս բեռամբք , կարգես ինձ սահման հետոց բարութեան առ երս կենացդ , պահես յիշատակ ինձ օգորմութեան և զկնի մահու կեանք ամենեւին , օրհնեալ յերկինս և զովեալ յերկրի , բարեբանեալ միշտ յամենայնի՛ յաւիտեանս յաւիտենից . ամէն .

ԲԱՆ ՀԳ.

ՎԵՐՍՏԻՆ ՅԱԻԵԼՈՒԱՅԻ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍԻՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՄԻ ԸՆԴ ԱՍՏՈՒԾՈՅ

Ա. ԹԱԳԱՒՈՐ բարձրեալ հզօր ահաւոր, օրհնեալ միայն տէր Յիսուս Քրիստոս, քո է փոխարկել յանակնկալս կենաց յուսահատութեան զատակիչ անէծս առ կեցուցանող օրհնութիւնս, զպարսաւանս վհատութեան առ զուարթացուցիչ գոլութիւն: Ընդ ամօթոյն՝ համարձակութիւն, ընդ պատկառանացն՝ պատիւ, ընդ տարագրութեանն՝ յոյս բարութեան, ընդ բաժանմանն՝ ակնկալութիւն միութեան, ընդ սպառնականացն բանից՝ ողբական սփոփանս, ընդ միանգամ դատապարտութեանն կրկին ազատութիւն:

Բ. Ողորմեա, տէր, մահու մեղապարտիս յաւուր արձակման շնչոյս կենդանութեան, մինչ աչացս ողորմողին հայեցուածս ՚ի բարձունս կողկողիցի, զբազմարկածեան ուղւոյն զանգերժ ընթացիցն զանկախելին ճանապարհ յաչս բերելով մտացս տեսմամբ ամենայնիւ վտանգեալ. և ՚ի յերդ բնակութեան յարկիս նկատեալ յելիցն շաւիղ, թըշուառացեալ կիսամեռութեամբ, դիմօք այլայլութեան, տատանմամբ մատանցս, կարկամ հառաչմամբ, նուաղ հեծութեամբ, նրբական ձայնիւ, յոգի թախծութեան յօքնամանեայ տարակուսանաց՝ ՚ի խորոցս աներեւութից ըզգործեցերոցս ողբալով հառաչեմ: Աարող ես, բարեգութ, և անդ հրաշագործել յաւէտ զօրեղութեամբ ասելով, թէ ողջ եղի չիր յողւոյդ խորտակմանէ, և կամ թողեալ լիցին քեզ մեղանք քո, կամ թէ երթ ՚ի խաղաղութիւն սրբեալ ՚ի մեղաց: Եւ զոր յայնմ ժամու ոչ ժամանեցից պաղատել, այսօր ընկալցիս մարգասիրապէս, ով երկայնամիտ բաղմանորհ ամենակեցոյց, Յորժամ, որ այժմս բանապաճոյճ խրոխտաձայն սիղացող բարձրապարանոց, անկեալ դնիմ դի անկենդան, կարկեալ ՚ի խօսից, կաշկանդեալ ձեռօք,

քրեալ անդամք , խփեալ շրթամբք , կախուցեալ աչօք , տախտակ անշարժուն , կօծղ կիսայրեաց , արձան անդգաց , պատկեր անբարբառ , գոյութիւն անշունչ , ողորմելի անսիլ , աշխարելի կերպարան , ողբալի օրինակ , եղկելի գէմք , արտասուելի նմանութիւն , լռեցեալ լեզու , ցամաքեալ խոտ , թօթախեալ ծաղիկ , ծորեալ գեղ , շիջեալ զամբար , գատարկ կոկորդ , խոզանացեալ սիրտ , աղխեալ ազգարան , սպառեալ աղբիւր , թալկացեալ մարմին , ժողխեալ որովայն , քակտեալ աազաւար , կոտորեալ ոտք , բաժանեալ յօգք , հատեալ ծառ , սղոցեալ արմատ , թողեալ տուն , հնձեալ արտ , ստորախուզեալ բոյս , օտարացեալ բարեկամ , մուսցեալ պահեստ , թաղեալ գարշութիւն , մերժեալ ատելի , բարձեալ խէթ , անարգեալ կմախք . և իբր զանախտան առ ոտն կոխեալ , **Կ**արօտեալ սլոց մաղթանաց , որք զհաւատոց թշուառիս ձայնիւ նուագեալ աղերս հառաչման , ցօղով արտասուաց բարերարիդ գթութեան 'ի բարձունս տարածանեն , **Չ**առ քեզ գարձն յեզանակեն արգահատելով , զոր օրհնեմ : զնշան խաչիդ փրկութեան , զոր երկրպագեմ . զյարութեանն ճշմարտութիւն , որում հաւատամ . զփառացդ քո յայտնութիւն , զոր փառաւորեմ . զգատաստանիդ ահաւորութիւն , զոր խոստովանիմ . զբանիցդ յանդիմանութիւն , յորմէ զարհուրիմ . զհոգւոյդ սրբոյ ինձ ուղեկցութիւն , զոր պաշտեմ . զօձմանդ տեառնագրութիւն , զոր և համբուրեմ . զթագաւորեն ընդ քեզ , տէր **Յիսուս** , որում պաղատիմ : **Ա**րդէքաւ մերժեցաւ բարձաւ տրոհեցաւ փախեաւ սրացաւ տեղի ետ կցորդութիւն զուգութեան կենցաղոյս կենդանութեան , և յոյսդ որ 'ի քէն պարգեւ՝ մնացական և անջնշական յիշատակարան պահեցաւ .

Գ. Տե՛ս ողորմութեամբ 'ի տարակուսանս վտանգելոյս . միայն բարեգութ փառաբանեալ որդի աստուծոյ , քաւել բժշկել կենագործել պաշտպանել նորոգել նկարել կանգնել հաստատել , վերստին ստեղծագործել յերջանիկն անարատութիւն . քո է կարողութիւն , քո է վրկութիւն , քո ողորմութիւն . չիք քո անկարութիւն , այլ ամենեւին զօ

բուժիւն, բարձրութիւն, իշխանութիւն, անխախտ Ժա-
գաւորութիւն, խելութիւն, ինքնութիւն, ամենատեղի
բացարձակութիւն, բարեբարութիւն, լուսաւորութիւն .
փառաւորեալ տիրապէս, անպակաս և անյաւելուած,
խնկեալ խորհրդով անթարգմանելեալ Նորրորդութեանդ
սրբում, գոհարանեալ յաւէտ և ևս առ տին 'ի նոյն պաշ-
տօն հաւասարութեան միապատիւ զուգականութեան երէկ
և այսօր և յաւիտենից յաւիտեանս . ամէն .

ԲԱՆ ԷԳ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՍԻ ԸՆԴ ԱՍՏՈՒԾՈՅ

Ա. ԱՐԲԱՅ երկնաւոր, տէր բոլորեցուն, առ ամենայն
բան յամենայնի միշտ երկայնամիտ, աստուծոյ կենդանւոյ
անքնին որդի . Ահա անդ է ողորմելն խակապէս, յորում
հատաւ ակնկալութիւն վաստակոյն . անդ է բարեգործելն,
յորում տեսութիւն իմաստիցն խափանեցաւ . յայնմ ժամու
է մարդասիրելն, յորում տկարութեանն վտանգ պաշարեալ
տիրեաց ներքոյ և արտաքոյ . անդանօր է բժշկութիւն աստ-
ուածային քո ձեռինդ, յորժամ բնաւ անդամոյն տեղի ետ
կենդանութիւնն . այն վայր է այցելութեան, յորում ելք
հնարից ոչ գոյ . Այն է քո մեծութիւն, յորժամ զյուսա-
հատութեան վէրն ողջացուցանես . այն է հարազատ քումդ
աղագակցութիւն, եթէ յանակնկալն ժամու արուեստաւորես-
ցես փրկութիւն . այն է հանդիսարան քում յաղթանակի,
եթէ զփակեալն մուտս կենաց 'ի սպառումն շնչոյս բացցես .
այն են քո շնորհք վայելչականք, եթէ զչարեացս իմոց մուտ-
ցեալ զբարեացդ քո յիշեացես . Յայնմ ես անխակալ, եթէ
ապախտաւորիս ընդ երախտաւորացն ինամարկեացես . 'ի
սոսին ծանեալ գիտացից՝ եթէ նայեցար 'ի նուէր բանիս
նախնի գթութիւնդ, եթէ զսովորութիւն չարեացս բարձցես .

Բ. Յազագու այսորիկ հիւսին բանք և եղանակին նուազերգութիւնք, յորժամ տէրն բարի՝ չարն ծառայի զբարեգործացն պարգեւեացէ. որ մինչ իրաւամբք մնասցէ բանտի, նա յարքայական ապարանս զնա հանդուցէ. մինչ հրաւիրեալ է ՚ի դուք տղմոյ, նա ՚ի բազմականս ամենապատիկս դահուց զբգեցուցանիցէ. մինչ բրելոյ զաչսն դիտեացէ, նա ՚ի բարձրութիւն բերկրութեան հայեցուցանիցէ. մինչ ծայրատութեան մատանցն սպասէ, նա մատանի համարձակութեան մատուցանիցէ. մինչ հայի հարուածոյ գանից, նա գլծոյ դիրկս արկանիցէ. մինչ պատրաստեալ յուսայ կորստեան, նա երեւելի տեսողաց բազմաց առնիցէ. մինչ ակն ունի սատակման մահու, նա ընդ կենացն և փառս ընծայեցուցէ. մինչ հատման գլխոյն նայեսցի, նա զնոյն պսակաւ պայծառացուցանիցէ. **Այս** պտուղք օրհնութեան, գլծած, սքանչելարմատ քում շառաւիղաց. այս արգասիք կենաց արարչականդ քո հրամանաց. այս իղձք խորհրդոյ խոստովանեալդ քո տենջանաց. այս նշոյլք լուսոյ ամենապիտիւդ ճառագայթից. այս ախորժութիւն ճաշակաց բարերանեալդ քո քաղցրութեան.

Գ. Քո միայնոյ են այսօքիկ, տէր, ՚ի քէն աղղեցաւ դրել ինձ զստին. ահա զքոյսդ յատուկ աղերս աղաչեմ, օրհնեալ, ՚ի քոյոց այսի պարգեւեալ շնորհեա. բաց, տէր, զգանձս քո բարիս, ըստ աղերսանաց առակին. **Մի** խառնեացես ՚ի համբարս բարեացդ քոյ ՚ի չարեացն խմոց. մի շտեմարանեացես զատելիսն քո՝ որ են սխութիւնք և ցասմունք, ընդ սիրելիսն քո՝ որ են գլծութիւնք և ողորմութիւնք. մի պահեացես ՚ի ստացուածս քո պաշտելիս զանախորժելիսն քո՝ որ են մլծութիւնք և դաժանութիւնք, և զիմ մնասելիքն՝ որ են մեղք և թշուառութիւնք. **Մի** գրեացես աջովդ օրհնութեան ՚ի մատենիդ կենաց զմուրհակ պարտուց խմոցս անիծից. այլ զանհնարաւորսն ինձ համարեալս՝ մեծացուցես կրկին առաւել զանուն քո տէր ՚ի նոսին, ցուցանել զդոյն ինձ դիւրինս և հեշտականագոյնս. **Շատ** են իմ պարտիքս և անդր քան զթիւ, այլ ոչ այնքան հրաշալիք իբրեւ զքո զողորմութիւնդ. բազում են

մեղանքս , այլ յաւէտ են նուազեալ առաջի քոյդ ներս զութեան . յաճախ են չարութիւնքս , այլ յաղթական են համայնից , հզօր ամենակալ , քոյդ մարդասիրութիւն . ինձ են անհամար խնյս անձին բիծք , այլ քեզ յոյժ գրաւեալ են ընդ սահմանաւ : Աչ են այնքան զօրաւորք առ կենդանութիւն զէնք մեղանաց պատկառեցելոյս պողարերութեան , որքան յիշատակ մահու կենդանւոյդ առ վանումն կործանողին բռնութեան : Զինչ ազդեացէ փոքր խաւար՝ առ արդաստուծոյ , զխաբդ բաւեսցէ դոյզն ինչ աղջամուղջ՝ մեծիդ ճառագայթից . զխաբդ համբարձցի կշռեսցի ընդ խաչի քո կրից՝ խակութիւն հեշտութեան մարմնոյս տկարութեան : Զինչ երեւեսցի յայս ամենակալիդ քո առատութեան՝ կոյտք մեղանաց ամենայն տիեզերաց . ահա կոչտ մի հօղոյ դիւրափխրելի՝ ՚ի կարծրութենէ բախման վանեցեալ , իբր զպղպջակ անձրեւոյ բազմազեղ հոտմար քո կամացդ չքացեալ պայթեալ անդատին : Զինչ պիտոյ են քում զօրութեանդ ամենահնարդ կարողութեան ժամանակաց առաւելութիւն առ յանցուածոց խնոց քառութիւն . ոչ քթթել մի ական , ոչ խուն մի տեսութիւն ածանցական , ոչ սակաւ մի նայեցուած փայլական , ոչ կիսամասնեաց յամբութիւն , ոչ փութացելոց ոտից յեղեղումն , ոչ յելից բարձրութենէ միոյ կանդնոյ կաթի անկելոյ , ոչ գիծ մի չափոյ մտաց հետեւեցելոյ , ոչ նշուղից արագութիւն , ոչ շնչոյ տուրեւառութիւն , ոչ ինչ յայսմ յանդոյ և յանտպաւորական նմանութենէ անձեւ օրինակաց յաւէտ անկայից՝ այնքան առ ժամայնք կամ հարեւանցիկք , որքան եղծմունք , ցնդմունք և հարմունք մեղացս սառնամանեաց պահեստի՝ քումդ զօրութեան , աստուած ամենայնի տէր Յիսուս Քրիստոս , որդի անքնին կենդանւոյդ աստուծոյ : Ար տաս պարգեւես արնւ քաղցրութեան՝ չարաց ընդ բարիս , և անձրեւես երկաքանչիւրոցն անաչառապէս . կշռես սահմանես իրաւամբք և զլտանդս կրիցն հաւասարաբար , որոց մեծէ հանդիսան առ անիկալութիւն պարգեւին , փոքր խթանաւ փորձութեան զտակաւութիւն պարտուցն աստէն վճարես . իսկ որ զերկիր ընտրեցին , ներես ողորմութեամբ ,

տարով և սոցա դարման ընդ նոցա՝ միշտ առ քեզ դարձին ստրասես: Եւ քեզ փառք ամենազօրիղ առ ամենայն հրաշագործութիւն բարեխնամող երկայնամութեան, օրհնեալ յախտեանս. ամէն.

ԲԱՆ ՀԵ.

ՎԵՐՄՍԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՅՍԻ ԸՆԴ ԱՍՏՈՒԾՈՅ

Ա. Եւ արդ ընկղմեալ զմայլեալ և 'ի սպառ ծածկեալ 'ի յանճառութենէ առաւելութեան բազմամասնեայ յաճախութեան մեծիղ երախտեաց, որ ամենառատ լրմամբ աննուազելեալ յաջմէ և յահեկէ՝ 'ի դիմաց և 'ի թիկանց համբարեալ կան անբաւութիւնք:

Գարձեալ առ նմին կրկնապատիկ երկրորդութիւն աստուածային հոգւոյն ազդեցեալ, որ ինչ յառաքելոցն սահմանեցաւ աւանդութիւն՝ առ ամենայն լուսաւորութիւն եկեղեցւոց զաւանդութեան՝ մեկնապէս եղեալ աստանօր: Եւ որ առ անչնչականս նիւթեղէն ցուցանի երանաւոր կերպազրութիւն անճառելի:

Բ. Մասուցանեմ ընծայեմ դարձեալ աստանօր աւանդ դովեաթի դաւանման ճշմարտականի: Չի որպէս երբեմն հերձուածականին չարափառութեամբ ամենապատիրն խաբէութեամբ նենդողին կարթիւն հասուածեալ 'ի բաց հերքեցայ՝ ելեալ 'ի դրախտէն, արդ միաւորականաւս այսու ուղիղ ամբժութեամբ՝ 'ի յաւանդ իսկապէս շնորհի անդրէն միւսանդամ համբարձեալ սովիմբ՝ 'ի թռիչս թեւոց լուսոց ահա յերկինս ժամանեցից հետեւեալ:

Գ. Այլ քանզի յարդանդէն՝ յորում յղացայ հոգեւոր երկամբք ծնիցեալ, զմեծ և զերջանիկ դշխոց անարատ՝ ամենից կուսից իսկուհի՝ զպանծալի մայրն իմ գովելի պարտ է կանոնաւ սահմանի բանի արձանագրել յայսմ մատենի. զի ծանիցի ցուցցի և այլոց ևս ապագայիցն ազգաց պատմեսցի

որ քանութիւն մառառայ խնկելոյն, արժանապէս պաշտմամբ պատուեալ իբր մաքուր մարմին ընդ դիտոյ մարդեղութեան բանին աստուծոյ, 'ի յիշատակ ճառիս հաւատոյ **Յրրորդութեանն** դաւանութեան: **Եւ** արդ 'ի յայս օրինակ հոգենկար պատկերի բանի, որ զխորանէս լուսոյ յարմարի, ընկալ զիս, գթած օրհնեալ, քաւեցեալ և սրբեալ 'ի սմին: **Հան** սովաւ 'ի հոգւոյս զնախատինս մեղացս, անմեղս և ամբիծս ընդ հովանեաւ սորին բաղմեցո, յաւել զտկարս 'ի տունն **Դաւթի**, և անտուստ փոխեալ 'ի տունդ աստուծոյ, ըստ մարդարէին ձայնի՝ որ 'ի քեզ **Յիսուս** ակնարկի: **Մի** սոսկ զմտիցն, և մի անօգուտ զելիցն հետեւութիւն արասցես, մի զհաւատոյս շերմութիւն ցուրտ համարեցիս, և մի զհամբոյր ողջունիս անկարդ ինչ վարկանիցիս, մի զպաշտօնն ապաշնորհ գրեցես, և մի՛ զերկրպագութիւնն անխորհուրդ էքցես. մի անպտուղ լիցի տեսականութիւն պատկերին, և մի՛ աննշոյլ՝ կերպարանին սքանչելութիւն, մի անհուր ողջակիզին սպանդ մոռացի, և մի՛ պատարագ ուխտի այս ճառի՝ արտաքոյ ցրեցի: մի ճաշակդ լուսոյ ինձ մահու լիցի, և մի՛ բաժակ քո կողիցդ արեան՝ 'ի դատապարտութիւն եղիցի:

Դ. Աղաչեմ՝ զքեզ, տէր **Յիսուս** միդ յետութենէդ, որով զգիտութիւն հօր քոյ և հոգւոյդ սրբոյ ճաշակեալ ծանեաք քանդի 'ի քէն իսկ վարդապետեալ զամենապարզեւ կարգս եկեղեցւոյ, և 'ի սմին աղօթանուէր լուսարան կենաց փրկութեան բարեաց, տարածեալ զսիրտս ձեռաց համբարձմամբ զայս կնդրուկ բանի բնակողիդ 'ի սմա տիրողիդ բընաւից երեքսրբենիդ մատուցեալ յաւէժ ընծայեցուցանեմք այսու բարբառով բարեշնորհութեան:

Առ որ 'ի Նիկիայն սահմանեցաւ բան, այլ իմն խորհրդածութիւն աստուածային աւանդութեան,

Ե. Փառաւորեմք վերածայնեալ նուազօք օրհնութեան երգոց 'ի հաւատ պաշտաման բանի զբարեհրաման պատճառն եղերոց **զՅրրորդութիւնն** անսկիզբն՝ անհամեմատ

բարձրութեամբ, անհասական խորհրդոց և անըմբռնելի իմաստից, անզննելի զգայութեանց և անբերելի եղելոց, քանակութիւն վերնականն երկնի և անսահման ներքնային խորոց, լլուծիւն սպառմանց և նախադրութիւն սկզբանց, մի յերկց անշիտթ կերպից, և երկս՝ ՚ի միոյ անհատուածելի իսկութեանց, ՚ի վեր քան զմտաց անարգելութիւն յարածգեալ ամենայն ուրեք բովանդակ. Անխոփոխ բարի, անսասանելի ուղղութիւն, անխառն կերպարան սիրոյ, մեծութիւն անյաջորդ, բարձրութիւն անխոնարհելի, անվատնելի տեսականութիւն, բարերարութիւն աննուազելի, կամք կայուն, հրաման կենդանի, ակնարկութիւն փրկչական, երանութիւն ճշմարիտ, ակնկալութիւն հաւատով, խոստումն անստելի, աւանդ արգասատոր, ստոյգ աւետիս, վերամբարձութիւն անձեռնարկելի .

2. Մի հայր միայնոյ որդւոյ՝ միական հոգւոցն պատուեալ, ամենահարուստ բարութեամբ ամենեւին ունայն ՚ի չարէ, օրհնածայն գոհարանութեամբ անքնին ներբողիւ գովեալ .

Է. Մին բարձեալ ահաւոր անուն՝ համապատիւն կցորդութեանց, անպատումն ազգականութեանց, եռալուսեանն զուգակցութեանց, անյաւելուածն լրականութեանց, ինքնիշխան կամաւորութեամբ պատուասիրեալ առ հայրն հանգունատիպ՝ գործակցութեամբ հոգւոյն սրբութեան խոնարհեալ իջեալ ՚ի յերկնից, աննուազ գոլով յընտանի փառայն, հաճեցաւ մտանել յարդանդ մայրենի աստուածածին կուսին մաքրութեան . յորում անեցոյց զբոյսն օրհնութեան ՚ի լուսասահման անդաստանին անարատութեան . ընդ ամենակատարն էութեան համասնեալ յանանջրպետ միականութիւն, թափանցական խառնութեամբ յաստուածութեանն ոգի բաղկացոյց զգոյութիւն շնչոյս հրաշապէս . Որով անստամբակելի երասանաւ սանձաց կրթութեան զտաճակութիւնս իմ հանդարտեցոյց . և կամաւ ընծայեալ խաչին՝ ամբարձաւ ծաղիկն պտղոյն կենաց ՚ի ծայրս լրութեան անմահականն տնկոյ . ՚ի մահ վիրաւորեցաւ աստուածութեանն անընդմիջելի ՚ի մերասերն մարմնոյ, որով կենսացոյց զգործին պարտեաց, արարչութեանն իս-

կութեան 'ի նմին յաւէտ անբաժանօրէն ընդ նիւթական մարմնոյն վշտացեալ . Իջեալ 'ի վայրս խաւարայլն դժոխոց, եհան զկապուտն իւրատեղծ 'ի կապանաց օցսողին . և իբր 'ի նիրհմանէ քնոյ զարթուցեալ, յինքն նահանջեալ զգիմեցումն մահու, կանգնեցաւ կենդանացաւ աստուածապէս ելեալ 'ի յերկրէ հացն կենաց և հովիւն հօտից բանաւորականաց . Հաւատարիմ եղև յաշխարհի, և երեւեցեալ նոյնութեամբ ամենեւին աննուազելի, որպէս եկն համայն, և համբարձաւ բովանդակ . բազմեցաւ նստաւ 'ի գերունակն դահոյս նախնականին սրբողութեան արարչական փառաւորութեամբ . Չոր խոստովանիմք աստուած բարերար և տէր բոլորից, որ դատի զամենայն երկիր արդար ընտրութեամբ յաւուրն մեծի, որ ինքն է սկիզբն և ինքն կատարած, նոյն առաջին և նոյն առյայտ, անսակաս բովանդակութեամբ թագաւորեալ 'ի լոյս անմատոյց .

Ը . Օրհնարանեմք ընդ հօր և որդւոյ և զանբաժանելի բղխումն նոցին փառակից հողւոյն տէրութեան, որ ստեղծ զբնաւս և կենդանածնէ զամենայն, որ անդատին իսկ 'ի բնէ համապարփակ մթութեան աշխարհական միզի շրջեր նկարէր և կերպարանէր ամենունակ ջուրքն անբաւորութեան երկրատարածն ծովու 'ի կատարումն արդեան խորհրդոյս՝ զտուր աւազանն լուսոյ . Նախ արար և սցծմ դործէ, դոյացոյց և միշտ կատարէ՝ արուեստս, սքանչելիս, նախատեսութիւնս սրբաներոց, ազգմունս աստուածօրէնս, զօրութիւնս զարմանաւորս, մարդարէս, առաքեալս, վարդապետս վարժողս կրթութեան հանճարոյ . Չորբարարն մատուցման արեանն Քրիստոսի յարդարեաց, քառութիւնս անձանց, առողջութիւնս մարմնոց, ըստ նմանութեան Քրիստոսի ողորմութեամբ հրամայեաց . Մկրտեաց և գերքան զջուր, ինքեան միայն բաւականութեամբ նորոգեաց լուսաւորեաց . հանապաղ նովին բարեգործութեամբ զօրանայ . Ակայեաց միածնին աստուածութեանն 'ի հոսանսն Յորդանանու, օրինակաւ տեսութեան ամբոյ ցուցաւ ձայնիւ հօր 'ի լերինն թախորական . Ի նոյն տիպ նմանութեան հովանի եղև յախրեան տոհմին 'ի յերլնն Ագիստոսի . յու .

դէ գնացու թիւն զօրավարութեանն Մովսէսի՝ հողմով սասա-
կութեան զՓարաւոն ընկզմեաց . Քահանայս կատարա-
գործէ , խնաստունս կազմէ , թագաւորս զօրացուցանէ ,
քառութիւնս ընձեռէ , կեանս շնորհէ մահացելոց 'ի նորո-
գութիւն յարութեանն . Նոյն ինքն է օծումն մարդացե-
լոյն աստուծոյ . մշտնջենաւոր հաւասարութեամբ ընդ հօր
երկրպագեալ՝ 'ի սպաիւ մեծութեան որդւոյ , անսահման
փառաւորութեամբ օրհնեալ յաւիտեանս . ամէն .

Նորին ասացեալ 'ի խորհուրդ սրբոյ եկեղեցւոյ , ընդդէմ պիղծ
աղանդաւորացն թոնդրակեցւոց , նոր մանիքեցւոց .

Թ . Պաւանեմք 'ի հաւատ ուղիղ և անխտտորնակ ամբը-
ծութեան՝ համբուրիւ շրթանց ողջունեալ զկառուցեալս
խորան յանշնչական արձանաց՝ աստուածային բնակութեան
եկեղեցւոյս շինուածոյ . որ գերազանց գտաւ և երկնի ա-
մենազարդ բարձրութեամբ , որ 'ի նոցին իսկ յառաքելա-
կանացն դասուց հիմնեցաւ , յաչակերտաց վերնոյն խնկե-
ցաւ , 'ի սպասաւորաց բանին պաշտեցաւ . Սկիզբն անեալ
կենացս այս գանձու 'ի վերնայարկն սրահէ , խորհրդակա-
տարն վայրէ , զոր հողին աստուծոյ լցոյց , փայլեցուցեալ
'ի նմա զօրութիւն յաւուր մեծի պենտակոստէին . նախ ըզ-
տունն բարետեսիլ՝ յօրինակ սրբութեան կատարման շնորհի
այսր եկեղեցւոյ կանխամեծար առաւելութեան , յորում
սպա և 'ի նմին բնակչացն տուաւ լուսանորոգ բարեփա-
ռութիւն . Ուստի արիւն հզօրին աստուծոյ բաշխեալ մա-
տուցանի՝ յաւէտ քան զչարելին մահու գութարկու , մե-
ծաւ բարբառով ձայնի բերկրութեան կենդանութիւն ան-
մահութեան 'ի ամա ազգելով . Քանզի ոչ է կար զօրութեան
ուրուք ընդ երկնաւ յանդիման արեգական 'ի սպասաւորու-
թիւն խորհրդոյ այսր ահաւորութեան ձեռնարկել , եթէ ոչ
ընդ թեւօք սորին պահեսցի . նա զի ոչ երկնիւք բաւա-
կանանայ այս նուէր տէրունի մարմնոյ , եթէ ոչ զայս ձե-
ղուն օրհնութեան ծածկոյթ ունիցի . վասն զի մահու անի-
ծիւք հերքի այր ըստ օրինին , որ արտաքոյ խորանի այս

վկայութեան զատուածային պատարագն մատուցանէ . մանաւանդ զի պարտաւոր արեան կոչեցցի , որ ոչ զան ձինն օրինակ արիւն՝ յայս նուիրան ընծայեցուցէ . Մի ՚ի սնա լուացումն ՚ի մահն Քրիստոսի , զի մի՛ յանգէտս անարգեալ աստուածութիւնն՝ ՚ի ծանուցելումն զնախնին կրեցէ . մի ձեռնադրութիւն ՚ի պատիւ օծութեան լուսոյն , զի մի՛ յամբժութիւնն խարէութիւն խստնեցցի . մի և շնորհօք քան թէ ապաշխարութեամբ քառութիւն , զի մի՛ ճշմարտութիւնն կերպարանօք խորամանկեցցի . մի յընտրութիւնն ապառնի՛ հաւատ , զի մի՛ սպառնալիք հատուցմանն զրոյցս ինչ օտար համբաւոյ զրեցցի . մի երկաքանչիւրոց գոյութեանց մերոց իրաւամբք կշտամբութիւն , զի մի՛ կիսամասնեայ առ մարդն ներքին և առ արտաքին՝ չարի և կամ բարոյ փոխատրութիւնն կարծից յանմահ զօրութիւն արքայական որդեգրութեանն , զի ընդելութեամբ երկրայնովս առաւելութիւն վերնումն թագաւորութեան յայտնապէս ճշմարտեցցի . մի յոյս կենդանութեան առանեղծութիւնն սրբոց , զի աներկեւանութիւն խոստացելոյն՝ ՚ի միտս ունկնդրացն ծանուցեալ հաւատացցի .

Ժ. Այս դչխոյ պաշտելի անշնչական եկեղեցի տայ կեանս և մահու իշխէ , ըստ օրինակի ադամեան պտղոյն յարմարապէս ճաշակելի . գերազանց քան զբանականս յանշնչութեանն հրաշագործէ . մինչ զի կատարումն ընձեռէ և նորոգ հաստատէ , վերստին նկարեալ ՚ի մեղ զկերպարանն փառաց լուսոյ . Գրեալ ևս է տեսակ մեծութեան վերնումն կամարին սկզբնաւոր յառաջակառոյց քան զբնակիչս հոգեղինացն ՚ի նմա զօրութեանց . Նոր իմն ընծայէ թրուիչս մարմնաց ընդ թեթեւութիւնս հոգւոց , պատուականին հարստութեամբ զանարդն յարգաւորեալ . Աչ ինքնակիր մեղօք զազրանայ , եթէ ոչ ՚ի մարդոց չարաց և կամ յանհաւատից կոխիցի . Տիպ իմն է զարմանաւոր յաղթող խմաստից մերս տեսութեանց . անբանն ՚ի բանաւորէն կառուցեալ , նմին օժանդակեալ իբր վեհագոյնն յաւետ նըւաստի . Մեծ է քան զմարդ , որքան ընտրելոյն Մովսէսի ցուպն յաղթողական . առաւել քան զբանաւոր , որքան զԱ.

հարույն գաւազանն խորհրդական ծաղկեցեալ . գերազանց քան զմտաւոր , որչափ զԵղիաս և զԵղիսէոս գետահերձ մաշկեակն սքանչելահրաշ փայլեալ արուեստիւ . Օղնութիւն պարգևէ կրկին ամենակատար սրբասնեալ ձեռաց մաքրարար , քան թէ զինապէս . մարմին նիւթական քարի և հողոյ , գոյակից հարազատ զգայականաց և սրբոց . Իբր զվէմն անմահ կենդանի 'ի կործանումն է և 'ի կանգնումն . որպէս զդատաւորն ամենից հոգւոց հանդիսանայ հրաշապէս ազդամամբ յանէծս և յօրհնութիւնս . իբրեւ տեսող աներեւութից զոմն հրապարակէ և զոմն աածէ . առ ինքն կոչէ գրեալ յանուանէ իբր զտիրող հրամանատար էիցս . Իբր զլեռան յախտենական անհարուածելի է 'ի դիմամարտից . ըմբռնէ զհոգեւորս իբր զհնարադրութիւն մեծին արուեստի . անմեղս և անվրիպութիւնս ըստ Քրիստոսի հետոցն ընթանայ , բարձր ճոխութեամբ անպատկառաբար համարձակապէս զօրէն զովեւոյ զլուխ ամբռնայ .

ԺԱ. Այնքան մեծ ունի սրբութիւն , մինչ զի զորս ըստ պատկերի աստուծոյ եղեն , կանոնաւ խտրէ . Յետ յոգունց ընտրութեանց փորձից՝ թէ համարձակեացի մարդ ոք սխալեալ 'ի գաւիթս նորին մտանել՝ ոչ պղծի , այլ ընդ անպատրաստիցն թերութեանց դժուարի . ոչ նզովի , այլ տեղի տայ ոչ գիտողացն զչնորհին զչափ . ոչ լքանի ինքեամբ պարտաւոր իւրովն գտեալ , այլ 'ի մերոց գործոց խրթնանայ . ոչ թողացուցանէ երկիցս մատչել յըմբռնումն ոտիցն կենդանատուաց , ըստ տիրական անճառ խորհրդոյն . ոչ կրկին յաւուր զնոյն ցուցանէ , զի մի անընտրաբար նուիրանն խայտառակեսցի . Աշտակցէ կարեաց զօրապէս իբր անախտակիր ապականութեանց որ 'ի մեղ շարժմանց . սուանց բարբառոյ տիրապէս հրամանաւ դատի .

ԺԲ. Նա զի և տապան իմն է մաքրական , կրկին երջանկական , 'ի հեղձմանէ կենցաղոյս ալեաց պահապան . ոչ բազմք անբանիւք գազանաց դասուք և սակաւ մարդկամբ , այլ ընդ երկրայնոցս և զվերինսն յինքն հաւաքէ . ոչ յալիս խռովութե բերի , այլ 'ի բարձրութիւնն երկնի համբառնայ . Իբր զաշակերտ հրահանգեալ հոգւոյն աստու-

Ժոյ փախչի 'ի նենդութենէ . ոչ 'ի բողոք մահու մարմնոյ
 հարուածոց , այլ 'ի կենացն աւետիս ըմբռնեալ ածէ . ոչ
 Նոյիւ ձեռնարկեալ գործի , այլ հաստողին հրամանաւ շի-
 նի . ոչ Մովսէս ընդ Բեռելիէլ , այլ միածինն աստուծոյ հոգ-
 ւովն սրբով զսա հանդերձէ . ոչ յարաշարժ հանապազա-
 փոխ , այլ մշտակառոյց հիմամբ անասաներեալ զսա հաս-
 տատէ . Գարձեալ իբր զտապանակն անխօս փայտեղէն մած-
 եալ տախտակօք առանց զգայութեան տեսողականաց մեզ
 առաջնորդէ . որպէս կերպարան անքանակ Էլին յառաջ հե-
 տեւեալ 'ի հանդերձանս լուսոյն կենաց տեղի պատրաստէ .
 Ընդ Ողիէլի անտուտ սատակէ , եթէ ոչ խաչապէս յողի
 բերիցի . սպանանէ վատնեալ վաղվազակի առժամայն , եթէ
 անասնայինն լծակցութեամբ երկրասիրաբար գետնակոխ
 սայլիւք իբր զանօթ ինչ ձեռնաղնին բարձեալ տանիցի . Ոչ
 լեզուաւ մարմնոյ , այլ բանիւ հրեշտակաց խօսի . ոչ ունկան
 գոյականութիւն , և արագապէս մոռաւեալ լսէ . ոչ ձայն
 կերպարական բարբառոյ , և զսպառգամս գործոցն Յի-
 սուսի համօրէն ազանց պատմեալ հօշակէ . ոչ խաղալեաց
 շարժականութիւն , և աստուածայնով իմն կենդանութեան
 հագագաւ աղդէ . Ոչ ոսկերաց և ջլաց յօդուած , և եր-
 կուք հազարօք կանգնօք լայնութեամբ իբր զգունդն ան-
 համար բարձրեալն աստուծոյ՝ զկենդանական զօրուն գու-
 մարտակ հերբայական վառեալ ամբօխին , և այժմ ընդ նո-
 սին իբր զանմաքուրս 'ի սրբութենէ՝ զամանս ախտիւ մեղա-
 նաց ջեռեալս հատուածեալ յինքենէ հեռի , ուղեկցէ ապ-
 րեցեղոցն 'ի տաժանաւոր աղիւսարկութեանցն . Նոյն իսկ
 էութիւնն աստուծոյ մարմին եղելոյ՝ անուամբ այս վիմի
 նշանակեցաւ , պատառմամբ կողին զբնաւս արբուցեալ .
 Ոչ արեան երակաց ընթացք , այլ լուսոյ վերնոյն շառա-
 վիդք թափանցանց միութեամբ զոյն կենդանացուցեալ նո-
 րոգ պաշտպանէ . ոչ Սողոմոն կամ Զօրաբարէլ մահկանաց-
 ուաց ոստիկանութիւն , այլ ամենից ունողին իմաստ զսա
 գծագրէ . ոչ աննուիրական հասարակաճաշակ իւզով առ 'ի
 Յակոբաց պարարի , այլ ահաւորին արեամբ և փառօք մե-
 ծին օձանի . Ոչ տուն երկրային նիւթոյ՝ քան թէ մարմին

երկնային լուսոյ աստուծոյ զտրին օրդիս կնքեալ ձեռնադրէ . ոչ կենցաղոյս յերկրէ յղացմունս , այլ արքայութեանն երկնից ժառանգս կրթէ . զ'ի ծոյ իւր դրդեալն գողոյն Աբրահամու ընծայեցուցանէ : Փեսայ հարսնութեան սորա օրդին աստուծոյ կենդանւոյ , օրիօրդք խնճոյից սորին հայրապետացն գումարք : Սոյն ինքն մուսացումն առնէ այսակիր բարձանցն կռամուրութեան , զի զերկնայնոյն աստուծոյ ունի զծանօթութիւն . օտարութիւն է ամենայնիւ դիցն գրօշերոց , զի համօրէն քարինս սորա Քրիստոս երկրպագի . քակտումն է յայտնապէս ուրուական ըղձիցն անտառաց , զի 'ի բնաւից մայրից աշխարհի նմանութեամբ կենացն փայտի 'ի սմա տէրն նուիրի . խորասկումն է համայն դիւսպատիր յուռթիցն արձանաց , զի քարն գովեալ կարկեհան ակամբք և վիմօք կենդանեօք այսրէն հաստատի :

ԺԳ. Այս յարկ չբնաղ և աստուածընկալ ազատ է միանգամայն 'ի յամենուս ծառայութենէ . ոչ օրինակ վերնոյն Սիոնի , քան թէ ճշմարտութիւն նմին ճանաչի . ոչ կռպաշտութեանն կապաւ բազին և կամ լծով օրինին տեղի պարտաւորութեան , այլ տէրունի բարերարութեանն պարգեւարան 'ի մէջ համբուրի : Ոչ սասանի երբէք յայլ իմն կերպարան ձեւոյ փոխարկեալ , այլ 'ի նոյն շուք փառաց մեծապէս ընդարձակի . սոյն ինքն և երկին երկնի՝ յերկրի լուստպայծառ կերպիւ հուշակի : Որպէս չէ առանց հօրն Քրիստոսի , և ոչ առանց այսր մօր արգանդի յողի կատարիլ : Անտուն շրջի անբովանդակելին , եթէ ոչ 'ի սմին տան տաղաւարեցի . ոչ ունի տեղի գլխոյն հանդստեան տէրն բոլորից , եթէ ոչ 'ի յայս կայարան կենաց մտեալ ադանիցի : Քան 'ի կամար վերնայինն երկնի՝ 'ի յայս հիւթաւոր բնակութիւն առաւել պարծի , անբաւութիւն աստուածեան լուսոյն , որպէս զդէմն մարգարէին և զօրինակս սորին ծածկեցին , որպէս փախեան 'ի փառաց երեսաց նորին , և նրմանութեան սորուն՝ որ 'ի տաճարին՝ ոչ հանդարտեցին , 'ի տօն հանդիսի մեծի գովեստի , և 'ի բանականացս դասուց խմբեալ նուազի . աստ օրհնի կրկին բաղձանօք , քան 'ի գրախան վայելչական :

ժԻ. Այս մայր հոգեւոր երկնաւոր լուսաւոր, քան թէ երկրաւոր շնչաւոր մարմնաւոր, զիս գգուեաց որդի. կաթն ստեանց սորա արիւնն Քրիստոսի. Եթէ աստուածածնին իսկ պատկեր դոյն ոք գրեացէ, ոչ անօրինի. Իբր զնշան խաչին փրկութեան զօրութիւնս զարմանազանս և արուեստս բազմօրինակս կատարեալ հրաշագործէ. բեմ ահաւորին ատենի՝ ՚ի սմա հաստատեալ տեսանի. սովա խոր թաքարոյիցն հերձուածողաց մըլեդնաճառ բերանք կարկին. Ունի և քարինս իմն իմանալիս և բանաւորականս, որով զգազանամիտս անմաքուրս բացուստ ՚ի բաց հալածեալ տարագրէ. Մնանի և աստուածս ոմանս եղականս՝ պատկերս մաքուրս միոյն աստուծոյ Քրիստոսի. Ունի և զգիւրն իւր ընդ արեւելս՝ ՚ի տեղի խոստման բնակութեանն մերոյ առաջնոյ. ձեռամբ իմն ցուցանէ յայտնապէս զգալըստեանն աստուծոյ շաւիղ, զիայլականն առակ տիրական ՚ի դէմն բերեալ մեզ վարդապետէ, զփրկութիւնն ՚ի յելից անտի ծագման արուսեկին քրիստոսեան երեւմանն ՚ի վերջնում աւուրն արարածոց երկրի թարգմանէ. Յաւս հալածէ, ախտածէսս բժշկէ, գիւաց բռնութեանց զօրէ. Արգանդ որովայնի սորին աւազանն կենդանարար. ՚ի պար հարսանեաց սորա դասք առաքելոցն. Այնքան ճոխացաւ բարդաւածեալ երանութեամբ, մինչ զի նոյն ինքն փրկչին անուամբ վայելչապէս յորջորջեցաւ. տիրամօրն լուսոյ կոչմամբ ՚ի մերձաւորաց միածնին ձայնեալ կնքեցաւ. Միեւրոյ մեղաւորաց նաւահանգիստ հանգարտութեան, խրախճանարան վերնոցն դասուց, բժշկարան անսխալելի տարակուսեալ պարտաւորաց. Երրորդութիւնն անպատում ՚ի սմա փառաւորի օրհնեալ յամենայնի.

ԺԵ. Իսկ եթէ ոք ձեռն չարութեան ՚ի վերինն արքայութիւն յանգնաբար համբառնայցէ, և գիւտ ինչ մարմնաւոր և կամ հնարք մարդկային և կամ արուեստ երկրակենցաղ զսահմանեալ աւանդութիւնս առ ձեռակերտս եկեղեցի վարկանիցի, և ոչ պարգեւ առաւել կենաց և ակնկալութիւն աստուածային և հոգւոյն սրբոյ յայտնեալ լուսանորոգ նախագրութիւն և երախտեաց բարձրելոյն ամենասուր

լիականութիւն և կամոց արարողին խնկաւորեալ խորհրդաւորան և առաքելոց ձեռնինն աջոյ բարեհանձար հիմնարկութիւն, և միանգամայն ասել՝ դուռն երկնից և քաղաք աստուծոյ կենդանոյ և մայր կենդանեաց աղատ 'ի սարսեաց և ճշգրիտ ատեսակ կերպի երևակիս բանականի, խմբաւորն՝ խորհուրդ հողւոյս, և շջափելին՝ պատկեր մարմնոյս, և սրբութեանցն անդանձառից գերազանցեալ նոր սրբութիւն և քրիստոսեանն նշանաւ պայծառապարծ սրակեցեալ, զայն պիտի ոչ խոստովանողն մերժէ յերեսաց իւրոց հայրն ամենակալ 'ի ձեռն բանին իւրոց էակցի, բարձեալ 'ի նմանէ և զաւանդ շնորհի հողւոյն փառակցի. փակեցէ զդուռն կենացս այս առազաստի յանդիման նորին. Իսկ մեք զորս գրեցաք՝ ամին և վկայեմք, հաւատացեալ որում կարգեցաքս, յանուն և 'ի փառս ամենակալ Երրորդութեանն և միում աստուածութեանն, յախտեանս յախտենից. ամէն:

Այն իմ հաւատ յերրորդութիւնն, և այս 'ի մայրն իմ լուսափառ խոստովանեալ դաւանութիւն:

ԲԱՆ ՀԳ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՄԱՌԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՅ ԽՕՄԻ ԸՆԴ ԱՍՏՈՒԾՈՅ

Ա. ԱՍՏՈՒԱԾ ողորմած, բազմագութ, հզօր, ահաւոր, մարդասէր, օրհնեալ, կենդանի, անձառ, որ ոչ ելանէ երբէք ըստ բան քո իր անձեռնարկելի, որ և մտաց է անհնարաւոր. քո է հատուցանել պտուղ քաղցրութեան ընդ փշոց խստութեան, սկզբնահայրդ այսմ՝ նորոգ և զարմանաւոր կանոնաց կենաց. քանզի բարի առնել ատելոյն և աղօթս 'ի վերայ հալածչին, և փրկութիւն հայցել խոցողին, և սպանողին ներումն խնդրել՝ 'ի քէն ընծայեցաւ պտուղս այս հրաշից, որոյ քաղցրութիւնն անձառ է քան զօրինակ և բարեբանեալ կամաց քոց ախորժելիք և գոյլ

եալ չրթանց քոց ճաշակելիք . հոգի երեսաց և զօրութիւն
զեղոյ մերոյ տէր Քրիստոս օրհնեալ 'ի բարձունս . Այլ
մարդք երկրածինք և ամենալրէպք՝ և բարեմատոյց ձե-
ռաց չարիս դարձուցին . իսկ դու լոյս և սուրիչ լուսոյ , ոչ
լուս անէծս , ոչ ախորժես չար , ոչ կամիս կորուստ , ոչ
ըղձանաս մահ , ոչ յուզիս 'ի խռովութենէ , ոչ տիրիս 'ի ցաս-
մանէ , ոչ հարկիս 'ի բարկութենէ , ոչ մթանաս 'ի սիրոյ ,
ոչ այլայլիս 'ի գթութենէ , ոչ փոխօխիս 'ի բարութենէ , ոչ
թիկանց չրջումն և ոչ երեսաց անդրադարձութիւն , այլ
ամենեւին լուսաօրութիւն և նկատումն փրկութեան .

Բ. Եթէ քաւեացես , կարող ես . եթէ բժշկես , զօրաւոր
ես . եթէ կենդանացուցանես , բաւական ես . եթէ շնոր-
հես , առատ ես . եթէ ողջացուցանես , հնարաւոր ես . ե-
թէ պարգեւես , ամենալի ես . եթէ արդարացուցանես ,
ամենարուեստ ես . եթէ մխիթարես , ամենիշխան ես . ե-
թէ նորոգես , ամենակալ ես . եթէ հրաշագործեսցես , ա-
մենաթագաւոր ես . եթէ վերստին հաստատես , արարիչ
ես . եթէ կրկին գոյացուցանես , անձեռն . եթէ հոգաս ընդ-
մեր , ամենատէր ես . եթէ կորղես 'ի մեղաց , այցելու ես .
եթէ չարժանեացս ընձեռես , օրհնեալ ես . եթէ յորսողէն
ղերծուցես , փրկիչ ես . եթէ զեղցես 'ի քոյոցդ 'ի մեզ ,
հարուստ ես . եթէ նախ քան 'ի մէնջ ինդրելն դու կար-
կաւեացես , անկարօտ ես . եթէ լոյնես ներդութեանս , ան-
դորրիչ ես . եթէ զվերջացեալս կոչես , ինսամակալ ես . ե-
թէ զստանեալս հաստատես , վէմ ես . թէ պասքելոյս ար-
բուցանիցես , աղբիւր ես . թէ զժածկեալն երեւեցուցա-
նես , լոյս ես . թէ զօգտակարն իմ՝ ծանուցանես , բարի
ես . թէ զրիծն անտես առնիցես , երկայնամիտ ես . թէ
ընդ փոքուս 'ի դատ ոչ մտանիցես , բարձրեալ ես . թէ
ժառայիս ձեռն մատուցես , ստացող ես . թէ աջովդ քո
պաշտպանեսցես , յանձանձիչ ես . թէ վհատելոյս դարման
մատուցես , կերակրիչ ես . թէ զանգէտս պարարեսցես ,
վարդապետ ես . թէ զդիմեալս առ քեզ ընկալցիս , ա-
պաւէն ես .

Գ. Եւ արդ քո են այսոքիկ , տէր ողորմութեան , ոչ միայն

զրեալ, այլ կատարեալ և զլիսաւորեալ, նախնի նահատակ-
համբերութեան վկայից, որ վասն իմոյ փրկութեան հան-
դիսացար զօրապէս յասպարիսի ճակատուն, զի կակղեոցես
զկարծր բռնութիւն մարմնոյս գոռոզութեան վարժմամբ
կրթութեան չարչարանացն վտանգի. և յանպարտակիրդ
մարմին չափեալ զբնութեանս մերում զտաժանականն տազ-
նապ տուժի, զի զգթութիւնդ որ առ մեզ՝ արդեամբք
ցուցես 'ի քեզ օրինակեալ, օրհնեալ յաւիտեանս. ամէն.

ԲԱՆ ԶԵ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՆՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՍԳ ԸՆԳ ԱՍՏՈՒԻՈՑ

Ա. **Ե**՛ի քանզի օր է օրհնաբանեալ և լուսանորոգ կրչ-
ուութեան երկուց ընտրութեանց արարածոցս սասանու-
թեանց՝ յեղանակելոյ յայլ իմն էութիւն երկնակենցազ ան-
փոխազրելի, ամբարձելոցն խոնարհութեան և կործանե-
լոցս վերբերութեան, սարսափելի Ուրբաթու մեծի Պա-
սեքիս, յորում եկն եհաս ժամ բարեպատեհ զրել ինձ զայս
նուազ ձայնի հեծութեան զուարճախառն երկիւղիւ, ահա
ըզձայի համարիմ՝ ասել աստանօր 'ի քոյոց այտի՝ զոր ընդ-
իմ կրեցեր, աստուած բողբոյց :

Բ. Կացեր յատենի քում ստեղծուածոցն իմովս կերպիւ,
ոչ խօսեցար տուիչդ բանի, ոչ բարբառեցար հասարչդ լեզ-
ուի, ոչ ձայն արձակեցեր սասանիչդ երկրի, ոչ մունչեցեր
ամենազդեցիկ փողդ մեծութեան, ոչ երախտօքն քո յան-
դիմանեցեր և ոչ չարեօք նոցին ըմբերանեցեր, ոչ մասնե-
ցեր ամօթոյ զմասնիչսն զքեզ տանջանաց մահու, ոչ 'ի կա-
պելն զքեզ զիմադարձեցեր և ոչ յապտակելն դժուարե-
ցար, ոչ 'ի թքնուլն թշնամանեցեր և ոչ ընդ կուփելն եր-
բէք խռովեցար, ոչ ընդ կատակելն սրամտեցար և ոչ ընդ-
խաղ արկանելն երեսս փոխեցեր : Մերկացուցին զզգեառ

պատմութեան իրերէն ի տկարէ, և դարձեալ ազուցին իբր անփրկանաւոր ըմբռնեցելոյ. Եթէ ոչ էր արբեալ կրկնակի քացախ զանդեալ ընդ լեզուոյ, ոչ էր հեղեալ մաղձն իմ մըթերեալ նախնի դառնութեանն. ճաշակեաց վհատութեամբ և արգել անդէն տարակուսանօք, առին մուկզնաբար և դարձեալ մատուցին անպատկառապէս. Գանիւ հարուածոց յետին անարդութեանն ՚ի մէջ խառնիճաղանջն ամփոխի դատապարտեցին, ծունր կրկնեցին նախատանաց և պսակ եղին արհամարհութեանն.

Գ. Ոչ ետուն հանգիստ կենդանարարիդ, եթէ ոչ զդործի մահուն կրել քեզ պատրաստեցին. ընկալար իբր երկայնամիտ, առեր իբրեւ զհեզ, բարձեր որպէս համբերող, ըստանձնեալ իբր զպարտական զփայտն վշտաց. որպէս զճաշիկ շուշանաց հովտաց՝ ուսով բերեալ զղէնն կենաց, զի յարհաւրաց զիշերայնոց զխրակերտս դահաւորակս մարմնեղէն գոյութեանս պահպանեցէ ՚ի դատապարտութեանն վայրի իբր ՚ի խրախճան խնճոյից, Հանին արտաքս իբր զողջակէզ. կախեցին իբր զխոյն Սարեկայ ձգեալ զեղջերացն, տարածեցին ՚ի սեղան խաչին իբր զպատարագ, բեւեռեցին որպէս չարագործ, պնդեցին իբր զապտամբ, զխաղաղութիւնդ երկնաւոր իբր զաւաղակ, զանկապուտ մեծութիւնդ իբր զտառապեալ, զառ ՚ի քրոյլբէից պաշտեցեալդ իբր զքամահեալ, զահմանդ կենաց իբր զարժանաւոր սատակման մահու, զաւետարանիս նկարիչ իբր ըզհայհոյիչ օրինին, զտէր և զկատարումն մարգարէից իբր ըզհամառօտիչ գրեցելոցն, զճառագայթդ փառաց և զկնիք անքնին խորհրդոցդ հօր իբր զներհակ ծնողիդ կամաց, զօրհնեալդ խակապէս իբր զտարագրեալ, զկապոյ օրինին լուծիչդ իբր զսյր ՚ինզովս գրեալ, զհուրդ ծախիչ իբր ըզհերքեալ իմն կալանաւոր, զահաւորդ երկնի և երկրի իբր զհաւաստի պատժաւոր, զի լոյս անմատոց ծածկեալդ իբր զհողածին ըմբռնեալ.

Գ. Ո՛վ քաղցրութիւնդ և երկայնամիտ բարերարութիւնդ ողորմածիդ գթութեան, որ վասն ապախտաւոր և անօրինեալ ծառայիս տէրդ բոլորից զայս ամենայն կամաւոր

րապէս և հաւանողական հաճութեամբ՝ կատարեալ մարմնոյդ միութեամբ 'ի քեզ ընկալար, և մինչև 'ի քնարան շիրմին տապանի անպակաս 'իլլութենէ ամբողջ նոյնութեան աստուած անքնին՝ զնոյն կրեալ նախատինս անճառ համբարութեան, յարեար կենդանի ինքնիշխան բարձրութեամբ լուսոյ, աննուազ մարմնով և անթերի աստուածութեամբ. **Օրհնեալ** փառօք, գովեալ զթութեամբ, բարբառնեալ միշտ ողորմութեամբ, յախտեանս յախտենից. ամէն.

ԲԱՆ ՀԸ.

ՎԵՐՍՏԻՆ ՏԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՅ ԽՕՍԳ ԸՆԴ ԱՍՏՈՒԾՈՅ

Ա. **Ե**րբ անկեալ յերեսս հողանիւթ կերպիւս, 'ի վայր խոնարհեալ ծնրադրական երկրպագութեամբ, զբարեգործից ողորմածութեան զկենդանաբար ոտս համբարեմ, զայս օրինակ մաղթանաց մեծիդ ընծայեցուցեալ.

Բ. **Ա**ղաչեմ զքեզ, միայն խնամակալ, մարդասէր, գթած, կեցուցիչ, հղօր, այցելու, պաշտպան, մի՛ ունայնասցի վաստակք աշխատութեան փրկականդ կրից մարդացելոյդ վասն իմ աստուծոյ, մի՛ սոսկ եղիցի քրտանցն կաթուած խառնեցեալ արեամբ 'ի մասնութեանն աւուր գիշերին. մի՛ լիցի սուերացեալ լուսոյդ երախտիս, զոր ձրի և աւանց փրկանաց թշուառացելումս ինձ պարգեւեցեր. մի՛ ջնջեսցին շնորհացդ աւետիս, զոր կողից քոց կայլակք նորոգեցին. մի՛ անչաճ եղիցին կրիցդ պտուղք, զոր կարօտութեանս իմում մատուցեր. մի՛ պարծեսցի բանսարկուն վանեալ՝ զքո ստացեալս իւրացուցանել. ահա յաղթեսցես կամօք քո՝ ըզձից չարին, վերստին ապշեսցի միանգամ զարհուրեալն, կրկին պարտեսցի 'ի սպառ դատեցեալն. մի՛ անխայեր զազատարարդ քո բան, որ զստեղծեալս քո քեզ ընծայեալ՝ վերստին առ քեզ դարձուցանէ. **Չ**ան-

ճառն արարեր բարերարութիւն յանակնկալ ժաման յուսահատութեան, յորժամ բնաւ իսկ կտրեալ և օտարացեալ էր կենդանութեանն շարժողութիւն . մեռար անմահդ և զմահացեալս նորոգեցեր . եթէ զկանոն համաձեւութեան օրինին փոխեցեր, արդ զգիւրինն և զՏեչտականն և զԼուսհնարաւորն մի՛ արդելցես, սկզբնաձիր ողորմածութեան բարեգութ օրհնեալ և երկայնամիտ թագաւոր : Արդեա բանիւդ ամենազօրաւ, որ զգոյութիւն լուսոյն ստեղծեր 'ի նախնումն աւուր, և վաղվաղակի փոփոխեալ գտայց 'ի լուանդր . և փոխանակ զի ես ոչ խնդրեցի հետեւել լուսոյդ, դու ելցես ինձ յայց՝ ճառագայթ ծագման հայրենի կերպիդ, և կոչեցայց առաջի քո ծառայս քնասապարտ՝ ողորմեալ շնորհեալ առ 'ի քէն . ոչ է ժամանակ յերկարածգութեան առ 'ի զպարտոն հատուցանել, ահա շնորհեա ինձ տառապելոյս զերեսս քո՝ լոյսդ 'ի խաւարի սրտից վհատելոց : Արդեւ և կնքեա զլնթացմունս ելիցն, որ միշտ զեղուն բարիքն հոսեալ 'ի յուշոյս իմտեսութենէ . պահեա ինձ զշնորհ ամենապայծառ գանձուցդ մնացականաց, որով պատուական գտեալ՝ քո անուանեցայց, պաշտպանեալ 'ի քէն, անասհման բարի :

Գ. Ահա ողորմեա ինձ, գթած, աղաչեմ զքեզ ողորմեա ինձ, հզօր, կրկին ողորմեա : Մի՛ փոխարկեր երկունս ցաւոց ընդ շարեաց իմոց, բարիդ ամենեւին . մի՛ բառնոր 'ի վտանգելոյս զառ 'ի քէն պարգեւեալդ շնորհ, մի՛ կապտեր զփշումն ամենօրհնեալդ հոգւոյ, մի՛ լուծաներ զխընկեալ զկնիք արքունական պատկերիդ : Մի՛ յայտնեացին փուշք մեղանացս 'ի սրբութիւնս մտացս . մի՛ խղեր զկապ միութեան զընդ քեզ սիրոյն պնդութեան, մի՛ մերժեսցես զարուեստ զօրութեան լեզուոյս յարմարութեան, մի՛ պակասեցուցաներ զաջողուած աջոյս առ 'ի զլուսոյդ մասունս բաշխել : Մի՛ գրեր 'ի դպրութեան կենաց մատենիդ զմահուն պարտիս, մի՛ պահեր, մի՛ ինձ համարիր, մի՛ յիշեցուցաներ, մի՛ ամաչեցուցաներ, մի՛ նախատեր, մի՛ ոտն հարկաներ, մի՛ արձանացուցաներ զմեղկութեանցն, մի՛ ամբարեր զկորստեանցն, մի՛ իբր գտեալ իմն ամբաս-

տաներ : Մի՛ յարուսցես ընդ իս զժառն անիծից , մի՛ արձակեր 'ի յիս զսաղարթ մնասուցն , մի՛ ընծիւղեր զժաղիկ մեղացս , մի՛ բերցես ընդ առաջ զնամակ պարտուցս , մի՛ արտաբերեր զէութիւն ստղոյն : Մի՛ թուեսցես 'ի ճիւղս երկրաստեղծ մատանցդ զգիւտս գործոցս , մի՛ մատուցես բան ընդդէմ՝ ահեղ զանօրէնութիւնս իմ՝ յիշատակել , մի՛ մատնեցես իմոցս կամաց զաւանդս հոգւոյս վարել 'ի գերութեան , մի՛ աստէն զիս փառաւորեր՝ զի անտանօր դատապարտեցես , մի՛ նուազութեամբ այսր անցաւորի զյաւիտենական բարիսն տուժեր , մի՛ 'ի սակաւում այսմ ժամանակի զանվախճանելի զփառսն չափեր , մի՛ ընդ հովտիս մշտաց հեծութեան զանտախտական զկեանսդ գրուեր , մի՛ ընդ ստուերի այսր մթութեան զանճառելիդ լոյս փոխանակեր , մի՛ զերասանակ մտացս լքցես՝ ըստ արտուղի հետս հետեւել , մի՛ զկամուրջ կենցաղոյս գրեցես ինձ հանգստեան բաւականութիւն . մի՛ զհովիտ հանճարոյս ստուերական պահեր 'ի հանդերձեալսն ինձ հրապարակել : Եթէ ամբարես զառանց համարոյ գործոցս իմ՝ չարիս , մեռայց կենդանոյն . եթէ շտեմարանես 'ի սրտի , աստտփն կիզեալ անբոց այրեցայց . եթէ քննեցես զանօրէնութիւնս , առանց յանդիման քեզ լինելոյ 'ի սպառ . հալեցայց . եթէ անկակից ինձ թողցես զմեզսն , 'ի նոսին վատնեալ մաշեցայց :

Գ . Ակնարկեա , միշտ զօրեղ ամենակարող , փախնուլ չարութեանցս որ յիս , զի բարիդ քո եկեալ փոխանորդեացէ . հրամայեա , գթած , խնամակալ , գովեալ , լոյս անչիջանելի , զօրութեամբ անտահմանեղեալ , զի նոր հաստատեացի գոյութիւն բնութեանս մարմնեղէն յարկի անդամոցս . յորում հանգուցեալ անլքանելի բնակեցես բազմեալ ախորժ տենչանօք՝ միութեամբ հոգւոյս իմ ընդ քեզ զսպականութիւն մեղացս մերժեալ 'ի սպառ՝ յանարատութիւն զիս պատրաստեցես ամենակեցոյց թաղաւոր անմահ տէր Յիսուս Քրիստոս , օրհնեալ յաւիտեանս . ամէն .

ՎԵՐՍՏԻՆ ԾԱԽԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՄՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. **Յ**ԻՇԵԱ տէր, տէր գթութեանց, սիրող իրաւանց, աստուած ճշմարիտ, նայեա վերստին 'ի բնութեանս կերպարան միշտ սխալական. զննեա ինձ դարձեալ զամենն թաց տարածմունս ելից արեանս շարժողութեան. բժշկապէս մատիր տեսանել, զի մարդ եմ հաստատեալ մտօք խակութեան թերի խորհրդոց յայն ինչ, զոր դու իսկ վկայեցեր տեսող ոչէից՝ միայն դու անմասն ստութեան խաւարի. Ապա իրաւունս է գրել ինձ ընդ մեղուցեալն մարդկօրէն վրիպանաց սխալմամբ պարտեալ կրկին իբր զերկրածին մահացու մարմին, քան բանիդ քում սուտ երեւել. քանզի արդարեւ գիտակ իսկ ես, թէ չար է արարն և ընդաբոյս շարութիւնն մեր, և ոչ փոփոխին խորհուրդք մեր յաւիտեան, ըստ հոգեհանձար իմաստնոյն կանխազեկոյց առակի.

Բ. **Թ**եթեւացո զսաստկութիւն տանջանացն, որ պատրաստեալ և մնայ ինձ՝ արկանել զորդիս գեհէնին զարդ մահուն յաւիտենականի. բարձ զամօթոյս պարտիս, որ պահեալ է յայտնել թշուառականիս յետին ատենին յանդիմանութեան. Մտառ խաղաղութեան յառաջապարգեւ ողորմութեամբ քո ընծայեցո. զի մի անտանելիքն ահաւորութեան 'ի ցոյցս ինձ եկեալ կերպարանեցին, անոյս սպառութիւն ընդ կենաց զղջման առաջի կարգեալ, դատաստանն ահաւոր, անկաշառ և անխաբելի դատաւորն, ամօթն սոսկալի, կշտամբանքն սարսափելի, յանդիմանութիւնն անփախչելի, տագնապն անճողարելի, սպաւուցումն անխրախուսելի, դողումն անվճարելի, լալումն անսփոփելի, կրճումն ատամանցն անբժշկելի, ապականութիւնն անողջանալի, անէծքն սարսափելի աստ.

ուածային քո բանիդ, փակումն գլխոյն և արդելումն ողորմութեանն. Որ ընդ գալարելն երկնի և ընդ երկրի դըրըրդելն ընդ կարծրութիւն յատակիս, ըստ կուտակելոյ կոհակաց խռովութեան ծովու իբր փախստեան կերպ ցուցանելով, մի զմիոյ հետս խափանեն կասեալ յերկոցունց. և տատանեալ սասանեալ լայնատարած գեանոյս թանձրութեան 'ի հիմանց անտի, ընդ ուժգնակի բախման թնդելոյ ներքնային խորոց հարթէ զլերինս, և հալեալ հրդեհին բնութիւնք վիմաց և ամենայն տարերաց գոյից. այլայլին երկինք յանեղծ փոփոխութիւն, և յեղանակին արարածք տարերօք իւրովք 'ի նորոգ նմանութիւն. Ծածկութիւնք գործոցս հրասպարակին և աներեւոյթք կրկից մեր յայանին. վարք կրօնից ներգործեցելոյ 'ի մարմինս մեր նկարին. թագաւորն երկնից յատենի նստի, վճիռ հատուցմանն 'ի ձեռին իւրում. Ահա վայ ինձ եօթնիցս անգամ կրկին եղկութեամբ, ըստ չափոյ կշռութեան այսր համարոյ, որ զանբաւութիւնս թուոց պարագրէ: Զինչ գործեցից ողբալիս հոգի յայնմ մեծի աւուր վտանգի. քանզի սաստիկ է յիշատակն իսկ յառաջեալ քան զհանդիպումնս. զոր ոմն մարդարէ զօրինակին նմանութիւն 'ի դէմն բերելով, զճեպ տագնապի անդերձ փախստեանն նշանակէ ասելովն. զոր օրինակ եթէ փախնուցու ոք 'ի ձեռաց առիւծու և պատահեացէ նմա արջ, և փախնուցու յերեսաց արջոյն և մըտանիցէ 'ի տուն և յեցուսցէ զձեռն իւր 'ի յորմ, և խածանիցէ զնա օձ. և դարձեալ կրկին սաստկացուցանէ առնոյն կերպարան իրի զտեսիլն քստմնելի. ո՛չ ապաքէն, ապէ, խաւար է օր տեառն, օր խաւարոյ և մթոյ, օր ամպոյ և մառախոյոյ.

Գ. Յորժամ հրեշտակն պահպանողական կենակից հզոր ոստիկան իրաւամբք ամբաստանեցէ, և հատուցանողն ահաւոր արդարութեամբ յանդիմանեցէ. սպասաւորք թագաւորին առանց ինայելոյ խուճապեն, զոմանս 'ի կեանս հրաւիրեն և զոմանս յամօթն դատապարտեն. կիսոց դէմն լցեալս ծաղու ցուցանեն, և ինձ ահարկուս և քստմնելիս երեւեցուցանեն, ոմանց պսակս լուսապաճոյճս մատուցա-

նեն, և այլոց կորուստ մահու բողոքեն. արդարոցն ձայն աւետեաց, և ինձ գոյժ անվախճան վշտաց, Յորժամ առ բարխն՝ մահու յաղթութիւն 'ի սպառ մեռանի, և ինձ չարագործիս կրկին յարակայի. ուր դրանն բախել ոչ ինչ ազգիցէ, վճար եղեալ զթութեանն առ իս. Յորժամ դրաբութիւնք հրաշիցն զարմանալեաց, որ են ծածկեալքն յայժմուցս հասարակաց վարուցն տեսակք մարդկային բնութեանս գործոց. յազազս որոյ եղեն գոյութիւնք ամենայն էից, յիւրաքանչիւր մարմինս անպակաս գրութեամբ իսկոյն երեւին. և խորութիւնք անճառիցն կնքեցեալոց յիմաստից աստեացս առաջի աչաց մերոց՝ կերպարանին, Աւրայժմ շահավաճառութիւնք ողբոց և արտասուաց զերկինս գրաւեն, և անդ իբր զապաժաման ընդունայնութիւնք արհամարհեալք լքանին. հառաչմունք հեծութեան ոչ կանխաւ աստի առաքեալ, չէ երբէք գտանել անդէն. ողորմութիւնք ճշդով սերմանեալ, ոչ պայծառ վառմամբ գնան առաջի. Աւր տապանն նախայանցիցն և կտակարանն տիրանարգիցն և նշանն ահաւոր այժմուցս՝ յանդիման եղեալ մեծաձայնս դատախազեն. յորում սոսկալի վայրի ոմն զուխտն կցորդութեան հայրենի և ոմն զխորանն վկայութեան անտեսիցն և ոմն զարիւն մեծին աստուծոյ ամբաստան իմն իւրաւացի առաջի իմ տարածանեն. Չտանջանարանն բազմապատիկս անձամբ անձին աստէն իսկ պատրաստեցի, զիա՛րդ մխիթարեցայց համառօտեալս յուսոյ. զի եթէ զօրքն լուսոյ՝ դասուք արդարոցն, որ փառաւորեալքն են երանութեամբ, սարսեն դողալով, ոչ բաւեն բերել զահաւոր տեսիլ երեսաց մեծ դատաստանին, ես եղկելիս՝ աւանդակորոյս սատակման որդիս ո՛ւր երեւեցայց. որ ոչ միայն չեմ պատկերոց, այլ և պատուհանն իմ անտանելի և կորուստն անսպառելի.

Ի. Այլ արագեա, ամենապարգեւ զօրութիւն անճառ, ձեռն վրկութեան 'ի կորուստ գերերոյս. զի օգնեալ 'ի քէն՝ զարձայց միւսանգամ 'ի դրանց դժոխոց, ամենապատրաստ հանդերձեալ ամենեւին անխտանգելի պլծեալ 'ի պատժոց. աստանօր տեսեալ մտացս իմաստիւ զապագայիցն դիպ.

ուածս, բաւականացեալ 'ի լուր երկիւղին 'ի տաղնապէ տանջանաց՝ ահին համբաւով, կամօք քո բարեաց զերծեալ ապրեցայց, և մի՛ մատնեցայց կորեանցն առ իւծուց, որք խնդրեն 'ի քէն զիս 'ի կերակուր՝ ծախել ատամամբքն գազանութեան. զի զորովայն մահուն լցուցեալ՝ զաստուստ պարարեալս անդ ձգեալ հալեն, ուր անսպառ պահի մնացուած միժերիցն 'ի ծախումն յախտենից. **Չ**ի դու միայն բաւես կորզել 'ի ժանեաց սատակման 'ի կեանս և յերանութիւն, բնաւից ապաւէն թագաւոր լուսոյ տէր **Յ**իսուս Քրիստոս, օրհնեալ յախտեանս. ամէն.

ԲԱՆ Զ.

ՎԵՐՍԻԵՆ ՅԱՒԵԼՈՒԱԾ ԿՐԿԻՆ ԸՆԾՈՒԹԵԱՆ ՆՈՐԻՆ ԸՍՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՄԲ ԸՆԴ ԱՍՏՈՒԾՈՅ

Ա. **Ե**ի արդ 'ի վերայ այսքանեաց յուսահատութեանց և ահարկու սրտաբեկութեանց, պակուցանողական սաստկութեանց աստուածային բարկութեանց տաղնապետաւորութեան թախսութեան 'ի սպառ, աղաչեմ՝ զքեզ սուրբ աստուածածին. հրեշտակ 'ի մարդկանէ, մարմնատեսիլ քերովբէ, երկնաւոր արքայուհի, անխառն իբրեւ զօղ, մաքուր որպէս լոյս, անչաղախ ըստ նմանութեան պատկերի արուսեկին բարձրութեան, գերազանց քան զբնակութիւն անկոխելին սրբութեանց, երանաւոր խոստմանն տեղի, **Ե**գեմ շնչական, ծառ կենացն անմահից բոցեղէն սրովն սարունակեալ, 'ի բարձրեալն հօրէ զօրացեալ և հովանացեալ, հանդատեամբ հողւոյն հանդերձեալ և մաքրագործեալ, բնակութեամբ որդւոյն յարգարեալ և տաղաւարեալ. միւսածինն հօր և քեզ անդրանիկ, որդի քո ծննդեամբ և տէր արարչութեամբ. ընդ անաղտ մաքրութեանդ և ամբիժ բարի, ընդ անարատ սրբութեանդ և խնամակալ բարեխօս. ընկալ զմտրթանս սյսր աղերսանաց բում զստանողիս, և

մատո ընծայեա ընդ ամին խառնեալ զբանն իմ՝ նախնի մեծիդ ներբողի ՚ի քոյդ պաղատանս, հիւսեա միացո զմեղուցելոյս դառն հեծութիւն ընդ քումդ երջանիկ և խընկաւորեալ հայցուածոյ, տունկդ կենաց պաղոյն օրհնութեան, զի ՚ի քէն միշտ օղնեալ և բարեգործեալ, և ՚ի մաքրական քո ծնելութիւնդ ապաւինեալ և լուսաւորեալ, կեցից Քրիստոսի որդւոյ քո և տեառն ։

Բ. Օժանդակեա թեւոցդ աղօթիւք, խոստովանեալ մայրդ կենդանեաց, և ելիցն իմ յերկրէս հովտէ, առանց Կիանաց հետեւել ՚ի կեանս օթեւանացդ պատրաստութեան. զի թեթեւացի կատարածն իմ ինձ ծանրացելոյս անօրէնութեամբ ։ Արացեա տօն ինձ բերկրութեան զօրն իմ տաղնապի, ողջացուցիչ երկանցն Յւայի, բարեխօսեա խնդրեա աղաչեա, զի ըստ անճառելի մաքրութեանդ և ահա դրանիդ հաւատամ զընդունելութիւն ։ Արտասուօք օղնեա վտանդեցելոյս, գուլեալդ ՚ի կանայս ։ Ժունր խոնարհեցո առ իմ հաշտութիւն, ծնողդ աստուծոյ ։ Ընդ իմում թշուառիս հողա, խորան բարձրելոյն ։ ձեռն տուր անկելոյս, տաճար երկնային ։ փառաւորեա զորդիդ քո ՚ի քեզ՝ աստուածօրէն ինձ հրաչափործել քաւութիւն և ողորմութիւն, աղախին աստուծոյ և մայր ։ բարձրացի պատիւ քո ինեւ և ցուցցի փրկութիւն իմ քեւ ։

Գ. Եթէ զիս գտցես՝ տիրամայր, թէ ինձ ողորմեցիս՝ սրբուհի, թէ զկորուսեալս շահեցիս՝ անարատ, թէ զհարթուցեալս յանձանձեցես՝ երջանիկ, թէ զամաչեցեալս յառաջ մատուցես՝ բարեշնորհ, թէ յուսահատելոյս ինձ միջնորդեցես՝ միշտ սուրբ կոյս, թէ զմերժեալս ընտանեցուցես՝ մեծարեալդ աստուծոյ, թէ յիս ցուցցես զգթածութիւն՝ լուծիդ անիծից, թէ զծփեալս հաստատեցես՝ հանդիստ, թէ ՚ի խռովութեանցս յուզմանց փոխեցես զիս՝ խաղաղարար, թէ վրիպելոյս ինձ հնարաւորեցես՝ գովեալ, թէ վասն իմ մտցես ՚ի հանդէս՝ մահու նահանջիչ, թէ ըղդառնութիւնս իմ անուշեցես՝ քաղցրութիւն, թէ դրաժանմանն իմ խորոց քակտեցես՝ հաշտութիւն, թէ զանմաքրութիւնս իմ բարձցես՝ եղծման ընդոտնիչ, թէ զմատ

ներալս մահու վերկեսցես՝ կենդանի լոյս, թէ զլալեացս ձայն հատցես՝ բերկրութիւն, թէ զխորտակեալս կազդուրեացես՝ դեղ կենաց, թէ ՚ի կործանեալս յիս ակնարկեացես՝ հոգելից, թէ ողորմութեամբ ինձ պատահեացես՝ կտակ նուիրեալ։ Օրհնեալդ միայն ՚ի շրթունս ամբիծս լեզուաց երջանկաց, ահա կաթիլ մի կաթին քումդ կուսութեան յանձն իմ անձրեւեալ՝ կենաց ինձ զօրէ, մայրդ բարձրելոյ տեառն Յիսուսի արարչին երկնի և բնաւին երկրի, զոր անճառապէս ծնար բովանդակ մարմնովն և համայն աստուածութեամբն, որ փառաւորեալն է ընդ հօր և հօգւոյն սրբոյ էութեամբ և անքննութեամբ մերոյին բնութեամբս միացելով, ամենայն և յամենայնում, մի յԵրրորդութեանն. նմա փառք յաւիտենից յաւիտեանս. ամէն :

ԲԱՆ ԶԱ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍՊՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻՔ ԸՆԴ ԱՍՏՈՒԾՈՅ

Ա. ՐՆԻ աստուածածնին մաղթանաց՝ ահա և զվերնոցն անմահ հրեշտակացն լուսակերպից զաղերս հայցուածոց, որ վասն իմ դոչնն առանց լուելոյ հանապազորդեան արգահատութեամբ մաքուր բերանոց, ընկալ բարեգութ. որք են բարիք բարեգործեալք ՚ի բարերարէդ անկիրթք չարեաց, հաստեալք յամենիշխան հրամանաց էիդ, զօրութիւնք հզօրք ակնարկութեան բարձրելոյդ, սուրբք, մաքուրք, անարատք, օրհնեալք, վայելչականք, յաղթողք և անպարտելիք, և ըստ ընթացից տեսութեան մտաց աբազունք :

Բ. ՈՐք և պտղակորոյս տնկոյ թղենւոյն եռամեանն դատարկութեամբ, որ զբնաւ յաւիտեանս պարունակէ ժամանակն՝ զանցեալն ընդ ներկայիս և ընդ ասպառնւոյն, յայր յամրութեամբն յերկարածգելոյ, յայգի աշխարհիս

արմատացելոյ, սին սաղարթիւն պաճուճելոյ՝ զրկեալ 'ի պտղոց, որ է ճշգրիտ պատկեր թշուառ մարդկութեանս, սոքա բարեխօսք, հանդերձիչք, այլ և խնամակալք. որ դեգերին հանապազ առ մեզ՝ ընդ մերում կրիցս կարեկցելով, բարեմասնութեանն մեր սպասեն. և յախտենականն կենդանութեամբ փրկութեանն մեր ազօթեն՝ զայս բան ասելով, զգործս ձեռաց քոց մի անտես առներ, Քանզի արդարեւ մեր են այս աղաչանք 'ի բարերարէդ աստուծոյ վասն մեր կարգեալ առ նոսա, զի նոքա բանիւ են ստեղծեալ, և մեք ձեռօք ներդործեալ: Որք և գալոց են ընդ միածնիդ վկայք սոսկալի դատաստանին հատուցման, ճշմարտաբան դատախազք յանցաւորութեան երկրայնոցս, յահաւորին ատենի յայտնիչք իրաւամբք զմատակարարութիւնն որ առ մեզ, որ և անտանօր կարեկցեն ազդեալ հառաչմամբ զմշտանուէրն նուազ ձայնի, ողորմեա՛ դու ստեղծեր, մի կորուսաներ:

Գ. Արդ ընդ գոհաբանութեան ձայնիցն խնդրուածոց անմահականացն վեհից՝ և 'ի մեր հեծութիւնս հոտոտեցիս, բնաւից արարիչ, որ յաղթես գթութեամբդ քո վերնոցն և ստորնայնոցս, քանզի քո է բարերարելդ առ մեզ և առ նոսին: Արդ վասն բարեզարդութեան անախտականացն, հրաշատեսիլ հրակերպիցն, անշաղախ մաքրոցն, անմեղիցն, բոցանիւթիցն, հոգեղինացն և անվանելեացն, ամենաճեցուն առաւելութեամբ 'ի բարձրն ընտրականութիւն գերախայլ յաճախ գիտութեամբ՝ անցուրտ ջերմութեամբ ջեռուցանողք ինքնարուն տապօղն աստուածսիրութեան ըստ ինքեանց զմերս սառնասեր սրտիցս անբորբոք շիջումն, այրիլ անաղօտ 'ի մեծախորհուրդ սրբումսեղանիս՝ որ 'ի խորանիս, առանց նիրհելոյ և դանդաղանաց սպասել հրամանաց երանականաց կեցուցիչ կամաց ամենաստեղծիդ, քրովբէօրէն առաքինութեամբ յաստուած միացեալք անբաժանելի: Որք երկնաւոր պետութիւնք են մեծք, և զինուորութիւնք ամբիժք, ահաւորք, երկնաւորիդ աստուծոյ ազատազնեայ պաշտօնեայք, 'ի յամպոյդ լուսոյ ցողք նշուղից:

Ի. Արուք և ինձ մեղաւորիս հողեղինի մարդասիրեսցես ողորմել, Յիսուս, աղաչանօք իմոյն հրեշտակի, դարձուցանելով զիս, տէր, 'ի բարիդ քո հեաս լուսոյ. զի զաւանդ հողւոյս իմ պաշտպանութեան, զոր հաւատացեր նմին տեսչութեան, զընկալեալն 'ի քէն 'ի կենցաղ աստեացս՝ ուրախութեամբ սրտիւ յիս բերկրեալ, անմեղադրելի առ 'ի քէն օրհնեալ՝ խնդալից դիմաց զուարճութեամբ քեզ, արքայ բարձրութեան փառաց անհասից, 'ի խրախճանս կենդանախումբս բերկրեցելոցն պարուց մատուցեալ ընծայեցուսցէ, գովեալ ողորմած. Եւ քեզ անքնին ընդ հօր անհասի՝ թուակցութեամբ հողւոյդ անճառի վայելէ փառք պատիւ և երկրպագութիւն, յաւիտեանս յաւիտենից. ամէն.

ԲԱՆ ԶԲ.

ՎԵՐՍՏԻՆ ՏԱԵԼՈՒԱՅ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ ԽՕՄԲ ԸՆԴ ԱՍՏՈՒԹՈՅ

Ա. Տե՛ր աստուած բարերար, բաղմապարգեւ թաղաւոր, կենաց պատսպարան, լուսոյ կերպարան, լայնատարր հանգըտարան. սր յաղազս մեղուցելոյս եկեալ մարմնացար, դորժեցեր զանպատումն և հանդերձեցեր զհրաշալիսն, մինչեւ կատարեցեր զառեցեալն ընդ ամենալիր աստուածութեանդ.

Բ. Արդ վասն առաքելոցն սրբոց յերկնաստեղծ քո ձեռացդ ձեռնադրելոց և հոգւովդ սրբով օժելոց, զորոց ըզգովեատն արժանաւորութեան ըստ իմում կարի՝ առ 'ի փառս քո, տէր ամենայնի, յայլում բանի պաշտեցի, և ինձ ողորմեսցիս յիշատակաւ սիրոյ նոցին ընտրութեան. Շաւիղ ինձ ելից նոքօք հանդերձեսցես յերանութիւնն փափաքելի. ձայն բարի հովուութեան նոցին 'ի յողջոյն ինձ կենաց քաղցր լուիցի. Մասն կալայց 'ի յանեղծութիւն վերկութեան տօնեցեալ յուսոյն՝ ընդ առաջնորդացն կենաց,

ակզբնաշնորհիցն պատուոյս , փառաւորեալն դասուց , գե-
տոցն բանականաց , աւետարանչացն բարձանց , իշխանայն
պանծալեաց , լուսապայծառ թագիւ պճնելոցն , 'ի զարդ-
անկապուտ զօրութեան շնորհին պայծառացելոց , իւղովն
զուարթութեան տիրական լուսոյն կատարելոց .

Գ. Ընդ աշակերտաց մեծիդ հրամանի բարձրեալդ աս-
տուծոյ Քրիստոսի՝ և մարտիրոսացն ընտրելոց նահատա-
կութեամբ , որք մահացու և վշտաշարչարն մարմնով , վտան-
գաւոր և ամենակիրն անդամօք , երկրաւորական և հողա-
զանգուածն բնութեամբ մարտուցեալ ընդ տարր գոյից ա-
մենայն 'նիւթից՝ սպակեցան բարձրացան և կենդանացան
հոգեպէս . արիաբար ելեալք 'ի յերկրէ , ըստ մարգարէին ,
վկայք ճշմարտք ամենափորձն մահու , իմանալեացն ան-
տեսիցն և ծածկելոց աներկրայ բարեացն յուսով տեսելոցն
աստէն նկատիչք . աշակերտք առաքելոցն և շարչարակիցք
նոցին . որ հաւասարեալ գործովք ընդ նոսին , կատարեալ
լրմամբ անպակասելեաւ պարեն 'ի խրախճանս անկէտն ե-
րանութեան . որոց հաճոյական և ընդունական մաղթանօք ,
արինընծայ վաստականուէր քրտնակնդրուկ աղերսիցն
յարգմամբ՝ ընկալ զիս նորոգ ըստ նոցին մասին անեղծ
փրկութեամբ 'ի քեզ արձանացեալ .

Կ. Ընդ խաղացեալսն հուրք և սուսերք արեամբ ներ-
կելոցն , և ճգնաւորացն սրբոց հարցն միանձանց և քեզ հե-
տեւելոցն , սրգի աստուծոյ , անպարտելի քաջութեամբ և
անպատիր զգաստութեամբ , ընդ դժնեայ գոռոցի մարմ-
նոյս բռնութեան արիապէս մարտուցեալ , սովիմբ վանեցին
զանմարմինն Բելխար . և մշտամարտ հանդիսիւ յասպարիսի
կենցաղոյս առանց զզուանաց ծանրաբեռնութեան 'ի լայ-
նածաւալ ծփանաց աշխարհիս ծովու տապանակաւ մարմ-
նոյս թանձրութեան զթեթեւութիւն հոգւոցն թաուցեալ
'ի նաւահանգիստն կենաց հասին . և իբր սիրողք վերնում
վիճակին առանց յետնոցն մտածութեան , զթագն յաղ-
թութեան համարձակապէս պայծառ ճոխութեամբ պճնեալ
խնայեալս 'ի գլուխ կապեցին . վասն նոցին՝ արժանաւոր
մաղթանաց և նուիրական հայցուածոց և զիս զմեղաւորս
'ի պատժականաց ընկալ ընդ նոսին .

Եւ ահա խառնեալ զանմաքուրս բան ընդ նախագը-
 բեալ երջանկացն փառատրական աղերսարկութիւն, որ
 վասն իմ գոչենք եղ ՚ի հաճութիւն, և ես ընդ նոսին իբր
 դառնութիւն եղեալ ընդ քաղցու, կամ տատասկ ընդ ս-
 զորկութեան, տղեղութիւն ընդ վայելչութեան և տիղմ
 ընդ գեղեցկութեան մարգարտի, կամ հող ընդ յստակու-
 թեան ոսկեոյ, և կամ քարինս անարգս ընդ սպայծառու-
 թեան արծաթոյ, բացասութիւն ընդ ճշմարտութեան, կամ
 աւազ ինչ առամնառու ընդ կակղութեան զանգուածոյ
 հացի. արդ լուր, հզօր, հնարաւոր, դովեալ, զնոցայն
 վասն իմ և զիմն ընդ նոսին ՚ի նոցին գովեստ, ՚ի փրկու-
 թիւն իմ և ՚ի փառս քո, ամենադուիթ, բարերար, օրհ-
 նեալ, երկայնամիտ, կարող, անքնին, անճառ, անեղծ և
 անստեղծ. Քո են սարգեւք, քո են շնորհք. դու սկիզբն
 և պատճառ բարեաց ամենայնի. Աչ ես դատապարտիչ,
 այլ ազատիչ, ոչ ես կորուսիչ, այլ գտիչ. ոչ ես մահացու-
 ցիչ, այլ կեցուցիչ. ոչ ես տարադրիչ, այլ ժողովիչ. ոչ ես
 մատնիչ, այլ ապրեցուցիչ. ոչ ես ընկղմիչ, այլ վերածիչ.
 ոչ ես գլորիչ, այլ կանգնիչ. ոչ ես անիծիչ, այլ օրհնիչ.
 ոչ ես վիժառու, այլ շնորհիչ. ոչ ես թշուառացուցիչ, այլ
 մխիթարիչ. Աչ եղժանես, այլ գրես. ոչ սասանես, այլ
 հաստատես, ոչ ոտն հարկանես, այլ սփտիես. ոչ պատ-
 ճառս յօդես մահու, այլ հնարս խնդրես կենաց. ոչ ես ՚ի
 կամն շարժեալ սատակման, այլ ՚ի փրկութիւն ողորմու-
 թեան. Աչ մուանաս զայցելութիւն, ոչ լքանես զբարի,
 ոչ արգելուս զգթութիւն, ոչ բերես վճիռ կորստեան, այլ
 կտակ ազատութեան. Աչ թշնամանիս յառատութեանց,
 ոչ բամբասիս ՚ի շնորհաց, ոչ հայհոյիս ՚ի պարգեւաց, ոչ
 նախատիս ՚ի ձրի ձրից, ոչ անդոսնիս յերկայնմտութեանց,
 ոչ եպերիս ՚ի ներութեանց, ոչ բանսարկիս ՚ի բարութեանց.
 ոչ անպատուիս ՚ի քաղցրութեանց, ոչ քամահիս ՚ի հե-
 զութեանց, ոչ առաքին այսոցիկ տրանջմունք, այլ անլը-
 ուելի գոհարանութիւնք. Բարձ զմեղս իմ, հզօր. լոյծ զա-
 նէծս իմ, օրհնեալ. քաւեա զպարտիս իմ, ողորմած. ջըն-
 ջեա զյանցանս իմ, գթած. մատո մատն այցելութեան,

և անդատին իսկ կատարեցայց . զի՞նչ քեզ , տէր , քան ըզ սոսին դիւրագոյն , և կամ զի՞նչ ինձ պարտաւորիս կարեւորագոյն . Այլ կենդանագրեա , բարեխնամ , քոյինատոեղծ պատկերիս փշումն կրկին 'ի շունչ նորոգման լուսաւորութեան մաքրական շնորհի զամենամեղս ոգի պաշտպանեալ .

Զ. Մի՛ ածեր , ողորմած , ինձ օր տարածամ 'ի համառօտս երբի՛ անթոշակ ապաձեռնութեամբ ընդ անկատար ուղին հետեւել , մի՛ մատուցաներ բաժակ դառնութեան 'ի ժամ ծարաւու . մի՛ փակեր , գթած , իմ հանդէպ ըզ յաջողուած հոգեւոր օգտիս , և մի՛ իրր յանկարծագէպ հինից ասպատակ գլխեր մահուն ինձ պատահեցէ . մի՛ տապ տօթոյն յանպատրաստ պահուն զարմատս հատեալ ցամաքեցուցէ , և մի՛ լուսնական դիպուածք հասեալ գաղտնեօք վնասեցեն , մի՛ պահեցի ինձ սառն մեղացս , և մի՛ հոսանք ուղիսից կենցաղոյս զիս ողողեցեն . Մի՛ հանգիստն մահ բերիցէ , և մի՛ ննջումն 'ի սատակումն յառաջեցէ . մի՛ քունն ինձ կորուստ լիցի , և մի՛ նիրհումնն ապականութիւն գործեցէ . մի՛ վախճանն անյարմար 'ի վերայ իմ արշաւեցէ , և մի՛ շնչոյս վերարձակութիւն ըմբռնեալ 'ի խոնարհ լբցի .

Կ. Պու ես տէր , դու գթած , դու բարերար , դու երկայնամիտ , դու ամենակարող , առ ամենայն բան անհասութեան անճառ զօրաւոր , քաւել , փրկիել կենագործել լուսաւորել , վերստին հաստատել , 'ի ժանեաց կերչաց դազանաց և կամ յատամանց վիշապաց 'ի կեանս կորզել , 'ի խորոց անդնդոց 'ի լոյս բերկրութեան ածել , և 'ի հեղձմանէ ծփանաց մեղաց ընդ արդարս երջանկաց փառօք բազմեցուցանել . Ամենայն ոգի քեզ ակնկալեալ յուսով սպասէ , կարօտեալ քումդ շնորհաց , եթէ երկնայինք և եթէ երկրաւորք , եթէ անկածն մեղօք և եթէ ամբարձեալն արդարութեամբ , եթէ տէր և եթէ ծառայ , եթէ տիկին և եթէ ազախին , և 'ի ձեռին քո է շունչ կենդանական բողբոջուն . Եւ քեզ ընդ հօր և հոգւոյդ սրբոյ փառք յաւիտեանս յաւիտենից . ամէն .

ԲԱՆ ԶԳ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. ԲԱՐՁՐԵԱԼ, անքնին, զօրութիւն ահեղ, տէր արարածոց, թագաւոր երկնի, ստեղծիչ հրեշտակաց, գոյարան մտաց, հաստիչ հրեղինաց, պետ բարի հոգւոց, աջ ապաւինութեան, անդորրութիւն հանդստեան, տեսարան լուսաւորութեան, պայծառութիւն բերկրութեան, ճանապարհ երանութեան, պատճառ կենդանութեան, առիթ բանաւորութեան, փրկութիւն առանց չարութեան, առաջնորդ խաղաղութեան, պարիսպ ամրութեան, պատուար պահպանութեան, ցանկ բոցոյ մեծի օրհնութեան, սահման անխակալութեան, յիշեալ յայսմ ողբերգութեան մատենի բանիս խոստովանութեան և զոր 'ի մարդկային ազնէ թըշնամիս մեր՝ 'ի բարի, և արա կատարեալ նոցին քաւութիւն և ողորմութիւն. Մի՛ բարկացիս նոցա վասն իմ, տէր, իբրև զսուրբս բամբասողաց՝ առ յաճախ սիրոյդ որ յիս, այլ որպէս զչարս կշտամբողաց և իրաւամբք նախատողաց՝ ներեալ յանցանաց նոցա. Եւ արդ մատուցեալ երկաքանչիւրոցս առաջի քո, արդարադատ, ոմանք առ մեզ վնասաւարադոյնք սակաւութեան, թերևս և յիրաւի բամբասելոցս, և ես առ քեզ, ամենապարզ և անթիւս և անկշտելիս բազմօրինակ ուխտազանցութիւնս.

Բ. Արդ յիշեալ զքո մեծութիւնդ, տէր, նայեցեալ 'ի յիմն անարգութիւն. և ընդ խնդրելս իմ՝ 'ի քէն բարի իմոցն ատելեաց, և դու առ քոյս ըստ քու՛մ մեծութեանդ անճառելիս հրաշագործեսցես. Մի՛ սատակեսցես զիմն խածանողն, այլ փոփոխեսցես. խլեալ զխոտանս բարս երկբաւորս, զբարիան արմատացուցես և յիս և 'ի նոսին. Մանաւանդ զի դու լոյս ես և յոյս, և ես խաւար և յիմար. դու իսկութեամբ բարի գովելի, և ես համայնիւն չար ապիկար.

դու տէր ստորիցս և երկնից , և ես անիշխան շնչոյս և հոգւոյս . դու բարձրեալ 'ի կարեաց զատեալ , և ես տաժանաւոր և վտանգաւոր . դու 'ի վեր քան զկիրս երկրիս , և ես կաւ անարդու թեան գարշութեան . դու ըստ մարգարէին մնաս յախտեան յանբաւ բարձրութեան , և ես միշտ կորնչիմ ըստ նորին բանին . 'ի քեզ ոչ է մթութիւն կամ նենդութիւն , և ես բաւանդակն իսկ իցեմ՝ որ զաւանդն իմ ոչ պահիցեմ . Հան զիս 'ի բանտէս , արձակեա 'ի կապանացս , զերժ 'ի շղթայիցս , փրկեա 'ի խեղդմանէս , ազատեա 'ի տագնապէս , քակտեա 'ի յերկաթիցս , լոյժ 'ի պաշարմանցս , արտաքսեա յերկմտութեանցս , օխոփեա 'ի տխրութեանցս , հանգո 'ի նեղութեանցս , փարատեա 'ի վշտացս , հանդարտեա 'ի խռովութեանցս , ապաքինեա 'ի լալոյս , մերժեա 'ի հեծութեանցս , հեռացո 'ի յողբոցս , կազդուրեա 'ի կականմանցս . Աստուած ողորմութեան և պարգեւատու քաղցրութեան , մի՛ զգրաւեալս արեամբ հզօրիդ անտես արարեալ ընդ վայր կորուսաներ . կանդնեա զհասեալս յափն մահու 'ի բազմավտանդ հիւանդութենէս .

Գ . Ահա բարդեցան կուտեցան շրջանակք ամացս ընդունայնութեան , յորմէհետէ յայտնեցեալ ցուցայ յոչ պէտտ երեւեալ , 'ի յանդաստանէ մօրն իմոց սենեկի փուշս դժնկի մեղաց չառաւիղի . մի՛ լինիր ինձ խայթոց խոցոտիչ՝ որպէս անդ տահմին Յուդայի , և կամ զաւակին Եփրեմի . Եւ քանզի բուսուցեալ անկեցի յոգիս փոխանակ ցորենոյն բարեսերմութեան խոտս խայթողականս ինքնաթոյն ընդարմացուցիչս , ըստ գրոյն բանի՝ որ երէցն է քան զաւետիան , զիարդ ոչ կոչեցից զանձն իմ գարշելի անդաստան անիժաբեր փշովք մեղաց հեղձեալ . Ոչ սերմանեցի արդարութիւն ըստ բանին Ովսեայ , և զիարդ հնձեցից և ժողովեցից զկենաց ստուղն . Անկաւ ստինք կուտութեան անձինս մաքրութեան , ըստ մարգարէին բանի՝ որ առ Իսրայէլ , կարող ես տէր 'ի նոյնն հաստատել , Լայնեցի ընդարձակեցի ըստ մելեկան բարուցն Յուդայի զանկողին կամացս՝ գիււացն հոմանեաց , 'ի ձեռս քո է ամիտիելդարձեալ 'ի նոյն զգաստութիւն . Եթէ մարմնապէսն կցորդութիւն ընդ տե-

սանողին անարատ գործեաց զպոռնիկն , իսկ դու փրկու թիւն հոգեպէս միացեալ 'ի յիս՝ կրկին մաքրեսցես . եթէ արեղակնս այս անկենդան ստեղծեալ առ 'ի քէն երկրիս մատակարար , և զկատարումն մերից ցամաքէ և զտհաս պըտուղս հասուցանէ , իսկ ստացողդ ամենից՝ հոգիդ աստուծոյ ո՞րքան զօրեսցես զտիզմ՝ չարեաց աղտոյ և զթարախ սղծութեան մեղաց մթերից իսկոյն սպառել . Վասն այսր կանխաւ իսկ ժամանեցի հայցել առ 'ի քէն բարի՝ ատելեացն իմաց 'ի կարգ այս բանի , զի զհերքեալ փնասակարս պարտուց մահու յամենախնամ աչաց հզօրիդ մի՛ մերժեսցես , օրհնեալ գթութիւն . արդ կենադործեա զիս զամենամեղս անդամօք մարմնոյս ընդ բնութեան հոգւոյս խորհել միշտ զքոյսդ . Իսկ բարեգործացն խնդրել բարիս , բնութեան են օրէնք՝ անբռնադատ կրիցն յարակցապէս առ սոյն բերումն . Քանզի արդարեւ առ միդ այդ պատուէր ամենայն հասակ զօրանայ , իսկ միւսոյդ երկրորդի առաջնապէ խնամով հանդիպել՝ աստուածականիդ է նմանութիւն . յաղազս այսր իրի նախնի դասեցի զթշնամեացն իմաց աղերսանս քան զերախտաւորացն բարիս :

Գ. Եւ արդ յիշեա զնոսա կրկին ընդ միոյ , որ 'ի քո անուն բարձրացեալ զանարժանս զիս ընկալան , և տուր նոցա , տէր ամենառատ բարերար և անտխակալ , վարձս արդարոյ և մարգարէի , թէ և ես յաւէտ թափուր իցեմ յարժանեաց , ըստ հաւատոց նոցա և առ յոյսնոցին ակնկալութեան , որ առ պարտաւոր գերիս ողջամիտ կամօք ակնարկեն , որպէս թէ 'ի մասանցդ քո կեցուցչաց 'ի պահպանարան հոգւոյս ծածկութիւն լիով ունիցիմ . Եւ զպատժաւորս անամփոփելի 'ի քոց տեսութեանց և յանխաբելի 'ի յուղիղ կշռութեանց՝ քաղցր գթութեամբդ անսահմանելեաւ մերձեցեալ առ իս մաքուր արասցես , յանխայտառակելի պահելով 'ի տիեզերական յանդիմանութեանն . Եւ որպէս շուք իմն վայելչական դնել ախորժեն ինձ անարժանիս սիրելիքն քո վասն քո , նայեցեալ 'ի կրօնս զգեստուս բարեկերպութեան , չգիտելով զբիծս գաղտնեացն՝ երջանիկ կարգան եղկերոյս , և դու հնարաւոր ամենապարզեւ օրհնեալ մար-

դասէր՝ առ բնաւս ողորմած, վասն ամենաթշուառիս հեծութեան հաշտեաց ընդ նոսա ըստ հաւատոց նոցա. ընծայեալ նոցին մատոս պարզեւեւա զանեղձ մեծութիւնդ և զանթառամելի զպսակդ յահաւոր աւուրն յեանում հատուցմանն ամենափորձ ընտրութեանն.

Յ. Զի դու ևս դրաւ փրկութեան մեծութեան անվատնելի և անծախ գանձուց ստրկիս և սովեցելոյս, ՚ի վաճառ վերնային շահու օգտութեան՝ բանիւդ որ ՚ի քէն՝ յարգեալ ճոխանամք. Կառո ինձ սահման ջրոյ հանգստեան, արձանացո, անխփփոխ, պատրաստական վստահութիւն, կարգեա, օրհնաբանեալ, անկաղակարծ յուսոյ ամբութիւն, տուր, ամենախնամ դու անաչառ պաշտպանութիւն, սասանեցելոյս բարեաց անդորրութիւն, տարակուսելոյս լուսոյ ապաւինութիւն, աշխարելոյս մեծ երջանկութիւն, վհատելոյս կենաց օգնութիւն, լքելոյս անգայթակղելի օժանդակութիւն, նահանջելոյս անսայթաք վերբնթացութիւն. Զի քո է բնաւդ և ՚ի քէն է ամենայնդ, և ՚ի ձեռն քո բաշխին հաւաստութիւնք պիտանացուաց համայնից կենաց և քեզ վայելէ վառք յաւիտեանս յաւիտենից. ամէն.

ԲԱՆ ԶԳ.

ՎԵՐՍՏԻՆ ՅԱՒԵԼՈՒԱԾ ԿՐԿԻՆ ՀԵՏՈՒԹԵԱՆ ՆՈՐԻՆ ՀՅՈՂԻ


ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՍԻ ԸՆԴ ԱՍՏՈՒԾՈՑ

Ա. ԱՐԲԱՅ երկնաւոր, թաղաւոր բարձրեալ, տէր բորրից, ամենից ակնկալութիւն, ստեղծող տեսականաց, հաստիչ իմանալեաց, պատճառ եղանութեանց, կազմիչ հանդերձելոց, տուիչ լուսոյ, առիթ առաօտու, պատրաստիչ վաղորդայնի, երեւեցուցիչ երեկորի, տարրիչ խաւարի, արուեստաւոր բարեհնար, իմաստութեան գործօնեայ, քաւարան օրհնեալ, հալիչ մեղանաց, հալածիչ ցաւոց, քակտիչ դառնութեանց, պահպանարան հանգստեան,

հնարք նիրհման , յարմարիչ քնոյ , պարզեւիչ ննջման , շքն-
չոյ յարակարգութիւն , զգայութեան տեւողութիւն , ցրիչ
ցնորից , յեղանակիչ անրջոյ , փոխարկութիւն զարհուրմանց ,
այլայլութիւն տխրութեանց , խափանիչ խիթմանց , ընդար-
ձակիչ կարծեաց , համադրութիւն ծփմանց , ահագնու-
թիւն խարդախմանց , հարուածիչ դիւաց , փախուցիչ ակ-
տից , ընկզմիչ գայթակղութեանց :

Բ. Պաշտպանեա երկնաստեղծ ձեռամբդ , զօրացս բարձ-
րացեալ քո աջովդ , ամբողջեա ամենակալդ թեւօք , ծած-
կեա աստուածեան խնամօքդ , ամբացս վերակացութեամբ
վերնայնոցդ , շուրջանակի պարսպեա գումարտակօքդ ան-
մահից , 'ի յամենուստ պարփակեա կցորդութեամբ հրեշ-
տակացդ , վանեա զընդդիմամարտն իմ զինուորութեամբ
զուարթնոցդ , պատսպարեա զսասանեալս՝ աստուածած-
նիդ մաղթանօք , զբանակս անդրանկացդ բարեկարգեա
ինձ պահապան : Բաց ընդ աչացս դիմաց և զմտացս իմ
տեսանելիս , զգաստ արա ընդ ոգւոցս և զժանրաբեռն կը-
րիցս դանդաղութիւն , վերացս , տէր , 'ի զգայութեանցս
զմածեալս յիմարութիւն . բարձ , միայն բարեգործ , զպատ-
րուակիս թանձրութիւն : Ընդ սկզբան բերմանս լուսոյ՝ զո-
ղորմութիւն քո ծագեա , ընդ ելից արեւուն՝ արդարու-
թեան արեգակնդ 'ի յանձկութիւն սրտիս մտցէ . ճառա-
գայթ քո փառացդ 'ի յիմաստիցս խորհրդանոց ջահեսցի .
խաչիդ տեառնադրութիւն ընդ շունչս և ընդ մարմինս
համասփիռ տարածեսցի : Յանձն առնեմ քեզ յաւուրս
դքո յարմարեալ տաղաւարս պահպանեալ ոգւոցս որ 'ի ամին .
Զի դու ես աստուած անքնին , առ ամենեփն բաւական
և յամենայնում բովանդակ , օրհնեալ յաւիտեանս . ամէն .



ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՇՈՒԹԵԱՆ ՆՈՐԻՆ ՀՍՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՄԲ ԸՆԴ ԱՍՏՈՒԾՈՑ

Ա. **Ի**ՍԿ արդ վասն զի արթնականն մեր զուարթութիւն քեզ ննջումն իմն է համարեալ, իսկ 'ի խոր թմբբութիւն լուեղն՝ վասն ուղիղ հաւատոյն 'ի քեզ՝ անթարթափ բացութիւն աչաց, ուղղեա հոգւոյդ քո իմաստութեամբ զյաջողուած ձեռինս գործոյ ընդ հեծութեան ձայնիս մաղթանաց . **Չ**օրացո, տէր, 'ի հանդէս բարի ճղնաւորական արի վաստակոյ, կցորդ լեր կարեացս տկարութեան, թեթեւս կացո զաշխատութեանս այս սկիզբն . արագեա, միշտ կարող, զյառաջագրեալ ձեռակերտս, գիւրաւորս ընթացո 'ի յաւարտումն լրմանն . **Ի** վախճան իրին բերկրութեամբ զիս հասո, ժաման կացուսցես 'ի հանդիպումն յուսոյն, կցորդ լեր ուղւոյն ճանապարհիս ընթացից, 'ի թուիչս ամբարձման փութացուսցես յօգտակարն, ընդ աջմէ իմ լիցիս 'ի վտանգի ծանրութեանն, զձայն քո լուս 'ի յանձկութեանն պահու, ձեռամբ քո կեցո 'ի կորստեանն ժամու, մատամբ քո ազգեա 'ի սահմանին անձկութեան, հարթեա զխարսց ամենաչար խափանմանն, հոգեղինին առաքմամբ ըսո **Ա**մբակումայ ինձ հնարեա, բան ինձ շնորհեա 'ի յատենի բազմութեան, իմաստութիւն յիս տնկեա 'ի հանդիպման քննութեան . **Ա**մպով կամաց քոյ հովանացիւր հրաշապէս, հանդարտեցո փայտիւդ՝ կենաց զծովուս մրրիկ, սանձեա զաստեաց կենցաղոյս պատկեր քոյին հրամանաւդ . քանզի թէ ասո ողորմութիւն քո, տէր, կամեսցի, այս լուծութիւն կոհակաց կարծր է քան զվէմ . և թէ 'ի ցամաքի անտես առնիցես, իբր զանկայուն՝ պնդութիւն յատակիս 'ի ներքոյ աստի հոսեալ սասանի .

Բ. **Ա**րդ ընկալ, **Յ**իսուս, զպաղատանացս ձեռնարկութիւն քեզ 'ի հաճութիւն, և արա ինձ զամենակարծն գայ-

Թակղութիւն մեծ վատահութիւն . Որպէս 'ի ջրահեղձոյց ամենակործանն դարու , որք 'ի հարթ տարածման գեանի առանց երկիրի յանհոգս կէին , յորըմութենէդ ամայի մնացեալ կորուսան . իսկ ընդ հովանաւոր մածուածով լաստիւն յոգնատատան հիմանն հայթայթանօք յանուն դըթածիդ յեցեալ սահեցան . ընդ որս և զաղաչողս մշտատատան 'ի նաւահանգիստն խաղաղութեան մարդասիրասպէս պրծեալ ապրեցս . վարձս 'ի քոյոցդ ընդ իս բերելով հոգեւոր շահից , զստորաբերս այս ստուարութիւն պարտուցս լքեալ բանիդ առակաւ , 'ի քեզ տէր անկայց միացեալ 'ի սպառ անբաժանելի , օրհնեալ յամենայնի . Եւ կըցորդելով այսմ մաղթանաց հոգեղէնքն ամենամաքուրք ընդ հողեղինացն մարտիրոսաց , որք ջրով և հրով փորձեցան , և յելից զերծմանն ընդ մեր խնդրեցին , և մեզ յեշատակ թողին օգնութեան , առասցեն ընդ մեզ համարանաբար զուգամասնութեամբ՝ եղիցի եղիցի .

ԲԱՆ 29.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ԼԵՆՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՑՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՄՐՏԻՑ ԽՕՍԻ ԸՆԴ ԱՍՏՈՒԾՈՑ

Ա. Ընդ այսր հաւաչանաց թախծութեան ողբոց 'ի բազմաց կերպից շարակարգելոց , և ամենից հոգւոց ողորմեա , գովեալ և երկայնամիտ թագաւոր . Նա և այնոցիկ առաւել որոց հատեալ է ակնկալութիւն փրկութեան կենաց . որք ննջեցին անպատրաստաբար շիջեալ լապտերօք իւղոյն պակասութեան . Ահա յիշեա , տէր իմ գթութեան , և 'ի յայս ևս պատճառ իրաւունս ինձ դրեա . Քանզի թէ և 'ի փառս ահաւորութեան սքանչելեաց մեծիդ՝ հակառակօքն հանդերձեցեր զկաղմած մարդոյս , զոմն ծանր և զոմն թեթեւ , զմին զով և զմիւսն հրային զի գիմադրութիւնն 'ի հակառակացն հարթ պահեցեալ՝ արդար կոչեսցուք

հաւատարիմ հաւասարութեամբն . և 'ի յայսմ 'ի դատման առաքինութեան վերաբերեալ ընդ ամբարձելոյն , զխնարհութիւնն առ կաւն դիտման անմուտայ պահեալ պըսակ ընկալցուք ճգնաւորական . Այլ քանզի յայսմ կանոնէ ուխտի վրիպեցաք , և անասնաբար սահեցմամբ ըստ հողոյն զիջման ընդ երկիր մածաք , այլ ոմն ախտիւ և այլ ոմն անգթութեամբ , միւս մասն մսլութեամբ ամենաբաղձ կերակրոց իբր դազան մշտաբոյժ յարակայ կապեալ ընդ բնութեանս . Իսկ 'ի քառիցս ոմն անըմբռնելի և անողոքելի սլացմամբ 'ի բաց ոստուցեալ վայրեննապէս անբարտաւանէ . եթէ ջեռնումք տապով սիրոյն որ 'ի քեզ նշխարաւ բոցոյն որ 'ի մեզ , ցուրտն առ ընթեր կենակից նմին զնոյն կասեցուցեալ բարոյն ընդ միջէ . եթէ օդականաւն հրեշտակայ նովն յառիցիմք 'ի քեզ , ծանրութիւն թանձրու անգրանիկ նիւթոցս այս հողոյ 'ի ստորեւ քարչեալ խափանէ :

Բ. Եւ արդ յամենուստ պարտեալ և 'ի սպառ լքեալ իբր զապիկար հաշմեալ հերքեցայ կորեայ վանեցայ , վասնեալ 'ի բազմաց 'ի մահ գրաւեցայ . վասն որոյ 'ի պարգեւականէն զրկեցեալ յողորմութեանն կողմ նայիմ , և սրտկառեալ դիմօք համայնից ունողս զբնաւից աղերսաբանեմ զմեռելոցն՝ քեզ կենդանեաց . քանզի կարող ես յաւետ հնարիւք և կորստականացն ըստ իս մեռելոցն . ամենայն ինչ քեզ զօրելի է . նա՛ զի և ընդ անակար կարելոյդ և կամելդ է ախորժելի :

Գ. Արդ այսց երկուց բարգաւաճ շնորհաց նորոգչաց առ միմեանս եկեալ կարելն ընդ կամելն , բարձեալ եղիցի և յուսահատութեանն վհատութիւն ազգաց մեղաւորաց . և ժամանեալ հասցէ աւետեացդ լոյս հոգւոց բժշկութեան քումբ հրամանի , տէր ամենայնի , օրհնեալ յաւիտեանս . ամէն .

ԲԱՆ ՁԷ՝

ՎԵՐՍՏԻՆ ԹԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՄՐՏԻՅ ԽՕՄՔ ԸՆԴ ԱՍՏՈՒԾՈՅ

Ա. **Ե**՛ր առդ քանդի 'ի գլուխ կատարման հասեալ սա-
կաւամասնեսոյ կտակի այսր ողբերգութեան, արա, տէր,
վախճան դադարման առնուլ ընդ այսց բանից մաղթանաց
ինքնանախառս կշտամբութեան՝ և որ յիս կրին շար սովորու-
թիւնք: Որ քեզէն կարգեցեր սահման աւետեաց ակնկա-
լութեան դատապարտելոյս՝ ասելով, ոչ են կամք առաջի
հօր իմոյ՝ եթէ կորնչիցի մի ոք 'ի փոքրկանցս. և դարձեալ,
այս են կամք հօր իմոյ՝ զի զամենեսին ինձ յանձնարարեալսն
ոչ կորուսից:

Բ. **Ա**հա օրհնեալ ես 'ի գթութեան, բարեբանեալ միշտ
'ի քաղցրութեան, խոստովանեալ յերկայնմտութեան, ծա-
նուցեալ 'ի յայցելութեան, քարոզեալ տէր 'ի փրկութեան,
ներբողեալ դու յառատութեան, պատուեցեալ 'ի պաշտպա-
նութեան, փառաւորեալ ես 'ի փրկութեան, երկրպագեալ
յանբաւ բարձրութեան, պաշտեցեալ 'ի յանքննութեան,
դովեցեալ միայն 'ի յաղթութեան, վերաձայնեալ 'ի մեծ
զօրութեան, խնկաւորեալ յողորմածութեան, համբուրե-
ցեալ յանճառ հեզութեան, ճաշակեցեալ 'ի խոնարհու-
թեան: Ընդ քեզ և ծնողք քո երկնաւոր աստուածդ բո-
լորից մխիթարութեան. ըստ որում հողիդ քո սուրբ բա-
րութեան, որ զանկեալ զգրաստ թշնամոյն և զգայթակղեալ
մարդն անբանութեամբ՝ կանոնեցեր ոչ անտես առնել: Ո-
րոյ երախտիս հզօրիդ 'ի յիս, և առաքինութիւն մեծիդ 'ի
բարձունս տօնեալ անդադար յանվախճան փառաբանողաց.
որովք զայս ձայն աղերսական յարգեալ ընկալցիս մարտիրո-
սացն պաղատանօք 'ի հոտ հաճութեան բուրման անուշից:
Եւ այսու փրկանօք հաշտարար բանի՝ վնասնեացն պարտս
և զանբերելոյթ վէրս միջնովքն և վերջնովքն մահացուցա-

նողօքն զանձն և զմարմին բժշկեալ , ամենակարող , զներքինս և զարտաքինս , զտիպքն և զգիծքն և զխարանս հարուածոցն . բարձեալ և մաքրեալ դեղովք ողորմութեանդ զկտեալ խածուածս բազմագունիս , որք գարշելիս ընդ ախորժեղեացն քեզ ցուցանեն զէութիւն բնութեանս .

Գ. Եւ եթէ հասից յամս ծերութեան քեւ առաջնորդեալ արժանիս մահու , մի՛ թողցես զտկարութիւնս , մի՛ անարդեր զալիսն , մի՛ կորացուսցես զկործանեալն , մի՛ զիջուսցես զկքեալն , մի՛ վայրաբերեր զխոնարհեալն , մի՛ շնչման հողմց մատներ զառկայծեալն , մի՛ ընդպահկեցցես զդեղեւեալն , մի՛ անվերարկու առներ զսառուցեալն , մի՛ անդարման լիցի տաղնապեալն , մի՛ առանց տածելոյ յարկն խարխալեալ , մի՛ անպատիւ պատկերն հնացեալ , մի՛ պարարտութիւնն անհամեալ , մի՛ շուք շնորհին անարդեալ , մի՛ հնութիւնն քամահեալ , մի՛ նա՛ հոգւոյս ալէկոծեալ , մի՛ երկարութիւն յուսոյն կտրեցեալ , մի՛ լար շաւիղին խղեալ , մի՛ ուշ իմաստին բարձեալ , մի՛ գոյին կաղմած զեղծեալ , մի՛ ամբարձմանն թեւք փետտեալ , մի՛ զուարթութիւն գեղոյն տգեղեալ , մի՛ ճածանչ նշուլին քաղեալ , մի՛ պատահանք աչացս փակեալ , մի՛ լուսաւորութիւն նորին խափանեալ , մի՛ պատկերն խօսուն անկեալ . Ահա աղայւեմ՝ զքեզ , բարեգութ , ամենայն սրբովք պաղատիմ , լուր սոցին ինձ կանխաւ , զի զանագանն մի՛ մոռացիս . Ղու առաջնորդեցեր ինձ ըստ սաղմոսողին և ապրեցուցեր , հան , տէր , ընդ երգողին և ՚ի կարծեացն կասկածանաց , յորմէ երկնչիմ , Իսկ ես չեմ՝ արժանի ՚ի քէն և ոչ հասարակական կերակրոյն վարձու , այլ դու կարող ես սովորաբար և առ զլացողս բարեգործել . Քո են զարմանալիք անճառից բարեաց . միայն հրաշագործ առ ամենայն երկայնմութիւն , ընդ հօր և հոգւոյդ սրբոյ օրհնեալ հանապաղ յաւիտեանս յաւիտենից . ամէն .

ԲԱՆ ԶԸ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՑ ԽՕՍԻ ԸՆԴ ԱՍՏՈՒԾՈՅ

Ա. Ե՛ր արդ ջուր կամաց և կաթ արտասուաց՝ բեկու-
թեամբ հոգւոյս մտացս լքմամբ՝ խորտակմամբ սրտիս հեղ-
եալ առաջի, զմարդարէին յիշեցուցանեմ՝ զարամաթացւոյն
Սամուէլի, զոր առեալ եհեղ ՚ի սկաւառակէ յանդիման քո,
ամենատես, առ ժողովրդեանն օրինակութիւն զանձն ար-
կանելոյ խոստովանութեամբ և հնազանդութեամբ կենդա-
նարարդ գարչապարաց:

Բ. Եւ արդ ընկալ զայս հիւսուած բանի աղիողորմ հե-
ծեծանաց, և հոտոտեսցիս յայս նուէր բանի անարիւն զոհի,
թագաւոր երկնի. և օրհնեալ սրբեա զտառ մատենի այսր ող-
բերգութեան, և գրեալ գրոշմեսցես յարձան յաւիտեան
ընդ հաճոյականացն սպասաւորութիւնս. Ասցցէ առաջի
քո մշտնջենաւոր, և յիշատակեսցի ՚ի լսելիսդ քո հանա-
պաղ. բարբառեսցի շրթամբք ընտրելոց քոց, և խօսեսցի
բերանովք հրեշտակաց քոց. տարածեսցի հանդէպ աթո-
ռոյ քոյ, և ընծայեսցի ՚ի սրահ սրբութեան քոյ. խնկեսցի
՚ի տաճար անուան քոյ, և բուրեսցի ՚ի սեղան փառաց քոց.
պահեսցի ՚ի դանձարանի քում, և համբարեսցի ՚ի ստացուածս
քո. Պատմեսցի ՚ի յականջս ազգաց, և քարոզեսցի ՚ի լուր ժո-
ղովրդոց. նկարեսցի ՚ի գրունս իմաստից, և տպաւորեսցի
՚ի սեամս զգայութեանց. իբր կենդանեօք զիմս պատմեսցէ
խոստովանեալ զանօրէնութիւն. և թէպէտ վախճան ընկա-
լայց իբր զմահացու, այլ յարակայութեամբ բանի այսր սո-
փերի՛ գրեցայց կենդանի. Մնացէ սա աներժ ՚ի կամս քո,
տէր, ինձ պատժապարտիս համբարձեալ միշտ անդուլ դա-
տիչ, անաչառ կշտամբիչ, անպատկառ յանդիմանիչ, անան-
խայելի դարովիչ, անողորքելի պարսաւիչ, անհամբոյր ծանա-
կիչ, անմարդասիրելի մատնիչ, անվրկելի տանջիչ, անկա-

չառ կառափիչ , անխնամելի յայտնիչ , ապառուժ հրապարակիչ , աշխարհալուր բողոքիչ . Փողով մեծութեան աղղման առանց լուծեան և կամ դադարման զիմոցս պարտեացս խոստովանեսցի .

Գ. Սոյն գիր իմովս ձայնիւ իբր զիս ընդ իմ ազաղակեսցէ , տարածեսցէ զժածկեալսն , հոչակեսցէ զգաղտնիսն , կականեսցէ զկատարածն , հնչեսցէ զմոռացեալսն , յայտնեսցէ զաներեւոյթսն , բարբառեսցէ զբարուրսն , քարոզեսցէ զխորոցն , պատմեսցէ զմեղացն , մերկացուցէ զանտեսիցն , ցուցցէ զկերպարանս թաքուցելոցն . Շօշափեսցին սովաւ որսքն , գտցին գայթակղութիւնքն , յանդիմանեոցին անճառքն , քամեսցին շարեացն մնացուածքն . Եւ թագաւորեսցեն կեանքդ շնորհաց ողորմութեան քո , Քրիստոս ՚ի գանձս պահեստի ոսկերացն ցամաքելոյ . որով ՚ի ժամանակս կենդանականս սկզբնաւոր լուսոյ մտի գարնայնոյն նորոգման աւուրն պայծառութեան՝ քոյովդ ցօղով յոգի աճեցեալ այսու փրկութեամբ անմահականաւ , և անցամաքելի վերամբարձութեամբ շառաւիղս ձգեալ իմանալեացն բարեաց՝ դարձեալ դաւարեցոյց և կրկին ծաղկեցոյց լատ քոյինաշունչ գրոյն յուսադրութեան . Եւ քեզ միայնոյ փրկողի և հոգւոյդ քում հօր իսկակցի , միասնական տէրութեանդ և անճառ Երրորդութեանդ խորհրդական գովեստիւ փառք և երկրպագութիւն յաւիտեանս . ամէն .

Բ Ա Ն Զ Թ .

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՄԳ ԸՆԴ ԱՍՏՈՒԾՈՅ

Ա. ԱՍՏՈՒԱԾ և տէր , կեանք և արարիչ , ողորմած , գթած , լոյս , երկայնամիտ , անոխակալ , մարդասէր , ամենագութ , պարգեւատու , փրկիչ , օրհնեալ , գովեալ , բարեբանեալ . Դարան ամբութեան , պատսպարան վստահութեան , ա-

ուանց նենդութեան բարի, առանց խաւարի ճառագայթ, քաւիչ մեղաց, ողջացուցիչ վիրաց, անհասանելեաց հնարք, անմատչելեաց հպաւոր, անյուսութեան ելք, անուռ քո խոստովանեալ աստուծոյ որդի. և հօր քո ընդ քեզ հզօրի և ահաւորի, և հոգւոյդ ամենակալի և ընդ քեզ երկրպագելոյ՝ փառք և պաշտօն գոհաբանութեան յաւիտեանս. ամէն.

ԲԱՆ Դ.

ՎԵՐՍՏԻՆ ԾԱԽԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ ԽՕՄՔ ԸՆԴ ԱՍՏՈՒԾՈՅ

Ա. **ԲԱՐԵԲԱՆԵԱԼ** աստուած երկնաւոր, միայն արարիչ, տէր ամենակալ, մեծութիւն հեղ, գթութիւն օրհնարանելի, ողորմութիւն խոստովանելի, բարերարութիւն երկրպագելի, խնամակալութիւն պաշտելի, մարդասիրութիւն տօնելի, պահպանութիւն խնկելի, բարձրեալ անքընին, մերձաւոր կամարար, ապաւէն անկասկածելի, մխիթար սրտից, փարատիչ վշտաց, ապաքինիչ ցաւոց, սպառումն վհատութեանց, բարձումն պարտեաց, փոխարկիչ կարեաց, կարգաւորիչ կրից, յարմարիչ բանից, սանձարկու լեզուի, շրջադրութիւն շնչոյ, կացուցիչ հագագի, ամիսփիչ խորհրդոց, կրթարան կամաց, արձանացուցիչ յուզմանց, հանդարտութիւն մրկաց, խաղաղութիւն ծըփանաց, որ ունիս գթեւոց ամենընթաց իշխանականիս, և իմաստութեամբ նուաճեալ առ քեզ դարձուցանես.

Բ. **ԳՈՒՀԱՐԱՆԵԱԼ** միշտ երախտաւոր, որ հեղութեամբ անհպարտութեան երկայնամտեալ հանգչիս տենչանօք անճառ հրաշիւք յանձինս սրբոց, թագաւոր էից համայնից, ամենայնիւ ծանուցեալ գթած. սկզբնահայր և նախաշաւիղ սիրոյն ընթացից. ճանապարհ կենաց, որ առաջնորդես քաղցրութեամբ գիմելոյս 'ի լոյսդ վերին, Չեռնկալու մեծ վստահութեան, որ ոչ թողացուցանես գայթակ-

ղերոյս 'ի վայր կործանել . յուսոյ կերպարան , ճշմարիտ առհաւատչէիւ աղաչողաց մատանց յայտնի երեւեալ . ապաւինութիւն հանգստեան , որ ոչ երբէք մասնեւ վտանգի դատապարտութեան . Ազատութիւն շնորհացիր , որ տասլիսապէս առանց փոխատրութեան վրկանաց . առատութիւն աննախանձելի , որ քոյին փառաւորութեամբ զանարդ նիւթ հողոյս ճոխացուցանես . Պայծառութիւն անստուեր , որ ճառագայթիւք ահեղ բարձրութեան պարածածկեալ ըզթշուառս՝ կրկին բարգաւաճ առնես . Քաւիչ մեղանաց բազմաց , որ զհերքեալս 'ի փրկութենէ առաջնովն պայծառութեամբ նորոգեալ վերստին վայելչացուցանես . Հնարաւոր դիւրահաս առ ամենայն ամբառ գերամբարձութիւն յաւէտ յառաջեալ , ելք վտահութեան առ խոստացելոցն վայել . երանութիւն անձկալի , յոր զկենդանութիւն շքնչոյս լքանելն է ախորժելի , զի զքեզ գտից՝ կենդանի . Ամբ անփոխադրելի առ 'ի քառութիւն գերոյս զօրացեալ ամենագովելի . անսխալելի դեզ կենաց , որ և մեռելոց բնաւին եղծելոց առնես զսքանչելիս . Ամենաստեղծ աներկրայելի , որ զհուրբ կիզեալն եւ զհողմով հոսեալն և զժանեօք դազանաց ծախսեալն 'ի քթթեւ ական նովին հիւթականութեամբ անպակաս յարուցանես . Անհաւասար համարձակութիւն , յորում աստուածօրէն պանծանօք պարծելն է իրաւացի .


Գ. Հայեաց , տէր , յերկնից զուարթ քաղցրութեամբ յամենակործան վտանգ նեղելոյս , և արա անդորր հանգստական դիւրաւոր 'ի բազմատաղնապս հեծութենէ . Եւ զյարուցեալ գումարս սատակչացն , եթէ սպառազէնք այսական դժնեայ հնարաւորութեան բուռն մարտակցաց պատկանեալ զինուք , եթէ մեղաց տղեղ և քո ատելի կերպարանք , եթէ ցաւոց և ախտից վատնիչ և կորստական նշմարանք , մերժեացես հանցես հատցես խափանեացես և հալածեացես հեռի սահմանաւ 'ի սպառ տարադրեալ անդարձ որոշմամբ վերստին կորստեանն . և կառուցես կացուցես նպատակ կենաց և ամուր մահարձան զնշան խաչիդ ապաւինելոյս 'ի քեզ փրկութիւն . եւ յայսմ անպարտ և անպա-

տիր և անվանելի արուեստից ահաւորիդ մեծութեան լուծ-
ցին որդայթքն դաղտնածածուկ սատանայականք, կապ-
տեցին մեքենայքն, վատնեցին գայթակղութիւնքն, խայ-
տառակեցին հաղբլցն դրութիւնք, յայանեցին երեւոյթք
որոյն, գային նենգողին ծուղակք, վերացին վարմին վե-
րարկուք, տոչորեցին որմանցն բոյսք, նզովեցին բռնա-
ւորին չարաբանութիւնք, կտրեցի լար խարէութեան 'ի
մահ որսողին, պարսեցին պատրողին բանսարկութիւնք,
պակասեցին զէնք զրպարտողին, անկցին սուսերք մահա-
բերին, սուղեցին սագրողին պատրաստութիւնք, արծա-
կեցին տոռունք տագնապողին : Այլայլեցին սուտ կեր-
պարանք կեղծաւորին, սատակեցին խրոխտականացն խիտ
յարձակմունք, ցրուեցին կցորդութիւնք կերչացն, բաժա-
նեցին աղինք աւաղակացն, քայքայեցին բոյլք բարբա-
րոսացն, քանդեցին ամրոցք ապստամբողացն, արբելցին
ամպրոպք յանդգնելոցն, փարատեցին փորձողին անձրեւք,
հալեցի և ցամաքեցի եղեամն աղանդաւորին : Խորտա-
կեցի եղջիւր գոռողին, մանրեցին ամբառնալիք գրոշիցն
կերպարանաց, փշրեցին ամբարհաւածութիւնք հպարտա-
ցելոցն, նահանջեցին դիմեցմունք ճակատելոցն, քակտե-
ցին միաբանութիւնք զորացն Բելխարայ՝ թէ անմարմինք և
եթէ մարմնաւորք, փախիցեն ընդ նոյն ճանապարհ 'ի մի
չաւղաց՝ հետոց յեօթն տարակոյս : 'ի դուրն ինձ փորեալ
ինքեանք ընկճեցին : Յեղանակեցին ձմերունք ձանձրա-
ցուցչին, հատցի կապն կցորդութեան մշտաջան աւազակին,
նողկացի մտացս կայից համբոյր շողքորթին, ընդմիջեալ
մեկնեցին նետածգութիւնք նեղչին, կացցէ 'ի սասան-
ման նաւ խարդախողին, խլեցին յարմատոց անտի ատա-
մունք խածանողին :

Գ. Ասան փայտիդ օրհնութեան կենաց՝ յորում պրկեցար
աստուածից անըմբռնելի, յիշատակաւ բեւեռացդ՝ որով 'ի
գործի մահուն մածուցար արարիչդ երկնի և երկրի, ար-
եամբդ տէրունականաւ՝ որով զփիշասպն մեծ կարթիւ ած-
եալ որսացար, լեղւոյն գառնութեամբ՝ զոր արբեալ, զդե-
ղատուութիւն կորուսչին արտաքս հեղեր, պատմութեանու

Թեամբ ըղձական ճառիւք կրիցն սարսափելեաց՝ որով ըզլրբութիւն հակառակողին ըմբերանեալ ամաչեցուցեր, անուամբդ անհասականաւ ամենայնիւ անթարգմանելոյդ, յորմէ դողան և դատապարտին սոսկացեալ սաստիկ սարսափմամբ բնութիւնք ամենայն երեւութից և աներեւութից, եղիցին այս ամենայն պարգեւք շնորհաց խոստովանելոյս 'ի պաշտպանութիւն, 'ի բժշկութիւն և 'ի քաւութիւն. Եւ մահաբեր դառնաթոյն օձին, և որ 'ի նմա ազդեաց տիեզերագաւ շարութիւնն, 'ի սատակումն եղիցի նորին. նոյն ինքն 'ի կորուստ և յանբժշկական հարուած տանջանացն սուլաւ մատնեսցի, կապեսցի և ըմբռնեսցի. Եղիցի ողորմութիւն ստեղծողիդ ընդ իս, և շունչ ոգւոյս իմ ընդ քեզ անբաժանօրէն կապաւ միացեալ 'ի մի.

Եւ որ ոք ընթերցցի զայս աղերս ձայնի մաղթանաց գոչման աղօթից հայցման ծերոյ և տղայոյ, կուսի և երիտասարդի, և եթէ յաղախնաց ոք պաղատեսցի աստուած սիրաբար, հաւասարապէս անաչառութեամբ ընկալցին 'ի քէն մասն երանութեան պարտուց ազատութեան, հաստեալ վերստին յանարատութիւն նորոգ մաքրութեան, նկարեալ դարձեալ զքոյդ կերպարան անփոփոխելի. Ահա տիրապէս հնարաւոր, զօրեղ, անպատում, անհաս, անիմանալի, տեսցես աստանօր 'ի հառաչանս կողկողանաց այսր հեծութեան, որ 'ի բոլորից շրթանց ընծայեալ քեզ մատուցանի, վասն հօր քո երկնաւորի և բարերարի, և հոգւոյդ սրբոյ փառակցի և կենդանատուի, աստուածածնիդ բարեխօսութեամբ և խնդրուածովք ամենայն սրբոց. Զի դու ստեղծեր զամենայն, և 'ի քէն եղեն ամենայնք, և դու տիրես ամենայնի. և քեզ փառք յամենեցունց, միդ յիսկութենէ անժամանակ Երրորդութեանդ, զուղակցապէս փառաւորեալ յանբաւս, և յաւիտենից յաւիտեանս. ամէն.



ԲԱՆ ՂԱ.

ՎԵՐՍՏԻՆ ՅԱՒԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՄՐՏԻՑ ԽՕՍԲ ԸՆԴ ՍՍՏՈՒԾՈՑ

Ա. ՏԵՐ տէր դթութեանց և աստուած ողորմութեանց, անուն մեծութեան, ձայն ահաւորութեան, կոչումն սաստկութեան, լուր անհասութեան, բարբառ գողութեան, հնչումն հիացման, յուսադրութիւն բարերարութեան ամենողորմ քաղցրութեան. յորմէ երկուցեալ սասանին ամենայն բնութիւնք եղելոց 'ի քո սպառնալեաց ահիդ պակուցման, սաւառնին սերօբէք, ամիտփին քերօբէք, պարուրին պարք լուսակերպիցն, երկնչին հիացմամբ բոլոր պետութիւնք վերնոցն, նոյնք ցնծան գողութեամբ մեծա 'ի մի նաւակատիս բերկրութեան, զարհուրին դեւք, ընկրկին չարութեանցն գունդք, պակասին խաւարասիրացն հոգիք, անդնդոց մատնին հրեշտակք օտարին. Կապին նշանաւ խաչին յարձակմունք դիմամարտին, փակին 'ի ըստորին բանտի քինաւոր ամաղեկացիքն, անխզելի հանդուցիւք պաշարին խումբք հակառակորդին, արգելին անզերծ զընդանաւ՝ մահազինացն կաճառք, պնդին 'ի մետաղս ահեղ հրամանիդ այսականայն գումարք, պապանձին կարկեալ ընդդիմաբանիցն դասակցութիւնք, պարաւանդին հիւժմամբ կորստեան աներեւութիցն ժողովք, անլոյծ շղթայիւք նեղին առաքելութիւնք Պերաքրիստոսին:

Բ. Ահա կարկառեմ մատամբք ձեռննս զտեսառնագրութիւն նշանիդ 'ի ժամ գիշերիս, որ ոչ մթանաս խաւարաւ անգիտութեան, ամենեւին տեսականութիւն, քան թէ 'ի լոյս անմատոյց հանգուցեալ բնակես. Ընկալ զաղաչողս վըտանդաւոր դոհաբան ընդ պահպանութեամբ թեւոց հըզօրիդ, փրկեա 'ի ցնորից եկամուտ սղտորութեանց, սուրբ արա զղգայարան հայելեաց սրտի՞՞ նկատմանց. ամբաջո փայտիդ կենաց 'ի տխրական անբջոց, արեամբ քո սրակեա

զչըջարկութիւնս կայիցս , զհետս ելումտիցն կաթուածով
կենարար կողիդ գծագրեա , երդոցն պահպանարան քա-
ռակերպիդ ձեւակերպութիւն եղիցի , հանդէս տեսու-
թեան աչացս ամբարձման փրկականդ քո կրից խորհուրդ-
առդիցի , ընդ բարաւոր յարկիս չարչարանաց քոց գործի
հաստիցի , զժառոյղ օրհնութեան հաւատք յուսոյ իմոյ
կախեսցի : Արդեւ , տէր , սովաւ զսատակիչն հոգւոց , մտցէ
անխափան պաշտպանն լուսոյ , և ընդ սաստիկ ծանրու-
թեան ցաւոցս և զբեռն պարտեացս թեթեւացո , զոր 'ի-
լաւարանի մտացս ամբողջման մահճացս անկողնի ուշաբե-
րեալ զյուսահատութեանցն դառն պտղոցն՝ խոստովանիմ
ամենագիտիդ զանհամար մասունս գործոց չարաչար ա-
նօրհնութեանցս :

Գ. Հանգո զվաստակեալս 'ի բազմածուփս աշխատու-
թենէ , բարձ զտագնապ տարակուսանաց ոգւոյս կործան-
ման , զգառնութիւնն ընդ վշտացն , զհեծութիւնն ընդ
կարեացն , զանձկութիւնն ընդ թշուառութեանցն , զհա-
ռաչմունն ընդ խորտակմանցն , զբեկութիւնն ընդ ապշու-
թեանցն , զթմբբութիւնն ընդ շրտմանցն , զարբեցութիւնն
ընդ յիմարութեանցն , զթերամտութիւնն ընդ խեղագա-
րութեանցն , զսառումն սիրոյն և զհրային ջերմութիւն
աղուական ախտին , Օթանդակ լեր տկարութեան բազմա-
տխուրս տարտամութեան , բարեգործ աջովդ շնորհի , ձե-
ռամբդ նորոգողի , մատամբդ կենսաբաշխի , փառօքդ
մշտափայլի , յարակայութեամբդ անեղծի , երեսօքդ զբ-
լարթականի , իսկութեամբ էիդ պաշտելի բարձրութեամբդ
երկրպագելի : Հատո զչարաչար հեծութիւն կորստականս
խեղզման , զնոր գիւտ չարին , զհին խարդախութիւն բան-
սարկուին , զօտար ազգեցմունս 'ի մահ կրթողին , զանյար-
մարական երեւոյթս հանապազորդեան եղբռնագործին ,
զառ աչս հնարագրութիւնն դժնդակ գիւին , զողբական
բոցաշնչութիւն ձգող կախարդին : Պահեա 'ի տեղոջ հան-
գըստեան մեռօրինակ այսր դադարման յաներեւոյթ մտա-
ծութեանց , 'ի մասնաւոր սխալութեանց , 'ի մեծագոյն գայ-
թակղութեանց , 'ի փոքրագոյն ոտնառութեանց , 'ի քա-

բերայ չար ձանձրութեանց , Հեռացո զանհանդէս մտա-
 ծութիւնն 'ի զգայութեանց ծառայիս յանցաւորի , զկիրս
 բասրելիս , զվարս թշնամանելիս , զգիպուածս պատկառե-
 լիս , զհետս վրիպելիս , զպատիրս ձաղելիս , զխորհուրդս
 անգոսնելիս , զաւելարանութիւնս նշկահելիս . Անխալ
 հողւով և անչաղախ մարմնով զասլաւինեալս 'ի քեզ հան-
 դերձեա , 'ի շնչմանէ հողմոց , 'ի զարկմանէ բռնութեանց ,
 'ի փախմանէ փոթորկաց , 'ի յոստմանէ մրրկաց , 'ի յարձակ-
 մանէ գաղանաց . Ի կափման աչացս հայեցուած սրտիս
 մի ստուերացի , այլ զուարթացի պայծառացի վայելչաս-
 ցի՝ ընդ քեզ փայլեցի , տէր Յիսուս Քրիստոս , լուսաւոր
 վառմամբ անշիջանելեալ . Բանիւ քո սրբեա զպատուա-
 ղանս բազմականիս 'ի խորամանկութեանց , 'ի զբաղմանց ,
 'ի քո ատելի յիշատակաց , 'ի վերնամարտ մտածմանց , 'ի
 քրէական մորոսութեանց , 'ի տիրանենդ անշնորհութեանց ,
 յաստուածընդդէմ հերձուածութեանց . Գնդիւք վերնայ-
 նոցդ վերակացու ինձ լիցիս , պետութեամբ , իշխանու-
 թեամբ ք զօրաւորօքն անյաղթականաց մաքուր մատակա-
 բարաց սուրբ աստուածութեանդ . առաքեալքն աւետեաց
 աւետարանաւն , մարգարէքն կտակարանօքն , մաղթանք
 երջանկացն 'ի կտարածի աւուրն ընծայեալ . Որովք նիր-
 հեցից երկիւղիւ ըստ քեզ տրտմութեամբ , և զարթեայց
 շնորհօք քո կրկին ուրախութեամբ , եթէ վհատութեամբ
 ննջեցից , յարեայց դարձեալ հոգեւորական բերկրու-
 թեամբ . եթէ ընկողմնեցայց մեղանօք , կանգնեցայց վե-
 րբարտին զատեալ 'ի խղճէ անաղտ ամբժութեամբ .

Գ . Լուր խնդրուածոց ամենահառաջ ձայնիս հեծու-
 թեան , միայն բաղմադութ , բարեխօսութեամբ սրբոյ
 աստուածածնիդ և ամենայն արդարոց և նահատակաց ընտ-
 բերոց . Եւ քեզ փառք յամենեցունց իմովս դոչմամբ վեր-
 առաքեցեալ սրբովք զուարթնոցն անմահականաց դա-
 սուց , 'ի գովեստ հօր քոյ աստուծոյ մերոյ և հողւոյդ
 սրբոյ բնաւից հաստողի և նորոգողի , յաւիտեանս յաւի-
 տենից . ամէն .

Բ Ա Ն Ղ Բ .

Ի ՓԱՅՏՆ ԵՐՋԱՆԻ ԲԱՐԵՐԱՍՏՈՒԹԵԱՆ ԺԱՄԱՀԱՐԻՆ

ԽՈՐՀՐԻԱՄՈՒԹԵԱՆ

ԱՂՂՁԱՆՍ ԵԴԵԱՂ ԸՆԴ ԿԵՐՊԱՐԱՆՍ ԹԱՐԳՄԱՆՈՒԹԵԱՆՆ

Ա. **Գ**ՈՂԱՆԱՄ զքէն, բարեգութ, միայն մարդասէր, աբարիչ երկնի և երկրի, որդի աստուծոյ կենդանոյ, այն ինչ զարթուցեալ անձկութեամբ սիրոյ քո յիշատակի 'ի լրութիւն հնչման փայտիդ հրախիման, Որով բախեալ զձայնարձակութեանցն զաղղողարան, սթափեցաք կանգնեցաք, 'ի վերյարուցեալ 'ի մեռօրինակս թմբմանէ, ուստի իբր կոչմամբ սիտիանաց բանի բերեալ ձգեցաք 'ի ժամ պաշտաման օրհնաբանութեան, յանդիման լինել քեզ ուրախութեամբ հանդէպ հատուցմանս բեմի:

Բ. **Ա**հա փառք քեզ, անսահման անուն և անբովանդակելի զօրութիւն, որ այսքանեօք հնարաւորութեամբք ընդփրկութեան իմում հոգացար. գոհաբանեալ անեղծ խսկութիւն, որ կերպարանեցեր հրաշիւք աստուտին զհանդերձելոցն նմանութիւն, հանդարտ գործեաւ վայելչականաւ փայտի անօթոյ առ քունս անյարիր սաստիկս որոտացեր, որպէս թէ ընդ ծուլութեանս դանդաղութիւն զյանդիմանութիւն խրատող խառնեցեր, 'ի հայրենի սիրոյդ հեզութիւն զուժգնութիւն ճայթմանն յարեցեր. յընդոստ զարկուած երկուց միջնորդաց՝ մարդասիրապէս քաղցր անձրեւեցեր. ոչ մեղմութեամբ մեղմական վանդիւ նիրհմամբ ընկղմեցեր, և ոչ անխնամաբար ահաւորութեամբ զուռապեալ հոգիս զարհուրեցուցեր. Մերադրական երկրպագութիւն ստեղծչիդ բոլորից, որ այժմէն ցուցեր համայն յայտնապէս զօրինակ ահեղ բարբառոյն մեծի աւուրն յարութեան, կենդանացուցեր 'ի դադարմանէ դժոխական անբանութենէ, 'ի խնդիր ելեալ կոչեցեր զպակասամտս 'ի գինիդ ուրախութեան. արարեր զսոյն լինել հանդերձիչ անարատ հարսինն առ սէր փեսայիդ. երկուցեր փոքր այս

խթանաւ զապարասանին զվիթխարութիւն, ըւծ ստուար կրթութեան ստամբակին ուսոյ զայս իր գործեցեր, վարպան վանիչ չարախօսին կղակաց եղեալ կազմեցեր. Փառաւորեալ յաւէտ անբաւ բարձրութիւն մեծիդ աստուծոյ, որ փոխարկեցեր զփայտին պարտիս յաղատութիւն շնորհիդ կենաց, իմաստնացուցեր վերստին դարձեալ զյիմարս ցնդեալ՝ հոգեւորական հանճարովդ, կարկառ կրօնմամբ զանբժշկութիւն հարուածոց օժին առանց մոռացման միշտ թարգմանեցեր, ընդ Երրորդութեանդ գծագրութիւն զկապն երեքկին իմ վնասակարին ՚ի կատարածին սովմբ կրկնեցեր.

Գ. Գովեստ ներբողից բուրմամբ խնկոց վերառաքեմքեզ, ամենախնամ, զի ՚ի ստապատիր կոռցն բաղմաստուածութենէ առաւել յաճախագունիւք որսացար զանձն իմ պարտաւոր ՚ի քո երկրպագութիւն, խրոխտ և ահարկունուիրեալ փայտիւս զճշմարտութիւնն քարոզեցեր, մեծացուցեր այսր պատճառաւ պատշաճականաւ զնոր աւետարանութեանդ պատիւ. Սոյն ինքն ազաղակ բարձրութեան գոչման սպառազինութեանդ քո, արքայ պետութեանց կայսերաց երկրի տէր Քրիստոս. նշան խրախութեան աւարտման հանդիսի մարտի քո, Յիսուս, յորում իմանալին Փարաօն կապեալ ըմբռնեցաւ, կռիվիչ հանապազորդեան դիտոյ դագաթման հպարտացեալ չարագործին՝ շերտս այս տաշեցեալ. Սովաւ գումարին ՚ի պատերազմի որդիք Սիօնի ընդգէմ՝ աշխարհակալին խուարի. տուն իմն աստուածաւանդ կրթութեան կարգեալ ՚ի հեռուստ այս գրօշուած իւղեալ՝ առանց հնանալոյ և կամ խափանման, նշանակիչ ժամանակի ապագայիցն հատուցման ՚ի բացուստանդր ծանուցմամբն, ազգակից հանգունանման կենացն փայտի՝ որ ՚ի գրախտիդ աստուծոյ, կոչարան բարեօք հաւաքման փոյթ ընթացիւք ՚ի յարկն օրհնութեան, պատկեր անսակի տնկոյն գիտութեան ՚ի կարգ ընտրութեան բարեոյն և չարի, յիշատակ մեծ տեառնագրութեան յերեսս կերպիս հոգւովդ սրբով զնշան խաչիդ, նախազեկոյց աւետամատոց փառաց գալստեան ՚ի դշխոյն պահեալ սուրբ

Թագաւորիդ , յորդորիչ քաջալերական մաքրապարիցն խըրախճանութեան , անախատական սիրարկու անձնահամբայրն կցորդութեան շքեղաշուք քօղրնծայ ամենածին կուսին Թագուհոյ , յարդարիչ ծածուկ պճնութեան՝ որ 'ի հոգին է վայելչութիւն . նմանութիւն պատգամին Սինայ , որ 'ի տէրունեացն արտաքս առաքիւր . միշտ օրիորդ պանծալի անշաղախ որդւոց մայր անարատից՝ սովաւ փառազարդէր .

Կ. Գերագոյն քան զՅրիքովին փողովն եղջերեայ ըզբռնութիւնն Բելիարայ սովաւ հարթեալ սապալեցեր , քարինս արձակեցեր պարսիւս այս փայտեայ՝ ընդդէմ Գողիաթու , գայիտն նորոգ կառուցեր վկայ ահարկու կործանմանն սատանայի , զ'ի խոր աճեցեալ արմատս մեղացն մեքենայիւս այսու խլեցեր , զմուտցեալ գործոցս իմ պարտիս՝ այսր երախտօք ընդ իս կապեցեր . Զոր եթէ այլ իմն ձայն բանիդ աստուծոյ անուանեմ՝ նախապատում եկաւորութեանն , ոչ սխալեմ քան թէ ճշմարտեմ . 'ի տկար ամանս այս նիւթոյ հոգէկրի՝ մեծութիւն գործոցդ Յիսուսի առաւելապէս պատմեալ հռչակի . բիւրաւոր օգնականութիւնս վերնապարգեւս և քոյինատուրս 'ի յայսմ անպատըսպար ապաւինութենէ երկրականաց զարմանադրեցեր .

Ե. Խոստովանեալ անունդ անքնին մարգասիրիդ բարեխնամութեան , խնկեալ խորհրդով սրբամանութեան անգծագրելի կերպարան լուսոյ , որ կրկնածիր նշանաւս այսու նետս արձակեցեր հեռածիգս ձայնատրականս օգաչուս և յարմարաթախչս ունողս յինքեան հոգի կենդանի , որով անխալ հանդիարմամբ զնպատակն խաւարային աղեղնաւորին գաղտնութեան յաւէտ կործանմամբ 'ի յետս ընկճեցեր . Իբր զպատնէչս ամրաբերձ բերդամարտութեան կանգնաւորս անվայրարկելիս՝ աստուտ անդանօր զկտեալ դիպուածս այս փայտի զարկման հրեշտակ կամարար թըշնամոյն ներհակ վերլուղարկեցեր . Բանիւ հրամանի մեծիդ ակնարկութեան , օծութեամբ շնորհիդ արեամբ քո խառնեալ՝ զայս եղջիւր խեթկիչ մոլի գողողին իբր զխաչիդ փրկանակ յետանեալ սրեցեր . Ի մեծ ազդմանէ այսր աղաղակի գեր քան 'ի վերնոցն քանդեալ վերացաւ դրանդն

ամբողջութեան կամաց անվայելուչ և ամեներկչոտ խենչու-
թեան կարճամտին, ընդ հրէական սրտին խմաստից և
ստուերական տանն կործանութեան :

2. Փառարանութիւն քեզ վերընծայեմ, անմահ թագա-
ւոր, զոր արարեր և հաստատեցեր աշովդ քո հզօր, ա-
զաչեմ զքեզ, կրկին ներգործեա : Անցուցեր սովաւ հեր-
քեալ առ 'ի մէնջ զխէթ դժնգակ խորամանկութեան բան-
սարկուին, զտաժանական տապ մեղաց, զհողմն դառնու-
թեան շնչման խարողին, զտարր արկածից մահու երկիւղի,
զառ 'ի յօդից ցնդմանէ վասակար բերմունս տխրեցու-
ցիչս, զայսախառն հեծեծութիւնս թալկացուցիչս : Յրուեա
վերստին քոյինազէն հեծանաւս՝ օժանդակեալ թեւօք նը-
շանիդ՝ զամբս հրածինս, զորոտմունս կարկտարերս, զցա-
ւադին ցոլմունս հրախաւար կեղծաւորութեան փշման բազ-
մատանի վիշապին, զսուր սատակման, զճակատամարտ դի-
մեցման, զյարուցելոցն 'ի վերայ վայրենական խորհրդոց
զդիւացն կաքաւս : Յորմէ զարհուրին յայսմ՝ իրէ փոքուէ՝
տեղի տուեալ մեծաւ գողութեամբ, կիրթ իմն ծանօթու-
թեամբ յայտնի դիտացեալ, թէ յայս ազգ ձայնի յառնէ
տէր 'ի դատաստան : Եւ խրախուսին յողի արութեամբ
զրահեալ պնդապէս սուսերաւ հողւոյն աստուածարեալ
մարտիկք ամենայն 'ի ձեւ կանոնի այսր յիշատակի, որ զա-
մենափորձ հրոյն ընտրութենէ գոչմամբ անկերպագրելեաւ
համօրէն ազանց քարողէ 'ի յօրինաւոր ասպարէզ երջան-
կաբար նահատակութեան :

Ե. Հարաւ ահա փող աւագափող, համբարձաւ սովաւ
աստուած օրհնութեամբ, պատմեցաւ սովխմբ ամենայն
երկրի, հնչեաց 'ի լսելիս բաժանման հեթանոսաց, ձայն
պահապանաց մեծին զօրացաւ, ըստ բանին Եսայեայ, և 'ի
նոյն բարբառ առ հասարակ ցնծացուք : Յնդեցան ջրոյն
առակաւ 'ի ձեռն սորին թշնամիք խաչին, անպատուեցաւ
ճաշակն պողոյ առաջին փայտին, տօնեցաւ նիւթս այս
խորհրդական կենաց անուանեալ, անարդեցաւ երկաթ առ
'ի պէտս պատերազմի, իրր զորութիւն տեառն 'ի սանձս
երկվարին մեծին նշանի այս փայտ կենաձայն յարմարազ-

րեցաւ, ամիտփեցաւ օծեալս ցպով հովուին երկնայնոյ սուր
իշխանութեան մարդկային ձեռին. **Ոչ** դժեաց 'ի քար տա-
ճարին մուրճ ինչ գործողի. իսկ յաստուածակերտս խորան
փայտս այս նուիրեալ ընդ խաչին թեւոց սլացեալ զօրէ:
Ոչ 'ի գլուխս ամուցն և կամ՝ յեօթնիցս եօթներորդս յո-
բելինիցն՝ յանկեան ուրեք խափանմամբ փողէ, այլ ընդ-
ժագս տիեզերաց և ընդ ծիրս եզերաց՝ 'ի ծոցս ջուրոց բազ-
մութեան ծովուց և կրղեաց նոցա յաճախ սասակութեամբ
անարդել ճայթմամբ իմն աստուածայնով հնչեցեալ աւե-
տարանէ: **Կոտորեցան** սուսերք սասակողին այս փայտի
ցուցմամբ, յանօգտակարէ անտի մեզ փոխաձեւեալ 'ի խոփս
և 'ի մանգաղս:

Ը. **Ոչ** արձագանք արձանաց 'ի խորոց ինչ դանչութենէ
խիտոս առաքեցեալ, և ոչ դժնդակապէս ըստ իմաստա-
կի ումեմն օտարի զօգ վիրաւորեալ, ոչ անախորժ սրու-
թեամբ ընդ ունկն մտեալ և ոչ զաման ուղղոյն անկամակու-
թեամբ չար թնդեցուցեալ, ոչ ոսկերցն փուշ խրտուցման
յանձն բուսուցեալ և ոչ մտացն այլայլ ապշութիւն առաջի
արկեալ, ոչ զանգակ նիւթոյ պղնձոյ դանդաչեցուցեալ և
ոչ քար ընդ վիրդս ոսլի առանց քաղցրութեան առ նոյն
զարկուցեալ. **Պարփակարան** անխորտակելի նորոյս **Սուլ-**
նի, մի տա 'ի սպասուցն կաղմուածոց արարչաւանդիցն
գլխաւորաց, զոր եկեղեցականքս քրիստոնէից ընդ շեւ-
տականացն զգուշաւորապէս բարձեալ յանձանձեն. օրինակ
ձայնի հրեշտակին, զոր առակողին բան՝ հաւուն կոչմամբ
այսու տեսակաւ զայն տպաւորեաց. նոր գործի շնորհի
նուագարանաց աւետարանին՝ զարթուցիչ հոգւոյն աստու-
ծոյ առ մեզ, քան առ օրհնաբանութիւն սաղմոսարանին 'ի
վերայ **Եղիսէին**. **Սկզբնապար** նախընթացութեան աղէյար-
մար ջութակաց բարետաւիղ ողբերգարկութեանց՝ բարա-
ցուցական բամբռան բառացի բարառնութեանց. սրինկ
նորոգ այլ իմն տեսակաւ առեալ մեզ ընդ հնոյն փոխանոր-
դութեամբ, ոչ հեթանոսօրէն ուրուածայն հնչման և կամ
հրէաբար խակախորհութեան, զոր մարգարէն տերամբ ազ-
գեցոյց՝ 'ի բաց արա յինէն, այլ զսա սիրեաց և կրկին պատ-

ուեաց մնաքական՝ տաժմամբ՝ ահարկու դիւաց և ամե-
նայն չար սրտահարաց .

Թ. Եւ արդ ընկալայ օրհնարանութեամբ յարգեալ դո-
վեստիւ զայս սուր սրբութեան՝ ինձ պահպանութիւն և քո
փառատրութիւն, քո պաշտօն և իմ գոհութիւն, անաղանդ-
արուեստ բարձրութեան արարչական փառատրութեանդ .
Մտցէ ձայնդ այդ աստուածարեալ ընդ պատուաստ յօդիցս
չաղկապութեան, հանել ՚ի հոգւոյս զպատիրս դիւաց և
զմուսս անիծից՝ և մեղաց սպականութեան, Արասցես լի-
նել զայս իր նշանակիչ ջնար ջահաւորական, անջրելի նա-
մակ, ջատագով անխափանական տէրունական տնօրինակա-
նացդ . Ահա պարգեւեա սովաւ, բարեդութ, աղաչեմ,
հզօր, կրկին մեզ ջնորհեա պահպանութիւն ՚ի դիմամար-
տից յաներեւոյթ և յերեւելի . Ընձեռեա մեզ, ձեռն
ամենալի, որ բանաս և մատուցանես պատրաստարար
բաշխմամբ ՚ի մասունս բաղմապխիս, օդոց քաղցրութիւն,
անձրեւաց շահեկանութիւն, Պակասեցին քոյով հրամա-
նաւ այսու բարբառով հողմ՝ տապախառն, ջնու մն ջաւա-
բեր, յարձակմունք հինից չար խարդախութեան, սովա-
խափանեցին ամենայն դիմամարտութիւնք զինուորու-
թեանց դժնեայ մատնչին, հալեցին հատցին և մեռցին
յերջանիկ ձայնէ օծեալս այս փայտէ որդն և ուտիչ, և ա-
մենայն նամնք սոյլին, որ ՚ի մերոց մեղաց զօրացեալ ընդ-
մեզ պատերազմին . Արմատացո մեզ սովաւ տունկ երա-
նութեան զյուսոյդ ՚ի քեզ մեծ պաշտպանութիւն, ստեղ-
ծիչ բոլորից, տէր արարածոց, զայս ծառ Սարեկայ, որ
ունի կախեալ ՚ի դիտակ ոստոցն զաւանդ սուրբ նորոգ այժ-
մու փրկութեանս ծաղկեալ քեւ, Քրիստոս, ՚ի պտուղ կե-
նաց անմահականաց . Փախիցեն յանհուն հեռաստան խո-
րին խաւարի՝ այսր փայտի փառատրելով բարեզեկոյց ձայ-
նարձակութեամբ՝ նէսարք ներհակք ստապատիրն ստորնա-
կանաց բաղմաձեռնեան խարդաւանողաց . Մերժեցին սո-
վաւ ՚ի յանդոց պտղատոհմական արօրագրութեանց մերոց
սահմանաց և ՚ի քո մշակեալ կենդանի երկրէ՝ վէրք վասնիչ
և հոյք մորմոքեցուցիչք . կարեցին սովաւ յաւելուածք

կրկնատղերդ և անվայելուչ պատահմանց՝ ՚ի հնարից չարին ՚ի մեզ յայտնելոց . իսկապէս վանեցի սովաւ , որք յերկաքանչիւրոց բնութեանցս մերոց վերերեւին ինքնաստեղծութիւնք մերձաւոր դաւաճանողաց , յումնմն օտարին վրիպակ մտածմունս , և յայլումն քարչ գոյութիւնք անմաքուր զեռնոցն ապականողաց . Փրկեա , տէր Յիսուս , աղաչեմ՝ զքեզ , վրկեա , բարերար . կարկառեա առ իս զաջդ ամենագով , և օգնեալ ինձ սովաւ՝ զերծս զիս յամենեցունց ընդգիմացողաց .

Ժ . Խառնեցի միասցի հրաման քո ՚ի սոյն՝ առ ՚ի փոխարկել զադամանդեայ սիրտս յիմարեալ՝ ՚ի քոյին բանիդ արգիւնատրութիւն . հարցես մխեցես զայս նեցուկ հրաշից քումդ սքանչելեաց ՚ի սիրտս ծորեալս և յոգիս լքեալս , և հաստատեցես կազմեալ պնդապէս ՚ի կայումն ուղիղ անսասանելի . իսկ զանընդոստն կակղացուցես զարթնուլ և զգաստ լինել յոգի հեզութեան աստուածաւանդ քո պատուիրանիդ , որպէս զՊօղոսն և զՄատթէոսն . Յիշեցո՛ մարդասէր , պատուեալս այս փայտիւ զերախտիս խաչիդ , որով զանճառան ներգործեցեր . բարձ յինէն կեցուցիչ , ըզվտանդ պարտեացս պանծալի լծակօք ամբառնալեաց նոր տապանակիդ . Բացցին կանօք քո , հզօր , ՚ի յայս ձայն կենաց՝ ըսելիք սրտից յամառեցելոց , լուիցեն յայս մեծի բարութեան ՚ի քումդ ակնարկութիւն՝ ականջք խից . պարզեցին ՚ի ձեռն սորին լեզուք համրացելոց . լուսաւորեցին ՚ի սոյն տեսարանք աչաց , հայել մաքրապէս ՚ի քեզ պշուցեալ անայլայլաբար . զզջասցին դարձցին կազդուրեալ կամք յափրացելոց . ընձեռեալ տացես , տէր , տազնապելոյս անձրեւ արտասուաց . Եղիցի քեւ սա մեզ լուր ցնծութեան , ձայն ուրախութեան , բարբառ բերկրութեան , նուագ հանգստեան , նիւթ երանութեան , պատճառ փրկկութեան , առիթ քաւութեան , մերժումս վշտաց , խզումս խեղդմանց , ընդարձակութիւն նեղութեանց , համառօտումս խեթմանց , հալածումս հեծութեանց , թեթեւութիւն թառաչմանց , յապահօվութիւն կարեաց , կարգադրութիւն կրից , սկոփութիւն վհատմանց , բժշկութիւն ցա-

ւոց, տեւականութիւն հեղգութեանց, ուշադրութիւն անտեսիցն.

ԺԱ. Ի յայս կամուրջ ցանկալի անխտոր և անխտորնակ, և ՚ի վերնաշաւիղ բարձրաբերձ սրբահետ սանդուղ երկնաշու, առ հայր քո օրհնարան ահաւոր անուն ձգեալ մատուցես, բարերար, հոգւոյդ առաջնորդութեամբ միանալ ՚ի քեզ անընդմիջելի. որով և սրբոյ միոյ միայնոյ և միասնական տէրութեանդ և անեղծ արարչութեանդ ՚ի կենդանեաց և յանշնչականաց հաստեղոց վայելչական գոհութեամբ փառք և իշխանութիւն յաւիտեանս յաւիտենից. ամէն.

ԲԱՆ ՂԳ.

ՎԵՐՍՏԻՆ ՅԱԿԵԼՈՒԱԾ ԿՐԿԻՆ ՀԵՄՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ ԽՕՍԻ ԸՆԴ ԱՍՏՈՒԾՈՅ

ԱՂՕԹԻ ԹԱՐԳՄԱՆՕՐԷՆԻ ՎԱՍՆ ՍՐԲԱՂՈՅՍ ԻԻՂՈՅՆ ՄԻԻՌՈՆԻ

Ա. ՍՈՒՐԲ ահաւոր անուն բարձրեալ անպատում, անձկութեան փափաք յարախորժելի, ՚ի սրբերգենիցն փառատրոզաց միշտ սրբնարանեալ բնակեալդ. ՚ի սրբում, լի և ամենազեղուն բարութեամբ առատաձեռն աննուազելի, լոյս բարի և ծագումն գովելի, երկրպագեալ փառաւորութիւն, ահեղ և անզննելի, ամէն և յամենայնում. Սյուրբանի դաշամբք յուսոյ ուխտ ընդ քեզ միութեան, հզօր, այո, ամէն, ալելուիայ. գովեալ թագաւոր հանուրց, աստտուած բոլորից, ստեղծիչ գոյից և տէր կամարար, միայն առիթ պատճառաւորաց, փրկիչ և օծեալ մշտապաշտելի.

Բ. Ուստի մեկնապէս թարգմանեալ ՚ի մեզ զայս գանձ անլաճառ և հարատութիւն անփոխադրելի, Յիսուս Քրիստոս արքայ երկնաւոր՝ որում գողութեամբ մեծաւ սպանն անմահականացն ահեղից լուսաբերան բոցաշնչու-

թիւնք, կրկնեալ քեզ յօժարութեամբ 'ի հաճութենէ անխոտոր մտաց , ծունր դոհութեան ստեղծող էութեանց , որ են 'ի տեսման և 'ի ծածկութեան : Որ ետզ և էիր միայն բովանդակ ամենեւին անպակասելի , առեր զմերս իսկապէս համայն , զի 'ի լլութենէ քումմէ լցուցես . օրհնեալ և բարերանեալ , ծանուցեալ յաւէտ միշտ անքննութեամբ սղորմութեամբ մեզ 'ի փրկութիւն , 'ի փառս և 'ի գովեստ անճառ բարձրութեան ահաւորից բարերարութեան : Սկզբնաձիր օժմանս շնորհի մեծախորհուրդ հրաշագործութեան . քանզի լոյս քո մեզ ծանուցեալ ճառագայթ անհաս , ծագումն անսահման , արեգակն անաչառասփիռ , աստղ սահմանիչ երկակշիռ տարրութեանց , ճրագ ոտից և լոյս հետեւմանց , որով 'ի ցոյցս իմաստից եկեալ տեսութեամբ բանիս այս յարմարութեան , տօնեմք պարերգութեամբ հրեշտակօրէն յստակամտաբար փրկչավոյեւրչ կրնգրկաւ խնկեալ զպարգեւաբաշխ առատատրութիւն ամենիմաստիդ յիւզ զուարթ ամբիծ դաւանման . Քանզի 'ի սկզբբան անդ կապտեցելոյ ողորմելի տխրականութեամբ 'ի փրչմանէ բարձրագոյն շնորհին՝ հայրն իմ սկզբնաստեղծ՝ և հնացեալ յաւէտ մեղացն գերմամբ 'ի մահ գրաւեցաւ , կապեալ ընդ եղծման ապականութեան անգերծ հանգուցիւ , 'ի ծառոյն պատճառաւորեալ յանկումն անյարիր ամենակործան գլորման , հերքեալ 'ի լուսոյ՝ այսր խաւարին վայրի մատնեցաւ . իսկ դու , գթած աէր ողորմութեան , քանզի յաւէտ քան զնոյն ծանեար զոր ստեղծեր , և զի չէիցն ակնկալութեամբ չեկաց յոր ինչ էրն , որով անկարողանայր իսկապէս տեսանել 'ի լոյսն վերին անմատոցց գերակայութեան անսահմանելոյդ , ոչ մշտափայլ յարակայ վառմամբ անաղօտելի տարածանեցեր , այլ գիշերայնոյն ոտնալլիրծ մթին արհաւրաց ձեռնկալութիւն ձիթոյ՝ շարամանութեամբ նիւթոյ պատրուգի ընդ նոյն զանգելոյ՝ յօրինակ քո անախտ միութեամբ ընդ մեզ խառնելոյ՝ մարգասիրապէս հիւսեալ կազմեցեր . զի որ 'ի ստուերս մահու տարագրեալ գտաք՝ կանխակորուստ անկոյն պարտեաց , 'ի պատճառ իրին ազգակցաւ պտղոյն ջահաւորեցեալ հաւատոյն վառմամբ՝ 'ի

նոյնն դարձցուք խնկաւորութիւն . որպէս և փայտիւն մահու՝ մահմամբ քո 'ի նա՝ ածեալ մածուցեր զմեզ , առական մեծի խորհրդոյն միաւորեալ 'ի փայտն կենաց :

Գ. Եւ արդ որպէս ոչ է օր լրմամբ առանց գիշերոյ , և ոչ տնօրէնութիւն յարկի առանց ձիթոյ պիտոյից խնդրոյ . քանզի իբր օրինակն հասարակային ոչ նուիրաւոր՝ զմարմնաւոր աչաց տեսութիւն լուսաւոր առնէ , նոյնպէս և մաքրեալն քոյիննաշունչ շնորհին ընարութեամբ անխմանալեաւ զաներեւոյթ հոգիս միութեամբ 'ի մեզ անտեսիլ . հրաշափառապէս պայծառացուցանէ . Ձի որպէս յիջումն լուսարանի սուրբ աւագանին լուացմամբ մարմնոյն զանձինն հաւատամք առնուլ սրբութիւն , սոյնպէս 'ի յօծումն իւղոյն պարարեալ յուսով զհոգւոյն զօրութիւն սովորեւ 'ի սոյն համարիմք ունել ամենայնիւ աներկմտելի . Եւ որպէս հրամանդ տէրունական օրհնաբանելի զքաւութիւն մեզաց օխտացելոցն նախալձուէիբ , իսկ ոչ հաւատ ունողացն առ այն՝ բժշկութիւն հրաշալի յանդիմանակաց անտուտ առ նմին մարմնոյն տեսակի հաւատարիմ վկայ անդարձիցն հաստատէիբ , սոյնպէս իւզս այս փրկութեան լուսով կատարեալ՝ հեղեալ 'ի մեզ օծանէ զարտաքին խորանս . իսկ զներքին մարդս աներեւակ ծածկապէս մտեալ՝ նոր կենդանածնէ :

Դ. Պատկեր պանծալի այս զանգուած նիւթոյ արարչիդ երկնի . քանզի որք զիւղոյն կրեցին օգտութիւն՝ որ յողորմութենէն շահընծայութիւն , և դու 'ի դուլեստ քեզ զայս բան սահմանեալ , թէ ողորմած եմ ես տէր . քանզի որպէս սիրոյն անուան կցորդիս աստուած , նոյնպէս 'ի մասնէ և այսու զիջեալ գծագրիս՝ ըստ տնտեսութեանն որ առ մեզ . Ա և հագոյն մեծութեան խորհրդոյ յարմարաւոր գիմակերպութիւն այս ճարպ պարարտութեան երկրի թանձրութեան հողանիւթ գոյականութեան . զի որպէս սոյն մասն 'ի կենդանոյն ոչ 'ի կերակուր հրամայիւր անդ ըստ օրինին , այլ արարչութեանդ բողոքովին պտուղ որոշիւր , նոյն նմանութեամբ եւս և աստանօր իբր զզօրութիւն՝ տեսուն մատչելի յայս աւանդ հաճութեան էիդ աստուծոյ վայելչապէս տուեալ նուիրի , հոգւոյս հարազատ զուգաճանապարհ , ա

բարոյիդ պահեալ և ուխտեալ . քանզի ոչ շունչ արեան և ոչ ճենճեր ինչ զուարթութեան օրինակ հոգւոյս իմոյ և կարոյս ընդ անդամաթիւս մտոյն ծախի, այլ արքայութեանդ վերնու՛մ՝ վիճակի տէրունական բազմականին ձօնեցեալ ճաշակ՝ այս նիւթ շահաւորական մշտաբորբոք անաղօտելի .

Ե. Այ էր մատչելի 'ի նախագահութիւն արու անդրանիկ դատիչ քննողաց, եթէ ոչ օժմամբ ինչ նշանակէր . ոչ քահանայութիւն 'ի յանկոխելին տեղի ձեռնարկէր, եթէ ոչ այսու կատարեալ լինէր . Յակոբ զքարն պատկեր վիմին, 'ի խորհուրդ երկար՝ խորանին ընտրութեան, օժմամբն տը պաւորեալ կերպացոյց . առ որ զիջումն անճառ բարձրելոյդ տեսութեամբ սանդղոցն յարմարութեան, և զիս 'ի վեր տանելոյն անդուղեկցութեամբն, զարձանն իւղեալ կառոյց նպատակ 'ի ցոյցս ապառնեացն յիշատակի . Ահարոնեան քահանայութեանն պայծառութիւն հրամանաւ մեծիդ աստուծոյ օժմամբն ճոխանայր . որով 'ի գլխոյ անտի 'ի մօրունն զեղեալ գերապառ իւղոյն զարմանազան կենդանագրութիւն, ըստ սաղմոսողին, զիառաց նախնւոյն առակէր զանդրադարձութիւն և զչնորհիդ կենաց սրբութեան ընդ մեզ խառնութիւն . Թագաւորութիւն ոչ էր պանծալի անդանօր պատկերաւն ստեղծագործիդ, եթէ ոչ եղջերբ իւղոյն օրհնութեան ձեռնադրեալ՝ պսակաւ պճնութեան թագին յանուն քո, Քրիստոս, գլուխ ամբառնայր . Եւ զիարդ զնախնին վեհից մոռացայ, զճառայն մեծիդ և ըզ կերպարանն անսլարագրելոյդ . ո՛չ ահա Մելքիսեդեկ յօրինակ ճշմարտիդ ահաւորութեան 'ի ձիթաստանեաց ըբրինն, ուր յետոյ ոտք մարմնացելոյդ աստուծոյ զետեղեալ կացին, 'ի վերնոց անտի հրեշտակաց 'ի պողոց տեղոյն իւղեցաւ . ուստի շիրմի սկզբնահօրն պաշտպան եպիսկոպոսական արքայապատիւ ճոխութեամբ 'ի քէն հանդերձեալ նստաւ, մինչեւ յայտնեցար երեւեալ լրմամբ համայն խկութիւն ազամային կենագործութեանդ .

Զ. Եւ արդ, քանզի քո են շնորհք և քեզ վայելեն գոհաբանութիւնք, օրհնաբանեալ որդի աստուծոյ, դու ինքն յարմարեա բարենշմար տպաւորութեամբ զաղաչանս

Իւզաւորականն խնկապատարս զմնալիրս պատճառ քեզ
 փառաց, և ինձ մեղապարտիս առիթ բժշկութեան. մա-
 տո, տէր Յիսուս, վիրացս աներեւութից զայս ձէթ լու-
 սանիւթ, և արկ 'ի սոյն խարանս խոցոյ մահացուի զկաթուած
 օրհնութեան իւղոյդ վրկութեան անապակ գինեաւ սիրոյդ,
 միութեամբ արարչականաւ պատասպարեալ պատանօք խը-
 նամոց. զի յիշատակարանս թարգմանօրէնս բանիս մաղ-
 թանաց՝ վայելչական իմն յարմարութեամբ 'ի թեւս հո-
 գւոյդ զկարգ իւր գացէ: Ի վերայ Ղաւթի հոգի քո,
 բարձրեալ, յայնմ օրէ խաղաց, յորմէ օծութեամբն նուի-
 բեցաւ. Սաւուղ յայր յայլ և 'ի մարգարէս ոմանս անտուստ
 իսկ գրեցաւ, յորժամ օծումն ժամանեցաւ գագաթանն նո-
 բին. արքայութիւնն ասորեստանեայց օծմամբն գրաւեալ
 մատուցաւ 'ի կցորդութիւն տանն Խարայէլի. կայսերս ո-
 մանս նշանաւորս վեհս և երեւելիս 'ի խժականաց բարբա-
 րոս ազգաց իւզս այս կենսացնցուղ ցօզով անձրեւեալ իրր
 կարթիւ որսացաւ 'ի յրնտանութիւն հպատակութեան մե-
 ծիդ աստուծոյ. բանն որ առ Աիւրոս երկնաւորին պատ-
 ուասիրութեան՝ զօժեալն ձայն նմին մեծ վարկաւ. ձայն
 սաղմսողին գեր քան զմարգարէութիւն զօժեալն անուն
 նախայարմարեաց, կանոնափակ ընդ միջարկութեամբ պատ-
 ուէր աւանդեալ, մի՛ մերձենայք և մի՛ մեղանչէք. առ
 Հեղիաս առաքելութիւն աստուածային հրամանատրու-
 թեանն, նշանակ իմն հանելոյ 'ի պաշտամանէ անտի Բա-
 հաղու, զօժելութիւնն 'ի Քորեբ ազգեաց Յէուայ և Ա-
 զայէլի: Իւղ թափեալ անուն փեսայիդ 'ի հոգելից բանից
 իմաստնոյն վերավկայեալ կանխաւ իսկ գրեցաւ. որպէս զի
 հոգին, աստուծոյ յաւէտ պատկեր և նշանակիչ, զի՛ փո-
 քուս զմեծդ կերպարութիւն քեւ նկարագրեալ ընդ քեզ
 միասցուք առմամբ քո շնորհիդ:

Ե. Եւ զի՛ եւս երկարս պատուածօրէնս բացականագոյնս
 գծագրականս և առակաւորս շարագրեցից առաջի վերնոյդ
 և ահաւորիդ մաղթողական բանաստեղծութիւնս. տէրդ և
 կենդանարարդ՝ արարիչդ երկնի և երկրի 'ի յօժմանէ անտի
 սկսար քարոզել զաւետարանն արքայութեան, վկայեալ ան-

տուստ 'ի Յովհաննէ՛՝ օծեալ և դառն աստուծոյ բարձող մեղաց աշխարհի . **Չ**ի թէսլէտ ընդ օծմանն օրհնութեան հոգին էր քեզ իսկարար լրմամբ և աստուածութեանն խառնութիւն բովանդակեալէս , այլ անունն պաշտի խորհրդեամբ շնորհին հրաշափառապէս ազդելոյ 'ի սուրբան . զի զսարկութիւն ազամեանմարմնոյն մեծանալ յաւէտ այսու յորջորջմամբ պատրաստ արացես , **Բ**ացեալ զառածս մարգարէութեանն **Ե**սայեայ՝ դու ինքն աստուածութիւնդ մարդացեալ ընթերցար , հաւատարիմ առնել զբան ծառայից քոց , տէր . և իրբեւ ծանուցեալ եղեր օծութեամբն 'ի կարգ անդ բանին , թէ հոգի տեառն 'ի վերայ իմ՝ որով և օծ իսկ զիս , ապա փակեցեր 'ի հանդիտափառն օծելութենէ զորքանութիւն երկաքանչիւրոցն յայտ արարեալ խորոցաւ սահմանի՝ ընդարձակ հեռաւորութեամբ մեծաւ կնքեցեր , ըզմերս կաթուածով ինչ շնորհազարդեալ , և զքոյդ իսկութեամբ ընդ հօր և ընդ հոգւոյդ հաւասարութեամբ թարգմանեալ . **Ի**նախածանօթ մերակերպութեանն պանծալի իմն գովեստի՝ օծեալն կոչմամբ 'ի հրեշտակացդ փառատրողաց արարածոց երկրի ծանուցար . **Չ**որ մարգարէն կանխադուշակեաց զ'ի Յորդանան , և յընտրեալն լեառն թարօբական հայրենի ձայնիդ եկաւորութիւն , թէ որ պատմէ 'ի մէջ մարդկան զօծեալ իւր . զոր սաղմասին ձայն կանխապատմէ՝ հզօրիդ փառաց զայս պատիւ առ 'ի զառեալդ ձեռնադրելոյ , օծ զքեզ աստուած՝ աստուած քո իւրով ուրախութեան .

Ը . **Ն**օգի երեսաց մերոց տէր **Ք**րիստոս . որ է օծեալ անունդ իսկոյն , որով զփշումն կենդանութեան 'ի դէմս մեր լոյս բարերարութեամբդ քո ազդեցեր . իմաստութեամբ ումնմն երջանկի՝ մարդասիրութիւն խոստովանելի , ասելով առ ոմն , թէ եղ վկայութիւն առաջի տեառն օծելոյն . ըզնոր աւետեացս վկայելով , թէ կոչիկս անգամ ոչ առ ի յամենայն մեղեաց . **Ե**րգոցն երգ իւզեփեցական գինի զաստուծով ծանուցեալ զխորհուրդն 'ի գովեստ հարսին սուրբ եկեղեցւոյս՝ զմուռս առաքինութեան հանդերձ ամենայն առաջին իւղովն . և ևս զմուռս և կնդրուկ մաքրութեան

վարուց ամենայն փոշեաց անուշից իւղովքն զանդեալ՝ անդրստին և այսր յառաջաբերեաց. Գանիէլ զկենսատու մահու քո, Քրիստոս թագաւոր երկնի, 'ի վեր քան զօրինակ կոչումն ձայնի զայս անուանագրեալ վիպեաց յայտնի, թէ զկնի վաթաւն և ինն եօթներորդացն սպանցի օծեալն, և օծեալ առաջնորդ զքեզ յորջորջեաց. Ճրագակիր աշտանակն Չաքարիայ Ագգոլայ՝ որ 'ի Քարեքեայ իւղոյն բարեբաշխ բացատրութեամբ 'ի մատունն եօթանց առաջագրութեանց գնդիցն վառելոյ՝ 'ի ջահէ անտի զօրութեամբ անեկամաբար փծակաւորեալ, զ'ի քոյդ լրութենէ 'ի մեզ փրկութիւն և օծելութիւն գերաբնապէս նախադեկուցեր. Չոր ըստ օրինին անտուտ գուշակամբ 'ի խորանին որ 'ի տաճարին՝ ամենընդել իմն կրթութեամբ սովորաբար մատուցեալ լինէր. պանք բաղարջընծայք և նաշիհք իւղովք խառնեցեալք, և զուարակք եղանց իւղարկեալք, և տիրական անուամբ ձայնեցեալք, և հաւուց ոմանց թաթաւամբ յաղգակից ճարպին 'ի յարիւն, այսր խորհրդոյ առ ձեռն տեսակք և նշանակիչք յարմարականք քեզ միածին ծնունդ օրհնարանեալ մեծիդ աստուծոյ. միայն դու օծեալ նորոգ և զարմանալի՝ ինքնութեամբ համայն էութեամբ իսկապէս լրամբ ամենայնիւ անպակասելի.

Թ. Եւ զի՞ եւս իցէ բազմապատիկս նշանակել առ այս մեծ խորհուրդ անհասանելի, և ոչ ճաշակել զքեզ, քաղցրութիւն. իմանալ քեւ զայս՝ թէ զի՞նչ իցէ իւղն, եթէ ոչ զսիրութիւնն 'ի խայսն պարտեաց սովիմբ բժշկեալ, ըստ սաղմոսողին, զուարթ գործեցես, և զի՞նչ պարարտութիւնն, եթէ ոչ զկերակուրն մահու սովաւ մուսայութեալ 'ի սմանէ, և զի՞նչ օծութիւնն, եթէ ոչ զմխրոյն թշուառ տեսութիւնն 'ի ձեռն սորին փոխարկեսցուք 'ի սոյնձառութիւն յուէժ ուրախութեան, անուամբ քո փրկեալ յոգի զօրութեան՝ հօր անուանեսցուք, և զի՞նչ արդեօք մարգարէին հողեւոր ըղձականութիւն ամենանշանչ բաղձանայն իցէ իմանալ, որոյ ծերութիւնն առակի 'ի ձէթ պարարտութեան, և կամ՝ օծանելն իւղով զգլխոյն վերամբարձութիւն, եթէ ոչ զհին խարդախութիւն սգոյն

սաստկութեան 'ի մահ կործանմանն կենագործեալ գեղովս այս կենաց՝ պատսպարեալ օթանդակեացես . և զի՞նչ ճրագին լուսաւորելոյ շնորհակալութիւն , եթէ ոչ 'ի մէջ իմն անյուսութեան մեղացն միգի և կռասպաշտութեանն խաւարի՝ կերպակցապէս միութեամբ 'ի յիս Եմմանուէլ . և կամ զի՞նչ մարդարէն աստուածաբանեալ 'ի սփոխանս զուարթարարս օրհնութեան՝ նշանակ յայտնի վայելչապէս ոմանց աւետէ , օծցին իւզով 'ի մրոյ պարզելոյ . և կամ իմաստունն 'ի գիմաց հարսինն ասէ օրիորդացն , հաստատեցէք զիս իւզով և գեղեցկազարդ խնծորով յարկեալ ծածկեցէք , և 'ի պարտէզ իւղենեաց տածեալ գրգեցէք , եթէ ոչ այսր ահա ընտրական նիւթիւ հողւովդ քո լցեալ՝ 'ի սոյն լոյս տեսցուք զանխմանալիդ 'ի մեզ բարձրութիւն դովեալ . Եւ արդքեզ , միայն խնամակալ , պատճառ բարի բնաւից եղելոց , ձեռն համբառնամ տարածմամբ բազկացս , երիկամանցս գործակցութեամբ , սրտիս հեծութեամբ , լեզուիս և շրթութանցս ձայնարկութեամբ . լուր ողորմութեամբ , տէր , պաղատանացս խնդրուածոց առ քեզ կարդալոյս . շնորհաւորեալ այսու պարգեւօք՝ գոհաբանութիւն քեզ վերընծայեմ , հզօր ահաւոր բարձրեալ անքնին , անկալ փափաքմամբ միշտ համբուրեցեալ , սուրբ սուրբ և միայն միշտ սուրբ , օրհնեալ հանապաղ յաւէժ անդադար երգածայնութեամբ . Ընձեռեա առաւել բարերարութիւն 'ի սպառ վրիպելոյս . տուր յոյս քաղցրութեան՝ ոչ մասին միոյ մատուցման լուսոյ արժանաւոր ինչ հանդիպելոյս , լայնելքեւ , բարի , զնրբութիւն ծածուկ խորհրդոյս , գրգութիւն խառնեալ ընդ աղերս՝ ասել ընդ Քաւթի , ընկալաք աստուած զողորմութիւն քո , և զծածուկս դաղտնեացդ անտեսից՝ իմաստութեամբ քով յայտնի արարեր :

Ժ. Եւ արդ մեծութիւն քեզ , ամենակալ առատաձեռն աննուաղելի , ամենափոյթ առ 'ի գթութիւն , մշտայօժար 'ի բժշկութիւն , զի միացուցեր խառնեցեր ընդ մերձաւոր դիւրադիւտ ընտանի նիւթոյս զհրաշս անճառս քումդ սքանչելեաց ահաւորութեան . Քանզի զոր երկին ամենայն բարձանց՝ երկրիս լայնութեամբ և անդնդոց ներքնոց խո-

բութեամբ՝ ծովուց բազմութեամբ ոչ զօրէ տանել, այլ իբր
 զգոյզն՝ ՚ի մեծէ բերի, ՚ի փոքր գոյս տեսականեցեր զօրութեամբ՝ սահմանեալ ճշմարտապէս անհրապուրելի. զի մի
 նորոգ իմն երեւելով յայլ էութենէ՝ առ աչս հարեւանցի
 երեւականութիւն ինչ վարկանկոյցի, վերաւորել քան թէ
 բժշկել անընտրաբար զկարծիս մտաց. Քանզի որպէս մար-
 մին քեզ հաւաստապէս, օրհնարանեալ որդի աստուծոյ,
 իսկութիւն և ոչ օրինակ ՚ի յարդեանցն ցորենոյ արարչա-
 պէս միշտ հանդերձեցեր, և կայլակ կողիդ զարիւն խաղո-
 զոյ, և արդանդ կենաց հողեւոր ծննդեանն զառատու-
 թիւն ջուրց յլլովութեան, նոյնպէս և զհոգի անմահիդ
 փշման՝ սովաւ և ՚ի սոյն արդիւնատրեցեր. երկունք կե-
 նաց՝ որոյ կերպարան յառաջ եկելոյն և ոչ հեթանոսու-
 թեամբ է փոխարկութիւն, որպէս ոչ տեսառնադ բութեան
 խաչական փայտի ինչ երկրորդութիւն, նստելոցս յերկրի
 խաւարի ըստ նմանութեան քո, տէր, ծագեցեր. Քանզի
 յայս կերպարան շնորհի զանպակաս լրութիւն անհասիդ
 յայտնեալ աշխարհի լուսաւորեցեր, զի մի տնանկն կարօ-
 տացի և մի ընչեղն բարձրամտեցէ, ըստ օդոյ հաւասար
 բաշխման և լուսոյ արեգական տարածման և ջրական վը-
 տակաց զեզման. զի հաւասարապէս բաշխուր երկրածնաց
 մանանային զուգամասնութեամբ՝ փոքունցն առաւել քան
 մեծամեծացն.

ԺԱ. Իսկ այս նիւթոյ տեսաւորութիւն խորին խորհրդոյ
 և ՚ի բնուստ անսուստ հրաշապէս ունի զթարգմանութիւն.
 որպէս զի ոչ երկմիտ ինչ շութափութեամբ անհաստատա-
 պէս զտեղի փոխէ, և ոչ նենգողաբար զբնակութիւն ին-
 քեան լքանէ. քանզի ոչ վերջնականօք աճառովք հերքի,
 և ոչ յընդդիմակցէ ումեքէ ողողեալ արտաքս ելանէ. Այսան
 զի որպէս պատահումս գունոյ յէութիւն մարմնոյ անփոփոխ
 իմն և անհրաժեշտ, որ գոլովն գոյացուցանէ և ոչ գոլովն
 ապականէ, այսպիսեաւ իմն յարմարութեամբ իւղոյս զօ-
 բութիւն անգատին ՚ի յիւրոց անտի կերպարան զառեալն
 ունողի միասնական զուգութեամբ ընդ մեզ իսկ կցորդե-
 ցեր, տէր Յիսուս Քրիստոս, ընդ իրին գոյի և զօրինակն

լծակցելով . քանզի զանխմանալին տեսութեան աչաց և մըտաց ըզձից 'ի դէմս բերեալ կերպաւորեցեր , 'ի պտղոց երկրի ճնշեալ մկելով զարմանալեօք հրաշագործութեամբ մասակարարիլ մեզ պատրաստեցեր . Մանաւանդ զի ոչ հորովից խառնից 'ի մի եկելոց խմբակցութենէ զանազան ծաղկանց , ըստ հնոյն և սուտերին բազմարութեան այլայլութենէ , զայս իւզ օծութեան հրամանաւորեցեր , այլ իբր զօրինակ փոխեալ զայն առ այս՝ դու ինքն խառնեցար 'ի սոյն մաքրութիւն վերնալոյս ձիթոյ . Որ թէպէտ անճառեն համեզութիւնք քումի անուշութեան , և ընդ օրինակաց իրիք ոչ համեմատի , այլ ծաղիկ դաշտի և շուշան հովտաց և նարդոս ընտիր և եղեգնախունկ խառնեալ հալուէիւ , յարմարութեամբ հոտոյ քրքամոյ՝ վիթթեալ ողիւզոյ և աղնիւզինոյ , ոչ սոսկ քան թէ իւղոյ միութեամբ պատշաճապէս օրինակեցար փառաւորեալ անունդ անքնին , որ զամենայն ընուս , և յիրի իմեքէ ամենեւին ոչ կարօտանաս . Ուստի ոչ շփոթելովք 'ի հակառակաց բռնադատութեանց բաժանեալ կամաց մեկին առակի , այլ 'ի սիրոյ հաւանութենէ աստուածապէս 'ի մէնջ պարարիս , վասն մեր ըստ մեզ առ ամենայն վայելչական նմանութիւն օրինակեցեալ . առ որս լոյս բարի և հուր ջեռուցիչ , տապ սիրոյ առանց մասին ինչ շնչման անդթական սառնացրտութեան այս զանդուած նիւթոյ կաթուածոյ ձիթոյ մաքուր մտաց տեսեալ իմանի , որով յիրաւի սովաւ 'ի յաստուած է միանալի .

Ընդ Սողամնի օծելոյ որդեգրեցելոյ աստուծոյ երգեմբ բերանով հարսինն երկնաւոր փեսայիդ բարեբան գոհաբանութիւն , համբուրեալ 'ի յիզձս մտաց զհոտ իւղոց քոց քան զամենայն խունկս , և իբր զբանս կենաց յաւիտենականաց ունողի , ըստ հողելից բանի իմաստնոյն և աստուածաբան աւետարանչին , զհետ քո 'ի հոտ իւղոց քոց ընթացցուք լուացեալ զերեսս ջուրքք կենաց , որ 'ի վեր է քան զերկին օդոյս այսորիկ , և օծեալ զգլուխս անախտական իւղովդ երկնայնով յանդիման եղէց քեզ ուրախութեամբ , զուարթապէս և ոչ տխրաբար .

ԺԲ. Այս իւզ խնկելի պաշտելի և երանելի , ոչ սոսկ օ

Ճուճն ուղղոյս սենեկի , և կամ հերաց վարսից գազաթան նորաստ ինչ մատուցանի , եթէ ոչ տէրունական կենտառու խաչիւղ տեառնագրեայի . **Ս**ոյն իւղ զարմանահրաշ օրհնութեան լուսոյ զհրեայն և զխուժն՝ զհնդիկն և զբարբարոսն՝ զսկիւթացին և զելլենացին՝ զգուժն դժնէարար և զարհօրատեսակ շանագլուխն սոսկավիթխար , զտէրն ազատ և զսարուկն ծառայածին՝ քրիստոսեան արարեալ , անուամբքս կնքէ , և հոգւոյդ սրբոյ ընծայէ , և հօրդ երկնաւորի հարազատ որդի հաստատէ . **Ք**աղմօրինակ են սոխա արուեստից տեամունք յարմարեցեալք նախ նիւթոյն , ապա զօրութեանն . **Ք**անգի իբր անօթ վայտեղէն մինչչեւ օժեալիցէ՝ գիւրարար հերձի և անօգուտ եղեալ անպատուի , նոյնպէս և մարդ ոչ իւղեալ սոխա՝ հեշտեալ խորակկի , և մեկուսի եղեալ առ 'ի քէն՝ ոչ լուսաւորի . **Մ**ասն սա քո , **Յիսուս** , որով զհրաշալիսն զարմանագրես . քանգի իբր անգձելի կազմութեամբ կարծր պահպանակաւ՝ ամենապատրաստն շրջարկութեամբ պաշտպանեալ ծածկէ յայլագունակ խրթնի եկամտից . մինչ զի այսու մաքրութեամբ թաթաւեալն 'ի սմա ոչ ներկի արեամբ , և ոչ տխրատեսակ երկնիւայլայլի . **Ն**ա զի և թափանցանց իմն խառնութեամբ հոգեպէս ընդ թանձրութիւն մերոյս գոյութեան մտեալ անցանէ . զի թէ անէծք սաղմոտողին ձիթոյ առակաւ ընդ ոսկերս չարին համայնիւ բաշխի ո՞րչափ ևս հոգիդ սոյն ճարպով լուսոյ զաներեւոյթ ներքնոյն տեսակս կենագործեալ ողջացուցանէ , ազգումն տուեալ 'ի խորոց անտի շնչման հագագին՝ մինչեւ 'ի սպառուած ծայրիցն եղերաց զբնաւն ընկզմէ զյիշատակ մարմնոյ մահուն արկածից . քանգի կենդանական զօրութիւն քո միշտ ահաւոր , տէր **Յիսուս** **Քրիստոս** , 'ի սմին խառնեցեալ՝ ընդ սոյն իսկ բնակէ .

ԺԳ . **Ա**յս օժումն բարետեսիլ և առ բռնամարտիկ մերկամրցանակ ըմբիշս իբր զօրաւոր հնարից կերպարան ճգնաւորական անբմբռնելի ձեռաց ներհակին օրինօք պաշտի , գիւաց և ախաից հզօր ահարկու . **Ք**անգի յոգնապատճոյճ պճնութիւն բանին **Ե**ղեկիէլի առ իմանալին **Փ**արաւօն , հենդնաւոր առակագրութեամբ ողբականօք շարայարմար .

եալ, յորժամ եղեր, ասէ, և հանդերձեցար ընդ օծելոյ քերովբէին, ուր արձանքն հրեղէնք հաստատեալ կառուցան։ Օրհնարանեալ ահաւորութիւն ամենաւայր ձեռքն կարութեան, որ միշտ անճառ ես բանից և գերազանցեալ քննութեանց, որ աւետարանաւն կենաց խնկիս յարակայ իբր նորածին օծեալ 'ի քաղաքի Դաւթի, և 'ի քահանայապետին հարցմանէ, դո՛ւ ես օծեալն որդի օրհնելոյն, և յերանաւորն դաւանութենէ Պետրոսի օծեալ միայն որդի աստուծոյ կենդանւոյ, և յապահաւատ քննողացն, եթէ դո՛ւ ես օծեալն, ասեն, ասա մեզ համարձակ. և 'ի կանոնականացն քոյ հաւատամք յօծեալդ ուսուցիչ և տէր ամենայնի. և Հերովդէս յառաջ քան զսոյն զօծեալդ անուն յայտնապէս հարցեալ. և զիարդ գրեն, դու իսկ ասացեր, զօծեալն աստուծոյ զտէրն Դաւթի զանակիզքն որդի՛ ժամանակաւ որդի. Քանզի այսպէս ընկալաք վայելչարար զայս թարգմանեցեալ, որ 'ի մեզ բերի ծայրն կատարման խորհրդական կոչմանն՝ վիճակ քրիստոնէից նախապատուութեան։

ԺՎ. Այնքան ունի ահաւորութիւն միանգամայն և սրբութիւն իւղաւորական խնկաւորութիւն սոսկալի անունս օծութեան, մինչ զի որպէս ոչ է համարձակել ուրուք յերկրայնոցս աստուած անուանիլ՝ այլ աստուածային, նոյնպէս ոչ բերէ մարմին զՔրիստոսդ անուն անձին համարել, այլ զքրիստոնեայն, անտանելի նախնւոյն մեծութեան մկրտչին՝ ջուրք զհողին հրաւիրողին. քանզի չեմ ես, ասէ, օծեալն, այլ առաքեալ առաջի նորա, Սովաւ չրջէին, որպէս բանն ազգէ աւետարանչին Մարկոսի, առաքելականացն լծակցութիւնք, իբր ազգակից հարազատ ձեռինդ աստուծոյ՝ այսու վարեցեալք. քանզի իւղով օծանէին և առանց մարդկային հնարից անուամբ քո բժշկէին. Ասան զի որպէս խաւար 'ի լուսոյ և ցաւ յառողջութենէ, գիշեր 'ի տունջենէ և մահ 'ի կենաց, այսպէս և 'ի սոյն իրէ տիրապարգեւէ ամենայն չարին երևոյթք մերժին խափանին և բնաւին ամբոփին. Քանզի որպէս ճանճք զազիրք և փոքր դեռունք սարգից և ունկնամտից իբր 'ի գեղոց մահու յայս

նիւթոյ սպառեալ պակասին, սոյնպէս լրութեամբ շնորհի օրհնութեան սոյն իւր զօրացեալ՝ և զայսս փանէ և զմուրհակս շարեաց ջրէ և զվճիռ մահու պատառէ. **Ոչ է աւազան կատարեալ՝ առանց օժման օժանդակութեան.** **Եթէ** աւազակացն մահու խոցման զմարդն առաջին, այս դեղ փրկութե մատուցեալ տուաւ. եթէ անճարակ վիրացն **Յակորայ և Իէլի,** սոյն իր պատուական յիշատակեցաւ. այս իւրոյ փափաքեալ **Պաւլիթ՝** իբր ձիթենի պողպալից ՚ի սաննն նյ յուսով յարակայի, լքեալ զթրիատութիւնն՝ անդատին զմլրտութես շնորհ գուշակէ. **Եւ** զի՞ է ինձ զայսմանէ ճառել, և համայնին կարծել հասանել, որ և ոչ վերինքն զօրեն ձեռնարկութիւն ինչ բանի զսոյն խորհուրդ ՚ի մասնաւորէ ինչ ճառելով նշանակել, թողում ասել թէ յիսկութէ.

ԺԵ. **Փառք** քեզ միշտ և յամենայնի, անմահ թագաւոր, ՚ի յայժմու երգեցեալ օրհնաբանութեանս, զոր արարեր և կատարեցեր առ իս, բարեխնամ զթած և երկայնամիտ, հարուստ և առատ ամենայաղթող. անդատին ՚ի հարցն զբժազրելով զօրինակն՝ մինչեւ ՚ի լրումն ածեր զիսկութիւնն ճշմարտապէս. **Պու** լոյս իսկ բնութեամբ և արեգակն մըշտապայծառ, և զաշակերտայն դաս լոյս անուանեցեր, որով զարարածս ամենայն երկրի ճառագայթիւք երջանիկ շնորհի նոցին լցուցեր. **Ընկալար** զիւրն անուշութեան յումեմնէ ՚ի յոտս՝ յօրինակ ընդունելութեան մաղթանաց առքեզ, և ՚ի միւսմէ պոռնկէ ՚ի գլուխ՝ նշանակ սիրոյ գթութեանդ առ մեզ. մշտափափաք բաղձանօք անսահմանելից ՚ի սոյն հոտոտեալ, մինչ զի ուխտիւ անխոխադրելեաւ օրէնս յարակայս օրհնաբանելիս՝ քոյինահրաման պատուէրս կենաց ընդ համօրէն աշխարհ քարողել զսակաւածեռն իւրոյն յարգաւորութիւն, զարմանս հրաշից լսողացն առ ապառնեացն յուսադրութիւն. **Պուք** օծութիւն ունիք ըզսրբոյն՝ ասաց երջանիկն առաքելութեանց, մեկնեալ զխորհուրդն որ ՚ի մեզ զեղեալ յառաւելութենէ կենդանարարից անպակաս բովանդակութեան. **Ուստի** յաւէտ իմն յարմարաւոր և հանգունատիպ առ ՚ի մասնաւորն նմանութիւն լուսոյդ և հողւոյդ սրբոյ՝ այս կաթուած օրհնութեան ՚ի

վերնոյդ բարեբաստութեանց անսպառարար սրկեցեալ 'ի մեզ, և ասի լոյս, իբր զնախաթիւ գոլ ստեղծուածոց և արարչութեանդ պատկերակից, որով զխաւար մթութեան մեզաց հալածես. իսկ հուր, զի յամենայն տարր արարածոց հաւասարապէս ունի զուղութիւն ըստ էականին կշիռ բաշխութեան, ծածուկ և յայտնի, լուեալ և ծանուցեալ. և եթէ ոչ ընդհարոյի 'ի հակառակէն, ոչ յինքնասաստ յոժարմտութենէ բաղձայ բորբոքիլ, Պարձեալ և օծումն, զի արքայարար որդեգրեալ ընդ քեզ 'ի ժառանգութիւն հօրդ մատուցես. ողորմութեանդ ազգակցաւ նկարեալ 'ի մեզ անեղձանելի՛ 'ի հանդերձեալ փառսն փայլեսցուք. դարձեալ և հոգի, զի մարբեալ զարկածս խաբէութեանն՝ որ 'ի բանսարկուին ներգործութենէ, նորոգ փափոխմամբ հոգւով և ճշմարտութեամբ հօրդ երկնաւորի երկրպագեսցուք, բեւեւեալ ընդ քեզ յուսոյն հաւատովք, ամենապարզև.

ԺԶ. Ահա արդարեւ յաւէտ խկապէս իւզս այս լուսապատար խնկալի՛ր՝ վերնականիդ սիրոյ տեսութիւն. Ասան որոյ և Պօղոս իսկ պատշաճ վարկաւ 'ի ճառ գոհարանութեանն՝ ասելով յայտնի, որ օծ զմեզ ձեօք հանդերձ 'ի Քրիստոս Յիսուս՝ աստուած է, որ և կնքեաց զմեզ և ետ զառհաւատչեաց հոգւոյն 'ի սիրտս մեր. և դարձեալ, մի՛, ասէ, տրտմեցուցանէք զհոգին սուրբ աստուծոյ, որով կրնք քեցարուք յաւուրն փրկութեան. Պատկառելի և անվանելի օծութեանս յորջորջութիւն՝ իբր 'ի նորումս յաւէտ քան 'ի հնումն. քանզի բանն Պաթեան սաղմոսին զտիրական անօրինականացդ սկզբնաւոր կրիցդ խորհուրդ՝ ճշմարտաբար վերասահմանէ, ժողովեցան կուտեցան իշխանք ժողովրդոց վասն տեառն և վասն օծելոյ նորա. Մարգարէութիւն մեծ տպաւորեալ զանսրբելի արեանդ պարտիս հրէախումբ չար մղեղնութեանն՝ որ 'ի տէրգ յանդգնութիւն, ո՞վ է որ ձգիցէ զձեռն իւր յօծեալն տեառն և քաւեսցի. քանզի թէ և յազգայնոյն սղանաւ Սաւուղ, այլ ոչ 'ի սպառ մերժեցան յամօթ և 'ի նախատինս ազգաց օտարաց, մինչև արեանդ աստուծոյ հազորդեալ գտան. Գրաւական մեծ յիշատակի սպագայիցն ժառանգութեան

աղօթանուէր աղերսարկութիւն ասել սաղմոսին, վասն
 Պաւթի սիրելչոյ քո մի դարձուցաներ զերեսս քո յօծելոյ
 քումմէ. և դարձեալ, նայեա և տես յերեսս օծելոյ քոյ,
 և արա ողորմութիւն ընդ օծելոյ քոյ.

ԺԷ. Չեռին քո, Քրիստոս, երկրպագեալ պարգեւա-
 տրութիւն այս հիւթ լուսակիր. քանզի ոչ այլ մեծ բարձ-
 րութիւն յարքայութեանն ճոխութենէ ասէ մարգարէն 'ի
 գլխնաց քոց, տէր, քան թէ դատի զՊաւթի ծառայ իմ և
 իւզով սրբով իմով օծի զնա. Ուստի կիրթ իմն յիշատակաւ
 զքոյդ համբուրեալ լուսոյ օծութիւն, տէր Յիսուս Քրիս-
 տոս, ծանկցուք զքեզ անսխալիս մշտնջենաւորութիւն, թէ
 դու ես ամ^ա և յամի միայն թագաւոր թագաւորունց, և
 ճշմարիտ օծեալ իւզելոց, փառարանեալ երկրպագութիւն
 բէկ և այսօր. Քանզի զոր օրինակ պատրոյդ թացեալ 'ի
 ճարպում ոչ երեւեցուցանէ ինչ նշոյլ մինչեւ հուրը լուցեալ
 վառիցի, սոյնպէս և այս օծութիւն լուսոյ առ 'ի մեզ հե-
 ղեալ 'ի հանդերձեալսն չհաւորի. Այս է կերպարանին մեկ-
 նաւոր բացերեւութիւն, 'ինախնեացն և այսր բերեալ բարե-
 նշան իմն յարմարութիւն հրաշապայծառ երանգաւ դունեալ:

ԺԸ. Արդ այսոցիկ պատճառ վերագոյն մասանց կեցուց-
 շաց աստուածականաց արարչութեանդ հարազատաց, ա-
 ռանց որոյ ոչ է գրիլ Քրիստոսեան, և ոչ նազովբցելի ան-
 ուանիլ, և ոչ յիշատակիլ յորդիս Յուդայի, և կամ խրա-
 խոյս բառնալ յանուն աստուծոյ Յակորայ, այս հիւթակա-
 նութիւն օրհնութե ձիթոյս, յորում սուրբ Երրորդութիւնդ
 խառնեցեալ միաւորի, ճառագայթ շնորհաց, շուք մերոց
 գլխնաց, նկարագրութիւն երեսաց, բարեձեւութիւն պա-
 տահմանց, լուսաւորութիւն աչաց, տեսառնագրութիւն
 բբաց, վայելչութիւն այտից, զարդ կերպարանաց, պահ-
 պանարան շրթանց, հանդերձիչ կրօնից, յարմարիչ վա-
 րուց, շաղկապ հաւաքմանց, զօրութիւն անձանց, ութ-
 գնութիւն գլխեցմանց, խափանիչ յուսթից, քակտիչ հը-
 մայեկաց, նահանջիչ ձեռնածուաց, խայտառակիչ կախար-
 դաց, դատիչ աղանդից, բռնախոյեան դիւսոց, փարատիչ
 ցաւոց, կատարիչ կնքեցելոց, տենչանք երախայից, անգնին

արտաքնոց, հիացումն հեթանոսաց, նախանձարկու անհաւատից, մերկացուցիչ դաղտնեաց, յարգանք յետնոց, փառք ստրկաց, պճնումն կանանց, անկեցումն տղայոց, հրճուանք ծերոց, ձեռնադրիչ նուիրելոց, զգուշութիւն մաքրոց, պսակ թագաւորաց, ճիսութիւն արքայից, յառաջադրութիւն կայսերաց, Քանզի զոր օրինակ աման ինչ կնքեալ՝ նշանակիչ իմն է ներքնայնոցն մեծագնութեան, նոյնպէս բարձրութիւն շնորհին 'ի մեզ ստիաւ ծածկեցեալ յանուն քո, աստուած տէր Յիսուս Քրիստոս, վայելական իմն տեսակաւ ծանուցեալ նշանակի։ Իսկ անունն իսկոյն անդստին 'ի նոյն յորջորջեալ կոչմամբ, ըստ հոգելից արանց իմաստնոց՝ որ յեզխպտացոց անտի սկսեալ, 'ի դէմն ածելով զիրին կերպարան՝ ահաւոր խորհրդոյ պատկեր։

ՍԱԿՍ ՍՐԲԱԼՈՅՍ ԻՊՂՈՅՆ ՄԻՌՈՂՆԻ

ԺԺ. Քանզի միւռոնս այս օրհնաբանեալ, զոր մարդարէն կանխաւ լոյս աչաց դրեթէ զսոյն աղերսեալ խնդրէր, ըստ քերթութեանն բառի որ ըստ խորութեանն Հոմերոնի, թարգմանեալ իմանի, ինձ մայր. այսինքն է՝ առ 'ի յինքն ձգող զմերս բնութիւն զորապէս, և կայուն հաստատել չքնաղ փոփոխմամբ զՉուրց լուծականութիւն առ աւազանին լուսաւորութիւն. և իբրեւ զդեղ մածուցիչ կաթին՝ 'ի նոյն ինքն յեղանակել զցնդեալս իմ՝ վայրագութիւն, և զաղբերց հեղեղեալ մշտահոտութիւն. Իսկ մառնամուտ՝ որ և այս միւռոն, ըստ այլում՝ բառի ցուցանի. այս ինքն է՝ մթին, որ և խաւարչուտ դոլ և ծածկեցեալ կամ անտեսական. որ և սոյն կոչումն գիմառութեան չէ օտարացեղ. քանզի արդարեւ յիրէ անտի անունն նշանակի. վասն զի անքնին է այս խորութիւն յաւէտ քան զամենայն սրբութիւն սրբոց. Զի ոչ եթէ ջրոյ օրինակաւ զաղտ ինչ լուանայ, և կամ հացի բնութեամբ զսիրտն հաստատէ, այլ նորոգ իմն յարմարութեամբ 'ի մասունս ազդողականացն տնօրինապէս տեսառնադրի. սակայն անհասութեամբն վերնականաւ և զանունն ունի անքնին. Քանզի որպէս աստուած իսկ և

խակ 'ի լոյս անմատոյց ասի , խակ անսահման փառաւորութեամբն յեղանակաւ իմն անբաւութեան 'ի խաւար անդինն ծածկեալ խնանի , փակեալ արտաքուտ 'ի ձեռնարկութեանց մերոց խմատոց , նոյնպէս և այս ծորումն լուսոյ 'ի լեզուաց ոմանց ճարտարաց 'ի ճահ ձեմութեանց դրականապէս անուանադրութիւն մուսլ առ ձայնի , վն ոչ զօրերոյ երկրածին բնութիւն զխտերոյ . Խակ զերկաքանչիւրս անձականացն անդատին յինքեան հարստաբար տիրապէս ունի . քանզի 'ի կոչումն անուան բարձրելոյն նմանակերպեալ կրկին մեծանայ իւրս այս նուիրեալ ամենաբուրեան ազնիւ կնգըրկաւ . վասն զի ան մեր հուր ծախիչ է ըստ Մովսէսի , և դարձեալ լոյս է ըստ Յովհաննու . ուստի և Եսայի ճշմարտապէս զոյն ակնարկէ , եղիցի , ասէ , լոյսն Իէլի 'ի հուր .

Ի. Գարձեալ այլ իմն կերպացուցանելով զբանս առ 'ի նոյն պատկեր յայնութեան իրի . վասն զի ոչ մոռանամ զիմն նողկութիւն՝ որ 'ի գթութենէ մեծիդ քաղցրացաւ՝ վերստին գովեստիւ օրհնել . քանզի Մեռայ՝ որ է գառնութիւն , այսինքն՝ նշանակ իմն յարմարական չարչարաւոր կրից տաժանմանց , որ և միւռոն ստուգարանեալ մեկնապէս ըստ մեզ՝ մեռելութեան ազգականութիւն . Քանզի այսու օժմամբ հոգեւորականաւ խղեալ կամ հատեալ 'ի սնտախսէր մահակերպարան տաղտկազգրական հեշտութեց հակառակողին , որ օգախոնաւ մեղկութեամբ զքնարս ձայնատրական և կամ զարկուած վերածածկութեան մղնարհետութիւնաբարբառ խորխտահնչական կազմուածոց թմբկիս գործականութիւն ջրացիր իմն գիջութիւն անվայելուչ թուլադաշնակեալ՝ 'ի ստորեւ կորստեան քարչէ զօրինակ մերս գոյութիւն , կապիմք յուսով վերստին դարձեալ ընդ անճառխորհրդոյ խաչի քո , Քն , մկրտեալք 'ի մահ կենդանոյդ՝ անվախճան կենացդ սովաւ հաղորդիմք , 'ի քեզ խակ ան համայնիւ խրախուսեալ 'ի սպառ ամենեւին անհատուածելի .

ԻԱ. Այս իւր զգրօչեալն քառակուսեան յանուն քո , Յետուս , նշանի բարձրելոյդ հաւասար հաստէ . շնորհ բնձեռեալ զուգախառ և նմանատիպ արեան կեցուցչիդ նոյն անվանելի փառօք պսակեալ մեծացուցանէ . Փայտ անուանի

իւրոյ օրհնութեան, ըստ մարդարէին կանխաձայնութեան, զի հասարակաց կազմեցեալ բուսոց անտառաց զօրապէս ուղղեալ՝ ՚ի խակութենէ չարին արկածից և օտար կարծեաց ՚ի ստեղծողդ վերաբերեալ առ նոյն նիւթս կենաց հասուն ներդործէ։ Չի և որ ՚ի մեզ մտիցն պատուհանաց մշտարացիկ թափանցանցութիւնք՝ յանուն մեծութեան ահաւորիգ զօրութեան ՚ի խոհական իմն համեստութիւն քեւ տեառնադրեցեալ առ ՚ի յըզձակերտ օթեզման հոգւոյդ՝ անազգելի պատրանաց չարին խաւարահողմ խարդախողին, այսու լուսով զսպեալ ամիրտիմք ՚ի նուագ գոհութեան երեկորեան պաշտաման ընդ երկնայնոցն զամբարաց՝ առ օրինակ վառման շնորհիգ որ ՚ի մեզ. ՚ի սոյն յիշատակ փրկութեան բարեացն սովաւ տնկեցեալ ծագի, և ծագկաւէտ եղեալ պտղածնի, ՚ի սպաս ընթերեացն պատրաստութեան յետնում գիշերի ՚ի մեծիգ զալստեան. ահա զայս լոյս ճրագի համարեալ ՚ի կիր արկանեմք։

ԽԲ. Գարծեալ ըստ գծագրացն գումարութեան քսան և չորիցն շարագրութեան՝ որ յարփափետաց անտի վերաթուի մինչեւ ՚ի քսաներորդ երկրորդն կարգի, յորում զայս խորհուրդ խորութեան անտուտ թարգմանեալ ճաշակ հեշտալի որոց հաղորդին ջամբել պատրաստեմք ամենակազմ յարմարութեամբ. քանզի յութմաներորդէ անտի գրոյ ՚ի չորեքհարիւրն փոխարեբեալ ստուգարանօրէն քննութեամբ ընդ ձիթոյն անուաննիւթ ճշմարտագրի. որ է կերպարան արդեան խմբոյ յինքն բերողի զգանգուածն զօրեղապէս. որ ոչ սակաւն ՚ի յոլովէն պարագայի, քան թէ ՚ի նոյն իրն դարձուցեալ, ըստ աւետարանական առակին, զամենայն առ ինքն վերաբերեալ աճեցուն առնէ։

ԽԳ. Սոյն իւղ հեղութեան միշտ համբարձման և խոնարհութեան օրինակ և նմանութիւն, առ ոմն կակուղ պատառ մատուցեալ ջամբի, հարթակչիռ և բարեյարմար բանի կերպարան. իսկ համայնիցս լուծականաց հոսանուտ և ստորածորելի նիւթից գերափառ վերաշրջական հրաշափառ խորհրդոյ պատկեր. քանզի և յաման ինչ մորթոյ արկեալ՝ ոչ ըստ գինւոյ ձեւոյ և կամ ջրոյ թացութեան

մեղկէ, այլ 'ի սահման պատշաճին պահէ, Այսպէս ընկալեալ գրոյցոց բարեաց անհաւասար առաւելութիւն, որդի աստուծոյ կենդանւոյ, զորբանուէր այս օժեւելութիւն 'ի ճակատ դիմացս արեամբ քո դրեմք, և 'ի բնութիւն շնչոյս հոգւով քո տպաւորեմք, հաւատացեալ խորհրդով մտացս, եթէ յաւէտ յայտնեցի նորոգ փայլեցեալ բազմաճաճանչ ծայրարձակութեամբ 'ի տարածումն յոգնատեսիլ զարմանահրաչ ընդարձակութեան՝ պտուղ խղոյ ընծայեալ զլոյս 'ի փառս ասպունեացն հանդերձեւոյն, Այս ճարպ հոգեւոր երջանիկ և վերնանշոյլ 'ի դէմն երեսաց խմս պատկերի՝ քումք նշանաւ ջահաւորեցի:

Խ. Եւ քանզի իրր անհաս ոչ ըմբռնական այս մեծ զօրութիւն արագ սլացմամբ 'ի թեւս թեթեւս մտաց պայմանի, անդր քան զկարծիս ուշոյ իմաստից անհուն հետեւման անհետ փախստեան՝ լայն իմն միջոցաւ 'ի սպառորոշեալ, փակեցաւ յինէն, ոչ օրինակեցաւ կցորդաւ, ոչ նմանեցաւ զուգամասնութեամբ, ոչ սահմանեցաւ ձեւակերպութեամբ, ոչ կշռեցաւ ընկերին չափով. այլ ահա ընդ աստուածեան խաչիդ նշանի հաւասարութեամբ արեան կեցուցչիդ հոգիապէս դերազանցեցաւ: Եւ արդօրհնեա զմեզ, աէր, սովաւ և 'ի սոյն. եւս և անունդ քո ահաւոր, լուսաւոր, երկնաւոր և զարմանաւոր, 'ի դովեստ փառաց անճառից մաքրակրօնից բուրվառաւ խնկեալ, սուրբ, սուրբ, անքնին, անպատում, բարձրեալ, ողորմած, վերերդեալ, ճշմարիտ, բարերար և սուրբ, արա սովաւ փրկութիւն, տուր և քաւութիւն, պարգեւեա բժշկութիւն, հանդերձաւորեա շնորհ, առատաձեռնեա երանութիւն: Յօժումն այս ձիթոյ երկնանձրեւ լուսոյ անարատ գտայց. յիւղեալս այս թեզան բանաւորական մի՛ մոցէ և մի՛ գրաւեցցէ տխրականութիւն աղտոց մեղանաց՝ չաղախել երբէք զոգւոյս կերպարան: Եղիցի սոյն ինքն որոց մատչին օժանիլ սովաւ հարսնապաճոյճ պանծանօք պճնել դեղայօրէն սուրբ վայելչութեամբ՝ երջանկապէս յոգի զարդարեալ: Եղիցի հուրս այս լուսափառ և աստուածածիր՝ մերձեցելոցն 'ի սոյն ընտրութիւն՝ մուխ կրկնեռաց և բա-

րեւիափաք ջերմութեան այլ յօրինուածոյ, որով ամենայնիւ ամենապատրաստ պնդութեամբ՝ ՚ի կարծրականումք անասան վիմիդ յարակայեցեալ միշտ արձանացայց ՚ի քեզ հաստատեալ աներկմտելի, Ալիցի նշանակ վերնամրցանակ այսր պարզեւի սովաւ վառելոցն, ոչ ողողիլ ջուրք, ոչ այրիլ հուրք, ոչ ցրտանալ ՚ի սառնութենէ, ոչ վնասակար հողմով շիջանիլ, ոչ աղտեղիլ յուրուական ինչ պղծութենէ, ոչ զպահեալսն՝ չարին մասնել, և ոչ ՚ի ստորեւ ելիցն զմիտերս գանձուն կենաց յիմարարար արտաքս հանել. ոչ անպատասար մնալ ՚ի թեւոց քոց օգնականութենէ, և ոչ զէացեալն ՚ի մեզ օծութիւն անմաքրապէս ՚ի բաց մերկանալ. Այլ եղիցուք քեւ ՚ի սոյն հրացեալ, սովիմք պարարեալ, սովաւ լուսաւորեալ, այսու արդարացեալ աղատացեալ պսակեալ և թաղաւորեալ, Եւ քեզ միայնոյ միայն օծելոյ յամենեցունց օրհնութիւնք երգոց, արէլուք լեզուաց, հնչմունք ձայնից, յաղթականութիւնք գովեստից, բարեբաստութիւնք շրթանց, սրբաբանութիւնք սաղմնաց, ընդհօր և հոգւոյդ սրբոյ յաւիտեանս յաւիտենից. ամէն.

Այն իմ ձեռնարկութիւն ՚ի սրբութիւն, և այս արձանագրութիւն
՚ի սրբութեանցն սրբութիւն

ԲԱՆ ՂԳ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ ԽՕՄԲ ԸՆԴ ԱՍՏՈՒԾՈՅ

Ա. ԱՍՏՈՒԱԾ յաւիտենական, բարերար և ամենակալ, ստեղծիչ լուսոյ և յօրինիչ գիշերոյ, կեանք ՚ի մահու և լոյս ՚ի խաւարի, յոյս աղնունողաց և երկայնմտութիւն տարակուսելոց, որ ամենարուեստ իմաստութեամբ քո դարձուցանես յայդ զստուերս մահու, աննուազ ծագումն և անմուտ արեգակն. քանզի ոչ զօրէ ծածկել զվառս տէրութեան քո խաւար գիշերոյ, որում կրկնի ծունր երկրպա-

դուժեան ամենայն եղելոց երկնաւորաց և երկրաւորաց և սանդարամետականաց. որ լսես զհեծութիւն կապելոց և հայիս յաղօթս խոնարհաց և ընդունիս զինդբուածս նոցա, անձ իմ և թագաւոր իմ, կեանք իմ և ապաւէն իմ, յոյս իմ և վտահութիւն իմ, Յիսուս Քրիստոս աստուածդ ամենայնի, սուրբդ հանգուցեալ 'ի հոգիս սրբոց, մխիթարութիւն վշտաց և քաւարան մեղացելոց, որ զիսես զամ յառաջ քան զլինել նոցա. առաքեա զպահպանողական զօրութիւն աջոյ քո և փրկեա զիս յերկիւղէ գիշերի և 'ի գիւէ չարէ, Որդէս զի զյիշատակ սոսկալի և սր քո անուանդ միշտ համբուրեալ շրթամբք հոգւոյ ըղձութեան շնչոյ, կեցից պահպանեալ ընդ այնտակ որ կարդան զքեզ 'ի բոլոր սրտէ:

Բ. Եւ 'ի գրոյմէ խաչի քոյոյ նշանիդ, զոր աստուածային արեամբք ներկեալ նորոգեցեր, և 'ի նոյն շնորհ սրդէգբութեան զմեզ մկրտեցեր, և 'ի փառս պատկերի քո նկարեալ յօրինեցեր, այսու պարգեւօք աստուածականօք ամաչեցէ սաստանայ, քակտեսցին մեք նայքն, բարձցին սրողայթքն, պարտեսցին մարտուցեալքն, պակասեսցին զէնքն սոյրասուրք, մերժեսցի մէզն, փարատեսցի խաւարն, մեկնեսցի մառախուղն: Բազուկ քո հովանասցի, և աջ քո կնքեսցէ վասն զի զթած ես և ողորմած, և անուն քո կոչեցեալ է 'ի վերայ ծառայից քոց: Եւ քեզ ընդ հօր հոգւովդ սրբով փառք և իշխանութիւն յաւիտեանս յաւիտենից. ամէն:

ԲԱՆ ԴԵ.

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՄՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ ԽՅՄԳ ԸՆԴ ԱՍՏՈՒԾՈՑ

Ա. ԱՐԵՎԱԿՆ արդար, ճառագայթ օրհնեալ, լուսոյ կերպարան, փափաք անձկութեան, բարձրեալ անքնին, զօրեղ անպատում, բարւոյ բերկրութիւն, յուսոյ տեսութիւն, գովեալ երկնաւոր, թագաւոր փառաց, Քրիստոս արա-

րիչ, խոստովանեալ կեանք. **Ե**ւ արդ զթերութիւն վրիպանաց բազմասխալ ձայնի եղկելոյս ամենազօրդ բանիւ լըցեալ մատուցես յաղերս հաճութեան հօր քում բարձրելոյ: **Ո**ր վասն իմ ՚ի փորձ եկիր անիծից, կերպարանեալ զիմ նմանութիւն, ամենեւին կենաց օրհնութիւն, վերնոց և ներքնոց բարեխնամող տեսուչ համայնից, **Ձ**ի թէ յանձն առեր մեռանիլ վասն իմ, աստուած և տէրդ բոլորեցուն, որչափ հաճեցիս առաւել և այժմ վտանգաւորս կրից կարեկցել, ընդ իմ պարտաւորիս միշտ աղօթելով ազգակցաւ մարմնոյդ առելոյ ՚ի մէնջ՝ առ համապատիւդ քո հայր:

Բ. **Ե**ւ վասն արեանդ պատուականի միշտ մատուցելոյ ՚ի հաճութիւն կամաց առաքչիդ՝ բարձրին վտանգք մեղուցեալ դատապարտելոյս, թողցին պարտիքն, ապաքինեացի մօթն, մուսացին պատկառանքն, բարեգործեացին դատակնիքն, սատակեացին որդունքն, վերացի լալն, հանդարտեացէ կրճումն աստամանցն, սպառեացին ողբքն, հացցին արտասուքն, մերժեացի սուգն, հալածեացի խաւարն, վասնեացի հուրն սաստկուէ, հերքեացին տանջանարանքն բազմօրինակք:

Գ. **Ե**կեացեն զթութիւնք կամողիդ և պարգևողիդ կենաց ամենից, ծագեացի լոյսդ, արագեացէ փրկութիւնդ, հացէ օգնութիւնդ, ժամանեացէ այցելութիւնդ, կանխեացէ ցողդ ողորմութեան, յառաջեացէ արբուսցէ զանդաստանս պասքեալ՝ անկեալ ոսկերացս թշուառութեամբ ՚ի վիհն մահու, ծաղկեցուսցէ պողպաբերեացէ բաժակդ երկնաւոր արեան կենարարիդ զերկիրս խնամեալ աւուրն լուսոյ, որ անծախսապէս միշտ պատարագի յիշատակ կենաց փրկութեան հոգւոց ննջեցելոց. **Ձ**ի ամենայնիւ մահացեալ հոգիս մարմնովս մեղաց՝ շնորհօք քո, գթած, ՚ի քեզ զօրացեալ քեւ նորոգեցայց, զատեալ ՚ի մեղաց անմահ կենդանութեամբ ՚ի յարութեանն արդարոց, հօր քում օրհնեցեալ. **Ը**նդ որում քեզ փառք, և հոգւոյդ սրբոյ բարեբանութիւն վայելչական դոհութեամբ, այժմ և միշտ և յաւիտեանս յաւիտենից. ամէն.

ԸՍՏ հոլովման ընթացից ամանակաց յառաջ չարժութեն, որ ըստ լրացատարն նշուլադեղն արվիաճաճանչ լուսակիրն օրակշիռն մկտափարատն ակնապարար ականն արեւու՝ ըստեղծականն արուսեկի, որ համբարէ հոլովէ կուտէ ամաց հոլովութիւն ՚ի չափս դարուց շնչասպառ և կենդանանտրոգ առուղեկան յաւիտենիս, ՚ի յաւարտումն կատարման իններեակ յորելինին, ՚ի սկիզբն պսակելոյ մտի տանեկին յարեթական տոհմիս տումարի, յետ երկի ամաց անցելոյ՝ որ զինի գալստեան ՚ի կայս և ՚ի կոյս կողմանց հիւսիսոյ գիւմաց արեւելից՝ յաղթող և մեծ կայսերն Հուամոյ Քասլի, յորժամ ընդարձակ և մակագաւիթ կանոնաւ սփիւ տարածէր՝ լիասահման և անխարոց ՚ի ստուարակարկատ կոթողս կարծր արձանաց՝ ՚ի ձգումն ձեռին և յանխղելի լարս պարանաց երկարագունից՝ անթարթափ ՚ի նոյն վերասղացեալ ՚ի յաջ և յահեակ՝ սեղհականել յաւելուլ բաժինս մասանց վիճակաց խմբից աշխարհաց ՚ի ծոց իւրարդ ՚ի յայնմ անդորրութեան միջոցի, յորում եզերեալ ընդոտնեցաւ թշնամիք եկեղեցւոյ, ստացեալ հիմնեցի, կառուցի, կարգեցի, կուտեցի, արձանացուցի, գիզի, բարդեցի, կացուցի, ցուցի, հաստատելով ՚ի հրաշակերտութիւն միագոյ իրի զբազմաստեղնեան դրուագս դրութեան այսմ սոփերի արդասաւորի, ևս Գրիգոր կրօնաւոր քահանայ, յետին բանահիւսաց և կրտսեր վարժապետաց, գործակցութեամբ եղբոր իմոյ ընտրելոյ Յովհաննէս կոչեցելոյ՝ Նարեկայ մեծափառ և բարձրապատիւ ուխտի վանականի. որք իբրեւ զմի մարմին բանական ՚ի յերկուց առ մի կերպարան շինելոյ գիւմաց կենցաղաւարելով, ոչ միայն հարազատք, սյլ և միաշունչք միակրօնք համապատիւք զուգահաւանք, ՚ի քառից աչաց առ մի և նոյն շաւիղ խորհրդոյ տեսեալք.

Արդ հայցեմք ՚ի ճաշակողացդ յայսմ սեղանոյ յոքնօրէն և ակտորժահամ հանդերձելոյ՝ յիշատակել զմեզ ՚ի մաղթանս ուղիղս և ՚ի պատկանաւոր խնդրուածս, սեռն սիրով ՚ի միտս բարիս. որով և դուք եղիջիք գրեալ ՚ի մատեանս կենաց վերին գպրութեանն.

ԱՄԵՆԱՓԱՅՑԻ նշողիւք ճառագայթից շնորհաց հողւոյն
 աստուծոյ՝ լուսապատար պայծառազարդեալ՝ հրեշտակն 'ի
 մարմնի սուրբն Գրիգոր՝ էր յանձեւացեաց զաւառէ վաս-
 պուրական աշխարհին . որդի տեառն Խոսրովու անձեւա-
 ցեաց եպիսկոպոսի , 'ի ժամանակս կայսերութեան յունաց
 Վասլի ե կոստանդեաց . յաւուրս Սենեքարիմաց հայոց
 արքայի , ե 'ի հայրապետութեան տեառն Վահանայ կա-
 թուղիկոսի . Որ սնեալ 'ի կարգ կրօնաւորութեան 'ի վանս
 Նարեկայ , որում ե եղեւ առաջնորդ , ուստի ե հռչակե-
 ցաւ Նարեկացի . Սոյն սա երկնահանձար վարդապետու-
 թեամբ գերափայլեալ՝ մեկնեաց զԵրզն երգոց Սաղոմոնի .
 գեղգեղեաց զՃառ խաչին , ե զՆերբողեանս 'ի սուրբ աս-
 տուածածինն , 'ի համօրէն գունդս առաքելոց , ե 'ի սուրբն
 Յակոբ մծբնայ . ե զՔարոզս գանձից . Ապա բանապա-
 ճոյճ պերճամանութի գրեաց զսոյն զՂԵ . բանս ազօթից 'ի
 խնդրոյ հայցման հարց միանձանց . զոր թողեալ մեզ վերջին
 ժառանգութիւն անսպառ մթերից՝ փոխեցաւ յաստի կենաց՝
 վախճանեալ յերիտասարդական հասակի , 'ի թուականիս
 հայոց՝ ԴՃԾԲ . ե ամփոփեցաւ 'ի նոյն վանս Նարեկայ . Իսկ
 յորժամ Սենեքարիմ՝ արքայ փոխեաց զտէրութիւնն 'ի
 փոքրն Հայաստան , ապա ե միանձանցն Նարեկայ դիմեալ
 մերձ 'ի կողմանս քաղաքին Ակնայ ե Տիւրիկեայ , շինեցին
 վանս յանուն Նարեկայ , ուր բերեալ հանգուցին զսատ-
 ոական մարմինն , թէ ե սյժմ է աւերակ , ե կոչի ուխտ
 Արակայ , յորմէ լինին նշանք բժշկութեան 'ի փառս աս-
 տուծոյ . Որոյ աստուածախօս մաղթանաց օժանդակու-
 թեամբ արժանասցուք զմայլական տեսութեան աստուծոյ .
 որում պատիւ փառաց ծնրադրական երկրպագութեամբ
 յաւիտեանս . ամէն .

Ա. **ԳՈՒՄԱՐԲ** խմբից դասուց երջանկացն պատուասիրեն բիւրաբեղուն բանիւք գովեստի զսկզբնալցյան կենաց գոյից 'ի կիցս բանից ըղձաձայնութեանց . և որպէս փողովք տալ զօք և քնարիւք զգայական սրտի շարժեալ զգործի՛ զգեւրազանցեալն 'ի ըյս անմատոյց ուրախութեամբ վերադրուատեն . **Եւ** զանձառ արարչութեան հրաշագործ ամենաստեղծն տէրութիւն օրհնելով պատճառ փառաբանութեան իսկութեան հաստչին զհաստուածոցս առնուն գոյութիւն . որպէս և ճշմարիտն բան ցուցանէ , 'ի ստեղծանելն ինձ զայս ամենայն . բոլք զօրաց դասուց երջանկացն օրհնեցին զիս մեծաձայն , և ամենայն հրեշտակք իմ գովեցին զիս . **Եւ** արդ եթէ հրափայլ և երազընթացն փառաբանչօք վերնաթռիչ պատգամաւորօք հողիանիւթ և անեղձական կենդանեօքն նա օրհնաբանի . որ թէպէտ և նօքա վեհք են բնակութեամբ կայից ստորիցս , և նշոյլ երկրորդ լուսոյ առ ռաջնոյն , այլ սակայն յոյժ անտեսաբար տղաւորութեամբ առ բնութիւն բարի բանին բարձրելոյ բարեզարդաբար բերկրանօք բերին . և որ գոհաբանի առ 'ի նոցանէ սուրբ աստուածութիւնն , լայնաձիգ հեռաւորութեամբ և ընդարձակ միջոցաւ յաւէտ անջրպետ նշուլիւքն ծածկի 'ի նոցունց .

Բ. **Այա** զայն որ զանհասն հրեղինաց 'ի հողեղէն յարկն պարունակեաց , և զանձառն 'ի սերովբէից զգալի մարմնոյ յօդիւն պատեաց , և զկերակրիչն դասուց հրեշտակաց կաթնասուն ստեամբքն դիւեցոյց , որ երգ պատկանագիր 'ի ճահ գովեստից օրհեալ պատուեսցէ , **Զմարմնարանն** անաեօին և զճեմարանն մեծին , զտաղաւարն տիրական և զխորանն աստուածական , զխառնարանն ճաշակման անապական խրախճանութեան , զարբարանն մաքրութեան և զընդունակն զգաստութեան , զնպատակն կուսութեան և զօրինակն երանութեան , զհարանարանն անլուծանելի՛ անժամանակականն փեսայի , զբնակարանն հաճութեան կամոց անեղն աստուածութեան , **Զայսքան** փառազարդ շնորհաց ընդու .

նակն և ոչ նոքին աստուածութեանն օրհնառաք հրեշտակացն պարք որպէս պարտն է պատուել ժպրհին, թող թէ մարդ երկրային ՚ի կշիռս չափոյ բերանոյ հողանդուածս հիւթոյ մեղիս մարմնոյ, քանզի անճառութեամբ անհասականաւ վեհագոյն ամենեցուն փակեալ գտանի, և ոչ զօրեն երկնայինք զարարչին անհաս տնօրէնութեանն զանքնին ծնող արժանապէս վերաքարոզել, Քանզի թէ ըստ առաքելական ձայնին Պողոսի, մարդն անձնացեալ ոչ յումեքէ պատմի, ապա որ զլրութիւն բանին էութեան աստուածութեանն յղացեալ կրեաց ՚ի մարմնի՝ զիտրդ զննեսցէ շարժութեամբ շրթանց լեզու մարմնեղէն զնս ճանաչել, Զի թէ դասք պետութեանց անմահից վեհից վերնոյ բնակութեանն՝ եկեղեցեաւս յայս խորհուրդ խորին յառեցան, ապա յայտ է թէ մեծ է առ նոսա հիացումն սքանչելի գործոյս սյսորիկ, քան զհասումն երկրուորացս բանից պատմութեան:

Գ. Բայց սակայն երգեսցէ բանս որքան զօրեսցէ ՚ի բաղձանաց սրտի փափագման՝ նմին ընծայ օրհնառաք վառաց տեսչութեան, նա զի թէ երկինք վառացն աստուծոյ լինին պատմաբանք, և յանդրէն դարձ տարագրելոյ տոհմին Յուդայի ժողովք ժողովրդոց տեսին զփառս անեղին, ապա այժմ՝ յերեւել բանին ՚ի մարմնի և լինել մարմին ազամեան կերպիւ, հարկ է յոյժ ճահողապէս՝ ոչ միայն անմարմնոցն, այլ և զգայնոցս արժանաբար ըղձականութեամբ հնչել զձայն բերկրանաց բարբառոյ բանից օրհնութեանց. Քանզի խոնարհ այս երկիր եղեալ տիրակիր, գտաւ լծակից ընդ աստուածակիր երկինն վերին. վասն որոյ խրախուսեալ հոգեւորական հրճուանօք երկուցն դասուց ՚ի մի խումբ պարու, տօնս տարեկանս փրկչին փայլման կատարեն, զգայական սեռս եղականաց, և անմարմին դասք հրեշտակաց. յերեւելիս տեսականաց, և յիմանալիսն ծածկեցերոց. Ընդ որս և մեք կցորդք այսօր եկեղեցի դուստր վերինն յարկի երկնայինն առագաստի, պարեմք հոգեպէս տարփմամբ՝ երգելով քեզ ընդ երկնայնոցդ ձայն սրբասաց:

Դ. Ո՛վ ամենառուրբ արարչընկալ տիրուհի և աստուա-

ժտծին, որ զանտանելին երկնի բարձրութեան և երկրի լայնութեան, ծովու խորութեան և անդնդոց անհասութեան, զի քէն մարմնացեալն իսկութեամբ էութեան յորովայն անձուկ սուրբդ քում սենեկի կրել զօրեցեր, Առ որ հայեցեալ երջանկին Յորայ՝ պատուարանեաց ՚ի ձեւ առական, զանբառութիւն մեծին սքանչացոյց, յումեմն դիմաց ասացեալ՝ եթէ չունիմ զնա, և զայլմէ՝ թէ չէ ընդ ինեւ։ Որում երգակցեալ վեհին Յովհաննու ՚ի բանն Յայսնութեան ասէ հիացմամբ․ փախեալ երկին և երկիր ՚ի մի սասանութիւն ՚ի դիմաց էին, և տեղի ոչ գտաւ․ քանզի արդարեւ յաւէտ անձկութեամբ ամփոփին ՚ի բերումն բովանդակութեան արարչական բանին հանգստեան, Իսկ դու ընտրեալ ՚ի զարմէ և ՚ի զանգուածէ մաքուր զուակի սուրբ աստուածածին, տարար զնա ՚ի քեզ ախորժ հանգստեամբ կամացն հաճութեան, եղեալ երկիր անձնական բանական բուսոյն, և զգայական անդաստան կենացն հացի, և վառարան բորբոքման անշէջ կայծական, և վայր գալարարեր հոյրական ծոցածին ծաղկին, և ծառ երկնուղէշ անթարչամ ինծորին, և գործարան գոյութեան լուսատու մարգարտին, և լեռան արձանունակ երկրալիք վիմին, և այդ արփիասկիզբն աստեղն առաւօտին, և յարկ դիտապետին բանական հօտին, եւ արքայարան լուսակերտ անմահ թագաւորին, եւ մայր կաթնամատոյց բնաւից ստեղծողին, եւ հարսն սրբուհի հօրն Քրիստոսի։

Եւ Խնդա և ուրախ լեր ձայնիւ երգոցս օրհնութեան քումդ երանութեան բանագովութեան, խրախացիր և ձայնիւ ողջունի գարբիէլեան աւետեացն, բերկրեալդ ՚ի կանայս, բնակարան արժանաւոր բանին խոնարհութեան, սնկասաղարթ մարմնոյ աստուածութեանն խառնարան, իւզարան օծելութեան քրիստոսական անունագրութեան․ որ նախ քան զձնանիլ բանին առ ՚ի քէն անթերի լրականութեամբ հրեշտակական թեւոցն սքողմամբ ցանկարկեալ պահէիր անաղտ ամբժութեամբ։ Առ որ հաճեալ հաւանութեամբ երրորդական փառք աստուածութեանն, ճանապարհ արար հանգստեան․ քանզի հոգին սուրբ եկն ՚ի

քեզ յօրինողն անախտ սրբութեան . և բարձրելոյն հօրն զօրութիւն մօրդ հովանացաւ , որդւոյն պատրաստեալ զքեզ ընդունակ . Եւ որ բնակեցաւն էակիցն հօր բարձրելոյ՝ էր անժամանակ . և որ յօղաւոր մարմնով 'ի քէն ծնաւ՝ սկիզբն ունի էութեան նախ քան զարուսեակ . ուստի և զյօղաւոր մարմինն միակ՝ խառնեաց ընդ աստուածական բնութեանն իւր անքակ . և սեպհականեաց զաթոռն հօր իւրոյ Պաւթի յաւիտեան , թագաւորեալ տանս աշխարհի և երկրիս քաղաքի . արկեալ սոցա ուղ ճանապարհի զփոյտակերան գործի՝ հանել 'ի կամարն երկնից տաճարի . և կանգնեաց զխորանն կործանեալ ադամեան մարմնոյն 'ի նորոգութիւն շինութեան քրիստոսական ուխտին զաշնաւորութեան . Արդ այսպիսեաց բազմաթիւ և բարձրագոյն բարեաց ընդունակ և մատակարար միայն դու մաքուր կուսութեամբ էին խընկարան տիրուհի օրհնեալ սուրբ աստուածածին . քանզի իրբեւ զճնշումն խառնութեան խնկոյ կնդրկի և զմասի ընդ տաշխին և կասիայի բորբոքեալ հրով մաքրութեան , բարդեցեր զծուխ բուրման անուշահոտ սրբութեան 'ի հոտտելիս աստուծոյ , և հօր հաճութեան . վարուք մաքրեալ , բարութեամբ լցեալ , հեղութեամբ արձանացեալ , առաքինութեամբ կատարեալ , քաղցրութեամբ աղբիւրացեալ սուրբ աստուածամայր :

2. Խնդա և ուրախ լեր յարկ անճառ ծնելոյդ 'ի քէն անեղդ աստուծոյ , որ 'ի նմին յորդւոյն քո խնամոց հրաչաղարդ փառօք ամբարձար 'ի կատար աւարտման վերնայինն երկնի լուսապէս , և թեւօք թեթեւութեան հողւոյն պաշեալ՝ յիմանալիսն վերաշուեցեր 'ի կայանս հանգչել . Ուստի և զանհասանելին իշխանականս խմացման՝ զանկապտելին զդայութեան սրտի նկատման վայելս անտեսիցն անձնապէս հոգիազրկեալ , զանեղծին փառաց ճոխութիւն քեզ սեպհականեցեր , սուրբ աստուածածին :

3. Երբողեալ ես մաքուրդ փայլումն կրող արարչին առաքինութեան , որ սքանչելարուեստ հրաշխք ներգործեալ քեւ 'ի մեզ զփոփոխումն մեծ արգասեաց փառացն ընդ փոքուն յեղանակեցեր . քանզի զանհայրն մանուկ մայրդ

որդեպէս գերագգուեցեր, և ըմբռնեալ բարձողաց ձեռացդ բազկօք զանպարագիրն էակ մարդացեալ՝ ՚ի համբոյր հպելոյ մատուցման շրթանցդ ողջադուրեցեր. որում գտաք մեք ժառանգակիցք արբայ հայր զաստուած առձայնել ՚ի ձեռն քումդ միջնորդութեան, սուրբ աստուածամայր:

Ը. Բարեհամբաւեալ ես մաքրութեան շաւիղ նախընթաց կուսից, որ զլրութեամբ ունողն գոյից կարօտարար կաթմամբ լցուցեր, և աչաց մարդկութեան զանտեսն ՚ի մարմնի ետուր նկատել. վասն որոյ զամենայն բերան գոհութիւն ստացար քեզ օրհնաբանս անձկով տարիման, սուրբ աստուածածին: Երանեալ ես դու ՚ի լեզուս ամբիծս ընտրական շրթանց ծաղիկդ: Յեասեայ պտղոյն մեր կենաց. որ ՚ի դրութենէ խառնութեան քառից յեղանակեալ տարերաց՝ անկցորդ մնացեր ՚ի մասնէ հողածնելոցս հասարակաց. ոչ բերող ծանրութեան բնակակիր համաստեղծս կարեաց, այլ քրովբէօրէն հրաբերան բղխող նշուլից: Ուստի երագ ընթացիւք հետոց հեռացեալ՝ ՚ի վայրն անմատոյց յարիին վերին ընծայեցար, սուրբ աստուածամայր:

Թ. Խրախացիր յաւէտ հրճուանօք բերկրեալդ ՚ի կանայս, որ գժուարընդել զաստիարական խաչի վարժեալ կրթեցար. որդւոյ քոյ կցորդակցութեամբ միատեւակն ժուժկալութեամբ կրելով զերաշխեպ վշտաց ծնիցելոյդ ՚ի քէն տեսան մշտաչարչարն մեռելութեամբ անձնատոչոր տօթով խարուկեալ. իբրև զորով անարատ քահանայական նուիրմամբ ՚ի վերայ սիրոյ սեղանոյդ մատեար, ասրաբոյս և ստեւագիտակ դեղմնաբարձ մաքուր պատարագ, ՚ի ճգնաւորական վարս ողջակիղեալ, քան թէ ՚ի սրոյ հանդէս խողխողեալ: Վասն այսորիկ ՚ի նուէր քոյ զենման հրեշտակացն պարք պաշտպանեալ, ընդ առաքելոյն գումար դասակցեալ. զմիայն արժանիդ պատուեալ գոյլէին, նր անծածին:

Ժ. Խրախացիր համայն տարիանօք բերկրեալդ ՚ի կանայս, որ ՚ի կոյս և յանարօր արգանդէ բան բեղնաւորեցեր՝ ցաւոց անիծից արմատ օրհնութեան, հօրն Ազամայ որդի բերկրութե. Ան որոյ շնորհ ունելով քեզ օրհնեալքս ՚ի յորդիդ քօ փրկիչ աշխարհի, երանեմք քեզ, նր անծածին:

ԺԱ. Խրախացիր անբաւ բերկրանօք հարսն լուսոյ ոսկե-
զարդ զգեառուք պաճուճեալ, որ յօրէնս երկրայինս ազցա-
ւոր կրից՝ զերկնայինն ամեալ մատուցեր, և զաննմանն նր-
մանեաց մնազանգուած ազգի մարդկութեանս 'ի չափ հա-
սակի գեղոյ գեղեցիկ զատեզն վայելուչ 'ի Վիրանանէ մեզ
պարգեւեցեր: Ուստի զպատկերնախահօրն 'ի քէն ստացեալ
նորդ հաստատեալ, զոհարանեմք զսուրբ տիրամայրդ:

ԺԲ. Խրախացիր յողջոյն նախընծայ երկնային աւետառու-
րին, տաճար սրբափայլ. որ լուսով աստուածականաւ ուս-
ճացեալ լցար, և երկրաւոր մարմնով երկնայնոյն աթոռ կազ-
մեցար, և արեգակնապէս հոլովմամբ առ արուսեակն երազ-
ընթացար: Ասան որոյ բացեալ զբերան պառաւոյն ամլա-
ծին որդւոյն, օրհնէք զօրհնեալդ 'ի կանայս սուրբ աստ-
ուածածին: Նա և դու լցեր զտունն Ձաքարիոյ բարբա-
ռոյն զոհութեան, յօրինակ հանրական եկեղեցւոյ, որ է քո
միշտ օրհնաբան. զի երանեն ահա յայնմհետէ քեզ ամենայն
ազգք ըստ բանի աստուածազգացիկ քում դաւանութեան.
սկզբնարար կուսից անարատութեան, 'ի բերկրեալ լեզուս
չրթմանց զուարթնոց միշտ բարեբանեալ սուրբ անծածին:

ԺԳ. Քանզի արդ եկեղեցի դասուց անդրանկաց զ'ի քէն
մարմինն 'ի բանէն անանջատ համապատիւ հօր փառաւորէ
յերիս սրբասացս. առ որ հպաւոր քո գոլով ահաւոր խոր-
հրդոյդ տեսող՝ զանճառն ուրախութիւն յաւէտ վայելես:
Ձի զոր նօքա թեւասքօղերով դիմաց ծածկութիւ 'ի բա-
ցուստ ակնարկեն, դու յաւէտ համարձակ նմին կաթնա-
ձիր մայր ցուցեալ ծանուցար, և 'ի մէջ դաստակաց ձեռաց
որպէս զմանուկ զծերն հինաւուրց գոռանօք ընկալար,
եղեալ կառք անձնաւոր կայից բազմելոյն յաթոռ քրով-
բէից: Ասան զի ոչ ընդ քեզ միայն, այլ և 'ի քեզ, ոչ
միայն փարեցաւ բազմեալ, այլ և բնակեցաւ տաղաւար-
եալ, ոչ միայն միացաւ 'ի զանգուած մարմնոյ, այլ և մար-
դացաւ՝ առեալ զկերպարան 'ի քէն սկսելոյ, ոչ միայն մի
զօղեցաւ Քրիստոս յերկուց գոյութեանց, այլ և ընկզմե-
ցաւ յանապական անօսր էութիւնն մարմնոյն վերբերումն.
ոչ միայն միջնորդաւ անձինն ընդ հողոյ միաւորեցաւ զի-

մակ տեսակօք, այլ եռամսան խառնեալ էութեամբ միաւորեցաւ անշիտթելի : Մի որդի մերտիս բնութեամբ յաթոռ հօրն իւր աջոյ յերկնաւորացն միշտ պաշտպանեցաւ :

ԺԻ. Յաղագս որոյ և մեք երկրաւորքս զմատակարարդ և զսպասաւոր մեծս խորհրդոյ երանեմք ըզձական երգօք՝ զանժամանակն էութեան երջանիկդ ծնող, որ զամենայնի և ամենեցուն պատկեայն հողեշունչ երգօք՝ ՚ի քեզ ընկալար, ոչ ՚ի մասնէ, այլ ՚ի լրութենէ. ոչ հատմամբ, այլ հաստատութեամբ. ոչ բաժանաբար, այլ ամբողջապէս. ոչ փոփոխմամբ, այլ փոխատրութեամբ. ոչ ՚ի ծիրս սահմանի տեղոյ, այլ ՚ի սենեակ լայնատարր ողւոյ : Քանզի զբերողն ՚ի կշիռ ձեռնն զերկիր և զերկին տարար յարգանդի. և ոչ միայն ՚ի տես նկատման աչաց նայեցար ՚ի նա, այլ և շօշափմամբ ձեռացդ ծանեար. ոչ միայն ողջունեալ զանհուպն շրթանոյ, այլ և ըմբռնեալ. ոչ միայն զննեալ ըզհասարակաչէն խոշան մարդացեալ բանին, այլ և անուանեալ կոչմամբ Յիսուս՝ զՔրիստոսն աստուծոյ. ոչ միայն ստեամբքդ անուցեր զանժամանակն ըստ աւուրց, այլ և աճման հասակի զնոյն ընծայեցեր : Զոր խոստովանի հանրական եկեղեցի զծնեալդ ՚ի քէն աստուած ճյմարիտ՝ ընդ նախեղակ դոյակն միացեալ ՚ի տեսութենէ իմաստից քննութեան մեր փակեալ : Յորոյ տիպն ասացուցի խարողն Յակոբ ըմբռնեաց զմարտուցեալն ընդ իւր պնդապէս, և զանխուլ խորհրդով զաստուածատեսն անուն ընկալաւ : Այսպէս և որ ՚ի քէն ծնեալդ մարմին ՚ի յարգանդ սրբոյդ սենեկի ընդ աստուած խառնեցաւ. և խարեալ զՄուսն մարդկան թշնամին՝ մարմնով զերազանց նմին բարձրացաւ. վասն որոյ ոչ տեսող աստուծոյ՝ այլ ճյմարիտ աստուած անուանեալ, զամենեւեան յարայել անուն փոխադրեաց : Սակա որոյ լի բերանով զպաշտպանդ փրկութեան այսմ՝ մեծս խորհրդով երանեմք զտիրուհիդ սուրբ աստուածածին :

ԺԵ. Որոյ տեսչութեամբն աստուծոյ նախագիծ ՚ի ծովէ քարն պատուական հրափայլ և սղիտակ մարդարտին մաքուր կերպարան դոյացեալ ցուցաւ : Քանզի արդարեւ դուես ակն պատուական ՚ի յաշխարէս ծովէ ընտրութեան, որ

զաստուածային հրոյն տարար կերպարան, Ո՛վ ո՛րքան մեծ է 'ի քեզդ աւարտեալ խորհուրդ, սրբուհի, զի թէ առածք մարգարէիցն հոգեկիր յղացմամբ Խորայէլի ծնողք ասացան, ապա դու որ դբանն աստուած անձնաւոր՝ հայրենի բնութեանն հպաւոր՝ 'ի սենեկի քում մաքրականի մարմնապէս բացածանուցեր, զորպիսի՜ արժանապատիւ գովութիւնս ոչ ընդունիցիս, Ո՛վ շնորհաշուք գեղով արժաւոր ծածկութիւ յանմատոյց գեղեցկութենէն պաճոյճ փաղփաղեալ, ո՛վ համեստ հեղութեամբ, խոնարհ ամբժութեամբ, կերպասիւք լուսոյ 'ի հոգւոյն պարասքօղեցեալ, ո՛վ զարդուք երկնայնովք ոսկեզօծ սրբութեամբ, արժաթափայլ մաքրութեամբ, ականակապ պսակ քեզ փառաց զբարձրելոյն հովանի 'ի գլուխ ընկալեալ, ո՛վ քառեակ մանեկաւնշուլափայլ մաքուր ուլանցն յեռմամբ, աստուծոյ հոգւոյ և մարմնոյ խառնմամբ, 'ի մի էութիւն երիցն հիւամամբ 'ի յորդւոյն լանջք սուրբ քո շնորհօք առլցեալ,

ԺԶ. Օրհնեալդ միայն 'ի կանայս շրթամբք քահանայուհւոյ մօր մարգարէին Յովհաննու, փառաւոր և 'ի դասուց համազարմ նմանեցեղիցս ցանկալի երգօք ներբողականս տաղօք, Զի թէ բանականս մարդոյ գոյութիւն պատկեր աստուծոյ 'ի սկզբանն ստեղծաւ, և այսր աղագաւ ստեղծողին զշնորհս կալաւ, ապա ևս առաւել քեզ պարտական եմք երկրպագութեամբ ունել շնորհ, տիրամայր, որ աստուծոյ 'ի ծառայի կերպարան ստեղծման եղեր պատճառ, առ որ 'ի լրումն աւարտման մարգարէական կտակն հասանիւր, այն զոր ասէ, եղիցի 'ի վերայ առն ձեռն քո, և աջ քո 'ի վերայ որդւոյ մարդոյ 'ի քեզ խրախուսելոյ, Աջ և կարողութիւնն և բազուկն հօր միաժինն 'ի քեզ հանգուցեալ, և զամ որդիս մարդկան վկայս և երկրպագուս իւր զօրացուցեալ, Լոյսն նկարագիր և կերպարանն հօր գոյութե 'ի քեզ բնակելոյն, սրբութիւն և արդարութիւն լրման աշխարհի ընձեռեաց, Ապա յիրաւի և արժանապէս հոգեշարժ քնարիւք զքեզ բարեհամբաւեմք, նք անձամին,

ԺԷ. Ի մարդկային զարմէ հրեշտակ երկնային, յեղձականաց սեռիցս անմահ սերովբէ, 'ի հողային նիւթոյ ոսկի Սո-

վերայ, 'ի ծովային բերմանց շնորհարոյս մարգարիտ, 'ի յեսսեանն բուսոյ քաղցրապտուղ ծաղիկ, 'ի յառուրց նախնեացն ճիւղ օրհնութեան, ցօղոյն հանդարտի ամպ անձրեւածիր, արեւուն ծագման ակն արփիափայլ, մերկացերոյ այգոյն աստղ առաւօտի, գիշերային մթոյն խօսնակ բերկրանաց, օրինի ստուերին տառ ճշմարտաճառ. **Ս**ակս որոյ իրր զնիւթ գործօնեայ այսքանեաց բարեաց օրհնեալ ես դու 'ի կանայս, նախաստեղծին մերկացերոյ փառք անկապտելի, վշտացերոյ անիծապարտ մօրն սկոտիչ քառութեան, որդւոց նոյին խռովութեան՝ խաղաղութեան ձայնատու. **Ե**ւ արդ օր բան բաղդատելով՝ զանհամեմատ քո մեծութիւնդ լիցի կարող գերահռչակել, արարչին մայր, անհասին ծնող, ամբաւին գրկարան, ամենակալին յանձանձիչ, փառազարդողին զգեցուցիչ, վերօրհնելոյն գրգիչ. **Ա**հա յաղագս սյստցիկ ըստ անսուտ քոյ բանի յիրաւի տացուք քեզ երանի, մայրդ **Յիսուսի**.

ԺԸ. **Ա**ննիրհելի գիտմամբ տեսակ լուսալիր աչօք նկատեալ, կտակ մակագիծ անեղծ պայմանաւ արձան հաստատեալ, սահման յարակայ մեծութեան կցորդութեանն, երկուց միութեանն անայլայլականի կապ պատկանակիր, վեհին պատկեր կերպիւ կշռորդեալ, թեթեւ պարզութիւն հիւթիւ բաղկացեալ, տառ տարբերական սողիւ ձեւացեալ, տումար տենչալի անսխալ գրոշմեալ, մատեան մեծութեան շնորհիւ նկարեալ, նամակ ընտրութեան բանիւք բարդեցեալ, արձան անձնական իմաստիւք զօդեալ, կնիք մատանոյ տերամբ կերպագրեալ. **Ձ**դեստ լուսանիւթ երկնից արքային, օթոց սրբութեան անմահ բընակողին, յարկ վայելչութեան անեղ շինողին, առիթ մարդկութեան բանի անեղին, գործի մարմնութեան վեհին բնութեան, պատճառ պատշաճից անպատկառ ճգնութեանց, օրինակ ուղղութեան անայլայլակ վրիպութեան, անպակաս աճելութիւն լրման թերութեան, իսկուհի երկնային կենդանեաց դաւառին, մասնակից շնորհընկալ հայրական գթութեանն, անպարտակիրն ազգակցութեան երկնիչ վերստին, անամանակն արդանդի ծանուցող ծննդեան,

ԺԹ. Դու զհօրն լուսոյ զորդի հարազատ՝ 'ի ստորինս կոյս աշխարհի մայրենի կաթամբ ջամբեալ դիեցուցեր, և որպէս թեւովք խնայական սահպանութեամբ զպարունակողն պարփակեցեր. Եւ զկենցաղոյս ընթացք ընդ լուսազարդ կենացն շաւիղ ձգեցեր, և ըստ նմանութեան արագման օգային թռչնոյ 'ի յանցաւորաց աստի փոխեցար, և 'ի մէջ դասուց հրեշտակաց ունող այ յայտնեալ ծանուցար. Եւ լուսարփի ամբող առ 'ի նոցանէ պատուեալ համբարձար, և հողեղէն հաստուած 'ի քրովբէից աղի հանդուցար, և 'ի կանանց ազանցն կերպից արուսեկին տեսակաւ տեսար, և զննելի բնութեամբ մարդկայնոյ յանձառաշնորհ խորհուրդ ծածկեցար, և 'ի ստեղծողէն քո և համայնից հպատակօրէն ձեւով պաշտեցար, և հաստողին ծագաց աշխարհի մայրօրինակ անուամբ ձայնեցար, և մեղուցելոյ կնոջն առաջնոյ առանց յանցանաց զաւակ գովեցար, և ամենայն ամբծաց ընտրութեան պսակ սրբութեան դու գաւանեցար, և իբրև զհանդարտ երինջ անարատ արարչաւանդ լծոյն մատուցար, և իբր յաւանակ կամաց ամբաւին աստուածութեանն հետեւեցար, և 'ի խորոց ծովէ աշխարհի շուշանական շաղօք ամբարձար, և իբր 'ի դժնեայ փշոց խստութեանց յաշխարհիս զբազմանց ծաղկեցար, և իբր 'ի գառն արմատոց երկրի քաղցրածաշակ պտուղ յայտնեցար, և Երրորդութեանն անտես թաքնութեան խորհրդակից սիրոյ կոչեցար, և ծածուկ հաւաքման բանին իբր լուսատու ձորձով պատեցար, և անքակ էին տէրութեան սահման սկսման վերակարգեցար, և 'ի սրբասնեալ միջոց քո ստեանց զանկէտն 'ի տաշխին ծրար թագուցեր. և 'ի կուսական քում բարունակէ զանմահարարն ողկոյղ հասուցեր, և միջնորդ կենաց երկուցունց սքանչելապէս համարձակեցար, և համոզիչ 'ի խաղաղութիւն մերկածուփ շարժմանց կացուցար, և խրախակից վերնոյն բարձրութեան կապտելի անուամբ պատուեցար.

Ի. Արդ յայսքանս և 'ի սոյնպիսիս, և յեւս ընտրելական երգս բանահիւսից գերահռչակեալ ես վսեմական վարուց նախընթաց և յառաջաշաւիղ սուրբ աստուածածին. Այսն զի որպէս երեւեալն 'ի քէն միածին անդրանիկ բնութեանն

հօր՝ սկիզբն ասի հետեւեման խաչունակ մահակիր ճգանց , այսպէս երանեալդ և բարերանեալդ գերօրինակ ցուցման տեսակի աստուածակրօն կարգաց ծագեցար , Քեւ զանմատոյց հօրն կիզանող անապական ծառքմամբ ծախեցաք , քեւ զարագեալն 'ի թեւս օգայինս 'ի քառընթաց կենդանիս տեսաք , քեւ զանկցորդն տեսականաց 'ի մարդկային կերպ նկատեցաք , քեւ զգովեալ բարձողն մեղաց իբր ըզդառն ճաշակ ընկալաք , քեւ դատելոյն 'ի չարագործաց որպէս աստուծոյ ճշմարտի երկրպագեցաք , քեւ զանծանօթն հօր տէրութիւն ազդակցապէս օրհնաբանեցաք , քեւ զմութեան պարտուց անիծիցն 'ի յաւաղանին ջուր ընկղմեցաք , քեւ զանտեսն աչաց հրեշտակաց տղայական տիօք դգուեցաք , քեւ զանսահման բանին ընտրութիւն 'ի հասարակածին տիպ համբուրեցաք , քեւ զԱդամն նոր հոգեղէն 'ի չափ հասակի առաջնոյն տեսաք , քեւ զարեգակն արդարութեան կենցաղակից մեր կցորդ ստացաք , քեւ զանժամանակ բանին էութիւն՝ սկսեալ 'ի Քաթթայ պատմեցաք , քեւ զանհամեմատն մարդոյ պատկերի մեզ նմանատիպ գործով գրեցաք : Արդ այսքանեաց սրբաղնական մասանցս ճառեցերոց դու միայնակ պատճառ , անարատ կուսից նպատակ կրօնից , տիրամայր սուրբ աստուածածին :

Ո՛հ Քանդի թէ չէր 'ի քէն աճեալ ուղէն երկնային , ոչ էր պտղաբերեալ զանճաշակելին 'ի շրթանցն մեր հաղորդութիւն . և թէ չէր երեւեալ հօրն արդարութիւն 'ի յերկնից , չեւ էր սկսեալ ճշմարտութիւնն 'ի յերկրէ . և թէ չէր յղացեալ յանփորձականդ քում արգանդի , ոչ էր մարմնացեալ . և թէ չէր յայտնեալ մերով ընտրութեամբս , ոչ էր շօշափեալ և ըմբռնեալ անհասն իմաստից . և թէ չէր կրեալ 'ի դիրկ բարձողաց հոգեղէն բազկաց , ոչ էր ծանուցեալ . և թէ չէր համբուրեալ երկրաւոր շրթամբք , ոչ էր ճառեցեալ . և թէ չէր հետեւեալ 'ի մարդկան ընթացս , ոչ էր քարոզեալ էակն 'ի յէիցս . և թէ չէր թափեալ իւղն անապական 'ի վեհագունէն , ոչ էր զմեզ օծեալ . և թէ չէր խառնեալ զմերս ընդ իւրումն , ոչ էր մկրտեալ . և թէ չէր խրախուսեալ մարդն 'ի յերկնայնումն , ոչ եւս էր սրբեալ . և թէ

չէր խոնարհեալ բարձրն 'ի յընտանի փառայն, ոչ էր վերացեալ 'ի ստորնայնոցս առեցեալն :

ԻԲ. Բայց մարմնացաւ , որքան մարդացաւ . նոյն և յայտնեցաւ , ըստ որում ծանուցաւ . աւետարանեցաւ , ուստի փառատրեցաւ . իսկ մաքրեցաւ , որպէս երգեցաւ . իսկ մկրտեցաւ , որ և վկայեցաւ . նոյն իսկ պատմեցաւ , որպէս ճառեցաւ . իսկ տնանկացաւ , որով ճօխացաւ . իսկ հնազանդեցաւ , որով պաշտեցաւ . իսկ երկրպագեցաւ , որով խոցեցաւ . իսկ կենդանացաւ , որով թաղեցաւ . իսկ պատուեցաւ , որով պատժեցաւ . իսկ ամաչեցոյց , որով պատկառեաց . իսկ բերկրեցոյց , որով տրտմեցաւ . իսկ զգեցոյց , որով մերկացաւ . իսկ ողջացոյց , որով բուեռեցաւ . իսկ կանգնեցաւ , որով վտանգեցաւ . և սլացաւ որպէս վերնային , թռեաւ որպէս հրեղէն , ծածկեցաւ որպէս զանքնին , փախեաւ որպէս զանհաս , 'ի յամպս երկնից եղ զգնացս , գովեցաւ որպէս միածին , բոսորարուղիս կայլակօք ներկեաւ , անկից վերացն խոցով հարցաքննեցաւ , 'ի վեհից անմահ հրեշտակացն հաւատացաւ . յաղթող մրցման և մարտի փառաւորեցաւ , դատաւոր արդարակշիռ յամենայն ազգաց վերապատմեցաւ . Քանզի 'ի քէն հիմնագրեաց զըսկիզբն մարդեղութեան անեղն իսկութիւն . և յընտրեալ անպատում շնորհէ զայս ամենայն անփոխանորդելի պարգևական ձիրս ընկալաք . և քեւ ամենայն այս պատրաստութիւն բարեբաստութեան բազմերանեան յուսոյ հրճուանաց մեզ հանդերձեցաւ . Եւ զամենայն փառս երանական լուսոյ նշուլից վերնոց և ներքնոց ծածուկ խորհրդոյ բազմագովեստ պայծառ յօրինման նոր արարածոց անճառ շինուածոյ սուրբ եկեղեցւոյ , 'ի քէն ծնիցելոյ կերպիս մերոյ և բարձրացելոյ անուանն Յիսուսի ծնիովք կրկնելովք մատուցանեմք . Ուստի և քեզ բերկրեցելոյդ զսովորականն օրհնարանութիւն բանիս երկրորդեմք :

ԻԳ. Օրհնեալ ես դու 'ի կանայս , գլուխ նոցին պանծանաց , և պայծառ պսակ . Պսակ կուսութեան մաքուր հարսնութեան , պսակ ընտրութեան անփորձ գովութեան , պսակ անեղծութեան լուսոյ նմանութեան , պսակ շնորհանորոգ

էին ծնելութեան, պսակ երանական բանին հօր մայրութեան, պսակ սուրբ պանծանաց կենացն բարձրութեան, պսակ պայծառափառ վարուց իմաստութեան, պսակ ախարայատուաստ երկնահանճարն դիտութեան, պսակ պիտանական եկեղեցւոյ դեղեցկութեան, պսակ պաշտելութեան Սիովնի նորոյ զարդարման, պսակ յօքնանկար յարկից եօթանց վայլատակման, պսակ առաջնորդական վերնոցն ազգակցութեան, պսակ ամբժութեան շաղագն արդարութե.

ԻԿ. Արդ ամենեցուն վերակարգելոց թուոցս այսոցիկ բընակարան բաղձալի, և երանելի, և ընդունարան ընտրական կամաց ամբալին դքեղ խոստովանիմք երկրաւոր ծընունդքս ստորաստեղծականն Ագամայ. որոց անհամար և անթիւ ազանց ամրական և պահպանական պարիսպ կառուցար. Քանդի յարժանահայց և յամենազօր քոյ բարեխօսութիւնդ միշտ ապաւինեալ մնամք 'ի հաստատութեան, խնամեալք և հանդուցեալք ընդ հովանեաւ պաշտպանութեան ամուր պատուարի սուրբ աստուածածնիդ. Պատուար պճնայօրէն 'ի զանազան մաքրազարդ ականց յարմարեալ. պատուար հրապարիակ անմատոյց ընդդիմողացն հինից. պատուար բոցանշոյլ անհուպ և անհաս մատուցման դժնեայ դրժողաց. պատուար ամենահրաշ բստ Եղեկիէլի, որ աղխեալ զմուտ քո ճշգրտապատումս գրեաց. պատուար շրջապարիսպ բստ Ղաւթայ, որոյ հիմն անշարժութեան 'ի բարձրելոյն հաստատեցաւ. պատուար ամրակառոյց քաղաքին վերնոյ բստ Պօղոսի, որում զհանուրս բնակիչս արարեր. Քանդի զաստուած ծնար 'ի մարմնի, և զծնունդս մարմնաւոր Սիովնի օրդիս արարեր վերնումն հոգեւորի. Որոյ աղադաւ օրհնեցաւ արդարդ քո կուսութիւն 'ի շրթութունս նոցին, և խոստովանեցար յամենեցունց մարմնարան և տաճար հօր իսկակցին.

ԻԵ. Որով արդարապէս 'ի քեզ ընծայեալ զբան պատմողին, եղեր մեր օգնական և տուն ապաւինի յուղիսից հեղեղաց յաւուր անձկութեան. մաքրութիւն կուսից և սկզբնաշաւիղ դասուց երջանկաց, մայր հիմնադրութեան հաստատութեան եկեղեցւոյ, և ծնող անարատ բանին աստուծոյ.

Զքեղ յաւէտ օրհնութեամբ միշտ պսակեմք 'ի նուիրեալ տեղիս սրբութեան քում տաճարի, և 'ի թեւս պահպանութեան լայնատարած քումբ մաղթանաց ապաւինելով, ըզձեռս մեր 'ի սմա տարածեմք, և աներկբայ յուսով հաւատամք ապրիլ. Արդ աղաչեմք ընկալ զերգարան օրհնութիւն մերումս լեզուի. և հաճեալ տացես սմա զծիրս շնորհաց Սիովնի և Բեթղէհեմի. Ուստի արժանասցուք ընդունել մասն փրկութեան յաւուր դալատեան մեծի յայնտութեան փառաց անեղծի, փրկչին անսահի, քումբ միածնի, միոյն աստուծոյ, տեառն Յիսուսի. Եւ իբր զպատճառ սկզբնաշաւիղ այսքանեաց բարեաց՝ 'ի սոյն կամարի դեղապճնելոյ զքեզ պատուեսցուք, անժամանակ էին բարձրացեալ ծնող.

Նորին վերսահն 'ի վերայ դրոյ անուան իւրոյ.

ԳԵՐԱԶԱՆՅ չափոյ կշուման երկրային բնութեան, և քրովբէականն նախագասութեան եղեալ վեհական. սրբուհի պայծառ առաջատ փրկչին Քրիստոսի, և նորուն իսկ տեսաւորիչ վասն մեր. ծունր կրկնեսցի արժանապատիւ քումբ պատկերի. հայցեա վասն մեր առ ծնեալդ 'ի քէն աստուած 'ի մարմնի.

Բոպէից յոգնաթիւ մասանց բերկրութիւն, ազգաց և ազանց արմատդ օրհնութեան. 'ի ծաղմանէ փառացն երկնայնոյ անստուեր նշոյլ տարիալի շողեալ 'ի ստորինս տեղի. անորիչ հարմամբ մերձաւոր անմատոյց լուսոյ, անճառ խոստմամբ ասպառնեացն յուսոյ 'ի մահու սարտեացն զերծս զառքեղ ապաստան ծառայքս քումբ որդւոյ.

Ի բերկրաւոր նիւթոյ մարմնաւոր վարուցն՝ երկնայնոցն կրօնից եղեր հպաւոր, Մարիամ առ ի թ տեսութեան նոցին զանզնին որդւոյն կերպարան. Ուստի տեսին զանկէտն սկրեսալ, և երանեցին զարմատդ և զպատճառ. յորմէ և մեք հայցեմք զնորոգութիւն կենաց, եւ պաշտպան զտիրամօրդ ձեռնտուութիւն.

Գլխաւորեալ այսօր 'ի քեզ զիմանալին փարթամ մեծու.

Թիւն . որ սլացեալ հասեր 'ի բարձունս երկնից , իբր անընդունակ ապականութեան և մահու լուծման մարմին , յորմէ պատկառեաց ամօթով պարտիքն մահու . և ցուցար բընակիչ արժանապատիւ կենդանեաց երկրին՝ տեսունդ կենակից սուրբդ տիրամայր . արգահատեա միշտ զղղորմութիւն որոց պանդխտիմք 'ի վիհս ներքին .

Անող հրճունաց անթիւ խրախութեանց աստուածային անկէտն խտտմանց 'ի բուրաստանս անդաստանաց տիրական անկոյն , որոց ստեղունք շառաւիղացն երկրային հնարից գերազանց . անդր մուծցես զքո դաւանողքս , սուրբ տիրուհի մայրդ Յիսուսի .

Քոտեմք 'ի քէն աղերսիւ բանի , որ ես քաղցրալուր գրաւ աշխարհի . միայն երանեալ և բարբերանեալ , հօրն հաճութեամբ հովանաւորեալ . որդւոյն ծնող , հօգւոյն վերընդունող , Երբորդութեան փառացն տարող . վերանըկարեա զառ յաւազանէն անախտ արգանդէ զկարդացեալս անուն 'ի գիր մատենի վերնում դպրոցիդ . Եւ զերգագրութիւն սակաւամանեայ այսր գովեստի՝ արձան հաստատեա միշտ անկործան սրբոյդ առաջի . ընծայեալ մարմնոյս զմրաշարս գիծ . և զգայական շնչոյս զպատկեր բանիս . Զի իբր 'ի գոյից երկուց զուգելոց 'ի մի խառնութիւն միոյ կենդանուց , միշտ փառաւորեսցիս դու սովին օրհնութեամբ , որպէս անեղծ պաշտօնէիցդ օրհնաբանութեամբ : Թերեւս 'ի ձեռն զօրեղ քոյին հայցուածոց լիցի մեզ անդատապարտ համարձակութիւն յատենի մեծ և ահաւոր սուրբ դատաւորին : Եւ գոցուք արժանի ամբիծ վարուք , և ուղիղ դաւանութեամբ՝ հաւատոցն հաստատութեամբ հանդիպիլ և անդանօր ընծայիւք բանից քումդ երանութեան . փառաւորել ընդ քեզ և ընդ քոյսն յանդիման դիմաց պաշտելի և պատկելի քում աստուածափայլ և լուսանշող մեծ պայծառութեանդ գէութիւն անքակ և անքննելի սուրբ Երբորդութեանն 'ի միում տէրութեան և արարչութեան : Արում վայելչական պատիւ , և գովեստ անդադար երգոց այժմ և միշտ և յաւիտեանս յաւիտենից . ամէն .

Համառոտութիւն աղօթից եռամեծի եւ քաջ վարդապետի Մխիթարայ գոչի խոսակրօն ճգնաւորի եւ բանիբուն հետարի՝
ասացեալ 'ի սուրբ' Պատարագին :

Տե՛ր աստուած իմ **Յիսուս Քրիստոս** բան հօր ե կերպարան, կենդանի ե կենդանարար, յոյս ե փրկութիւն ամենեցուն որ կարդան առ քեզ : **Որ** շնորհես առաւել քան զարժանն, ե տաս խնդրողացն զլիտոյս կարեաց : **Ձի** ոչ միայն արարեր ե ստացար 'ի վերստին յանցանելն մեր՝ չարչարանօք խաչի քո, այլեւ միշտ զքեզ ետուր փրկանս կենաց մարդկան : **Վ**ասն որոյ մեծ եղեւ մինչև յերկինս ողորմութիւն քո, ե յամենայն երկրի ցուցաւ փառք քո : **Ե**ւայնքան գերազանցեաց պարգեւաց քոց նշանակ, մինչ զի ոչ միայն մարդկայինս հիանան ազգք, այլև երկնային զօրքն ե առաւել մերձակայքն : Ընդ որս սոսկացեալ փառաւորեն անլուելի ձայնիւ ասելով, սուրբ՝ սուրբ՝ սուրբ՝ տէր զօրութեանց : զորս ե ուսեալ մեր՝ երգեմք 'ի ժամ անմահիդ զենման՝ կցորդելով անմարմնոցն երջանկաց :

Ձի զառ մեզ զանճառն տեսանելով զխորհուրդ՝ զօրինակ մահուն ճշմարտի, ընդ մեր եղեալ՝ մարդկապէս ընդ մեզ եղանակեն զերդս օրհնութեան : **Ձի** եթէ զօրինակն անգիտանան դովասանութեան՝ միայն զսուրբն կարդան զանուն, ուստի զերեսն ծածկեն ե զոտան : մեք զո՛ր ասացուք զօրհնութիւն ե զգովութիւն, բայց միայն զքեզ օրհնեցուք սարսափմամբ, ե հաւատովք մերձեցուք յանտեսանելիդ ե 'ի տեսանելիդ անճառութիւն :

Օրհնեմք զճայր՝ զառաքող փրկողիդ :

Օրհնեմք ե զհողիդ նր՝ զկնորիչ ե զսրբիչ զգալոյն օրինակի :

Օրհնեմք զանխմանալի զքո խոնարհութիւնդ :

Օրհնեմք ե զմեծ քո քաղցրութեան կամոք :

Օրհնեմք՝ որ զկենդանարար մարմին ե զարիւն քո սուրբ շնորհեցեր մեզ 'ի քաւութիւն :

Օրհնեմք՝ որ հուր աստուածութեան քոյ՝ ոչ կիզու ըզբնութիւնս հողեղէն :

Օրհնեմք՝ զոր ոչ տանին երկինք ամենայն, այլ տանին նիւթական ե նուաստական եկեղեցիք :

Օրհնեմք՝ որ նստիս 'ի քերովբէս, ե բազմիս 'ի սեղան սրբութեան :

Օրհնեմք՝ զոր ոչ ունին երկինք վերին՝ և իննեակ դասք անմարմնոյն , բառնան մատունք քահանայից ։

Օրհնեմք՝ զոր և սերովբէն ունելեօք մատուցանէր ՚ի բերան մարգարէին . իսկ աստ ձեռամբ բաշխիս հողեղինաց և մատամբ մատչիս ճաշակողաց ։

Օրհնեմք՝ որ ոչ գարչիս յաղտեղութենէ մարմնական կրօնից , այլ մաքրես սրբութեամբ քով ։

Օրհնեմք՝ որ զպէսպէս յանցանան անտես առնես զազգի մարդկան՝ որք հաւատով ապաւինին ՚ի քեզ ։

Օրհնեմք՝ որ միջնորդութեամբ կենարար մարմնոց և արեան քոյ՝ հաշտեցուցանես զհայր քո ընդ օտարացեալս մեզօք , տալով վճիռ անստելի , ոչ ուտողացն և ոչ ըմպողացն ոչ ունել կեանս , և ուտողացն և ըմպողացն զբնակիլն ՚ի քեզ , և զքեզ ՚ի նոսա ։

Քանզի տիրապէս մարմին և արիւն քո սուրբ կատարեալ արձակումն է և ազատութիւն ՚ի կապանաց մեզաց ։

Զի եթէ սուրբք ամենայն առ հասարակ յիշին , և քոյոցդ բարեաց կարօտին , զիւրդ և ոչ ես անկեալս ՚ի շնորհաց և ունայնս ՚ի բարեզարդութեանց ։

Զի եթէ այժմ՝ ոչ ողորմիս , յորում բացեալ ես զդուռն անճառ ձրից , երբ տայցես յայլում ժամու . քանզի անվրէպ յայժմ ժամու է առնուլ ՚ի քէն զխնդիրս , որպէս և սուրբք ՚ի քաղցրութեան ժամանակի ։

Զի եթէ յորժամ ընդհանուր երկինք և երկիր առ հասարակ բարեխօսեն՝ ոչ լես , այլ յորժամ ժամու զամենեսեան ժողովեցից ։

Զի եթէ մինչ հիանան անմարմնոյն դասք ընդ առատութիւն պարգեւաց քոց , և զօրհնութիւնս մատուցանեն , ոչ առնում . յորժամ ՚ի կշիռ դնես՝ զիւրդ ընկալաց ։

Զի եթէ յորժամ դասք հրանիւթիցն դոչնն ասելով՝ ողորմեա քո սրարածոց , մասն ինձ ոչ տայի . ընդ որոց այլոց առից ։

Աղաչեմ զքեզ տէր , մի ունայն դարձուցաներ զիս յամենասուրբ երեսաց քոց , անչափ պարգեւացդ իշխան ։

Յորժամ յարգեալ է իբրեւ զգեաս ՚ի լրութենէ ծովու

մեծիդ պարգևւք, ուստի և ինձ կաթիլ մի բաւական է .
զի սակաւն քո անչափ ունի մեծութիւն, և առաւելեալ
է քան զխորս ծովու :

Ձի եթէ ՚ի ծագիլ լուսոյ արեգականդ ոչ լուսաւորիմ, ՚ի
դիշերի ո՞րպէս պայծառացայց :

Եւ եթէ ձրի բժիշկդ մերձ ես՝ և զդեղդ կենաց ոչ տա-
ցես, այլ ո՞ր գաից բժիշկ զի բժշկեցայց :

Եթէ յարուցչիդ պատահել մեռանիմ, և ո՞ զիս յարուցէ :

Եթէ բնութեամբ ճոխացուցիչդ զազքատութիւնս ոչ
բարձցես, առ այլ ո՞վ երթայց ՚ի փարթամաց :

Ընդ խաղաղութեան աշխարհիս զոր շնորհես, սուր և
ինձ խաղաղութիւն յամբոսից կրից . ընդ հաստատութեան
եկեղեցւոյ՝ հաստատես և զչարժեալ անձինս :

Ընդ քահանայապետաց և քահանայից՝ սարկաւաղաց և
դպրաց՝ և ամ ուխտի մանկանց եկեղեցւոյ պահպանու-
թեան, զօրութեամբ քս և զիս ընդ հոխանեաւ քով ամրացո՛ւ :

Ընդ թագաւորաց և իշխանաց՝ զօրավարաց և զօրակա-
նաց յաղթող և զիս ՚ի վերայ աներեւոյթ թշնամոյն արացես :

Ընդ ննջեցելոցն հաւատացելոց յիշեա և զիս տէր զմեռ-
եալս մեղօք . զորս ՚ի խորոյն հաներ անդնդօց, ընդ նստին
հան և զիս ՚ի չարին բանդէ՝ միջնորդութիւն կենարար մարմնոց
քոյ և արեան, արժանապէս գոհանալ զոգորմութէ քումմէ :

Գոհանամ զքէն տէր՝ որ արժանի արարեր զիս տեսեան
սուրբ խորհրդոյ քո :

Գոհանամ՝ զի զսոսկալին և զահաւորն լուսոց զօրհնուե .

Գոհանամ՝ զի զամծախօսութիւն քս լսել արժանացայ :

Գոհանամ՝ որ զհոգիս յուսով լցեր, և զսիրտս ուրախութիւն :

Զո՞ր օրհնութիւն կամ զգոհութիւն քեզ մատուցանեմ՝
աստուած իմ Յիսուս, զի արժանի եղէ կենաց հացիդ և
անմահարար բաժակիդ :

Գիտեմ՝ զի չար է ինձ մերձենալն չարեօք, և տարակու-
սանք հեռանալն . մանաւանդ զի անսուտ սահմանեցեր,
եթէ որ ոչ ուտէ զմարմին իմ և ընկէ զարիւն իմ, կեանս
ոչ ունիցի յանձին իւրում :

Ահա յայանապէս խոստովանիմ, զի ես մեռեալ եմ, և

քեզ է յարուցանելն՝ զի փառաւորեցից զքեզ ընդ հօր քում
ամենազօրի, և ընդ ամենասուրբ հոգւոյդ ճշմարտի, այժմ
և միշտ և յաւիտեանս . ամէն .

Ամենակալ ամենախնամ անձ . յիմի օրհնեալ . որ յիմի ես
և ամենեցուն անհաս և բովանդակեալ պահես զամե-
նայն արարածս՝ զհոգեղէնս և զհոգեղէնս, զաննիւթս և ըզ-
նիւթեղէնս . զի մահկանացուաց կեանք ես և անմահու-
հութեան յարամնացութիւն . **Բ**աց զդուռն ողորմութեան
քոյ՝ գթած, և ծագեալոյս խաւարելոյս . **Չ**ձանրացեալս
բեռամբք մեղաց՝ թեթեւացո . զսեւացեալս աղտեղեալ
կրիւք՝ սպիտակացո . զսառուցեալս յոտտուածային սիրոյդ՝
ջերմացո . զմթացեալս անասնական սահեցմամբ՝ զպատա-
ցո . **Չ**բմբռնեալս ՚ի ծուղակ որողին՝ փրկեա և ազատեա .
զմանրեալս ՚ի ժանեաց կերչին՝ կորզեա և կենագործեա . և
զհոգիս խաւարեալ մեղօք՝ անճառ լուսով քով լուսաւորեա,
և միշտ առ քեզ հայեցո . **Չ**գեբեալ խորհուրդս ՚ի գերողէն
առ քեզ դարձո . զբմբռնեալ կամս ՚ի խարդակողէն՝ զեր-
ծո . զյօժարութիւնս՝ քաղցրութիւն ՚ի քեզ միացո . զբանա-
կան մասն հոգւոյս՝ խոհեմացո . զսրամտականն արիացո . ըզ-
ցանկականն ողջախոհացո, և առ քեզ դարձո . զերիս մատունս՝
արդարութիւն ամբացո . զնսեմացեալ միտս՝ պայծառացո .

Չներտրամադրեալ բնութիւն բանիս՝ հոգւով քո խառ-
նեա . զարտաբերեալս յօղուտ ըսողաց՝ շնորհօք քո ներկեա .
զզգայարանս կարկառման մտացս՝ առ քեզ հայեցո . զզգայու-
թիւն պատուհանացս՝ աղղմամբ քո լցո . **Տ**եսանեւեացս՝ ցոյց
զողորմութիւն քո . լսելեացս՝ լսելի արա զձայն քո . ճաշակել-
եացս՝ քաղցրասցին բանք քո . հոտտեւեացս՝ բուրեցի հոտ
կենաց քոց, միշտ առ քեզ պաղատիլ և աղաչել և երկիրպա-
դանել՝ բաղխմամբ կրից, տարածմամբ ձեռաց, տատանմամբ
մատանց, կականմամբ ձայնից, հառաչմամբ սրտից, հե-
ծութիւն ողբոց, արտասուօք աչաց, յայտնութիւն գաղանեաց,
խոստովանութիւն մեղանաց, և ՚ի քէն ընդունիլ թողութիւն
սխալանաց, քառութիւն յանցանաց, հանդիստ փառաց, և
զուարճանալ տեսութիւն աչաց, և վայելել ՚ի փառս երբեակ
անձնաւորութեանդ . յաւիտենից յաւիտեանս . ամէն .

Տէր Առաքել վարդապետի ասացեալ ներբողեան 'ի սուրբ Գրիգոր
Նարեկացին :

ԱՐՓԻԱԿԱՆ լոյս երկնային , Յն Քն հօր միածին , լցեր
չնորհիւ քո անքնին , զսուրբ Գրիգոր Նարեկացին ,
Բըղխեալ աղբիւր անհիւթական , անճառ հոգւովդ աստ
ուածական , մեղուցեւոյ յոյս փրկութեան , յանցաւորաց
ազգի մարդկան :

Գանձ անապառ անապական , աննիւթ նիւթով շարագրա
կան , զի որք առնուն փարթամանան , շահով երկնից ար
քայութեան :

Գեղ խոցեւոյ 'ի բանասրկուէն , և անջատումն 'ի չար ախտէն ,
մեղ օգնական լինի և ղէն , ընդդէմ այսոց նետաձգողէն :

Երանելի աէր նր Գրիգոր , դուռն բացեր մեղ հոգեւոր ,
ուահրս ցուցեր մտաց բոլոր , բանիւ քոյին արդիւնաւոր :

Զարքայն երկնից աչօք անսար , զհոգին ան նր ընկալար ,
հօրն լուսոյ ուս կազմեցար , յորթն Քն պատուաստեցար :

Էին հրովն մաքրեցար , անտես բոցովն վառեցար , ընդ
աստուծոյ խօսակցեցար , մեղուցեւոյ ցուցեր դու ճար :

Ընտրեալ ծագիկս 'ի նր գրոց , հաւաքեցեր 'ի մի շարոց , դեղ
կազմեցեր հիւանդ հոգւոց , պարգևեցեր ձիր մարդկայնոց :

Թախանձանաց բանս լալագին , բարբառեցար դու 'ի խորին ,
խորտակեցեր զժանիս շարին , զդիւաց գնդին Լէգէօնին :

Ժամանակաւ յեալին ցուցար , քան զառաջինսն պատուեցար ,
յերեկոյիս լոյս ծագեցար , քան զմիջօրեայ պայծառացար :

Իմաստութիւն քո անքնին , ամբիժ վարուքդ իսկ 'ի մարմին , ե
ղեր պարծանք տանս Արամին , ասքանազեան Հայկ արմենին :

Լուսաւորչին համանրման , Գրիգորիոս արթուն անուան ,
զի որք նովաւ 'ի լոյս դարձան , ևս առաւել քե ցնծացան :

Խաչեալ մարմնով ընդ Քնի , զօրհանապաղ միշտ յաղօթի ,
Գրիգորիոս լոյս գերարփի , լուսաւորիչ մեղ 'ի հոգի :

Ծագիկ յաշնան ժամ յայտնեցար , անմահուն հոտ բուրեցար ,
Գրիգորիոս ծառ ծաղկեցար , պրտուղ կենաց պարգևեցար :

Կեանք մեղուցեալ մարդկան ցուցեր , յուսահատից յոյս

կանգնեցեր, Գրիգորիոս բանս երգեցեր, յանցաւորաց
կանոնս եղեր:

Հաղբըն չարին անխղելի, որ ընդ մարդկան պատուտեցի,
Գրիգորիոս սուր երկասյրի, նք աղօթիւք խորտակի:
Չայնիւ քոյին հըսկողական, սանդարամետքն ահիւ դողան,
Գրիգորիոս դու աննման, հողանիւթեայ բնութես մարդկան:
Ղամբարափայլ ճաճանչ փառաց, 'ի դաւառին ըռըչտու-
նեաց, քան զարեգակն ընդ աստեղաց, նոյնպէս բան քո
ընդ այլ կտակաց:

Ճըրագ եղեալ յաշտանակի, ըստ հրամանի ան Յնի, Գրի-
գորիոս մարմնով յերկրի, հողւով 'ի դասս հրեղէն գընդի:
Մշտահոսան հողւովն անճառ, յարմարեցեր բանիւ մեզ
ճառ, Գրիգորիոս մըտօք պայծառ, փարատեցեր զմեղաց
մըռայլ:

Յանեղ լուսոյդ լոյս կոչեցար, յաշտանակի մարմնոյդ եգար,
եկեղեցւոյ ջահ փառեցար, խաւար հողւոց դու լուսարար:
Մախանձաւոր հարանց վարուց, ճգնաւորաց նախնի դա-
սուց, Գրիգորիոս ցանկ խրատուց, բանս խօսեցար վասն
նոցունց:

Շառաւիղօք բարունական, առեր շնորհս և դաւաղան,
քարոզ լինիլ որդւոց մարդկան, կոխելով զօճն անդնդական:
Ուրախանան յաւէժական, աղգըս Հայոց թորդոմական,
յորժամ լսեն դքս խօսեալ բան, որ դեղ կենաց է փրկուէ:
Չարին յաղթեմք քոյին երգով, և զնա ուժգին խոցոտելով,
զըսպիս մեղաց մեր մաքրելով, քաղցրանուագ այսու դեղով:
Պարուց վերնոցըն հրակերպեան, եղեր մարմնով համանը-
ման, Գրիգորիոս կանգնեալ արձան, ըռըչտունեաց ծովն
յանդիման:

Ձնջեալ 'ի մէնջ զաղտըս մեղաց, սուրբ աղօթիւք քո յու-
տընկաց, Գրիգորիոս տեղ պանծանաց, ակըն լուսոյ Հա-
յաստանեայց:

Ուետին կենաց մեզ կաղմեցեր, առատապէս մեզ բաշխե-
ցեր, Գրիգորիոս կոչ արարեր, զքաղցեալս հողւով կե-
րակրեցեր:

Սուրբ և մաքուր բանից քոյին, այլասեռից ազգ ցանկային,

եռափափաք սիրով եկին , և գծողընալ առեալ գնացին ,
 Վըշտացելոց դու մխիթար , և նեղելոց անդորրարար , տէր
 սուրբ Գրիգոր հայր բարերար , այսահարից դեղ և հընար ,
 Տաղանդ շնորհաց զոր ընկալար , բաղմասպատիկ զայն շա-
 հեցար , Գրիգորիոս կատարեալ այր , աստուածութեանըն
 կամարար :

Բամից ստեղծչին դու խօսակից , ճանաւորաց աղօթակից ,
 վարդապետաց հանուրց վարժից , Գրիգորիոս պետ բաղ-
 ձալից :

Յնծան մանկունք նր հաւատոյ , ընդ լուսակիր աղօթքս քո ,
 Գրիգորիոս դու սին լուսոյ , Հայաստանեաց եկեղեցւոյ .
 Խիանդ հողւոցքս մարդկային , բարեխօսեա տեառն Յի-
 սուսին , սուրբ աղօթից քոց կցորդին , բանք տիրամօր
 աստուածածնին :

Փայտըն կենաց սրբոյ խաչին , և ձայն սրբոյ Կարապետին ,
 Ստեփանոսին՝ սուրբ Գրիգորին , յորդիս լուսոյ զմեզ ծը-
 նողին :

Քեւ ըզՔրիստոս փառարանեմք , ընդ հօր հոգւով եր-
 կըրպաղեմք , Երրորդութեանն փառս վերերդեմք , աստ-
 ուածութեամբ մի դաւանեմք :





Ա.Ի.ԵՏԱՐԱՆՔԻ ԲԺՇԿՈՒԹԵԱՆ



Սրբոյ Աւետարանի Յիսուսի Քրիստոսի որ ըստ Մատթէոսի :

ՏԷՐՆ ՄԵՐ ՅԵՍՈՒՍ ՔՐԻՍՏՈՍ

Ե՛ի շրջեր Յիսուս ընդ ամենայն կողմն զալիլեացոց .
ուսուցանէր 'ի ժողովուրդսնոցա՝ և քարոզէր զաւետարանն
արքայութեան , և բժշկէր զամենայն հիւանդութիւնս՝ և
զամենայն ախտս 'ի ժողովրդեանն . **Ե**ւ ել լուր նորա ընդ
ամենայն երկիրն ասորւոց , և մատուցին առ նա զամենայն
հիւանդս՝ որ նեղեալ էին 'ի սէս սէս ցաւս և 'ի տանջանս ,
և զգիւահարս և զլուսնոտս և զանդամարոյծս , և բժշկեաց
զնոսա : **Ե**ւ երթային զհետ նորա ժողովուրդք բազումք 'ի
Գալիլէէ և 'ի Դեկապոլեոյ և յԵրուսաղեմէ և 'ի Հրէաս-
տանէ , և յայնկոյս Յորդանանու , և բժշկեաց զնոսա :

Այլ երբեւ էջ 'ի լեռնէ անտի , գնացին զկնի նորա ժո-
ղովուրդք բազումք : **Ե**ւ ահա մատուցեալ բոբոտ մի , եր-
կիրպագանէր նմա , և ասէր . **Տէր** , եթէ կամիս՝ կարող ես
զիս սրբել : **Չ**գեաց զձեռն իւր և հասոյց 'ի նա Յիսուս՝
և ասէ . **Կ**ամիս՝ սրբեաց . և վաղվաղակի սրբեցաւ 'ի նմանէ

բորոտութիւնն. Եւ ասէ ցնա Յիսուս, Չգոյշ լեր՝ մի ումեք
ասիցես. այլ երթ ցոյց զանձն քո քահանային. և մատո ըզ
պատարազն, զոր հրամայեաց Մովսէս, ՚ի վկայութիւն նոցա.

Եւ մտեալ ՚ի Կափառնաուժ, մատեաւ առ նա հարիւ
րապետ մի, աղաչէր զնա, և ասէր. Տէր, մանուկ իմ ան
կեալ կայ ՚ի տան անդամալոյժ՝ չարաչար տանջեալ. Ասէ
ցնա Յիսուս. Ես եկից՝ և բժշկեցից զնա. Պատասխանի
ետ հարիւրապետն և ասէ. Տէր, չեմ բաւական՝ եթէ ընդ
յարկաւ իմով մտցես. այլ ասա բանիւ, և բժշկեցի մա
նուկն իմ. Քանզի և ես այր մի եմ ընդ իշխանութեամբ,
ուսիմ ընդ ինեւ զինուորս, ասեմ ամա երթ՝ և երթայ, և
այլում թէ եկ՝ և գայ, և ծառայի իմում թէ արա զայս՝
և առնէ. Իբրեւ լուա Յիսուս՝ զարմացաւ, և ասէ ցայ
նոսիկ՝ որ զհետն երթային. Ամէն ասեմ ձեզ՝ և ոչ յարա
յէլի այսպիսի հաւատս գտի երբէք. Բայց ասեմ ձեզ, զի
բազումք յարեւելից և յարեւմտից եկեացեն՝ և բազմեցին
ընդ Աբրահամն և ընդ Սահակայ՝ և ընդ Յակոբու յար
քայութեան երկնից. Եւ որդիքն արքայութեան ելցեն ՚ի
խաւարն արտաքին. անդ եղիցի լալ և կրճել ատամանց.
Եւ ասէ Յիսուս ցհարիւրապետն. Երթ, և որպէս հաւա
տացերդ եղիցի քեզ. և ողջացաւ մանուկն նորա յաւուր
յայնսիկ. Եւ եկեալ Յիսուս ՚ի տուն Պետրոսի, ետես զի
զքրանչ նորա անկեալ դնէր ասպացեալ. կալաւ զձեռանէ
նորա՝ և եթող զնա շերմնն. յոտն եկաց՝ և պաշտէր զնոսա.
Իբրեւ եղեւ երեկոյ՝ մատուցին առ նա դիւահարս բազումս,
և եհան զայսն բանիւ. և զամենայն հիւանդան բժշկեաց.
Չի լցցի բանն, որ ասացաւ ՚ի ձեռն Եսայեայ մարգարէի.
նա զհիւանդութիւնս մեր վերացոյց, և զցաւս մեր եբարձ.
Եւ իբրեւ անց յայնկոյս յերկիրն գերդեասացոց, պատա
հեցին նմա դիւահարք երկու՝ ելեալք ՚ի գերեզմանացն,
չարաչարք յոյժ. որպէս զի չէր հնար անցանել ումեք ընդ
այն ճանապարհ. Եւ ահա աղաղակեցին և ասեն. Չի՞ կայ
մեր և քո Յիսուս որդի աստուծոյ, եկիր տարածամ տան
շեւ զմեզ. Եւ էր հեռագոյն ՚ի նոցանէ երամակ մի խողից
արօտական. Եւ դեւքն աղաչէին զնա և ասէին. Եթէ հա

նես զմեզ աստի, հրաման տուր մեզ երթալ յերամակ խոզիցն: Եւ ասէ ցնտա. Երթայք, և նորա ելեալ զնացին յերամակն խողից. և դիմեաց ամենայն երամակն 'ի դարէ անտի 'ի ծով, և մեռան 'ի ջուրան. Եւ խողարածքն փախեան, և երթեալ 'ի քաղաքն պատմեցին զամենայն, և զիրս դիւահարացն. Եւ ահա ամքաղաքն ել ընդ առաջ Յիսուսի. իբրեւ տեսին զնա՝ աղաչեցին զի զնասցէ 'ի սահմանաց նոցա.

Եւ մտեալ 'ի նաւ անց յայնկոյս, և եկն 'ի քաղաք իւր. Եւ ահա մատուցին առ նա անդամաւոյցժ մի, որ զնէր 'ի մահիճս. և տեսեալ Յիսուսի զհաւատս նոցա՝ ասէ ցանդամաւոյցն. Թողեալ լիցին քեզ մեզք քո. Եւ ահա ոմանք 'ի դպրացն ասեն ընդ միտս. Հայհոյէ դա. Եւ ծանուցեալ Յիսուսի զխորհուրդս նոցա՝ ասէ ցնտա. Ընդէր խորհիք դուք չարիս 'ի սիրաս ձեր. Զի՞նչ դիւրին է. աւսն՝ թողեալ լիցին քեզ մեզք քո, թէ ասել արի և շրջեաց. Այլ զի դիտասջիք՝ եթէ իշխանութիւն ունի որդի մարդոյ յերկրի թողուլ զմեզս. յայնժամ ասէ ցանդամաւոյցն. Արի՛ առ զմահիճս քո՝ և երթ 'ի տուն քո. Եւ յարուցեալ զնաց 'ի տուն իւր. Իբրեւ տեսին ժողովուրդքն, զարմացան. և փառաւոր առնէին զաստուած զտուխն այնպիսի իշխանութեան՝ մարդկան.

Մինչդեռ նա զայս խօսէր ընդ նոսա, ահա իշխան մի մատուցեալ երկիրպագանէր նմա՝ և ասէր. Դուստր իմ արդ ևս փախճանեցաւ. այլ եկեալ դիցես զձեռն քո 'ի վերայ նորա՝ և կեցցէ. Յարեաւ Յիսուս՝ և զնաց զկնի նորա աշակերտօքն հանդերձ. Եւ ահա կին մի տեսաւես երկտասանամեայ՝ մատուցեալ յետոյ մերձեցաւ 'ի դրօշակ հանդերձի նորա. Քանզի ասէր 'ի մօտ իւրում, թէ միայն մերձենամ 'ի հանդերձս նորա՝ փրկիմ. Իսկ Յիսուս իբրեւ դարձաւ և ետես զնա՝ ասէ. Քաջալերեաց դուստր, հաւատք քո կեցուցին զքեզ. և փրկեցաւ կինն 'ի ժամէն յայնմանէ. Իբրեւ եկն Յիսուս 'ի տուն իշխանին, և ետես զփողարան և ամբոխ յոյժ, ասէ ցնտա. Իբաց զնացէք. զի ոչ եթէ մեռեալ է աղջիկդ՝ այլ ննջէ. Եւ ծաղր առնէին զնա. Եւ իբրեւ ել ամբոխն 'ի բաց, եմուտ՝ կալաւ.

զձեռանէ նորա, և յարեաւ աղջիկն, Եւ ել համբաւս այս ընդ ամենայն երկիրն ընդ այն.

Եւ մինչդեռ անցանէր ընդ այն Յիսուս, զհետ եղեն նորա կոյրք երկու, ազաղակէին՝ և ասէին. Ողորմեաց մեզ որդի Գաւթի. Եւ իրբեւ եկն ՚ի տուն, մատեան առ նա կոյրքն. և ասէ ցնոսա Յիսուս. Հաւատայ՞ք՝ եթէ կարող եմ առնել ձեզ զայդ. ասեն ցնա՝ Այո, տէր. Յայնժամ մերձեցաւ յաչս նոցա՝ և ասէ. Ըստ հաւատոց ձերոց եղիցի ձեզ, Եւ բացան աչք նոցա. և սաստեաց նոցա Յիսուս՝ և ասէ. Զգոյշ կացէ՛ք՝ մի՛ ոք գիտացէ, Եւ նոքա ելեալ համբաւեցին զնա ընդ ամենայն երկիրն ընդ այն. Եւ յերանեւն նոցա արտաքս, ահա մատուցին առ նա այր մի՝ համբ գիւահար. Եւ յերանել գիւին՝ խօսեցաւ համբն. և զարմացան ժողովուրդքն՝ և ասեն. Թէ և ոչ երբէք երեւեցաւ այսպիսի ինչ յԽորայէլի. Իսկ փարիսեցիքն ասէին, Թէ իշխանաւն գիւաց հանէ դա զգեւս.

Եւ շրջէր Յիսուս ընդ ամենայն քաղաքս և ընդ գիւղս, ուսուցանէր ՚ի ժողովուրդս նոցա, և քարոզէր զաւետարանն արքայութեան. և բժշկէր զամենայն ախտս և զամենայն հիւանդութիւնս ՚ի ժողովրդեանն. Եւ տեսեալ զժողովուրդան՝ զթացաւ ՚ի նոսա. զի էին աշխատեալք և ցրուեալք իրբեւ զոչխարս, որոց ոչ իցէ հովիւ. Յայնժամ ասէ ցաշակերտան իւր. Հունձք բազում են՝ և մշակք սակաւ. Արդ՝ աղաչեցէք զտէր հնձոց՝ զի հանցէ մշակս ՚ի հունձս իւր. Եւ կոչեցեալ առ ինքն զերկուսասանեսին աշակերտան իւր, և ա նոցա իշխանութիւն այսոց պղծոց հանել զնոսա, և բժշկել զամ ցաւս և զամ հիւանդութիւնս.

Եւ գնացեալ անտի Յիսուս եկն ՚ի ժողովուրդն նոցա. Եւ անդ էր այր մի՝ որոյ ձեռն իւր դօսացեալ էր. հարցին ցնա՝ և ասեն, Եթէ պարտ իցէ ՚ի շաբաթու բժշկել. զի շաբաթս օրս անհանցիցի այն ՚ի խորխորատ ՚ի շաբաթու. միթէ ո՞չ ունիցի և յարուցանիցէ զնա. Իսկ արդ՝ ո՞րչափ եւս առաւել է մարդ քան զոչխար. ապա ուրեմն պարտ է ՚ի շաբաթու բարիս գործել. Յայնժամ ասէ ցայրն.

ձգեալ զձեռն քո, և նա ձգեաց՝ և եղև ողջ իբրև զմիւսն. **Իսկ** փարիսեցիքն ելեալ արտաքս խուրհուրդ առին զնմա, նէ՛ թէ ո՞րպէս կորուսցեն զնա.

Յայնժամ մատուցաւ առ նա դիւահար մի կոյր և համբ, և բժշկեաց զնա. որպէս զի համբն և կոյրն խօսիցի և տեսանիցէ. **Չարմացան** ամենայն ժողովուրդքն՝ և ասէին. **Միթէ** սա՞ իցէ **Քրիստոսն** որդի **Դաւթի**. **Բայց** փարիսեցիքն իբրև լուսն՝ ասեն. **Ոչ** իւրիք հանէ դա զդեւս՝ եթէ ոչ **Բէկողերուդաւ** իշխանաւն դիւաց.

Եւ ելեալ անտի **Յիսուսի** գնաց ՚ի կողմանս **Տիրոսի** և **Սիդոնի**. **Եւ** ահա կին մի քանանացի ՚ի սահմանաց անտի նոցա ելեալ, աղաղակէր և ասէր. **Ողորմեաց** ինձ, տէր, որդի **Դաւթի**, դուստր իմ չարաչար այսահարի. **Եւ** նա ոչ ետ նմա պատասխանի, և մատուցեալ աշակերտքն նորա՝ աղաչէին զնա և ասէին. **Արձակեա** զնա զի աղաղակէ ըզհետ մեր. **Նա** պատասխանի ետ և ասէ. **Ոչ** ուրեք առաքեցայ՝ եթէ ոչ առ ոչխարս կորուսեալս տանն **Խարայելի**. **Եւ** նա մատուցեալ երկիրպագանէր նմա և ասէր, **Տէր**, օգնեա ինձ, **Պատասխանի** ետ նմա և ասէ. **Ոչ է** բարոք առնուլ զհաց մանկանց՝ և արկանել շանց. **Եւ** նա ասէ. **Այո**, տէր, քանզի և շունք կերակրին ՚ի փշրանաց անկերոց ՚ի սեղանոց տեառն իւրեանց. **Յայնժամ** պատասխանի ետ նմա **Յիսուս** և ասէ. **Ոչ** կին դու՝ մեծ են հաւատք քո, եղիցի քեզ որպէս և կամիս. **Եւ** բժշկեցաւ դուստր նորա ՚ի նմին ժամու.

Եւ գնացեալ անտի **Յիսուսի**, եկն ՚ի ծովեզրն գալիլեացոց. և ելեալ ՚ի լեառն նստէր անդ. **Մատեան** առ նա ժողովուրդք բազումք որ ունէին ընդ իւրեանս՝ կաղս կոյրս համերս միակողմանիս, և այլ բազումս. և ընկեցին զնոսա առ ոտս նորա՝ և բժշկեաց զնոսա. **Մինչև** զարմանալ ժողովրդոցն՝ որ տեսանէին, զի համերքն խօսէին, կաղք գնային, միակողմանիք բժշկէին, կոյրք տէսանէին, և փառաւոր առնէին զատուած **Խարայելի**.

Եւ իբրև եկն ՚ի ժողովուրդն, մատեաւ այր մի՝ ՚ի ծունր իջանէր և ասէր. **Տէր**, ողորմեաց որդւոյ իմում, զի լուս

նախ՝ և շարաշար հիւանդանայ . բազում անդամ անկանի
 'ի հուր՝ և երբէք 'ի ջուր, Եւ մատուցի զնա աշակերտացն
 քոց՝ և ոչ կարացին բժշկել . Պատասխանի եւ Յիսուս՝ և
 ասէ . Ով ազգ անհաւատ և թիւր, մինչեւ ցե՞րք իցեմ ընդ
 ձեզ՝ մինչեւ ցե՞րք անսայցեմ ձեզ . աժ զնա առ իս . և ա-
 ծին զնա առ Յիսուս . Եւ սաստեաց զնա Յիսուս՝ և ել
 'ի նմանէ դեւն , և բժշկեցաւ մանուկն 'ի ժամէն յայնմանէ .
 Յայնժամ մատեան աշակերտքն առանձինն՝ և ասեն ցՅի-
 սուս . Մեք ընդէ՞ր ոչ կարացաք հանել զնա . Եւ նա ասէ
 ցնոսա . Վասն թերահաւատութեան ձերոյ . Ամէն ասեմ
 ձեզ՝ եթէ ունիցիք հաւատս քան զհասն մանանխոյ , ա-
 սասջիք լերինս այսմիկ՝ փոխեաց աստի անդր , և փոխես-
 յի . և ոչ ինչ անհնարին լինիցի ձեզ . Բայց այս ազգ ոչ
 ելանէ՝ եթէ ոչ աղօթիւք և պահովք .

Եւ յերանելն նոցա յԵրիքովէ , զնացին զհետ նորա ժո-
 ղովորդք բազումք . Եւ ահա կոյրք երկու նստէին առ
 ճանապարհաւն . իրրեւ լուան թէ Յիսուս անցանէ՝ աղա-
 ղակեցին և ասեն . Ողորմեաց մեզ, Յիսուս , որդի Դաւթի .
 Եւ ամբոխն սաստեաց նոցա՝ զի լուեսցեն . և նոքա եւս
 առաւել աղաղակէին և ասէին , Տէր , ողորմեաց մեզ , որ-
 դի Դաւթի . Զտեղի առ Յիսուս , կոչեաց զնոսա և ասէ .
 Զինչ կամիք՝ զի արարից ձեզ . ասեն ցնա . Տէր , զի բաց-
 ցին աչք մեր . Եւ գթացեալ Յիսուս մերձեցաւ յաչս նոցա ,
 և վաղվաղակի տեսին . և զնացին զհետ նորա .



Սրբոյ Աւետարանիս Յիսուսի Քրիստոսի՝ որ ըստ Մարկոսի:

ՏԵՐԱՄԲ ՄԵՐՈՎ ՅԻՍՈՒՍԻ ԳՐԻՍՏՈՍԻ

Ե՛ի մտանեն ՚ի Կաթառնաում, և իսկ և իսկ ՚ի շարաթուն մտեալ ՚ի ժողովուրդն, ուսուցանէր զնոսա. **Եւ** զարմանալին ընդ վարդապետութիւնն նորա, զի ուսուցանէր զնոսա իբրեւ իշխանութեամբ՝ և ոչ որպէս դպիրքն. **Եւ** էր ՚ի ժողովրդեանն նոցա այր մի, յորում այս պիղծ դոյր ՚ի նմա. որ աղաղակեաց՝ և ասէ. **Թող** տուր, զի՞ կայ մեր և քո՞ Յիսուս նազովրեցի, եկիր կորուսանել զմեզ. գիտեմք ըզքեզ՝ ով ես սուրբդ ասաւ ձոյ. **Սաստեաց** ՚ի նա Յիսուս և ասէ, **Կարկեաց** և ել ՚ի դմանէ. **Եւ** զարկոյց զնա այնն պիղծ և աղաղակեաց ՚ի ձայն մեծ, և ել ՚ի նմանէ. **Եւ** զարմացան ամենքին, մինչեւ հծծել ընդ միմեանս՝ և ասել. **Չի՞նչ է** այս նոր վարդապետութիւնն, զի իշխանութեամբ և այսոց պղծոց սաստէ՝ և հնազանդին ասա. **Եւ** ել լուր նորա ընդ ամենայն կողմն գալիլեացոց.

Եւ վաղվաղակի ելեալ ՚ի ժողովրդենէն, եկն ՚ի տուն Աիմոնի և Անդրեայ՝ Յակոբու և Յովհաննու հանդերձ. **Եւ** զօրանչ Աիմոնի դնէր ջերմացեալ, և վաղվաղակի ասեն

ցնա վասն նորա . Մատուցեալ յարոյց զնա՝ կալեալ ըզ
ձեռանէ նորա . և եթող զնա տենդն՝ և պաշտէր զնոսա .

Եւ իբրեւ երեկոյ եղեւ 'ի մտանել արեգականն, բերէին
առ նա զամենայն հիւանդս և զգիւահարս . և էր ամենայն
քաղաքն ժողովեալ առ գրունսն . **Եւ** բժշկեաց բազում հիւ
ւանդս 'ի պէս պէս ախտից , և դեւս բազումս եհան , և ո՛չ
տայր խօսել գիւացն , զի գիտէին զնա թէ Քրիստոսն է .

Եւ ընդ այգն ընդ առաւօտն յարուցեալ ել և զնաց յա
նապատ տեղի , և անդ կայր յաղօթս . **Եւ** զնաց զհետ նո
րա Սիմոն՝ և որ ընդ նմայն էին . **Եւ** իբրեւ գտին զնա՝ ա
սեն ցնա , թէ ամենեքին խնդրեն զքեզ . **Եւ** ասէ ցնոսա .
Եկայք երթիցուք և յայլ մօտաւոր գիւղաքաղաքսն , զի և
անդ քարոզեցից . զի յայս խակ եկեալ եմ . **Եւ** քարոզէր 'ի
ժողովուրդս նոցա ընդ ամենայն գալիլեացիս , և դեւս հա
նէր . **Գայ** առ նա բորոտ մի , աղաչէր՝ 'ի ծունր իջանէր՝
և ասէր . **Տէր**, եթէ կամիս , կարող ես զիս սրբել . **Խակ Յի**
սուս զթացեալ ձգեաց զձեռն , մերձեցաւ 'ի նա՝ և ասէ
ցնա , **Կամիմ**, սրբեաց . **Եւ** իբրեւ ասացն ցնա , վաղվա
ղակի զնաց 'ի նմանէ բորոտութիւնն՝ և սրբեցաւ . **Եւ** սաս
տեալ նմա՝ եհան զնա արտաքս վաղղաղակի , և ասէ . **Զգոյշ**
լեր՝ մի ումք ինչ ասիցես . այլ երթ , ցոյց զքեզ քահա
նային . և մատո վասն սրբութեան քո պատարագ՝ զոր հրա
մայեաց **Մովսէս** , 'ի վկայութիւն նոցա . **Եւ** նա ելեալ ըս
կրտաւ քարոզել յոյժ՝ և հռչակ հարկանել զբանն , մինչ ոչ
եւս կարող լինել նմա յայտնապէս 'ի քաղաք մտանել , այլ
արտաքոյ յանապատ տեղիս էր . և գային առ նա յամենայն
կողմանց .

Եւ մտեալ դարձեալ 'ի Կափառնաում յետ աւուրց , լուր
եղեւ եթէ 'ի տան է . **Եւ** ժողովեցան բազումք՝ մինչեւ
տեղի ևս ոչ լինել՝ և ոչ առ գրանն . և խօսէր նոցա զբանն .
Եւ գային առ նա՝ բերէին անդամալոյծ մի բարձեալ 'ի
չորից . **Եւ** իբրեւ ոչ կարէին մերձենալ առ նա յամբօխէ
անտի , քակեցին զյարկն՝ ուր էր Յիսուս , և բացեալ զա
ռաստաղն իջուցին զմահիճան յորում կայր անդամալոյծն .
Եւ տեսեալ Յիսուսի զհաւատս նոցա , ասէ ցանդամալոյծն .

Որդեակ, թողեալ լիցին քեզ մեզք քո, Եւ էին ոմանք 'ի դպրաց անտի՝ որ անդ նստէին. և խորհէին 'ի սիրտս իւրեանց. **Չի՞նչ է այս՝ որ խօսի սա զհայհոյութիւնս. ո՞վ կարէ թողուլ զմեզս, եթէ ոչ՝ մի աստուած, Եւ գիտաց Յիսուս յոգի իւր՝ թէ այնպէս խորհին 'ի սիրտս իւրեանց, և ասէ. **Չի՞ խորհիք զայդ 'ի սիրտս ձեր. Չի՞նչ գիւրին է. ասել ցանդամալոյծն՝ թողեալ լիցին քեզ մեզք քո, եթէ ասել՝ արի, առ զմահիճս քո և երթ 'ի տուն քո. Այլ զի գիտասցիք եթէ իշխանութիւն ունի որդի մարդոյ 'ի վերայ երկրի թողուլ զմեզս. ասէ ցանդամալոյծն. Քեզ ասեմ, արի, առ զմահիճս քո՝ և երթ 'ի տուն քո. Եւ յարեալ փաղվաղակի առեալ զմահիճսն, ել առաջի ամենեցուն, մինչդեռ զարմանալ ամենեցուն՝ և փառաւոր առնել զաստուած՝ և ասել, թէ այսպիսի ինչ կրբէք ոչ տեսաք.****

Եւ եմուտ միւսանգամ 'ի ժողովուրդն, և էր անդ սյր մի՝ որոյ ձեռն իւր դօսացեալ էր. Եւ սպասէին նմա՝ եթէ բժշկիցէ զնա 'ի շարաթուն՝ զի շարախօսեցեն ըզ նմանէ. Եւ ասէ ցայրն՝ որոյ ձեռն դօսացեալ էր. **Արի, անց 'ի մէնջ. Եւ ասէ ցնոսա. Չի՞նչ արժան է 'ի շարաթու, բարի՞ ինչ գործել՝ եթէ չար առնել, ոգի մի ապրեցուցանել՝ եթէ կորուսանել. և նոքա լռեցին. Եւ հայեցեալ Յիսուսի զնոքօք լի ցասմամբ, տրամեալ վասն կուրութեան սրտից նոցա՝ ասէ ցայրն. **Չգեա զձեռն քո, և նա ձգեաց, և ողջացաւ ձեռն նորա. Եւ ելեալ արաքս վաղվաղակի փարիսեցիքն հերովդիանոսօքն հանդերձ, խորհուրդ առնէին վասն նորա՝ թէ զիսորդ կորուսցեն զնա.****

Իսկ Յիսուս աշակերտօքն իւրովք գնաց 'ի ծովեզրն. և բազում ժողովուրդ 'ի գալիլեացոյ երթային զհետ նորա. և 'ի Հրէաստանէ, և Աբուսաղէմէ, և յայնկոյս Յորդանանու, և որք 'ի Տիրուտէ և 'ի Սիդոնէ. բազում ժողովուրդ իբրև լսէին՝ որչափ ինչ առնէր, գային առ նա. Եւ ասէ ցաշակերտսն իւր, **Չի՞ նաակ մի պատրաստական կայցէ նմա վասն ամբոխին՝ զի մի՞ նեղեցցեն զնա. Քանզի զբազումս բժշկեաց. մինչ գալ խոնել զնովա՝ զի մերձեցին առ նա, որք ունին ախտս ինչ. Եւ այսք պիղծք յոր-**

ժամ տեսանէին զնա , անկանէին առաջի նորա , աղաղակէին և ասէին . Թէ դու ես որդին աստուծոյ . և նա յոյժ սաստէր նոցա , զի մի՛ յայտնի առնիցեն զնա .

Եւ եկն յայնկոյս ծովուն յաշխարհն գերդեասացոց . Եւ ընդ ելանելն նորա ՚ի նաւէ անտի , պատահեաց նմա այր մի ՚ի գերեզմանացն՝ զոր ունէր այս պիղծ . որոյ և բնակութիւն իւր իսկ ՚ի գերեզմանս էր . և ոչ չլթայիւք ոք ևս կարէր կապել զնա . վասն բազում անգամ ոտնակապօք և չլթայիւք կապելոյ , և խզելոյ ՚ի նմանէ չլթայսն , և զտնակապսն խորտակելոյ . և ոչ ոք կարէր պարտել զնա . քանզի հանապաղ զցայգ և զցերեկ ՚ի գերեզմանս և ՚ի լերինս աղաղակէր , և կոծէր զանձն իւր քարամբք . Իբրև ետես զՅիսուս ՚ի հեռաստանէ , ընթացաւ և երկիրեպագ նմա աղաղակեաց ՚ի ձայն մեծ՝ և ասէ , Զի՛ կայ իմ և քո՛ Յիսուս որդի աստուծոյ բարձրելոյ . երդմնեցուցանեմ զքեզ յաստուած , մի՛ տանջեր զիս . Քանզի ասէր ցնա . Եւ այսդ պիղծ ՚ի մարդոց այտի . Եւ հարցանէր ցնա՝ Թէ զի՞նչ անուն է քո . և ասէ ցնա . Լէզէովն անուն է իմ , քանզի բազումք եմք . Եւ աղաչէին զնա յոյժ , զի մի՛ առաքեսցէ զնոսա արտաքս քան զաշխարհն . Եւ անդ էր առ լերամբն երեմակ մի խողաց արօտական մեծ . Աղաչեցին զնա ամենայն դուրսն և ասեն . Առաքեա զմեզ ՚ի խողսն , զի մտցուք ՚ի նոսա . Եւ հրամայեաց նոցա . և իբրև ելին այսքն պիղծք՝ մտին ՚ի խողսն , և դիմեաց երամակն ՚ի դարէ անտի ՚ի ՚ի ծովն . էին իբրև երկու հազարք , և հեղձնուին ՚ի ծովուն . Եւ խողարածքն փախեան , և պատմեցին ՚ի քաղաքին և յազարակս , և ելին տեսանել զի՞նչ իցէ՝ որ դորձեցան . Քան առ Յիսուս , և տեսանեն զդիւահարն զի նստէր զդեցեալ և զգաստացեալ , որ ունէր զԼէզէովնն , և զահի հարան . Եւ պատմեցին նոցա՝ որոց տեսեալն էր , թէ զի՞նչ եղև այսահարին , և զի՞նչ վասն խողիցն . Եւ սկսան աղաչել զնա զնալ ՚ի սահմանաց նոցա . Եւ իբրև եմուտ նա ՚ի նաւն , աղաչէր զնա դիւահարն՝ զի ընդ նմա իցէ . և Յիսուս ոչ ետ նմա թոյլ , այլ ասէ ցնա . Երթ ՚ի տուն քո առ ընտանիս քո , և պատմեա նոցա , որ ինչ միանգամ տէր

արար քեզ՝ և ողորմեցաւ քեզ, Եւ չոքաւ՝ և սկսաւ քա-
րողել ՚ի Ռեկապօլիս, զոր ինչ արար նմա Յիսուս, և ա-
մենեքին զարմանային:

Եւ իբրեւ անց Յիսուս միւսանդամ յայն կողմն՝ ժողո-
վեցաւ առ նա ժողովուրդ բազում, և էր առ ծովեղերրն,
Եւ ահա մի ՚ի ժողովրդապետացն դայր, որում անուն էր
Յայրոս. և իբրեւ ետես զնա՝ անկաւ առ ոտս նորա. ա-
ղաչէր զնա յոյժ և ասէր. Թէ դուստր նորա մերձ է ՚ի մահ,
զի եկեալ գնիցէ նմա ձեռն, որպէս զի ապրեսցի և կեցցէ:
Եւ գնաց ընդ նմա. երթայր և ժողովուրդ բազում զհետ
նորա, և նեղէին զնա. Եւ կին մի էր ՚ի տեռատեռութեան
արեան զերկոտասան ամ. և յոյժ վշտացեալ ՚ի բազում բը-
ժըշկաց, և ծախեալ զինչս իւր զամենայն՝ և չէր ինչ օգ-
տեալ, այլ ևս առաւել զայրացեալ. Իբրեւ լուա զՅի-
սուսէ՝ եկն ՚ի մէջ ամբօխին յետոյ՝ և բուռն եհար զհան-
դերձէ նորա. քանզի խորհէր ՚ի մօտ, թէ միայն մերձե-
ցայց ՚ի հանդերձս նորա, փրկեցայց. Եւ վաղվաղակի ցա-
մաքեցաւ ազրիւր արեան նորա. և գիտաց ՚ի մարմին իւր
թէ բժշկեցաւ ՚ի տանջանացն. Եւ անդէն վաղվաղակի գի-
տաց Յիսուս յանձն իւր զգօրութիւնն որ ել ՚ի նմանէ, դար-
ձաւ յամբօխն և ասէ. Ո՞վ մերձեցաւ ՚ի հանդերձս իմ.
Եւ ասեն ցնա աշակերտքն, Տեսանեն՝ զի ամբօխդ նեղէ
զքեզ, և ասեա՝ թէ ո՞վ մերձեցաւ ՚ի հանդերձս իմ. Եւ
չուրջ հայէր տեսանել թէ ո՞վ զայն արար. Եւ կինն զար-
հուրեալ և դողացեալ վասն որոյ գաղան արար. քանզի
գիտէր զինչ եղև նմա, եկն անկաւ առաջի նորա, և ա-
սաց զամենայն իրան ստուգութեամբ. Եւ Յիսուս ասէ
ցնա Պուստր, Հաւատք քո կեցուցին զքեզ. երթ ՚ի խա-
ղաղութիւն, և եղիջիր ողջ ՚ի տանջանաց քոց:

Մինչդեռ նա զայն խօսէր, գան ոմանք ՚ի տանէ ժո-
ղովրդապետին, և ասեն՝ Թէ դուստրն քո մեռաւ, զի՞ ևս
աշխատ առնես զվարդապետդ. Իսկ Յիսուս իբրեւ լուա
դրանն ասացեալ, ասէ ցժողովրդապետն. Մի՛ երկնչիր,
բայց միայն հաւատա. Եւ ոչ զոք եթող ընդ իւր երթալ,
բայց միայն զՊետրոս և զՅակօբոս և զՅովհաննէս՝ զեզ-

բայրն Յակոբայ, Գայ 'ի տուն ժողովրդապետին, և տեսանէ ամբոխ յոյժ և լալականս, և աղաղակ յոյժ, Եւ մանալ 'ի ներքս՝ ասէ ցնոսա. Զի՞ խռովեալ էք և լայք, մանուկն ոչ է մեռեալ, այլ ննջէ. Եւ ծաղր առնէին զնա. և նորա հանեալ արտաքս զամենեսեան, առնու ընդ իւր զհայր մանկանն և զմայր, և զնոսա որ ընդ նմայն էին, և մտանէ ուր դնէր մանուկն. Եւ կալեալ զձեռանէ մանկանն, ասէ ցնա. Տալի՞թա կու՞մի, որ թարգմանի, աղջիկ դու՝ քեզ ասեմ, արի. Եւ վաղվազակի յարեաւ աղջիկն և զնայր, քանզի էր ամաց իրբեւ երկոտասանից. և զարմացան մեծաւ զարմանալեօք. Եւ պատուէր տայր նոցա յոյժ, զի մի՛ ոք գիտացէ զայն. և ասաց տալ նմա ուտել.

Եւ իրբեւ անցին յայնկոյս, եկին յերկիրն Գեննեսարէթ. Եւ իրբեւ ելին 'ի նաւէ անտի՝ իսկ և իսկ ծանեան զնա արք տեղւոյն այնորիկ. և ընթացեալ այսր անդր ընդ ամենայն դաւառն, սկսան մահճօք բերել զհիւանդս ուր լսէին՝ թէ անդ իցէ. Եւ ուր և մտանէր 'ի գեօղս կամ 'ի քաղաքս կամ յաղարակս, 'ի հրապարակս դնէին զախտածէտս, և աղաչէին զնա՝ զի գոնէ 'ի քղանցս հանդերձից նորա մերձենայցեն. և որ միանգամ մերձեցանն՝ փրկեցան.

Եւ անտի յարուցեալ եկն 'ի սահմանս Տիւրոսի և Սիւզովսի. և մտեալ 'ի տուն՝ ոչ ումեք կամէր յայտնել, և ոչ կարաց ծածկել. Լուաւ կին մի զնմանէ, որոյ դուստր իւր նեղեալ էր յայտոյ պղծոյ. եկն անկաւ առաջի նորա. Եւ կինն էր հէթանոս՝ փիւնիկ Ատրի յազգէ. և աղաչէր զնա՝ զի զգեւն հանցէ 'ի դատերէ նորա. Եւ Յիսուս ասէ ցնա. Թող տուր՝ նախ յազեցին մանկունք. զի ոչ է բարւօք առնուլ զհաց մանկանց և արկանել շանց. Եւ պատասխանի ետ և ասէ. Տէր, և շունք 'ի փշրանաց սեղանոյ մանկանցն կերակրին. Եւ ասէ ցնա. Վասն այգբ բանի երթ, ել դեւն 'ի դատերէ քումմէ. Գնաց 'ի տուն իւր, և եդիաւ ելեալ զգեւն, և զդուստրն, զի անկեալ դնէր 'ի մահիճս.

Եւ ելեալ միւսանգամ 'ի սահմանացն Տիւրոսի և Սիւզովսի, և եկն 'ի ծովեզրն դալիլեացւոց 'ի մէջ սահմանացն 'ի Դեկապօլիս. Եւ բերին առաջի նորա խուլ մի և համբ.

և աղաչէին՝ զի ձեռն գիցէ 'ի վերայ նորա : Եւ առեալ զնա մեկուսի յամբոխէ անտի , արկ զմատունս իւր ընդ ա- կանջս նորա՝ և եթուք անդր . և կալաւ զլեզուէ նորա . հայեցաւ յերկինս՝ յողոց եհան՝ և ասէ . Ե՛վիթայ՝ որ է բացիր : Եւ նոյնժամայն բացան լսելիք նորա , և լուծան կա- պանք լեզուի նորա , և խօսէր ուղիղ : Եւ պատուիրեաց նոցա՝ զի մի՛ ումեք ասիցեն . և որչափ նա պատուիրէր նոցա , նոքա ևս առաւել քարոզէին . և ևս քան զևս զար- մանային և ասէին . Զամենայն ինչ բարեք գործեաց սա , զի խլից լսել տայ՝ և համերց խօսել :

Գան 'ի Բեթսայիդա . և ածեն առաջի նորա կոյր մի , և աղաչէին զնա՝ զի մերձեացի 'ի նա : Եւ առեալ զձեռանէ կուրին՝ եհան արտաքոյ շինին , եթուք յաչս նորա , և ձեռն եդ 'ի վերայ նորա . և հարցանէր ցնա՝ Թէ տեսանիցէ՞ ինչ : Բացաւ՝ և ասէր . Տեսանեմ զմարդիկս՝ զի շրջին իբրեւ զծառս : Գարձեալ եդ ձեռս 'ի վերայ աչաց նորա՝ եբաց , և տեսանէր . ողջացաւ՝ և տեսանէր համարձակ զամենայն : Արձակեաց զնա 'ի տուն իւր՝ և ասէ , Ի շէնդ մի՛ մտանի- ցես , այլ երթ 'ի տուն քո . և յորժամ 'ի շէնն մտանիցես՝ մի ումեք ասիցես 'ի շինին :

Եւ եկեալ առ աշակերտսն , տեսին ամբոխ շուրջ զնոքօք , և զդպիրսն՝ զի վիճէին ընդ նոսա : Եւ վաղվաղակի ամե- նայն ժողովուրդն իբրեւ տեսին զնա՝ զարմացան , և ընդ առաջ ընթացեալ ողջոյն տային նմա : Եւ եհարց ցնոսա՝ Թէ զի՞նչ վիճէիք ընդ նոսա : Պատասխանի ետ մի ոմն 'ի ժողովրդենէն և ասէ . Վարդապետ՝ ածի զորդի խմ առ քեզ , զոր ունի այս համբ , և ուր հասանէ՞ զարկուցանէ ըզ նա . և փրփրէ՞ և կրճտէ զատամունս իւր՝ և ցամաքի . և ա- սացի ցաշակերտսն քո զի հանցեն , և ոչ կարացին հանել զնա : Պատասխանի ետ նոցա և ասէ . Ո՛վ աղգ անհաւատ՝ մինչեւ յերբ իցեմ առ ձեզ . մինչեւ ցերբ անսայցեմ ձեզ . ածէք զնա առ իս : Եւ ածին զնա առ նա . իբրեւ ետես զնա այսն , վաղվաղակի շարժեաց զնա , եւ անկեալ յեր- կիր թաւալէր և փրփրայր : Եհարց ցհայր նորա և ասէ . Քանի՞ ժամանակք են՝ յորմէ հետէ այդ եղև դմա : Եւ նա

ասէ . Ի մանկութենէ . բազում անգամ 'ի հուր արկանէ ըզ
 դա և 'ի շուր՝ զի կորուսցէ . արդ՝ եթէ կարող ինչ ես , օգ
 նեա մեզ տէր՝ գթացեալ 'ի վերայ մեր . Եւ Յիսուս ասէ
 ցնա . Ասացեր թէ կարող ես . ամենայն ինչ հնարաւոր է
 այնմ , որ հաւատայն . Եւ վաղվաղակի աղաղակեաց հայր
 մանկանն՝ և ասէ . Հաւատամ , տէր՝ օգնեա անհաւատու
 թեանս իմում . Իբրեւ ետես Յիսուս՝ եթէ կուտի ժողո
 վուրդն 'ի վերայ , սաստեաց այսոյն պղծոյ և ասէ . Համրդ
 և խուլ այս՝ ես տամ քեզ հրաման , ել 'ի դմանէ , և այլ
 ևս մի՛ մտանկցես 'ի դա . Եւ աղաղակեաց՝ և յոյժ լկեաց
 զնա , և ել . և եղև պատանեակն իբրեւ զմեռեալ , մին
 չեւ բազմաց խկ ասել թէ մեռաւ . Եւ Յիսուս կալաւ ըզ
 ձեռանէ նորա՝ յարոյց զնա , և կանգնեցաւ . Եւ իբրեւ ե
 մուտ նա 'ի տուն , աշակերտքն առանձինն հարցին ցնա .
 մեք ընդէր ոչ կարացաք հանել զնա . Եւ ասէ ցնոսա .
 Այդ ազդ ոչ իւրք ելանէ , եթէ ոչ պահովք և աղօթիւք .
 Եւ գան յԵրիքով . և ընդ ելանելն նորա յԵրիքովէ ա
 շակերտօքն՝ և բազում ժողովրդով , որդի Տիմէի Բարտի
 մէոս կոյր նստէր մուրացիկ յանցս ճանապարհի . Իբրեւ
 լուաւ՝ թէ Յիսուս նազովրեցի է , սկսաւ աղաղակել և ա
 սել , Արդի Դաւթի Յիսուս՝ ողորմեաց ինձ . Եւ սատէին
 նմա բազումք՝ զի լուսցէ . և նա առաւել ևս աղաղակէր .
 Արդի Դաւթի ողորմեաց ինձ . Զտեղի առ Յիսուս՝ և
 հրամայեաց կոչել զնա , կոչեն զկոյրն՝ և ասեն ցնա , Քա
 շալերեաց , արի՛ կոչէ դքեզ , Եւ նորա ընկեցեալ զձորձս
 իւր , յարեաւ և եկն առ Յիսուս . Պատասխանի ետ նմա
 Յիսուս և ասէ . Զի՞նչ կամիս՝ թէ արարից քեզ . ասէ ցնա
 կոյրն . Բարբունի՛ զի բացայց , Եւ Յիսուս ասէ ցնա , Երթ՝
 հաւատք քո կեցուցին դքեզ . և վաղվաղակի բացաւ , և
 երթայր զհետ նորա 'ի ճանապարհին .





Արրոյ Աւետարանիս Յիսուսի Քրիստոսի՝ որ ըստ Առկասու :

ՏԷՐՆ ՄԵՐ ՅԵՍՈՒՍ ՔՐԻՍՏՈՍ

Եւ էջ 'ի Ատիառնատւմ' 'ի քաղաքն դալիլեացոց , և ուսուցանէր զնոսա 'ի շարաթան . **Ե**ւ զարմանային ընդ վարդապետութիւնն նորա , զի իշխանութեամբ էր բան նորա . **Ե**ւ էր 'ի ժողովրդեանն այր մի . զոր ունէր այս դիւի պրզծոց , և աղաղակեաց 'ի ձայն մեծ , ասէ . Թուլացո , զի՛ կայ մեր և քո , Յիսուս նազովրեցի , եկիր կորուսանել զմեզ . գիտեմք զքեզ՝ ո՛վ ես սուրբդ աստուծոյ . Սաստեաց 'ի նա Յիսուս և ասէ . Պապանձեաց և ել 'ի դմանէ . զգետնեաց զնա գեւն 'ի միջի անդ՝ և ել 'ի նմանէ , և ինչ ոչ փաստեաց նմա . **Ե**ւ եղևն զարմանալիք 'ի վերայ ամենեցուն , խօսէին ընդ միմեանս և ասէին . Զի՛նչ է բանս այս , զի իշխանութեամբ և զօրութեամբ սաստէ այսոց պղծոց՝ և ելանեն . **Ե**ւ երթայր հռչակ զնմանէ ընդ ամենայն անդիս շուրջ ըզգաւառաւն .

Եւ յարուցեալ 'ի ժողովրդենէ անտի , եմուտ 'ի տուն Աիմոնի . Զորանչ Աիմոնի տագնապէր ջերմամբ մեծաւ , և աղաչեցին զնա վասն նորա . **Ե**կաց առ նմա՝ սաստեաց ջերմանն , և եթող զնա . և վաղվաղակի յարեաւ՝ և պաշտէր

զնոսա . Եւ ընդ արեւուն մտանել՝ ամենեքեան որոց էին հիւանդք 'ի պէս պէս ցուս՝ բերէին զնոսա առ նա . Եւ նա իւրաքանչիւր ումեք 'ի նոցանէ զնէր ձեռս՝ և բժշկէր զնոսա . Եւ անէին զեւք 'ի բազմաց , ազազակէին և ասէին . Եթէ դու ես որդի աստուծոյ . և նա սաստէր՝ և ոչ տայր նոցա թոյլ խօսել , զի գիտէին զնա թէ Քրիստոսն է .

Եւ եզեւ 'ի հասանելն նորա 'ի մի քաղաքացն , ահա այր մի լի բորոտութեամբ իրբեւ ետես զՅիսուս՝ անկեալ 'ի վերայ երեսաց ազաչեաց զնա՝ և ասէ . Տէր , եթէ կամիս , կարող ես զիս սրբել . Չգեաց զձեռն իւր՝ հասոյց 'ի նա՝ և ասէ . Կամիմ՝ սրբեաց . և վաղվաղակի գնաց 'ի նմանէ բորոտութիւնն . Եւ նա պատուիրեաց նմա մի ումեք ասել , այլ թէ երթ , ցոյց զանձն քո քահանային . և մատո պատարագ վասն սրբութեան քո՝ որպէս և հրամայեաց Մովսէս , 'ի վկայութիւն նոցա . Եւ յորդէր առաւել բանն ըզնմանէ . և ժողովէին ժողովուրդք բազումք լսել և բժշկել 'ի հիւանդութեանէ իւրեանց . Եւ նա խոյս տայր յանապատ տեղիս , և կայր յաղօթս .

Եւ եզեւ 'ի միում աւուրց՝ և ինքն ուսուցանէր , և փարիսեցիքն և օրինացն վարդապետք նստէին , որ ժողովեալ էին յամենայն քաղաքաց զալիլեացոց՝ և Հրէաստանի և Երուսաղէմի . և զօրութիւն տեառն էր 'ի բժշկել զնոսա . Եւ ահա արք բերէին մահճօք զայր մի՝ որ էր անդամալոյծ , և խնդրէին զնա մուծանել 'ի ներքս՝ և դնել առաջի նորա . Եւ իրբեւ ոչ գտանէին թէ ընդ որ մուծանիցեն զնա 'ի ներքս վասն ամբոխին , ելին 'ի տանիս և 'ի ցուոցն կախեցին զնա , և իջուցին մահճօքն հանդերձ 'ի մէջ առաջի Յիսուսի . Եւ տեսեալ զհաւատսն նոցա՝ ասէ ցնա . Այլ դու՝ թողեալ լիցին քեզ մեղք քո . Սկսան խորհել զպիրքն և փարիսեցիքն , և ասեն . Ո՞ է սա՝ որ խօսի զհայհոյութիւնս , ո՞վ կարէ թողուլ զմեզս՝ բայց միայն աստուած . Իրբեւ գիտաց Յիսուս զխորհուրդս նոցա , պատասխանի ետ և ասէ ցնոսա . Չի՞ խորհիք 'ի սիրտս ձեր . Չի՞նչ գիւրագոյն է . ասել թողեալ լիցին քեզ մեղք քո , եթէ ասել՝ արի և գնա . Այլ զի գիտասցիք եթէ իշխանութիւն ունի

որդի մարդոց յերկրի թողուլ զմեզս . ասէ ցանգամայրցն ,
Քեզ ասեմ՝ արի առ զմահիճս քո՝ և երթ 'ի տուն քո . **Եւ**
 առժամայն յարուցեալ առաջի ամենեցուն՝ էառ զիւրեւ
 յորոց վերայ անկեալ դնէր , դնաց 'ի տուն իւր , և փառաւոր
 առնէր զաստուած . **Զարմանք** կալան զամենեւեան ,
 և փառաւոր առնէին զաստուած , լի եղեն ահիւ , և ասեն ,
Եթէ տեսաք այսօր նոր նշան .

Եւ եղև 'ի միւսում շարաթուն մտանել նմա 'ի ժողո
 վուրդն՝ և ուսուցանել . և էր անդ այր մի՝ և ձեռն իւր
 աջ գօսացեալ էր . **Եւ** սպասէին նմա դպիրքն և փարիսե
 ցիք՝ թէ 'ի շարաթուն բժշկիցէ , զի գտանիցեն շարաթու
 սութիւն զնմանէ . **Եւ** նա գիտէր զխորհուրդս նոցա , ասէ
 ցայրն՝ որոց ձեռնն գօսացեալ էր . **Արի** անց 'ի մէնջ . և նա
 յարուցեալ եկաց . **Ասէ** ցնոսա **Յիսուս** . **Հարցից** ինչ զձեզ .
 զի՛նչ արժան է 'ի շարաթու , բարի՞ ինչ առնել՝ եթէ չար
 դորժել , ոգի մի ապրեցուցանել թէ կորուսանել . **Եւ** հա
 յեցեալ շուրջ զամենեքումք զայրադին՝ ասէ ցնա . **Զգեա**
 զձեռն քո . և նա ձգեաց , և հաստատեցաւ ձեռն նորա
 իրբև զմիւսն . **Եւ** նոքա լցան յիմարութեամբ , և խօնէին
 ընդ միմեանս՝ **Թէ** զի՛նչ առնիցեն **Յիսուսի** .

Եւ իջեալ նոքօք հանդերձ 'ի տեղի մի տափարակ . և
 ժողով աշակերտացն նորա՝ և բաղմութիւն յոյժ ժողովրդ
 դեանն , յամենայն Հրէատտանէ և **Երուսաղէմէ** և յայնմ
 կողմանէ՝ և 'ի ծովեզերէն **Տիւրոսի** և **Սեդոնի** . որ եկին
 լսել 'ի նմանէ՝ և բժշկել 'ի հիւանդութենէ իւրեանց . և
 նեղեալքն յայտոց պղծոց բժշկէին . **Եւ** ամենայն ժողովուրդն
 խնդրէր մերձենալ 'ի նա , զի զօրութիւն բազում ելանէր 'ի
 նմանէ՝ և բժշկէր զամենեւին .

Եւ իրբև կատարեաց զամենայն զբանս իւր 'ի լսելիս
 ժողովրդեանն , եմուտ 'ի **Կափառնաում** , **Հարիւրապետի**
 ուրումն ծառայ շարաշար հիւանդացեալ՝ մերձ էր 'ի վախ
 ճանել , որ էր նմա պատուական . **Եւ** իրբև լուաւ զ**Յիսուսէ** ,
 առաքեաց զժերան 'ի հրէից , աղաչէր զնա՝ զի եկեացէ և
 ապրեցուցէ զծառայն նորա . **Եւ** նոքա եկեալ առ **Յիսուս**
 աղաչէին զնա ստէպ՝ և ասէին , **Թէ** արժանի է՝ որում ըզ

չնորհս զայս առնես . **Զ**ի սիրէ զազգս մեր , և զժողովրդդ անոցն նա շինեաց մեզ . **Եւ Յիսուս** զնաց ընդ նոսա . իրբեւ ոչինչ կարի հեռի էր 'ի տանէն , յղեաց առ նա հարիւրապետն բարեկամս , և ասէ ցնա . **Տէր** , մի ինչ աշխատ լինիր , զի չեմ բաւական եթէ ընդ յարկաւ իմով մտանիցես . **Ա**սան որոյ և ոչ զանձն համարեցայ արժանի՝ առքեզ գալոյ . այլ ասա բանիս՝ և բժշկեացի մանուկս իմ . քանզի և ես այր մի եմ կարողեալ ընդ իշխանութեամբ . ունիմ ընդ ինեւ զինուորս , և ասեմ տնա՝ երթ , և երթայ , և ոյլում թէ եկ , և դոյ . և ծառայի իմում թէ արա զայս , և առնէ . **Եւ** իրբեւ լուա զայս **Յիսուս**՝ զարմացաւ , դարձաւ առ ժողովուրդն որ երթային զհեա նորա՝ և ասէ . **Ա**մէն ասեմ ձեզ՝ թէ և ոչ **Դարացէլի** այսչափ հաւատս դտի . **Եւ** դարձան անդրէն պատգամաւորքն 'ի տուն , և գտին զժառայն հիւանդ՝ բժշկեալ .

Եւ եղև 'ի վաղիւն երթայր 'ի քաղաք մի , որում անուն էր **Նային** . երթային ընդ նմա և աշակերտք նորա և ժողովուրդք բազում . **Ի**րբեւ մերձ եղև 'ի դուռն քաղաքին , և ահա ելանէր մեռեալ մի՝ որդի միամօր մօր իւրոյ , և նա էր այրի . և ժողովուրդք բազում քաղաքին էր ընդ նմա . **Ի**րբեւ ետես զնա տէր՝ զթացաւ 'ի նա և ասէ . **Մի** լար . **Եւ** մատուցեալ մերձեցաւ 'ի դագաղսն . և որք բարձեալն տանէին՝ զանդի առին . և ասէ , **Պատանի** դու՝ քեզ ասեմ՝ արի , **Ա**նգնեցաւ և նստաւ մեռեալն , և սկսաւ խօսել . և ետ զնա ցմայր իւր . **Եւ** ահ կալաւ զամենեւին , և վառաւոր առնէին զաստուած՝ և ասէին , **Թէ** մարգարէ ոմն մեծ յարուցեալ է 'ի միջի մերում , և եթէ այց արար աստուած ժողովրդեան իւրում 'ի բարութիւն . **Եւ** ել զրոյցս այս ընդ ամենայն հրէաստան վասն նորա . և ընդ ամենայն կողմանս աշխարհին .

Եւ պատմեցին **Յովհաննու** աշակերտքն իւր վասն ամենայնի այսորիկ . **Եւ** կոչեաց առ ինքն երկուս օմնսն յաշակերտայն իւրոց՝ **Յովհաննէս** , առաքեաց առ տէր և ասէ . **Ղու** ես որ դալոցն ես , եթէ այլում ակն կալցուք . **Եւ** եկեալ արքն առ նա՝ ասեն , **Յովհաննէս Մկրտիչ** առաք-

եաց զմեզ առ քեզ՝ և ասէ Պօլ ես որ դալոցն ես՝ եթէ այլում ակն կալցուք : Եւ 'ի նմին ժամու բժշկեաց զբազումս 'ի հիւանդութեանց և 'ի հարուածոց և յայտոց չարաց, և կուրաց բաղմաց շնորհեաց տեսանել : Պատասխանի ետ նոցա և ասէ : Երթայք պատմեցէք Յովհաննու՝ զոր տեսիքդ և լուայք : զի կայրք տեսանեն, և կաղք գնան, բորտք սրբին, խուլք լսեն, մեռեալք յառնեն, աղքատք աւետարանին, և երանի իցէ՝ որ ոչ դայթակղեացի յիս :

Եւ նուեցին իջին յաշխարհն գերդեացուոց : որ է յայնկոյս հանդէս Պաղիկեաց : Եւ ընդ ելանելն նորա 'ի ցամաք, պատահեաց այր մի 'ի քաղաքէն՝ յորում էին գեւք : և բազում ժամանակս չէր հանդերձ զգեցեալ և ոչ 'ի տան բնակեալ, այլ 'ի գերեզմանս : Եւ տեսեալ զՅիսուս, աղաղակեաց և անկաւ առաջի նորա, և ասէ մեծաձայն : Զի՞ կայ իմ և քս Յիսուս որդի աստուծոյ բարձրելոյ, ազաչեմ զքեզ մի՞ տանջեր զիս : Քանզի հրաման տայր այսոյն պղծոյ ելանել 'ի մարդոյ անտի : քանզի բազում ժամանակս յափշտակեալ էր զնա, և կապէր 'ի շղթայս, և պահէր յերկաթս, և խզէր զկապանսն, և վարէր 'ի դիւէն յանապատ : Եհարց ցնա Յիսուս և ասէ : Զի՞նչ անուն է քեզ : և նա ասէ, Լէզէովն : զի գեւք բազումք մտեալ էին 'ի նա : Եւ աղաչէին զնա՝ զի մի՞ հրաման տացէ նոցա երթալ յանդուռնդս : Եւ էր անդ երամակ մի խողից բաղմաց արօտական 'ի լերինն, և աղաչեցին զնա զի հրաման տացէ նոցա մտանել 'ի նոսա, և հրամայեաց նոցա : Եւ ելեալ գեւքն յառնէն՝ մտին 'ի խողեանն, և դիմեաց երամակն 'ի դահէ անտի 'ի ծովակն՝ և հեղձաւ : Իբրեւ տեսին խողարածքն զիրան որ եղեն՝ փախեան, և պատմեցին 'ի քաղաքին և յաղարակսն : Եւ իբրեւ ելին տեսանել զգործսն, և եկին առ Յիսուս, և գտին զայրն՝ ուստի գեւքն ելեալ էին, զգեցեալ և զգաստացեալ նատէր առ ոտսն Յիսուսի, և երկեան : Պատմեցին նոցա որոց տեսեալն էր՝ թէ զիսրդ փրկեցաւ դիւահարն : Եւ աղաչէր զնա ամենայն բաղմութիւնն չուրջ զկողմամբքն գերդեացուոց՝ զնալ 'ի սահմանաց նոցա, քանզի ահիւ մեծաւ

տագնապէին . և նա մտեալ 'ի նաւ' դարձաւ անդրէն . Ազաչէր զնա այրն՝ ուստի դեւքն ելեալ էին՝ շրջել ընդ նմա , արձակեաց զնա՝ և ասէ . Դարձ 'ի տուն քո , և պատմեա՛ զոր միանգամ արար քեզ աստուած . զնաց 'ի քաղաքն և քարոզէր զոր ինչ արար նմա Յիսուս .

Եւ իբրեւ դարձաւ անդրէն Յիսուս , ընկալաւ զնա ժողովուրդն . քանզի ամենեքեան ակն ունէին նմա . Եւ ահա եկն այր մի՝ որում անունն էր Յայրոս , և նա էր իշխան ժողովրդեանն . անկեալ առ ոսան Յիսուսի՝ ազաչէր զնա մտանել 'ի տուն նորա . զի դուստր միամօր էր նորա՝ ամաց իբրև երկոտասանից , և էր մերձ 'ի մահ . և ընդ երթալն նորա՝ ժողովուրդքն նեղէին զնա . Եւ կին մի էր 'ի տեւաատեսութեան արեան ամաց երկոտասանից , որ 'ի բժիշկս ծախեալ էր զամենայն ինչս իւր . որում ոչ էր լեալ հնար յումեքէ բժշկիլ . Մատուցեալ յետոյ մերձեցաւ 'ի քղանցս հանդերձի նորա . և նոյնժամայն եկաց բղխումն արեան նորա . Եւ ասէ Յիսուս . Ո՞վ է՝ որ մերձեցաւն յիս . Իբրև ամենեքեան ուրանային , ասէ Պետրոս՝ և որ ընդ նմայն էին . Վարդապետ , ժողովուրդք պնդեն և նեղեն զքեզ . Եւ ասէ Յիսուս . Ո՞մն մերձեցաւ յիս , քանզի գիտացի՛ եթէ զօրութիւն ել յինէն . Իբրև ետես կինն՝ եթէ ոչ ծածկեցաւ 'ի նմանէ , եկն դողալով և անկաւ առաջի նորա , թէ վասն որոյ իրոց մերձեցաւ 'ի նա՝ պատմեաց առաջի ամենայն ժողովրդեանն . և թէ ս՛րպէս բժշկեցաւ առժամայն . Եւ ասէ . Քաջալերեաց , դուստր . հաւատք քո կեցուցին զքեզ , երթ 'ի խաղաղութիւն .

Եւ մինչդեռ նա խօսէր , գայ ոմն 'ի տանէ ժողովրդապետին՝ և ասէ ցնա . Մեռաւ դուստրն քո , մի՛ ինչ աշխատ առներ զդա . Իսկ Յիսուս իբրև լուաւ , պատասխանի ետ նմա՝ և ասէ . Մի՛ երկնչիր , միայն հաւատա՛ և կեցցէ . Եւ մտեալ 'ի տունն՝ ոչ զք եթող մտանել , բայց միայն զՊետրոս և զՅակոբոս և զՅովհաննէս , և զհայր մանկանն և զմայր նորա . Լային ամենեքեան՝ և կոծէին զնա . Եւ նա ասէ . Մի՛ լայք՝ զի չէ մեռեալ այլ ննջէ . Եւ նորա ծաղր առնէին զնա , զի գիտէին թէ մեռաւ .

Եւ նորա հանեալ զամենեսին արտաքս, կարու զձեռանէ նորա՝ բարբառեցաւ և ասէ . **Ա**րի, կաց մանուկ դու . **Եւ** դարձաւ որի նորա, և կանգնեցաւ վազվազակի, և հրամայեաց տալ նմա ուտել, և զարմացան ծնողքն նորա . **Եւ** նա պատուիրէր մի՛ ումեք ասել՝ որ ինչ եղելն .

Եւ եղև ՚ի վաղիւն մինչ իջանէին նոքա ՚ի լեռնէ անտի, ընդ առաջ եղև նմա ժողովուրդ բազում . **Եւ** ահա այր մի ՚ի ժողովրդենէ անտի աղաղակեաց և ասէ . **Վ**արդապետ, ազաչեմ՝ զքեզ հայեաց յորդի իմ, զի միամօր է ինձ . **Եւ** ահա այս հարկանի ՚ի նմա, և յանկարծ դուչ՝ և զարկուցանէ և թաւալեցուցանէ՝ զնա և վրփրեցուցանէ, և հաղիւ մեկնի ՚ի նմանէ խորտակեալ զնա . և աղաչեցի զաչակերտսն քո զի հանցեն զնա, և ոչ կարացին . **Պ**ատասխանի ետ **Յիսուս** և ասէ . **Ո՛վ** ազգ անհաւատ և թիւր, մինչեւ յերբ եղէց ընդ ձեզ՝ և անայցեմ՝ ձեզ . մատո այսր զորդին քո . **Եւ** մինչեւ եւ մատչէր, զարկոյց զնա դեւն՝ և շարժեաց . **Ս**աստեաց **Յիսուս** այսոյն պղծոյ, և բժշկեաց զմանուկն . և ետ զնա ցհայր իւր . **Եւ** զարմանային ամենքեան ՚ի վերայ մեծամեծացն աստուծոյ . և ՚ի զարմանալ ամենեցուն ՚ի վերայ ամենայնի զոր առնէր, ասէ ցաչակերտսն իւր . **Դիք** դուք ՚ի լեւիս ձեր զբանս զայսոսիկ . զի որդի մարդոյ մատնեւոց է ՚ի ձեռս մարդկան .

Եւ հանէր դեւ մի համր . և եղև յեւանել դիւին՝ խօսեցաւ համրն, և զարմացան ամենայն ժողովուրդքն . **Եւ** ոմանք ՚ի նոցանէ ասեն . **Բէ**եղզերուդաւ իշխանաւն դիւաց հանէ դա զդեւս . **Եւ** այլք փորձէին՝ և նշան յերկնից ինդրէին ՚ի նմանէ . **Իսկ** նորա գիտացեալ զխորհուրդս նոցա, ասէ ցնոսա . **Ա**մենայն թագաւորութիւն բաժանեալ յանձն՝ աւերի, և տուն բաժանեալ յանձն՝ կործանի . **Ա**պա եթէ և սատանայ բաժանեցաւ յանձնէ, զիարդ կայցէ թագաւորութիւն նորա . զի ասէք զինէն եթէ **Բէ**եղզերուդաւ իշխանաւն դիւաց հանէ դա զդեւս . **Եթէ** ես **Բէ**եղզերուդաւ հանեմ զդեւս, որդիքն ձեր ի՞նչ հանիցեն . վասն այդորիկ նոքին եղիցին ձեր դատաւորք . **Իսկ** եթէ մատամբ աստուծոյ հանեմ զդեւս, ապա հասեալ է ՚ի վերայ ձեր

արքայութիւն աստուծոյ, Յորժամ հզօր վառեալ՝ պահիցէ զտուն իւր, 'ի խաղաղութեան են ինչք նորա, Բայց եթէ հզօրացոյն քան զնա 'ի վերայ եկեալ յաղթեսցէ նմա, զըստ պառադիսութիւնն հանէ՝ յոր յուսացեալ էր, և զաւար նորա բաշխեսցէ: Ար ոչ է ընդ իս՝ հակառակ իմ է, և որ ոչ ժողովէ ընդ իս, ցրուէ: Յորժամ այսն ելանիցէ 'ի մարդոյ՝ շրջի ընդ անջրգին սեղիս, խնդրէ հանգիստ. և իբրեւ ոչ զտանէ, ասէ. դարձայց անգրէն 'ի տուն իմ ուստի ելի:

Եւ զայ զտանէ մաքրեալ և յարդարեալ, Յայնժամ երթայ և առնու եօթն այլ այսս չար և ս քան զինքն՝ և մտանէ բնակէ անդ, և լինի յետինն մարդոյն այնորիկ չար քան զառաջինն:

Եւ եղև մինչդեռ խօսէր զայս, ձայն երարձ կին մի 'ի ժողովրդենէ անաի և ասէ. **Երանի՛** է որովայնին՝ որ կրեացն զքեզ, և ստեանցն՝ որ զիեցուցին զքեզ, **Եւ** նա ասէ. **Նա** երանի այնոցիկ է, որ լսեն զքանն աստուծոյ, և առնեն:

Եւ ուսուցանէր 'ի միում ժողովրդանոցացն 'ի շարաթս:

Եւ ահա կին մի՝ զոր ունէր այս հիւանդութեան անս ութ ուտան. և էր կարկամեալ, և ոչ կարէր ամենեւին 'ի վեր հայել:

Եւ տեսեալ զնա Յիսուսի՝ կոչեաց առ ինքն՝ և ասէ ցնա. **Աին** դու՝ արձակեալ ես 'ի հիւանդութենէ քումմէ:

Եւ եզ 'ի վերայ նորա ձեռն, և առժամայն ուղղեցաւ, և փառաւոր առնէր զաստուած. Պատասխանի ետ ժողովրդապետն ցասուցեալ՝ **Թէ** ընդէր 'ի շարաթու բժշկեաց Յիսուս, և ասէ յժողովուրդն. **Ա** եց որ է՝ յորս արժան է դործել, յայնս եկայք բժշկեցարուք, և մի՛ յաւոր շարաթու: Պատասխանի ետ նմա տէր՝ և ասէ. **Ա** եղծաւորք, իւրաքանչիւրօք 'ի ձէնջ 'ի շարաթու ո՛չ արձակէ զեզն իւր կամ զէջ 'ի մարոյ՝ և տանի տոյ ջուր, **Իսկ** այս՝ դուստր **Ա**բրահամու էր. զոր կտպեաց սատունայ ահաւազիկ ութուտան ամ, ո՛չ էր արժան արձակել 'ի կապանաց անաի 'ի շարաթու:

Եւ զայս իբրեւ ասէր, յամօթ լինէին ամենեքին որ հակառակն կային նմա. և ամենայն ժողովուրդն ուրախ լինէր 'ի վերայ ամենայն փառաւորութեանցն որ դործէին 'ի նմանէ:

Եւ եղև 'ի մտանելն նորա 'ի տուն ուրումն իշխանացն

փարիսեցւոց 'ի շարաթու ուտել հաց , և նոքա սպասէին նմա . Եւ ահա այր ոմն էր անդ ջրդողեալ առաջի նորա . Պատասխանի ետ Յիսուս՝ և ասէ ցորինաւորսն և ցփարիսեցիս . Եթէ արժան իցէ 'ի շարաթու բժշկել . Եւ նոքա լուռ եղեն . և բուռն հարեալ զնմանէ՝ բժշկեաց զնա , և արձակեաց . Եւ ասէ ցնոսա . Ո՞ր ուրուք 'ի ձէնջ էշ կամ եզն՝ անկանիցի 'ի ջրհոր , և ոչ վաղվաղակի հանկցէ զնա յաւուր շարաթու . Եւ ոչ կարացին տալ նմա պատասխանի առ այն .

Եւ եղև մինչ երթայր նա յԵ՛մ , և ինքն անցանէր ընդ մէջ Սամարիա և դալիլեացւոց . Եւ մինչդեռ մտանէր 'ի դեօղ ուրեմն , պատահեցին նմա տասն այր բորոտ՝ որք կացին 'ի հեռաստանէ , բարձին զձայնս՝ և ասեն . Յն վարդապետ , ողորմեաց մեզ . Եւ իբրև ետես զնոսա , ասէ ցնոսա . Երթայք ցուցէք զանձինս քահանայիցն . և եղև իբրև զնացին , առ ժամայն սրբեցան . Մի ոմն 'ի նոցանէ իբրև ետես՝ թէ բժըշկեցաւ , դարձաւ անդրէն՝ 'ի ձայն մեծ փառաւոր առնէր զաստուած . անկաւ 'ի վերայ երեսաց իւրոց առ ոսոս նորա , և գոհանայր զնմանէ . և ինքն էր սամարացի . Պատասխանի ետ Յիսուս և ասէ . Ո՞չ տասն սոքա սրբեցան , իսկ արդ՝ ինունքն ո՞ւր են . Զի ոչ դտան դառնալ տալ փառս աստուծոյ , բայց միայն այլազգիս այս . Եւ ասէ ցնա . Արի , զնա . զի հաւատք քո կեցուցին զքեզ .

Եւ եղև 'ի մօտեն նորա յԵրիքով , կոյր ոմն նստէր առ ճանապարհան մուրացիկ . Իբրև լուաւ զանցանել ժողովրդեանն , հարցանէր՝ Թէ զի՞նչ իցէ այն . Եւ պատմեցին նմա , թէ Յն նազովրեցի անցանէ . Աղաղակեաց և ասէ . Յն , որդի Գաւթի՝ ողորմեաց ինձ . Եւ որ առաջին երթային՝ սաստէին նմա զի լուեցէ . և նա ևս առաւել աղաղակէր , Որդի Գաւթի , ողորմեաց ինձ . Զտեղի էառ Յն , և հրամայեաց ածել զնա առ իւր . և իբրև մերձ եղև առ նա , եհարց զնա և ասէ , Զի՞նչ կամիս դու՝ զի արարից քեզ . և նա ասէ . Տէր , զի բացցին աչք իմ՝ և տեսից . Եւ Յն ասէ ցնա . Հայեաց , հաւատք քո կեցուցին զքեզ . Եւ առ ժամայն ետես , երթայր զհետ նորա՝ և փառաւոր առնէր զած . և ամ ժողովրդեանն տեսեալ , տայր օրհնութիւն աստուծոյ ,



Սրբոյ Աւետարանիս Յիսուսի Քրիստոսի՝ որ ըստ Յովհաննու :

ՏԷՐԸ ՄԵՐ ՅԻՍՈՒՍ ԲՐԻՍՏՈՍ

Եւ յետ երկուց աւուրց ել անտի և գնաց 'ի Գալիլեայ : Զի ինքն իսկ Յիսուս վկայեաց՝ եթէ մարգարէ յիւրում գաւառի սլատիւ ոչ ունի : Այլ յորժամ եկն նա 'ի Գալիլեայ , ընկալան զնա գալիլեացիքն . զի տեսեալ եւս էր զամենայն նշանսն , զոր արար յԵրուսաղէմ 'ի տօնին . քանզի և նոքա եկեալ էին 'ի տօնն . Եկն դարձեալ 'ի կանա գալիլեացւոց՝ ուր արար զջուրն գինի . և անդ էր թագաւորազն մի , որոյ որդի նորա հիւանդ կայր 'ի Կափառնաում : Նա իրրեւ լուաւ եթէ Յիսուս եկեալ է 'ի Հրէաստանէ 'ի Գալիլեայ , եկն առ նա՝ և աղաչէր , զի իջցէ և բժշկեսցէ զորդի նորա . քանզի մերձ էր 'ի մեռանել . Ասէ ցնա . Եթէ ոչ նշանսն ինչ և արուեստս տեսանէք՝ ոչ հաւատայք : Ասէ ցնա թագաւորազն . Տէր , էջ մինչեւ մեռեալ իցէ մանուկն իմ : Ասէ ցնա Յիսուս . Երթ՝ որդին քո կենդանի է . և հաւատաց այրն բանին՝ զոր ասաց նմա Յիսուս , և գնաց . Եւ մինչդեռ իջանէր , ընդ առաջ եղեն նմա ծառայքն նորա . աւետիս ետուն և ասեն , Թէ մանուկն նորա կենդանի է . Հարցանէր ցնոսա վասն ժամուն՝ յորում ա

պարհինեաց . և ասեն ցնա . Երէկ յեօթներորդ ժամուն եւթող զնա ջերմն . Գիտաց հայրն նորա՝ եթէ յայնմ ժամու՝ յորում ասացն ցնա Յիսուս՝ թէ որդին քո կենդանի է . և հաւատաց ինքն և ամենայն տուն իւր . Զայս դարձեալ երկրորդ նշանս արար Յիսուս եկեալ ՚ի Հրէաստանէ ՚ի Գալիլեայ .

Յետ այսորիկ տօն էր Հրէից , և ել Յիսուս յԵրուսաղէմ : Եւ էր յԵրուսաղէմ ՚ի Պրօպատիկէ աւաղանին , որ կոչէր երբայեցեբրէն Բեթհեղզայ՝ հինգ սրահ : Յորս անկեալ դնէր բազմութիւն յոյժ հիւանդաց՝ կուրաց կաղաց դօսացերց , որ ակն ունէին ջրոցն յուղերոյ : Եւ հրէշտակ տեսուն իջանէր ըստ ժամանակի յաւազանն՝ և յուղէր զջուրսն . և որ նախ ՚ի չարժումս ջուրցն իջանէր յաւազանն՝ բժշկէր , ոչ ուներով նշան հիւանդութեան : Եւ անդ էր այր մի , որոյ երեսուն և ութ ամ էր ՚ի հիւանդութեան իւրում : Զնա իրբեւ ետես Յիսուս՝ զի անկեալ դնէր , և գիտաց եթէ ըազում ժամանակք են այնուհետեւ , ասէ ցնա . Կամի՞ն ողջ լինել : Պատասխանի ետ նմա հիւանդն . Տէր , ոչ զոք ունիմ , թէ յորժամ ջուրքն յուղիցին՝ արկցէ զիս յաւազանն . և մինչ ես դանդաղիմ , այլ ոք քան զիս յառաջագոյն իջանէ : Ասէ ցնա Յիսուս , Արի , առ զմահիճս քո և գնա : Եւ ողջացաւ այրն , և յարեաւ՝ էառ զմահիճս իւր՝ և շրջէր . և էր շարաթ յառուրն յայնմիկ : Ասեն հրէայքն ցրժշկեալն . Շարաթ է՝ և ոչ է արժան քեզ առնուլ զմահիճս քո : Պատասխանի ետ նոցա և ասէ . Որ բժշկեացն զիս , նա ասաց զիս , առ զմահիճս քո՝ և գնա : Հարցին ցնա և ասեն . Ո՞վ է այրն՝ որ ասաց ցքեզ , առ զմահիճս քո՝ և շրջեաց : Եւ բժշկեալն ոչ գիտէր թէ ո՞վ իցէ . քանզի Յիսուս խոյս ետ վասն ամփոփին ՚ի տեղոջէ անտի : Յետ այսորիկ գտանէ ցնա Յիսուս ՚ի տաճարին , և ասէ ցնա . Ահաւաղիկ ողջացար , մի ևս մեղանչեր՝ զի մի չար ևս ինչ լինիցի քեզ : Գնաց այրն՝ և պատմեաց հրէիցն , Եթէ Յիսուս էր՝ որ բժշկեացն զիս : Եւ վասն այնորիկ հալածէին զՅիսուս հրէայքն , զի զայն առնէր ՚ի շարաթու : Եւ Յիսուս պատասխանի ետ նոցա . Հայր իմ մինչեւ ցայժմ գործէ , և ես գործեմ : Վասն

այնորիկ առաւել խնդրէին հրէայքն սպանանել զնա, զի ոչ միայն լուծանէր զչարաթս, այլևս հայր իւր կոչէր զաստուած, և հաւասար առնէր զանձն աստուծոյ.

Եւ մինչդեռ անցանէր՝ ետես այր մի կոյր 'ի ծնէ. և հարցին ցնա աշակերտքն նորա՝ և ասեն. Ռաբբի, ո՞յր քնաս է, տրա՞ թէ հօր և մօր իւրոյ, զի կոյր ծնցի. Պատասխանի ետ Յիսուս. Ոչ դորա քնաս է, և ոչ հօր և մօր իւրոյ. այլ զի յայտնի լիցին գործքն աստուծոյ 'ի դմա. Եւ ինձ պարտ է գործել զգործս այնորիկ՝ որ առաքեացն զիս, մինչ օր կայ. գայ զիշեր՝ յորժամ ոչ ոք կարէ գործել. Մինչդեռ յաշխարհի եմ, լոյս եմ աշխարհի, Ջայս իբրեւ ասաց, եթուք 'ի գետին՝ և արար կառ 'ի թքոյն, և ծեփեաց զկաւն 'ի վերայ աչաց կուրին. Եւ ասէ ցնա. Երթ, լուա յաւազանին Սերլվայ. որ թարգմանի առաքեալ. չոքաւ լուացաւ. եկն և տեսանէր. Իսկ դրացիքն՝ և որոց տեսեալ էր զնա յառաջագոյն՝ թէ մուրացիկ էր, ասէին. Ո՞չ սա էր՝ որ նստէրն և մուրանայր. կէսքն ասէին. նա է. Այլքն ասէին. ոչ՝ այլ նման է նմա. և ինքն ասէր՝ Թէ ես եմ. Ասեն ցնա. Իսկ զիա՞րդ բացան աչք քո. Նա ետ պատասխանի. Այր մի՞ որում Յիսուսն ասեն, կառ արար՝ և ծեփեաց զաչս իմ, և ասէ ցիս. Երթ 'ի Սերլվամ, և լուա. չոքայ լուացայ՝ և տեսանեմ, Ասեն ցնա. Ո՞ւր է նա. ասէ ցնոսա. Ոչ գիտեմ. Ածին առ փարիսեցիսն զնա, որ երբեմն կոյրն էր. Եւ էր շարաթ՝ յորժամ զկաւն արար Յիսուս. և երաց զաչս կուրին. Դարձեալ հարցանէին զնա փարիսեցիքն, Թէ զիա՞րդ տեսանես. և նա ասէ ցնոսա. Կառ եդ 'ի վերայ աչաց իմոց, և լուացայ՝ և տեսանեմ. Ասեն ոմանք 'ի փարիսեցւոցն. ոչ է այրն այն յաստուծոյ, զի զչարաթս ոչ պահէ. Կէսքն ասէին. Իսկ զիա՞րդ կարէ մարդ մեզաւոր այսպիսի նշանս առնել. Եւ էին հերձուածք 'ի մէջ նոցա. Ասեն դարձեալ ցկոյրն. Դու զի՞ ասես վասն նորա՝ զի երաց զաչս քո. Եւ նա ասէ՝ Թէ մարդարէ է. Եւ ոչ հաւատային հրէայքն զնմանէ՝ եթէ կոյր էր՝ և բացաւ. մինչև կոչեցին զժնողս բացերցն. հարցին ցնոսա և ասեն՝ Սա՞ է որդին ձեր, զորմէ դուքն ասէիք, եթէ կոյր

Ժնաւ . արդ՝ զիա՛րդ տեսանէ՛ . Պատասխանի ետուն նոցա
 ծնողքն նորա՛ն և ասեն . Գիտեմք զի սա է որդին մեր , և
 զի կոյր ծնաւ . բայց զիա՛րդ այժմի՛ տեսանէ՛ ոչ գիտեմք .
 կամ թէ՛ ո՞ երաց զաչս դորա՛ մեք ոչ գիտեմք . զդա իսկ
 հարցէք , ինքնին ՚ի չափ հասեալ է . ինքն իսկ խօսեցցի վասն
 իւր . Զայս ասացին ծնողքն նորա , զի երկնչէին ՚ի հրէիցն .
 քանզի ուխտ եղեալ էր հրէից , եթէ ոք խօստովանեցի
 զնա Քրիստոս՝ ՚ի բաց կացցէ ՚ի ժողովրդենէն . Վասն այ-
 նորիկ ասացին ծնողքն նորա , թէ ինքնին ՚ի չափ հասեալ է ,
 ցնա իսկ հարցէք . Գարձեալ կրկին անդամ՝ կոչեցին զայրն՝
 որ կոյրն էր , և ասեն ցնա . Տուր փառս աստուծոյ , մեք
 գիտեմք՝ զի այրն այն մեղաւոր է . Եւ նա ասէ . թէ մե-
 ղաւոր իցէ՛ ես ոչ գիտեմ . բայց զայս գիտեմ , զի կոյր էի՛
 և արդ տեսանեմ : Գարձեալ ասեն ցնա . Զի՛նչ արար քեզ ,
 զիա՛րդ երաց զաչս քո : Պատասխանի ետ նոցա . Այժմ՝
 ասացի ձեզ՝ և ոչ լուայք . զի՞ կամիք միւսանդամ ըել .
 միթէ և դո՛ւք կամիք աշակերտել նմա . Նոքա հայհոյէին
 զնա՝ և ասէին . Դու լիջիր նորա աշակերտ . մեք Մովսէսի
 աշակերտք եմք . Մեք գիտեմք՝ զի ընդ Մովսէսի խօ-
 սեցաւ աստուած . զսա ոչ գիտեմք ուստի իցէ . Պատաս-
 խանի ետ այրն և ասէ ցնոսա . Այդ իսկ են սքանչելիք .
 զի դուք ոչ գիտէք՝ ուստի իցէ , և զիմ զաչս երաց .
 Գիտեմք զի աստուած մեղաւորաց ոչ լսէ , բայց եթէ
 աստուածապաշտ ոք իցէ՛ և զկամն նորա առնիցէ , նմա լսէ .
 Ի յաւիտենից ոք ոչ լուաւ՝ եթէ երաց ոք զաչս կուրի ՚ի
 ծնէ՛ կոյր ծնելոյ . Եթէ ոչ յաստուծոյ էր այրն այն՝ ոչ կա-
 ըէր առնել ինչ . Պատասխանի ետուն և ասեն ցնա , Ի
 մեղս իսկ ծնեալ ես ամենելին , և դու վարդապետ լինիս
 մեր . Եւ հանին զնա արտաքս . Լուաւ Յիսուս՝ եթէ հա-
 նին զնա արտաքս , և իբրեւ եղիտ զնա՝ ասէ ցնա . Դու
 հաւատասն յորդի աստուծոյ . Նա պատասխանի ետ և ա-
 սէ . Տէր , ո՛վ է՝ զի հաւատացից ՚ի նա . Ասէ ցնա Յի-
 սուս . Եւ տեսեր զնա , և որ խօսիդ ընդ քեզ՝ նա է . Եւ
 նա ասէ . Հաւատամ , տէր , և երկիրեպագ նմա .

ԳՐՈՒԹԻՒՆՔ

Գ Լ ԽՆՑ Ա Ղ Օ Թ Ի Ց

Աղօթք առաւօտու: ԲԱՆ Խ. ՁԴ. ՁԵ. ՂԲ:

Աղօթք գիշերայնոյ: ԺԲ. ԽԱ. ՂԱ. ՂԴ:

Աղօթք զղջման: Է. Ը. ԻԲ. ԻՁ. ԻԷ. ՀԱ:

Աղօթք խնդրելոյ զչնորհս եւ զթողութիւն մեղաց: Դ. ԺԵ. Ի. ԻԴ. Լ. ԼԲ. Խ. ԻԷ. ԽԹ. Ծ. ԾԷ:

Մաղթանք հաւատոյ: Ժ. ԺԱ. ԺԳ. ԼԴ. ԽԴ. ՀԵ:

Մաղթանք յուսոյ եւ սիրոյ: Բ. ԺԲ. ԼԳ. ԼԷ. ԽԲ. ԽԹ. ԿԵ. ՁԸ:

Աղօթք յառաջ քան զպատարագն կամ զհաղորդելն: Դ. Ե. ԻԴ. ԼԳ. ԽԷ. ԾԲ. ԾԴ:

Աղօթք զկնի պատարագին կամ հաղորդելոյն: Ա. Ե. ԻԴ. ԿԷ. ՂԵ:

Աղօթք 'ի սուրբ շարշարանս ֆրիստոսի: ՀԷ. ԻԸ. ԼՁ. ԼԷ. ԽԴ. ԾԲ. ԾԸ. ԿՁ. ԿԷ. ՀՁ. ՀԸ. Ղ:

Աղօթք առ սուրբ Ատուածամայրն: ԻՁ. Ձ:

Աղօթք բարեխօսութեամբ սրբոցն: ԼԱ. Հ. ՀԱ. ՁԲ. ՁՁ. ՁԷ. ՂԱ:

Աղօթք առ հրեշտակս եւ առ պահապան հրեշտակն: ՁԱ:

Աղօթք վասն բարի մահուան: Բ. ԿՁ. ՀԳ. Ձ. ՁԵ:

Աղօթք վասն բժշկութեան: Գ. ԺԴ. ԺԷ. ԺԸ. ԻԵ. ԼԵ. ԽԲ. ԽԳ. ԽԸ. ԿԳ. ԿԴ. ԿՁ:

Աղօթք վասն հոգեվարաց, յիշատակաւ մահու, գերեզմանի, յարութեան եւ դատաստանի: Ա. Բ. Է. Ը. Ի. ԻԳ. ԼԲ. ԼԷ. ԼԹ. Խ. ԿԵ. ԿՁ. ԿԷ. ՀԳ. ՀԴ. ՀԹ. Ձ. ՁԱ. ՁԸ. ՂԱ. ՂԵ:

Աղօթք վասն ննջեցելոց: ՁՁ:

Աղօթք վասն հարուածոց արտորէից: Գ. ԿԳ. ՁԸ. ՁԹ. ՂԲ:



ՆՇԱՆԱԿՈՒԹԻՒՆՆԵՐ

Խ Ր Թ Ի Ն Բ Ա Ռ Ի Յ Ի Ն Չ Մ Ա Տ Ե Ն Ի Ս

Աղբար. Զարգարիա մարգարէի պա-
պուն անունն է: ՂԳ. 8:
Աղանայի տէր. Որ աստուծոյ կրտսի.
Թանգրը: ՂԳ. 8:
Աղասաղնեայ. Քիչիգատէ: ՁԱ. 5:
Աղջարան. Խապար արուած տեղ.
ԾԹ. 2. կամ Խապար տուող գոր-
ծիք, որ է՝ բերան, կամ լեզու: ՂԳ. 2:
Ալէլուս. Որ հնու. թիւնք, գովասանք.
Մէտէ: ՂԳ. 24:
Ալէտանձ հոգմ. Տարգա հանող հոգ: ԾԳ. 5:
Ալիփափեաք. Այբբենին շարքը: ՂԳ. 22:
Ախտարձարձ. Ախար շարձող. մարազ
թէ փրէտիծի: Կ. 4:
Ամանցական. Անցաւ. որ, թէ զ մը անց-
նող: ՂԳ. 5:
Ակատ. Նաւու թէքնէ, կամ փրատ
խալի: ԿԳ. 2:
Ակնայորատ. Այբբ մարտող: ԽԸ. 4:
Ակուսի. Ճիւճիւր, սիւրիւ: ԻԶ. 1:
Աղարտեալ. Աւրած, խարազ եղած:
Ե. 1. և ԻԵ. 2:
Աղաւաղել. Աւրել, փճացնել, եօթ
ընել: Բ. 5. և ԿԵ. 2:
Աղէյարմար. Քիչիւրող տիւղէնէնախը
եղած: ՂԲ. 8:
Աղիւսարկու թիւն. Քիւրփիծծիւ թիւն,
թուղամիւ թիւն: ՂԵ. 12:
Աղիսեալ ազգարան. Կղզած գոցուած
բերան, կամ լեզու: ՂԳ. 2:
Աղտրի բժշոյնիւնի. Տէտիբնէ՛ն՝ էղիւն
ընելու, որ է ծամելու ակունքեր: ԿԳ. 2:
Աղու աղանի. Մաղլմ կէօղէքծին: Բ. 1:
Աղուական. Անուշիկ, միւլիմ: ԿԶ. 4:
Աղուական արտ. Թաթիլը մարազ, որ
է ցանկու թիւն: ՂԱ. 5:
Աղլու թիւն. Մթու թիւն. գարա տիւ-
ման: Ձ. 5:
Աղուաղտին. Աղի լեղի. աճը զէհիւր: ԼԹ. 2:
Աղտիկեր. Աղտիող, աղտիաւոր: ԾԱ. 5:
Աղտանալ. Մթննալ, 'ի լուսոյ պա-
կասի: Է. 5:
Անաւ. Սաղոն: ՂԳ. 11:
Աճիւն. Մոխիր. քիւլ: Ի. 1. և ԻԳ. 2:
Ամանակ. Ժամանակ, ատեն. վաղբթ:
'ի Յիւսոյման: ԿՅ. 1:
Ամբարձուղէ. Բարձր ճիւղ ունող իւ-
ճէ տալլը: Թ. 2:
Ամենագրաւ. Ամենը զապթ ընող: Բ. 2.

կամ թիւս աստիկ զապթ ընող: Ը. 1:
Ամենապիկար. Թիւս տկար. զայլի՛ն: ԼԸ. 2:
Ամբարոզ. Վէլվէլէ: Ձ. 5. և Ղ. 5:
Այտ. Եանաք: ԿԳ. 2:
Անագան. Կէճտէն կէճ: ԼԹ. 5. կամ
Վէրջիւր. սարաքի: ԿԸ. 2:
Անախտակիր. Այոց ցաւակից չըլ-
լող: Ծ. 1. և ԾԶ. 2. կամ Խարէզ
չը պահող: Բ. 2:
Անաղելի՛ խակակու թ. Չի աղուած՝
նոր ծնած բիծ: ԾԳ. 2:
Անարձարձելի. Ալ չի վառ գելու: Է.
5. և ՁԱ. 2. կամ ալ չը չի գելու: Ի. 2:
Անբոյժ. Չի բժշկելու. անդամաղ: ԾԸ. 2:
Անգամանէք. Խորունկ մտնուք: ԻԷ. 5:
Աղամանեայ. Ելմասի պէս պինդ: ՂԲ. 10:
Անգամանաք. Անգ, սյուրին 'ի հնու թիւ
անձառելիք. որպիսի էր 'ի հին օ-
րէն՝ սրբու թիւն սրբու թիւննցն,
որ անձառելի և անմասնելի էր նա-
ցաւ. վանսրոյ ասացուած՝ Սբ-
թիւնը անգամանէք, իմացեալ լինի՛
Սբ-թիւնը որ-թիւնը: ՂԵ. 15:
Անդասելի. Կարգէ գուրա. նիզամ չի
մտած: ԼԳ. 7:
Անդուլ. Ի թիր. տայմա: ՁԸ. 2:
Անդուղեկցու թիւն. Ան չի տեղը եր-
թամա. ճամբորդու թիւն և եօլտաւ
չու թիւն: ՂԳ. 5:
Անբուսակի. Անբուսեցի կէօրիւնէք:
ԻԳ. 5. և ԾԵ. 5:
Անբրկեան. Անգաթ. չի պէտքի: Գ. 1.
և ԿԵ. 5:
Անբողել գաղան. Խաղանի կազուչ
ճանալար: Թ. 5:
Անկանել. Տօգումաք: ԿԳ. 2:
Անկեղակարծ. Անկասկած. չի պէտք-
սից: ՂԵ. 5:
Անկոննչ. Շուռնը կտրած. նէ թէ սի
քէ սիւմիչ: ԺԳ. 2:
Անհաղաղ. Շուռն չուռնող. հոգի չու-
նող. ճանարդ: ԼԳ. 7:
Անհամբոյր. Թերպիտէտի չեկող: Տէր-
կէլէ. ԻԲ. 2. կամ բերանը չի գոց-
ուող շատախա. ԻԳ. 2. կամ գար-
չելի. պէթ. ԾԶ. 2. կամ խաթր
կէօնիւլ չի նայող: ՁԸ. 2:
Անհամոզելի. Խօսք մտիկ չընող. Ի-
նասճը: ԾԶ. 2:

Անհատուածելի. Անբաժանելի. Հի
 դատուելու. 25
 Անհրաժեշտ. Անգառնալի. մի. հ. բ. 5.
 ԿԱ. 2. կամ անխախտ, անզատու-
 լի. Գ. Գ. 11.
 Անձաւ. Մաղարաւ. Խ. 2.
 Անձնամասն. Ինքիր անձը մասանող. ԽԸ. 2.
 Անձուկ. Դեղկուկ. Ա. 2. և ԿԳ. 2. կամ
 քչիկ մը. պիր ազածը. ԺԱ. 2.
 Անշարիր ջատուկ. Վեր շէլիելու նեն-
 գաւոր և ջու ազար. ԾԸ. 2.
 Անշարմազ աղ. Զի մի՞նայու պայծառ-
 սու մանորդ. Գ. 2.
 Անշուշտ. Անփոփոխ. անխառնակ. ԿԷ. 1.
 Անտպայ. Էլիէր պիմէլ. Զազար. ԽԸ. 4.
 Անպատուար. Պատ չունող. հրաւր-
 սրդ. ԼԹ. 2.
 Անջրպէտ. Բաժանող. զատող. պէտ-
 ձէ. ԽԷ. 2.
 Անտուժելի. Էտ չի ձգուելու. ԷՏ-
 մալ չըլուելու. ԼԹ. 2.
 Անտողիւտ. Անպակաս. էրսիբող,
 մահանարդ. ԽԸ. 5.
 Անվճար. Անխայ. գուռուսուլ. Ժ. 2.
 Անտարբափակ. Տարբերի տակ չնկ-
 նող. նիւթեղէն բաներէն գուր-
 ժ. 1. և ԼԳ. 5.
 Անբաւ. Տկար, փորրիկ. զայի՞ք. ԿԹ. 2.
 Աշխար. Ողբ, լաց, սուգ. ԽԷ. 5. ԼԹ.
 5. ԽԸ. 2. ԾԶ. 2. և պլլն.
 Աշտանակ. Շամտան. ԽԶ. 2.
 Աշտ. Խըշտ. մըզարի. 2Ա. 2.
 Ապարան. Պապանձած, անճրկած. ԽԷ. 5.
 Ապարէն. Զէնք չունող. սիւսորդ է.
 1. և ԿԸ. 5.
 Ապարթոյն փոյն չունող զէ՛հրիւրդ. ԿԳ. 1.
 Ապարտասոր. Անշահ. էլիիկ պիմէլ. Գ.
 2. 2. և 2Գ. 1.
 Ապահար. Ամական հայրը բանած. Խ. 2.
 Ապաձեռն. Օգնական չունող, խեղճ.
 ԽԳ. 5. և ԼԷ. 5.
 Ապաշտ. ք. Ապաշտու. իմ իպարսը. ԼԳ. 7.
 Ապաշտան. Զանք չունող. խալի իմ սի. Բ. 2.
 Ապառուժ. Լիբր. արսը. ԺԱ. 5. ԽԱ.
 2. և ԿԳ. 2. կամ խալիբր կէ՛ծիւր-
 չի նայող, անգութ. ԶԸ. 2.
 Ապարանջան. Պիլիզիկ. ԼԳ. 1.
 Ապաւ անդակ. Զուան նաւու. փայա-
 մար. ԽԵ. 2.
 Ապաւինութիւն խարսի. Դուռն
 սեճ երկաթը ճան գուր իմ արան. ԽԵ. 2.
 Ապաքինել. Փարսակ, դարբեցընել,
 կամ բուրնացընել. ԶԳ. 2. և ԳԵ. 2.
 Ապէնիակ. Անկարօտ. մի. հ. թ. ա՛ծ չըլ-
 լող. ԾԹ. 2.
 Ապիկար. Տկար, խափր չըլող. Ժ.
 1. և ԽԶ. 2.

Առակայք. Առաջիկայք, առջեւը,
 կամ մտք եղածները, կամ քիչ
 մի ետեւ ըլլալիքները. ԺԳ. 5.
 Առանցիակ, Գաղարեակ 'ի ծնելոյ,
 գալի՞ք անջամ. ԼԱ. 1.
 Առիւտ. Գողճոց. փէլտիմալ. Խ. 2.
 Առկայծեակ. Տրագն որ մարելու մ-
 տեցած, զերթին կայծակը հասած. ԶԷ. 5.
 Առհասարակայ. Զէնի. նուսու՛ն.
 կամ փէլ. ԽԵ. 4. ԿԵ. 2. և ԿԷ. 1.
 Առուզեկան յախտեան. Անցասոր
 ժամանակ. ? Ե՛լուր-լուրնն.
 Առօրինակեակ. Բաղդատեակ, նմա-
 նեցուցեակ. Խ. 2.
 Ասուի. Բարեղէն. չուխոյ' և սլլը յը-
 մանք. ԽԱ. 5.
 Ասպականասպաս. Շան կեկակրի իւ-
 միւտ բնող. ԼԵ. 5.
 Ասպասակ. Բէլէփրճի, փուսու խըր-
 սրդ. ԿԹ. 2.
 Ասպարէս, կամ Ասպարէլ. Մեծ մէջ-
 սան. արժ մէջանը. Ա. 2. և ԽԸ.
 4. Գարձեակ երկրի շափ է, որ է մէկ
 միլ տեղին ութը փայլին մէկը. Թ. 4.
 Աստարտ. Լինկան կերպարանքով կուս-
 քի մի անուն է. Կ. 4.
 Ատարկեցի, Աթնացի. որ 'ի Տնու՛ն
 պր քաղաքացւոց զուս մարդն խիտ
 նամար, և զգլանն խիտ պէ՛ծնամ
 համարէին. ԿԵ. 1.
 Արահեա. Լան ճամբայ. քէօր եղու-
 թ. 2. կամ շիտակ ճամբայ. ճաս-
 տէ. ԽԶ. 5.
 Արամաթացի, Արիմաթացի. ուստի
 էր Սամուէլ մարգարէն. ԶԸ. 1.
 Արբուն. Կատարեակ հասակ. քեանիւ-
 լիք շաղք. Գ. 2.
 Արգահասուել. Յուսակցելով միսիմ-
 րել, սիրտ տալ. ԺԲ. 1. կամ ա-
 զաշել, բէճա բնել. ԺԵ. 1. և ԾԵ. 2.
 Արգասասոր. Արգիւնասոր. մէջիլ-
 տար. ? Ե՛լուր-լուրնն.
 Արդարալուկ. Հախտեղ տանջող.
 ԽԹ. 2.
 Արդեան. Հիմակուան. Հիմտիբի. 2Ե. 8.
 Արդգլանական. Հիմակուց թէլէ՛ք ե-
 դած. ԽԲ. 2.
 Արկածք. Փորձանք. պէլայ. Զ. 5. Կ.
 2. և ԿԷ. 2.
 Արձականք. Էտ դարձող ձայն, որ մա-
 զարաներուն մէջ, կամ խորունկ
 տեղուանք կանչողն ինչ որ կանչէ.
 զայն կըլէ. Գ. Բ. 8.
 Արուարձան. Գարե փորած էրիկ մար-
 գուս պատկերք, կուսք. Կ. 4.
 Արութիւն. Արիութիւն, կործա-
 թիւն. ԽԹ. 5.

Արուսեակ. Սաղահայերէն զեօհ-
է. կամ արեգակն, կամ սաղայէլ:
1Ջ. 2;
Արջնաթոյր. Սեւ դոյն ունող: ԿԹ. 2;
Արջնատես. Սիւսահայերէն զեօհայիւ: 1Ա. 5;
Արտալած. Ճամբէ դուրս ելած: Եօ-
սուգ. կամ սիւրբիւն եղած: ԾՋ. 2;
Արտաքնայարգար. Դրոյն զիւն թէ-
սիզ: ԻԷ. 5;
Արտուղի. Ճամբէ դուրս, ծուռ. եանդ-
լը: 2Ջ. 5;
Արփիսանցուղ. Լոյս տարածող. շարփս
ծարող: Գ. 1;
Արտ. Արծուելու տեղ. շարքըլի:
ԻԵ. 5. և Կ. 2;
Աբօր. Զիֆթ քշելու գործիք. սա-
պան: ԾԳ. 2;
Աւաղական. Ափսոսական, ողբալու: ԻՋ. 1;
Աւանդ. Լմանելի. Գ. 1. կամ տուրք.
զէրկի. Թ. 2. կամ թէմիկ, զա-
սիւնի: ԻԵ. 4;
Աւղական. Բեռի ալըմիւն լեղած. ա-
ծամի, չէրկէլէ: ԻԲ. 2;
Աբար. Պատժուած մարդոյ մի անուն
է. (Յեւր. Ե. 1.): ԻԷ. 2. և 2Ա. 5;
Արիստիսանցի. Մարդարեի մը անուն
է, որ Դի Սելով քաղաքէն էր: (Գ.
Թ. 7.): ԺԱ. 20. և ԽԸ. 4;
Բարեւն. Պաշտաս քաղաքն է: Ա. 1.
և ԿԷ. 2;
Բաղին. Կուսքի սեղան. կուսք: ԻԷ.
5. և 2Է. 15;
Բազմակ. Բազմելու տեղ. մէքան: Կ. 5;
Բազմական. Մէծիւս նստող. ԽԸ. 1.
և ՂԳ. 4. կամ բազմելու, նստե-
լու տեղ: ՂԱ. 5;
Բազմաձեռնեան խարդաւանողք. Ծառ-
ուոր չիլէպաղներ. կամ ֆէնտերով
խարողներ: ՂԲ. 9;
Բազմոյածեան. Բարբարական պրար-
տող: Կ. 5;
Բազմատեղնեան. Ծառ ճիւղ ունող.
տայլը պուտարլը: ԽԵ. 2. և Դ Ե՛-
լստուրանն:
Բազմարկածեան. Ծառ փորձերտ.
թէ՛հիլէլի: 2Գ. 2;
Բահայ. Կուսքի անուն է: ԿԳ. 2. ՂԳ. 6;
Բամբիւն. Զարգարայ, զիւ: ՂԲ. 8;
Բանդաքուշեայ. Խելացորդ. չըլըն: ԺԸ. 2;
Բանին սերմնակաթմութիւն. Խոտրին
էօզը գոյ ընելը, խննթ ու մենթ
եօլուգ խոտիլը: ԽԵ. 2;
Բառալ. Ոչխարներուն և նմանեաց
պտալը: ԺԵ. 2;
Բառացի. Փառասոր. չէօհիլի: ՂԲ. 8;
Բասիլ. Ալարիլ. Էր կայսր Յունացի:
Դ Ե՛-լստուրանն:

Բասրեի. Մեղադրելի. պրպլանմարա
լոյրը: ՂԱ. 5;
Բարսունութիւն. Խոտիլ չի կըրցողի
բերով խոտիլ: ՂԲ. 8;
Բարացուցական. Բարբը ցըրընող, թա-
պիւնիթը յայանող: ՂԲ. 8;
Բարասոր. Դրան վերի շեմք: ՂԱ. 2;
Բարետաւիղ. Անուշիկ խոտիլի, տիւ-
զէնիլի: ՂԲ. 8;
Բարբարա. Զարբարա մարդարեի Տօրն
անունն է: ՂԳ. 8;
Բարունակ մահողու գեան. Ամայի
ճիւղ որ զէհիլի սալթամ ունի: Է. 2;
Բաւանդակապէս. Բովանդակապէս,
կամ բաւականապէս: Ջ. 4;
Բասիլ. Սալար, որ մարարայի, կամ
դրան վրայ կ'ըլլայ: Խ. 2;
Բէժանք. Պիւրիսի կամ պարճի
չիլըն: ԿՋ. 4;
Բիժք բոցակիժք. Կրակի պէս կըճ-
ուած ուռեցներ, ինչպէս թափ-
տապիլիէն, կամ տիլթիսիւնիկէն
խածուած տեղուանքը: ԿԹ. 2;
Բոյորպտուղ. Ողտակէզ. թամամ
փէչիէլ: Ա. 1;
Բոսորա զիսկուք. Կարմրադոյն ա-
րիւնաթմութաի լէշեր: ԿԸ. 5;
Բոսորային. Կարմրադոյն, կարմրած.
ԳԲԸ. 1;
Բուեայ. Սրվայած, կամ պատանայ
եղած: ԻԷ. 5;
Բանախղեան. Դէմ ելող կտրիժ
ձէնիճի: ՂԳ. 18;
Բանամարտիկ. Կտրիժ ձէնի ընող. ԿՋ.
2. կամ ուժով կիւլէլի ըլլող: ՂԳ. 15;
Գահաւորակ. Թահարբաւան, քէօղի:
ԻԵ. 2;
Գաղձնաւոր. Անշահ խոտերով (կամ
սյրըն խոտով) լցուած: ԾՋ. 2;
Գաղմնակուր. Գաղմնի ուտող. ինչ-
պէս պաղըրտախիզ միլի որդերը: ԿԹ. 2;
Գոյիսն. Երկան ժըղբաի: ՂԲ. 4;
Գանչութիւն. Զնուսն, կանչուածք:
ՂԲ. 8;
Գարանազայր գետ. Գարանն ասեղը
ազիլը ըլլող լոյս. թաշիւն ըս-
մախ: ԾԳ. 5;
Գեղայօրէն. Գեղեցիկ յօրինուած.
Չիւտիւնիւ: ՂԳ. 21;
Գեղմն. Ճերմակ բուրգ. ետփողը: ԾԲ. 4;
Գերարնապէս. Ընտելեան տուլիէն
վեր, Տրարապէս: ՂԳ. 8;
Գերանակիր. Տիբէկ կրող, կամ տի-
բէկ ունող: ԻԷ. 5;
Գերայարան. Խիտա պապախարող,
շատ լայող սղացող: ԽԸ. 5;
Գերայարայիկ. Ամենէն պատուաւոր,

խիստ իմօխարը: Գ. 5.
 Գերուանկ. Ամեն գերազանցութիւն
 և կոտորելու թիւն ունող. ԻԷ. 2.
 և ՀԵ. 7. կամ ամենէն էլէլ ու-
 նող. ԽԹ. 2.
 Գլխի. Գլորի. սխալի. չի գիտնալով
 պակասութիւն ընկնէ ընկնիլ: ԼԱ. 2.
 ՄԵ. 4. ՄԷ. 5. և ՀԲ. 2.
 Գժգժնութիւն. Սրգողելով երեսը ծը-
 ուելը. իզգապ. ԽԵ. 2.
 Գժտութիւն. կուխ. նիզա. ԽԵ. 2.
 Գինգ. Օղ. քիւփէ: ԼԳ. 4.
 Գիշերալար. Սասանայ. չէ յիման: ԼԷ. 4.
 Գլխաշուք կտաւ. Գլուխը ծածկող
 զարդարող լաւակ: ԼԳ. 4.
 Գլխաւորել. Գլուխ հանել. ԼԸՊՅՆԵԼ:
 ՀԱ. 2.
 Գողջի՛ք. Ասացէ՛ք: ՀԲ. 4.
 Գողորական. կակուղիկ, փափուկ
 նազիկ: ԽԶ. 2.
 Գոմը. Սողոմայ մէկ քաղաքն է: ՄԴ. 2.
 Գոյարան. Գոյացնող, ստեղծող, փար
 էտիծի: ՄԴ. 4.
 Գործակնութիւն. Գործելը. իճրա
 ընելը: ԳԴ. 20.
 Գործնականաց գործի. Գործելու ա-
 լիակ, որ է՝ նեւքն: ԻԳ. 2.
 Գործանայ. Գործող, փէստահ ընող:
 ԶԴ. 4.
 Գուճարակ. Գուճարեալ բացմու-
 թիւն. Ճէմիտէթ, Ճիւճուր: Զ. 5.
 ԻԴ. 1. ԼԷ. 4. և ՀԵ. 12.
 Գուճել. Գոյն առլ, ներկել: ԼԶ.
 2. և ԳԳ. 17.
 Գուզար. Պատերազմի զօրք. Ճնկ աւ-
 կէրի: Կ. 4.
 Գոռհ. Գոռհ. սոխախ: ԿԷ. 2.
 Գրարանական. Գրով խոսուած գրու-
 ցած: ԼԴ. 4.
 Գրուական. Չէ՛նի, նուճուճէ: Ժ. 2.
 և ԳԳ. 16.
 Գրդեալ. Չէ՛քի սէփայի մէջ ըլլող:
 ԽԸ. 2.
 Գրկանք. Սիրով և գթով գրկելը. գուճ-
 մազ: ԻԷ. 2.
 Գրուան. Շինիկ, ցորենի շուէկ: ԼԵ. 5.
 Գօնել. կսկնցնել, խըխըրցնել սիրաբ-
 ցուցնել: ԺԷ. 4.
 Դազան. Արիբոն: Երկու եղբարք էին,
 որ Մովսիսի դէմ կեցան ու գեակնը
 անցան: (Թո. ԺԶ. 4). ԿԸ. 4.
 Դանդաշել. Գուրգուրալ քէօրի պէս
 շարժիլ: ԺԹ. 5.
 Դանդաշուցանել. Երեքցնելով չնն-
 կըր չնկըր ձայնը հանել: ԳԲ. 8.
 Դասակ. Անբիւ, պէօրիկ: ԿԳ. 2.
 Դասակնիք. Վճիւ, սիծիլ: Դ. 1. և ԺԷ. 5.

Դարաստան. Դրախ. պախճա: ԽԶ. 5.
 Դեգերեալ ողբայ. Աղբարեալ ետթըօր:
 ԻԵ. 2.
 Դերաբրիտա. Նեան. թէ՛ճճալ: ԳԱ. 4.
 Դմնիկ. փուշ. զարա շալը: ԿԹ. 2.
 Դժուարամեքիչի. Դժար անուշակալու.
 զէ՛նի թապիէթի: ԻԸ. 5.
 Դրժել. Խաղթն գտանալ, խաւը ա-
 ընել: ՄԵ. 4.
 Դրիզի. պոլիքն՝ զիկեցի. Եըրժիշ ըրի:
 ԻԷ. 5. կամ նիզամը շարեցի:
 ԴՅԷԼԻՄԻՆԻՄԻՆԻ:
 Դիմադրուութիւն. Գլուխը օրթման
 զննելով սերպէթութիւն, սերանն.
 կէշտութիւն: Կ. 4. և ՀԱ. 4.
 Դիմակ. Դեմք, կերպարանք. քիւզիկ:
 Գ. 4.
 Դիմակերպութիւն. Այլուճութիւն.
 միմաստիկ: ԳԳ. 4.
 Դիմակս զիմակս. Թիւրլի թիւրլի:
 ԼԹ. 5.
 Դիտակ. Տեսնելու բարձր տեղ, ինչ-
 պէս՝ կէմիի շանտիլըր: ԻԵ. 2.
 կամ տեսնելու տեղ, ինչպէս՝ մար-
 ղոյ երեսը: ԿԵ. 2.
 Դիտակ ստաց. Ծառի ճիւղերուն
 ծայրը: ԳԲ. 9.
 Դիւանննճըր զո՛հարան. Սասանայի
 համար զուրպան կփելու տեղ: ՄԱ. 4.
 Դիւքափիթիլի. Խօսող փշուռելու, փը-
 սորփելու: ՀԴ. 5.
 Դուժ. Ետպանի միլէթ. խորեաթ:
 ԳԳ. 12.
 Դասիկոն. Տանը խաթը, կամ վերի
 խաթը: ԿԹ. 2.
 Դարովի. Փամահրէլ. սիթէմտայ: Լ. 5.
 Դրակնուպէս անուշադրութիւն:
 Այլուճնա լաղապ զնէլը: ԳԳ. 19.
 Դրանդ. Դրան վերի չէմք: ԳԲ. 5.
 Դրուակ, կամ գրուազ. Դրուած, օրի-
 նած շինուած: ԼԴ. 8. և ԴՅԷԼԻՄԻՆԻՄԻՆԻ:
 Դրօշ թուղ, սանճար, խաշալէմ: ԼԷ. 4.
 Դրօշեալ. Փրուած կուսքի պատկերք:
 Բ. 1. և ՀԵ. 12.
 Եղովմայեցիք. Ետաւայ պայլէթին բը-
 նակիշնըր: Ա. 2.
 Եղող. Եղվարող. չիֆիթ քոչոլ: ՄԴ. 2.
 Եթովպացի. Արապիստանցի. արապ:
 ՄԴ. 2.
 Ելլենացի. Հելլենացի, Հոսամ: ԳԳ. 12.
 Եղեամն. Խրրաղը: ԿԸ. 5. և Գ. 5.
 Եղեանաշործ. Չարաղործ. զիճան-
 քար: Դ. 5. և ԳԱ. 5.
 Եղեարակն Շայլ. Լաղկաններու թա-
 խովն լացը: ԿԸ. 4.
 Եղեւն. Բարձր սերվի, կամ շամի
 ծառ: ԿԱ. 5.

Եղեզնիստանկ. Պա հուր գամբըբ, Ղ. Գ. 11
 Եղեզնիստախ. Խամբընի կտարաւք՝
 Է. 5
 Եղեծ. Ըսրական օթլուղու, ՀԱ. 2
 Եմակ. Չոր. սէրէ, Խ. 2
 Եպիբիլ. Քամահըբիլ. Խոթի իրգայ օլմայ, ՁԲ. 5
 Երախայրի. Առաջին պտուղ. Թուր. Ֆանտա, ԼԱ. 2
 Երախան. Լայկաննեբու սիւրիւ, ԽՁ. 4
 Երասմակ. Սիւրիւ, սիւրէկ, ԽՁ. 4
 Երասանակայ. Տեղիներ բանող. զայթ ընող, ԼԲ. 2
 Երբէք, երբէքի. Ժամանակ. զաման, Լ. Գ. 5
 Երգ իծանու թիւն. Սիրա կակծցնելու խօսք. սիթէմ, ԽԸ. 2
 Երեւակայութիւն. Երեւոյթ. Խէյալ կէօրիւնիւ, Ղ. Գ. 10
 Երեւիլ. Մտաոց կիւմէն է, ԿԸ. 5
 Երկողամեղեայ. Երկան կտաւով սրիւր փաթ թած, ԾԸ. 5
 Երիթայեալ. Յամբած, չորցած, ԽԹ. 2
 Երինջ. Մտաղայ կով կեննիւնէր, ԽԵ. 2
 Երկրով. Սուրբ Երուսաղիմայ սէմթը քաղաք մի է, Կ. Գ. 4, և Ղ. Բ. 4
 Երկակնիւ տարրութիւն. Երկու ներհակ բան, ինչպէ՛ս՝ տարն ու պաղպ, չորեկն ու գիւնը, Ղ. Գ. 2
 Երկուսանութիւն. Կասկած. շիւպէ՛ն, ԺԱ. 4
 Երկնանեմ. Երկինքը հանող. կէջէ չեգարան, ԼԲ. 2
 Երկնէլ. Տըարեբբի ցաւ քաշել, Ա. 2, և Բ. 2
 Երկուորեակք. Լուծք եզանց՝ որով շիթի կը բլեն, ԾԳ. 2
 Երկրակնցաղ ճէնք. Երկրիս վրայ կեցած մաստարկութիւններ, աշխարհիս միւթայիկ խախտութիւնք, ՀԱ. 4
 Երկրորդութիւն. Թէրարլամիշ ընելը, ՀԵ. 1, և Ղ. Գ. 10
 Երին. Գոյն. բուննկ, ՀԱ. 2
 Երկք. Աշխատանք. զահմէթ, մէշաղ. զէթ, Է. 4
 Զակատիլ. Քէօրի սէս՝ շաշարնի պէս բռն գիւլ բլլալ, Ի. 2
 Զանգուած. Քանի մը բանեբէ խառնուած՝ մէկ խմոր եղած, ինչպէ՛ս՝ մարդոյ մարմինը, Ի. Գ. 2, և ՀԱ. 4
 Զառածեալ. Մոլորած, ճամբէ ելած, Ը. 4, և ԿԳ. 2
 Զարհօրատեսակ. Զարհուրելի տեսք ունող. աղկրն չէ՛ հրէլի, Ղ. Գ. 12
 Զարմանութիւն. Զարմանալիք. Թառաճիւղ ընելու, ԽԹ. 4
 Զեղծանիլ. Ստիւլ, խօսքը փուճ բլլալ, ԾԵ. 4

Զըմբաղ. Աւրախութիւն. զէզգ՝ սէֆա, ԾԵ. 5
 Զընդամ զընդանաւ. Զարչարութմ զընտանով, ԺՁ. 4
 Զլացող. Երախամտաց, հախը ինչխար ընող, ՁԷ. 5
 Զկնեցուցիւ. Սիրա կակծցուող, աղիքը կարող, ԼԹ. 5
 Զկծիլ. Հաղմ շընելով սիրաը երիլ, ԻԹ. 2, և ԿԳ. 2
 Զմասալիք. Քաղցրահամ, ստիւղէն տով լցուած, Ղ. Գ. 6
 Զսփանալ. Յրտէն դողալ. Թիթթէ՛մէք, ԻԹ. 2
 Զրահեատական. Պոչ պարագ, անպըտուղ. մէյվէսիդ, ԽԵ. 2
 Զօրէն. Կման. այնի, ԿԳ. 2
 Ըղնութիւն. Խղձ, փափաք. աշղ, ԿԳ. 4
 Ըմբերանեալ. Արիբրան եղած, հախ չունելով պայքընած, Բ. 4
 Ըմբոշիւնլ. Մամել. Էլմէմէք, Ե. 2
 Ըմպահանք. Արհամարհանք. բեղալէթ, մէղաղ, ԽԸ. 4
 Ընկուղեալ. Զրի մէջ պաթմիշ եղած, Գ. 5
 Ընդակից. Հեար ույղուն. այտաւալ, ԿԱ. 4
 Ընդարմացուցիւ. Թմբեքնող, սէր. սէմյնող, ՁԳ. 5
 Ընդգողեալ. Գողին մէջ ժողոված պահած, ԾԱ. 4
 Ընդերք. Փորտախք, փորու միջի աղիք. պախբրախ, ԼՁ. 2
 Ընդ կրունկն զառնալ. Ետ կա գընալ, ՀԱ. 2
 Ընդհատ. Պակաս, հեռու. Ֆարդը, ՀԲ. 2
 Ընդմիջարկութիւն. Օրթոյն իրբու պատ քաշելը. մէօհքէմ թէնպիհ, Ղ. Գ. 6
 Ընդմիջիլ. Փէրտէ քաշել, ԼԷ. 5
 Ընդունել բլլալ. զատեալ, ՁՁ. 4
 Ընդսանուլ. Վեր ցատկել. սըլբրամայ, Ե. 5
 Ընդունայնթօպ քերան. Արիւլէթ տուղի պոչ քրախը. որ է ասել նաֆիլէ զահմէթ, ԽԸ. 4
 Ընդպահել. Երեւէ ձգել, Հեռքէ թող ալ, ՁԷ. 5
 Ընկծիլ. Սըլիլ, աակ ընկիլ. սինմէք, Լ. 5
 Ընկրկիլ. Ետ ընկիլ, կա փախել. կէրկիլ զափանմայ, ՂԱ. 4
 Ըտանանեալ. Շալակն առած. խք. լէնիլ, ԾԵ. 5, և ՀԷ. 5
 Ըտաբան քո. Քու խօսքէդ գուր. սէնին սէօղնանէն տըշարը, ՀՁ. 4

Թառանջ. Հառապանք. կէշիւս կէ-
շիւմէք. ԻԳ. 2. Լ. 4. և ԽԸ. 2.
Թարս. Մէյտան ղյունու. ԼԱ. 2.
Թարասհաս. կուսքի անուն է, զոր
Թարս հայրն Աբրահամու շինեք
էք. Կ. 4.
Թարթափումն. Աւք գոցել բանալը. ԼԷ. 5.
Թարմատար. փուճ, պոչ, բան մը
չարժող. Կ. 4. և ԾԶ. 2.
Թափանջանց. Մանող անցնող, թե-
կսիք ընող. ԴԳ. 12.
Թեկան. Մանած, երկան թել. ԴԳ. 24.
Թեկադիր. Յորդորող թահրէք էտի-
ծի ԽԸ. 2.
Թերափ. կատաղանից գործիք. հա-
մայել. ԽԸ. 5.
Թինդս անուլ. Յաթկանել, լողալ. 2Ա. 5.
Թիստիպ. Սեւաղոյն, մուխ գուն.
ղէֆիրի. Խ. 5.
Թշուսաւորերան թոշակ. Մահուան
քրտինքով վաստակ. մէլազգէթի
կիրատ. ԽԵ. 5.
Թոպեալ. Չարարուած, պէրպաս ե-
ղած. 2Բ. 5.
Թույլաղանակեալ. Տիւղէնը թուլ-
ցած, արեղէնը աւրած. ԴԳ. 20.
Ժայթքել. փսիւել, գումամալ. ԿԵ. 4.
Ժանիք. Գաղանի ակունք. Գ. 4.
Ժանող. Ինքեար ընող, հիւլէ ընող. Բ. 4.
Ժողեալ. Մարաղներով լցուած, հո-
տած, լիկած. 2Գ. 2.
Ի գիծն թույլանալ. Շիտակ ծամբան
չի կրնալ երթալ, թուլանալ ու ծամ-
բան մնալ. 2Ա. 2.
Ի ճիւղս մատանց թուել. Մասներուն
կրայ մեկիկ մեկիկ համբել. 2Ը. 5.
Իններեակ յորեկինի. Ինն անգամ յի-
տուն, որ է շորս հարիւր յիտուն.
? Յէլուրուր
Ինքնարգոյ բարձրայտն. Ինք զինք յոր-
գող մեծարող հարաւ. Գ. 2.
Ինքնողոր. Ինք իր հետ կուսող. ԾԹ. 4.
Ինքնօրէն. Ինք իրմէ. կէտաի քէսֆինէ.
ԿԱ. 4.
Իչանդամ. Իչու անդամի պէս ամօթ
ունող. Կ. 4.
Իսկ սնունն իսկոյն. Բուն իսկական
սնունն իսկութեանն. զաթինին
իսկ զաթի. ԴԳ. 18.
Իրաւամբօ. Իրաւունքով մերժուած,
միւսմասհատովը վերջնուած. ԻԹ. 2.
Իւղնծիւղ փայտ. Եղ տաւող ծառ,
ինչպէս՝ ձիթենին. ԼԹ. 5.

Լայնատարը հետք. Լան ու արմակ
ճամբայ. Ե. 5.
Լանջք. կուրծք. կէշիւս. ԼԳ. 4.
Լաստ. հաւուն տակը, կէմիի թէք-
նէ. ԻԵ. 2. և 2Ե. 2.
Լատին գաղարք. կէմիին հանդիչ.
լու տեղք. իլինան. ԻԴ. 2.
Լափիկող. Լափելով լիկող, արիւնք
ծծող. Ժ. 4.
Լինիլ. Անամեթ լինիլ. էտեպիդ
սլմալ. ԿԶ. 4.
Լուծ. Թերաղիի թամի. Թ. 4. կամ
պշուստու բախ. ԽԵ. 2.
Լուծք ստուարք անուից. կէմիի կէս.
վերթէին հաստ գտարները. ԻԵ. 2.
Լուղակ. Լողացող. ինչպէս ակները. 2Ա. 5.
Լուս. Լսեցո՞ւ. իլիթտիլ. 2Ե. 4.
Լուսանջող երգ. Երգիքէն լոյս մըս.
նելու տեղ. պաճա. ԺԲ. 5.
Լուսնական գրիպուած. Թուխարի.
2Բ. 6.
Լուսացող. Բամահրող. պէթ սէց-
լէտիծի. ԺԱ. 5.
Լպրեալ. Անամեթ՝ էտեպիդ եղած.
ԾԶ. 2.
Լանցեալ. Ճերմիկած, ինչպէս՝ լու-
ցած ետարային տեղք. ԻԴ. 2.
Լրագատար. Լման լեցուն. միւնէվ-
վէք. ? Յէլուրուր
Լրթաղոյն. Մթնաղոյն. փէք գա-
րամեթ. Լ.
Լքանել. Գուրս ձգել. բէտտ էթ. 2.
մէք. Բ. 5. և ԻԷ. 2.
Խամթարեալ. Աւրած, խարայ եղած,
փճացած. ԻԵ. 5.
Խակախորսեթիւն. Խամ իմացմունք,
ճահիլու թիւն. ԴԲ. 8.
Խաղափարս հրակալծակ. Կճած ու-
տեցք կրակի պէս երող կակնջը-
նող. ԿԹ. 2.
Խաղք. Իրբու թէ՛ իրզը, որ է՝ կապ,
կամ կապանք. ըստ սլոյրը՝ հաղք, որ
է՝ որոգայթ. ԼԲ. 5.
Խայրիք. Պատուներ. մէլվէլէր. ԼԳ. 4.
Խաւնիծ, կամ ջարեակ. Խանատար
չէքիլիկ. ԿԸ. 5.
Խարան. Խարս տաղամիչ ընելու
եղեւթ. 2. 4. կամ տաղամիչ
եղած խոց. 2Է. 2. և ԴԳ. 6.
Խարդականք. Խարեբայտ թիւնք.
Ֆէնա. Կ. 2.
Խարխարանք. Քէտիի քայուածք, գուր-
գուրայ. ԺԷ. 2.
Խափալցանել. Խափանել. մէն էթմէք.
ԿԳ. 2.
Խելք. հաւու խըլ. Խելք շրթանց.
Խըլին թարաֆի քիւփէլաններ. ԻԵ. 2.

խենէշալ . Էտէպօիզճէ հաղուիկա-
պուիլ , 2Բ. 2
Խժական բարբարոս . Կոպիտ , խոր-
եակժ եարամալ , ԴԳ. 6
Խիզախել . Համարձակիլ , ճիւրա-
հարժ ընել , ԿԸ. 5
Խիթ . Խոստուկ , սանճը , Զ. 1 , և ԽԶ. 5
Խլլատուսն . Տեղաջը ժափիլ . Թէփ-
բէնէք , Զ. 5 , և Խ. 4
Խճրիժ . Խառնելը փնտաելը . արաշ-
արբմար , ԽԸ. 4
Խիսայթ . Խղիսայթ . Պէօճէկ , թըր-
թըր , Խ. 4
Խճրիզք . Խնտուժ . զէփզ , շող-
լեդ , Գ. 1
Խճիլուորութիւն . Օրհնելք , գոփա-
սանք , ԴԳ. 14
Խճիւր . Գարշնի գործք , մարտար
բան , ԽԵ. 2
Խօպանոջեալ . Չորցած , աւրած ,
խարապ եղած , 2Գ. 2
Խօրչակ . Տայր հով . սամեէլի , ԿԶ. 4
Խօւել . Չարչարեալ . եզիճէթ իթ-
մէք , ԿԶ. 4
Խօղել . փնտաել , Թ. 2 , և ԾԵ. 4
Խօժագուժ . Եպպանի . պուսաճու-
պուս , Կ. 4
Խօժագեալ . Խիստ աճէլէով սրիլէթ
ընել , 2Թ. 4
Խօւն . Սակաւիկ . աղաճըդ , ԿԳ. 2
2. 2 , և 2Գ. 5
Խօփ . Արօրի երկաթ . սապան տէ-
միբի , ԴԲ. 7
Խօրոց . Չատող միջոց . պէօլիճիւ
սրբըր , Բ. 1 , և ԴԲ. 7
Խրթնանալ . Խոժոռիլ . մթննալ՝ զըզ-
ուիլ , 2Ե. 11
Խրթնի . Սեւցած , աղտոտ . չիբբիճ ,
ԴԳ. 12
Խօլական ջնօրք . Խենթ ու մենթ ե.
բաղնէք , ԺԲ. 5
Խօնականաց շարժողական գործի .
Լեզու . տիլ , ԼԵ. 5
Խօյրակոտոր . Խօյրազպն կոտորոչ .
Խիսա ջարգող , ԽԸ. 1
Խերոպ . Քարերու և ծառերու ծակ .
գօլուգ , Խ. 2
Խնգեցեալ . Հալած մաշած , խիստ
կատուժ , ԾԸ. 2
Խորիլ . Մաշիլ , եօթ ըլլալ , ԿԵ. 2
2Գ. 2 , և ԴԲ. 10
Խործոր . Լեռներու մէջ տէրէ , ձոր ,
Խ. 2
Խորուսն . Կաթելը , վաղելը , բը-
խայը . ԼԵ. 1 , և ԴԳ. 19
Խօւնէք . Պատաստաք . պէզ երբ-
թըզլարը , ԽԵ. 2

Խօւղակ . Որոգայթ . սուղախ , խա-
փանճա , ԽԶ. 5
Խօւր և ծայթան . Սուր և Սոյսա , Են
քաղաքք փիւնիկեցոց (Եփ. ԽԸ.)
Բ. 1
Խրդեալ . Աղտեղեալ , պըշկած՝ մըր-
տրած , Բ. 1
Կազգուրել . Նորոգել , բժշկել , խա-
լտել , Զ. 5 , և ԶԳ. 2
Կականիլ . Հեկեկալով լալ . Էօրիւք
էօրիւք աղլամազ , ԺԲ. 1
Կաշակարծ . կամկեղակարծ . Շիւպ-
հէլի , Լ. 2 , և ԽԸ. 2
Կաշիանձողական . Վնիֆեկալով , Եալ-
թախլանմիլ ըլլալով , ԼԵ. 5
Կայթ . Յատկըտելով խաղ , պար ,
ԽԱ. 2 , և ԼԱ. 2
Կայտառ . Վնասակար կենդանի , պէօ-
ճէկ , ԽԵ. 5
Կայժ . Նաւուս եէլիքէն բանալու սէ-
րէն տիրէկի , ԽԵ. 2
Կապարան ձգողական . Չուան՝ քա-
շէլու , իւլար , ԽԵ. 1
Կապարանք զրտի . Նաւու թէքնէի
երկու կողմի կապերը , խապուրջա-
նէք , ԽԵ. 2
Կապարճ . Նեա զնէլու աման . թէք-
քէշ , ԿԶ. 4
Կապուտ . Եաղմա եղած մալ . թա-
լան , ԺԶ. 1 , և 2Ե. 7
Կառափիժ . Գլուխ կտորոչ , սպան-
նոչ . ճէլլատ , ԶԸ. 2
Կարակուժմօր . Մարտար շամուր .
պալլըխ , ԶԳ. 5
Կարեկցել . Յուսակից ըլլալ , ԴԵ. 4
Կարթ . Որոգայթ . քէմէնտ , օլթա ,
ԽԶ. 5 , և ԿԶ. 4
Կարծբերախ . Տիզկիների չեկոչ , զապթ
չըլլուոչ , ինչպէս դըլուխը տէրթ
ձին , ԽԲ. 2
Կարկառ . Քարերու երզն . թալլըխ ,
ԿԳ. 1
Կարկառել . Մատուցանել , երկնցը-
նել . սունմազ , ԺԸ. 2 , ԼԳ. 2 ,
և ԴԲ. 9
Կարկառ կոճուսն . Վեր փերցնելով
գարնելը , ԴԲ. 2
Կարկեհան . Ճէվահիր քար . որ գի-
չերը լոյս կու տայ , շամբըրազ , 2Ե. 12
Կարութիւն . Կարողութիւն . գնտըր-
լեդ , ԺԲ. 4
Կարտանուսժ . Յորդանան գետի բե-
րանը մեծ քաղաք մի է , Բ. 1
Կարու . Յաթկեկով խաղալը . ԼԱ. 2 ,
և ԴԲ. 6
Կեղեքել . Պատասեկ , բըզըքսեկ ,
ԺԵ. 1 , և ԿԸ. 5

կենդանախորհրդի կայծակն . Երկելով
մարտից ողջնցունող կրակ : 1Գ. 5
կենախորհրդի . կեանքի ուժուտ
ուտող : ԽԳ. 2
կիսայար . կիսակատար ասյանմիշ
եղած՝ կանգնած : 1Բ. 2
կիսի կորուս . Մեծ ձուկի ետզու : ԽԵ. 2
կիւրու . Պարսից թագաւորի մը ու
նուն է (Ե. Գ. 51) : 1Գ. 6
կմտիք . Մեռելի սկզբներ : 2Գ. 2
կնդրուկ . Անուշիկ հոտով ծխանելի
պուհուր : Ի. 2, 2Ե. 4, 1Գ. 8, և 19
կնիւն . Սաղ. որ ջրոտ կեօլ տեղ կը
բուսանի : 1Թ. 2
կշտամբեալ . Յանգիմանած , շիւ
ուած : Բ. 4
կսփոշ . Խմբուխով գլխու զարնոշ
ձեծող : 1Զ. 2
կտիող . Բարձր սնկած քար . տի
բիլի թաշ : 1Ե. 2, և 7 31. --- 7
կոհակ . Ալիք ծոգու . տէնից տալ
կար : ԻԵ. 2, և 2Ե. 4
կողորդանք . Խղճալի կերպիւ լայլ
աղաւելլ : 2Ա. 5
կողիտճել . Խիտ շարչարեւ , տան
ջէլ : 2Ա. 5
կոշու . Պինդ հողի կտոր , կիւմու
հող : 2Գ. 5
կորակոր դնացք . Մըմընկելով
քալուածք : 1ԿԲ. 2
կտեալ . Չարնուած՝ եարալանմիշ և
ղած : 2Ե. 2
կտեալ դիպուած . զարնելու՝ դպի
լլ . փորուծու տողանք : 1Բ. 5
կտեականու թիւն . Թալիմի ժառի
թէթ . հիւներ : ԽԳ. 4
կտեալուտ սնկմապիւի . Թէրքար տի
ճիլ կղած որ ալ չաղատուիր : ԻԶ. 2
կտեակապէն . Երկու սնկամ աբբ
ուած կաշաւք . որ սնկամ մի
Յուդային տրուեցաւ , սնկամ մի
ալ գինուորներուն : 1Զ. 2
կրկնապարզը կուածալ : Չէնկէյի
պէս ծարր ծուռ , ինչպէս փերէյին
կուտն է : 1ԿԲ. 2
կրուն . Արմբիլը , երկու խաթ ըլ
լայլ , խաթաթի թալը : ԺԸ. 2
կաղաղ . Չայն , շունչ . սէտա , նե
ֆէս : ԻԳ. 2, ԽԵ. 2, 1. 4, և 1Գ. 12
կալուէ : Անուշահոտ եղ մի է , կամ
էօս աղածիին էօզը : 1Գ. 11
կաղը . Արագայթ՝ տուղախ : Գ. 4
ՄԳ. 1, և ԵԵ. 2
կամարանարար զուգամանու թեամբ .
Մարերան ամերը մէկէն : 2Ե. 2
կամանկու թեան օրէնք . Ըրածը

գանկու օրէնք . գրաստա գրա
տա շէրահաթը . ինչպէս Մովսիս
կան օրէնքն էր՝ - Բ. 2, 1-ւն և
այլն : 2Ը. 2
կամաւտ երբ . կարճ ժամանակ .
գրաս փաղթ : 2Բ. 6
կամանկայ յանջրպետ միականու
թիւն . Միասորեալ անբաժանելի
միասորութեամբ : 2Ե. 7
կամասփիւռ . Ամեն կողմ՝ կայլմիշ
եղած : 1Գ. 4
կամարտակ վտահալթեան . Աբ
զընմիշ ըլլալու խուլէ : Գ. 5
կայթայթանաց կրկուտ . կէշիմէյի
համար շարը չբբբը , եօնդա : 2. 2
կայթայթուան . Ապին անգին ընկ
նիլը՝ ծար ընկը : ԺԳ. 2, և 2Ե. 2
կանգիտափառ . Նման փայտե ու
նող . աղբան : 1Գ. 7
կանգոյց . կապանք . գայտուպէն ,
ՄԸ. 5, և 1Գ. 1
կանգերանք . Յարմար խառնուածք
շիւուածք : ԻԳ. 2, կամ սայլթա
նաթ , թախթ : 1Ը. 2
կանգերանքի . Չարգարուիլ ,
պարտաւորիլ : Գ. 2
կանի . Մամ , մեծ նէնէ , կանի Մ
փաղու . Մափաթին մեծ մայրը որ է
Ղափայ կինը : 1Զ. 2
կարմեալ . Սարտած , խաթաթի ե
ղած : 2Զ. 2
կակ . Յօրենի՝ կամ գարիի գլուխ :
1Ը. 4
կաստարան . կաստատուելու կանգ
նելու տեղ , դուաղան . տէյնէկ ,
Գ. 5
կաստուածք . կաստատուածք . վե
ծուտ , կեօվտ : 2. 5
կասուածեալ . կարուած , զատուած :
Ը. 2, և 2Ե. 2
կարեանցի երեւականութիւն . Այլը
չեղած երեւոյթ . թէյալթ , 1Գ. 10
կարեանցիկք . Երեւոյց ու թէլ մը
անցնող : 2Գ. 5
կարթու զեալ . Լեզուով ձեծած , թա
ղիբ եղած : ԺԵ. 1, և 2. 5
կեծան . Բիբ . սօփա : Ժ. 2, և ԺԲ. 4
կամ սուրբ խալիկ սրջա փայտն ,
որ է Բրիտանի գէնքը . 1Բ. 6
կեծանոց . հարմանծիւնքու մատ մատ
քիւրկին , որով յարդը՝ ջորենն կը
զտան . ետախ : 2Ա. 5
կեղեղատ կեղբանի . Երուսաղեմի սէմթ
գեւ մի է : Ա. 2
կեղեղավայր . Զուր կոխած տեղ .
կեօլ : 1Թ. 2
կեղեսու . Եղիս մարգարէն : 1Գ. 6

Մողղք . կուռքի անուն է : (Աւել
ԻԵ. 6) : Ի. 2,
 Մորմնըեցուցիչ . Սերա կոկոնոց
 խելոցնող : ՂԲ. 9,
 Մուխ . Ձուր սուռ . զաղլամիչ Ը-
 նող : ՂԳ. 24
 Մուրհակ . Վճառ զեր . իլամ : ՂԸ. 2,
 Մուրճ . Թաշիկի չէրիճ . քիւլիւնի :
 ՂԲ. 7,
 Մտել . Մտանել , մանել . կերմէք :
 ՀԱ. 2,
 Մըմնել . Թըմնալով և էղկիով
 լալ սրբալ : ԼԹ. 5,
 Մըցանակ . կործումիեան ճննի :
 Ժ. 2, կամ կործումիեան համար
 պահելի չէլէնի : ԿԱ. 2,
 Յարեթական տոհմ . Նոյ նահապե-
 տի որդւոյն սինսիլէն , որ է ազն
 մեր՝ Հայոց : ? Յէւրո-լու-նն :
 Յամայր , յարմարութիւն : Շատ ժա-
 մանակ ուշանալը : ԶԱ. 2,
 Յամբային . Ուշ Քնացող , ղյալան-
 միչ ԸԼԼող : ԽԸ. 2,
 Յայրատ . Անամոթ . արարչ , էտեղ-
 սիղ : ԼԳ. 4,
 Յայրատասես . Էտեպիզէ նայոց
 տեսնող : ՄԶ. 2,
 Յանդաւորութիւն . Լինանը . թա-
 մամբդ : Թ. 5,
 Յանդիլ . Վերջը հասնել , լըմնալ :
 ԿԱ. 4,
 Յանկաւոր . Ուշու՛ն , ետիւրջիլը :
 ՄԳ. 2,
 Յանձանձել . Պետ ընել , թիմար Ը-
 նել : ԽԹ. 2, և Զ. 5,
 Յառաջատեալ . Յառաջ ընկնող . Ի-
 լէրի սերիկն : ՄԳ. 4,
 Յարագող . Արեւին դէմ կախող՝ մե-
 ջընող : ՀԱ. 5,
 Յարգահատել . Յաւակցելով աղ-
 ձել , կարգաբնալ : ՀԳ. 2,
 Յարկել . Օտայի պէս տեղ շինել՝
 մէջը պահել : ՂԳ. 9,
 Յաւակնիլ . Անբերեութեամբ լըրա-
 թիւն ընել : ԼԳ. 7,
 Յաւանական . յանական : Ամբարտա-
 ւանական . էտեպիղ տիւղէնի : Կ. 4,
 Յափրացեալ . Տաղակացեալ , պիտ-
 միչ եղած : Ի. 10,
 Յելուզակ . Աւազակ . հարամի : Զ. 5,
 Յեղանակել . Դարձընել , պաշտա-
 կերպ ընել : Բ. 5, ԿԳ. 4, և
 ՂԳ. 19, կամ երգել : ՀԳ. 5,
 Յեղեղել . Փոխարկել , թէպտիլ
 ընել : Թ. 2, կամ շատ կրկնել
 յիւնել : ԿԱ. 2,
 Յեանել . արել . պիլէմիչ ընել : ՂԲ. 5,

Յերիբուսն . Ձարգարելը՝ ետիւրջի
 բերելը : Ի. 5,
 Յէու և Աղայէլ . կրկու թագաւո-
 րաց անուանք են : (Գ. Թ. 7. ԺԹ. 15) :
 ՂԳ. 6,
 Յղկացեալ . Խիստ կշտացած . ԻՖ.
 բաթ ալմալ : ՄԹ. 2,
 Յրեկեան . Յններորդ տարի , թա-
 դութեան տարի : (Ղ. Կ. ԻԵ. 8) :
 ՂԲ. 7,
 Յոլովանդճ ծուխ . Շատ խուրում
 փէյասն ընող ծուխ . խլի թիւ
 թիւն : ԽԸ. 4,
 Յողք զեզերիլ . Գերեկնալ . բէճա-
 յա մէշտալ օլմալ : ԺԲ. 4,
 Յոլ մնաց . Մամուտ , մտքի ալ-
 վէքս : Թ. 5,
 Յովանակ . Աւանակ , իշու գուռազ .
 սրփա : ԻԲ. 2,
 Յորըրթաթ . կուսն , անունը տա-
 լիք : ԼԳ. 5, ՂԳ. 7,
 Յորայսել . կունըլին վրայ զեպիւնը
 ձգել : ԼԶ. 2,
 Յուսիթի քրտունք . Առատ քրտնք .
 զան թէր : ԿԶ. 4,
 Յուսութ . Համայիլ , կամ կուսպը-
 տական հնարք : ԿԶ. 4, և ՀԵ. 12,
 Յուսլ ձգարան . Յոյսին թելը , ու-
 մուտին չուանք : Գ. 5,
 Յնիցն յաւանութիւն . Ընթուինե-
 բուն հպարտութիւնը՝ լըրութիւնը .
 մաղուրուզ էտեպիղ լիղի : ԻԵ. 2,
 Նախայանք . Առաջիւց մեղանալք .
 ընդեղին ժամանակի մեղաւորները :
 ՀԹ. 5,
 Նախալք . Առաջին սլլք . էվէլքի-
 լէք : Գ. 5,
 Նահանգ . Մէմէլքէթ . սլլալթ , ԼԵ. 4,
 Նահանջեր . Նահանջեցեր . արգիլե-
 ցիք . խտաթիթ բրիք : ԿԳ. 4,
 Նաշիհ . Շարմաղուն՝ խիստ բարակ
 ալուր : ՂԳ. 8,
 Նարդոս . Անուահատ ծաղիկ է . նո-
 նօֆար : ՂԳ. 11,
 Նարեկ . Իր վանք կրծուորաց՝ Ի
 զաւանին անձեւացեաց , ուր վա-
 նահայր էր վնհափառ սլլ մեր
 Գրիգոր Նարեկացի : ? Յէւրո-լու-նն :
 Նաւակատիք . Տն ուրախութիւն .
 տնանմա : ՂԱ. 4,
 Ներգեւեալ . Խեղճ սէֆիլ եղած
 տէրտիմէնտ : ԻԱ. 2,
 Ներութիւն . ներողութիւն . սուլը
 պախելը , աթիվ : ԺԸ. 4, և ԶԲ. 5,
 Նեցուկ . Յնարան , սոյսիս :
 ԿԷ. 2, և ՂԲ. 10,
 Նեսար . Աս պիղճ , շար գեւ , սա-

տանայ. Տին. ՂԲ. 9.
 Նսփառ. Թէրազիի թաս, թամբ, Թ. 4.
 Նկատ եղանիլ. Նկատել, տեանող
 ԲԼ. 2.
 Բլլալ. Նկարագրեր. Նկարագրեցեր, միտե-
 վէտէն գրեցեր, իմացուցեր, ԾԲ. 4.
 Նհաննել, կամ նահանջել. Արդիել,
 ետ գարձնել, Բ. 5, և ԽԱ. 4.
 Նշաւակել. Յոյց տալ. Խղրէթ ի իժ-
 մէք, Գ. 2.
 Նշկահեալ. անարգուած, մէղազ ե-
 րած, ԽԲ. 4.
 Նողկալ. Գարշելի՛ զգուելի բլլալ, ՂԲ. 5.
 Նուիրան. Նուէրարան, փէշկէշ բն-
 ծայրու տեղ, ՀԵ. 9.
 Նպատակ. Նշան առնուած տեղ.
 նշանկեահ, ՂԲ. 5.
 Շաղկարատ. Ապուստուլուս խո-
 սող. լաֆաղան, պոշպողազ, ԾԶ. 2.
 Շամբ. Անտառ եղէգանց. գամբշ-
 ԼԲԳ. 4.
 Շամբին. Սամարիա, որ Երուսաղեմի
 մտա գաւառն մի է, (Եղի. ԺԶ. 46),
 ԾԳ. 2.
 Շանթ. Կայծակ. երբարբա՛, Զ. 5.
 Շերա. փայտ. սօփա, օտուն ետա-
 մասը, ՂԲ. 5.
 Շուռ. Ստանանյական աղմուկ՝ վէլ-
 վէլէ՛, Խ. 5.
 Շուպրուսթիւն. Յանկական Տինու-
 նուսթիւն, ԽԸ. 5.
 Շուժապոսթիւն. Խիտ արտորայլ.
 աճէլէ՛, ՂԳ. 11.
 Շուշան. Ծաղիկ է. զամպախ, Կ. 4.
 և ՂԳ. 11.
 Շօք. Պատիւ, փառք. Խղէթ, ԶԳ. 4.
 և ՂԳ. 18.
 Շտմարան. Ներսէ ներս օտա. սրբ
 օտարը, Խ. 2.
 Շրջադրութիւն. Էթրաֆը տօնանմիշ
 ընելը, կամ պահպանելը, ԿԲ. 4.
 և Ղ. 4.
 Շրառն. Շուարուն, անձրբիլը,
 շաշմիշ բլլալ մայրը, ՂԱ. 5.
 Ոգորել Կուսիլ, ճէնկ ընել, Թ. 5.
 Ողիել. Մարդոց անուն է, (Բ. Թ-Գ.
 Զ. 7), ՀԵ. 12.
 Ողնափայտ. Նառուն գլխէն մինչեւ
 ի թըլըն՝ տակի երկան տերեկն է,
 որոյ վրայ կողերն շարած է, ԽԵ. 2.
 Ողողել Լուացուել, աճուելով ցօղլը-
 վիլ՝, ՂԳ. 11, և 24.
 Ողջակ մթային ոչ ընդեկական. Լու-
 զացող քէօր աճամի, ԾԵ. 2.
 Ողայ, Ողբար. Ինն անուանք եր-
 կուց թագաւորութեանցն՝ Սամա-
 րից և Երուսաղեմի. զորս եղ մար-

գարէն, (Եղի. ԻԳ. 4), ԾԳ. 2.
 Ուսողել. Զրբել, ինչպէս՝ պարճան,
 ծառք՝, ԼԷ. 2.
 Ոտայրս կկեղ. Կտաւ, կամ էօրիւմ.
 ճէկ գործել՝, Ե. 5.
 Ոտրկան. Վերակացու. քեահեա,
 ԾԶ. 2, և ՀԹ. 5.
 Որոջ. Գառն. գուզու, ԼԱ. 5.
 Ուղեբճեալ. Ծրած ծաղկած, Ֆիլիս-
 լէնմիշ եղած, ԺԵ. 4, և ԽԹ. 2.
 Ուղէշ. Ծառի Տիւղ. տալ պուտադ,
 ԽԳ. 2, և ԿԱ. 5.
 Ուննելք. Կրակի մաշա. խրասճ, ԼԳ. 5.
 Ունկ, ունջի, Յարդի մանրուք, սա-
 ման թօզու, ԽԶ. 2.
 Ունկնախից. Ականջը խրցած՝ գոցած,
 խուլ, Ծ. 4.
 Ուշ. Միտք. Ֆիլիբր, Ֆէրատէթ, ԽԶ.
 5, ԼԳ. 2, ԾԹ. 1, ՀԸ. 2, և ՂԳ. 24.
 Ուսիշ. Յեց. կիւվէ, ՂԲ. 9.
 Ուստահայլ. Յեղէն կերուած. փրտ-
 տած, ԾԶ. 2.
 Ուրշնութիւն ել. Զատութիւն բլ-
 լալ, զատ զատ բլլալ՝, ԼԳ. 7.
 Ուրուական. Գարշելի, փուճ, զիւս-
 կան, ՀԱ. 4, ՀԵ. 12, և ՂԳ. 24.
 Չարաշուք. Չարութիւն երեւցնող,
 զգուելի պէթ, ԾԵ. 2, և ԾԸ. 2.
 Չորեքփտակեան առաջ. Չորս մեծ գեա-
 ունով բաճախ. որ էր յեղեմայ բըղ-
 խած գեան, (ԿՆ. Բ. 10), ԿԸ. 1.
 Չու. Քալուածք, յառաջ քալել զբ-
 նայլը, Բ. 2, և ԽԵ. 2.
 Չքնաղ. Խիտ աղէկ գեղեցիկ, ԺԱ. 4.
 և ՀԵ. 15, կամ փառասոր, հրա-
 շալի՛, ՀԱ. 4, և ՂԳ. 19.
 Չքտի. Նուսաս, փարթիկ, փուճ. զու-
 սիֆ, ԿԹ. 2.
 Պակուցեալ. Խիտ վախցած, սիրտը
 փրթած, Ծ. 2.
 Պահակ, Անկարկայի բաճուած, որ
 էր Սիմոն կիրենացին, (Մ-Դ. ԻԵ.
 52), ԾԸ. 5.
 Պահպանակ. Պահող, պահպանող,
 Գ. 5, և ԿԵ. 2, կամ զբրիս, ՂԳ. 12.
 Պաղաթունք. գեղեցիկ պայտա-
 քէօղի՛, ԽԵ. 2.
 Պանար. Կոթու սիւրբի, ԾԵ. 5.
 Պայթիլ. Փայթլամիշ բլլալ, ճաթիլ,
 ՀԳ. 5.
 Պայման. Չափ. սինօն, Բ. 5, ԽԶ. 2.
 և ՂԳ. 24, կամ ուխտ. խալլ ԾԳ. 5.
 Պան. Հաց. սանուն, էքմէք, ՂԳ. 8.
 Պարտօնաւեղ. Ազգթքի տեղ, ԾԱ. 4.
 Պարտօնատէր. Խրքմէթ բնող, ԽԱ. 2.
 ԽԸ. 2, և ԾԳ. 4.
 Պատանդիշ ցանցարկ. Խառնամիշ բ-

նոզ. զապիժ ընոզ. խուսուլմիշ և դած տուղախ: ԾԵ. 2:

Պատարուն. Լեցուն. սիվմէ, տօլու: ԽԸ. 5: ԿԳ. 2:

Պատղամ. Խապար. Խօթր. քելամ: ՂԲ. 5:

Պատնէշ. Թաղիսէ, պէտնէ, ձէթէ. բիգ: Կ. 2: և ՂԲ. 5:

Պատուածօրէն. Պարարուք. տօլա. շքղլը: ՂԳ. 7:

Պատուաստուձն. Ացուիլը, էրէնմիշ. Ըլլալը: Լ. 4:

Պատասպարան. Արղընմիշ Ըլլալու տեղ. սիվէր: Խ. 2: ԶԲ. 1: ԶԾ. 1: և ՂԱ. 5: կամ տոլախ, Խրր՝ թէ. ձէլ: ԽԵ. 2:

Պատրդիկ. Ճրագի ֆիթիլ: ՂԳ. 2:

Պարս. Սափան, որովքար կը նետեն: ԼԳ. 7: և ՂԲ. 4:

Պարսել. Խրք սափանով քարտեղ, տանկել: Է. 2: կամ շալածել, գուրս ընել: ԼԲ. 5: և Ղ. 5:

Պիմակ. Խլմեղու. էշէկ առչքը: ԿԸ. 5:

Պիտակ. Լոկ. սայիթ, սատէ: ԽԸ. 6:

Պղպշակ. Ուսեցք, որ ջրին երեսը բուշտ բուշտ կ'ըլլայ. սու գապար. ճըղը: ԶԳ. 5:

Պղտորարբուիթիւն. Պուլանթի խմելը: ԾԳ. 5:

Պճնէի. Չարդարելու, սաղելու: Բ. 2:

Պնդիլ. Ետեւէն բնինի՛ վաղել: Բ. 2:

Պուտիկոս. Բանաստեղծ. շա'իք, ա. շք: ԽԸ. 6:

Պուրակ. Ուման, կամ ծառերու եր. ջըն. տէմէթ: Թ. 1:

Պչրուիթիւն. Իտէպիզ սաղուիլը, ինչ. պէս՝ լկտի կանանց տիւղէնը: ԽԸ. 4:

Ջարսել. Ջաղսել, Ջարդել կորտեղ: ԽԸ. 4:

Ջահաւորիլ. Մաշալայի պէս վառիլ, փայլիլ: ՂԳ. 17, և 25:

Ջահել. Ծագել, լուսաւորիլ: ԶԳ. 2:

Ջանբել. Կերթնել, տալ: ԺԳ. 5:

և ՂԳ. 22, և 25:

Ջնար. Սանդուս: ՂԲ. 9:

Ջնել. Ջարնել, ճեծել: Կ. 2:

Ջուիթակ. Սանթուս, կամ քէման: ՂԲ. 8:

Ջրակարծ. Ջրէն կարծրացած՝ ա. սած, ինչպէս՝ կարկուտը: ԿԸ. 5:

Ջրել. Ջրէլ, աւրել. պօզմագ: ԼԲ. 5:

ԽԸ. 1: ԿԷ. 2: և ՂԳ. 14:

Ջրողոզ. Ջրհղեղով ապականած՝ թէ. լէֆ կղած: Կ. 5:

Ռետին. Թիրեմէնթին, որ ետրայի շեղ՝ մէլէմ լինի: ԿԲ. 1:

Սարեկ. Է սնուն ծառոյն, յորմէ կախ. եւլ տեսաւ Աբրահամ՝ զխոյն:

(ՂԾ. ԻԲ. 15), ՂԲ. 9:

Սաղրեւ. Մասննել, խամզել, էլէ վէր. մէք, ԿԵ. 1: կամ շար ֆիթ տալ: Ղ. 5:

Սակ. շարկ. վէրկի, խարած: ԽԵ. 1: կամ շափ. Տիսապ: ԺԷ. 5: ԽԵ. 2: և 2. 5:

Սակուսան. Տկար, զայիֆ. նուազ: Գ. 2: և ՂԳ. 15:

Սահանք ծոփու. Ծոփու ախընձը, ԿԳ. 1:

Սահանք յարանաց. Տէրէ, սէլ տէ. րէսի: Խ. 2:

Սաղարթ սեւուիթեան վարսից. Տերն՝ սեւ կափարհներուն, որ է տակ, սեւ մարսը: ԿԳ. 2:

Սամի. Տիւմէնը գարանող փայտ, Էէրէ: ԽԵ. 2:

Սանասեր. Պուզի սոյ, պուզի պէս փառացած: ԶԱ. 5:

Սասեր. Սեկզ. զօլաթա, որոյ գինն էր 88 ստակ: (Մ. Գ. ԺԷ. 26): ԽԵ. 1:

Սարգ. Մամուկ: ՂԳ. 14:

Սարտուցեալ. Բաժանուած, երեսէ ձգած: ԽԸ. 2: ԾԵ. 2: և ԿԲ. 5:

Սասանիլ. Թուշտեղով խանասները զրոյ բերել՝ ծածկուիլ: ՂԱ. 4:

Սափիրա. Պատեւալ կնկան մի անուն է: (Գ. Գ. Ե. 9): ԶԱ. 5:

Սեղով. Խուշուքի, քաղաք մի է: Ա. 1:

Սեղանաննազ. Սեղանը, կամ տանարթ թալաղ: ԽԸ. 2:

Սեպուհ. Պէշապտ, քիշիկատէ: Գ. 2:

Սեռն. Մաղուր, ուղիղ: Տիւլէսիկ: Ժ. 2: և Գ. 3: Խուշուքի:

Սեւեւք. Բամուսք. մրելանմիշ ըլ. լալը: ԿԶ. 4:

Սեթափիլ. Ասրիանալ, խելքը շուրթը գալ, արթննալ: Գ. 5: և ՂԲ. 1:

Սեղացող. Ֆոտուլուիթեամբ ուսեցող, սալընմիշ ըլլող: ԶԳ. 2:

Սեղանացիք. Սայտացիք, որք նամ տար կուսք մի ունէին, զոր պատ. ուեաց Սաղամն: (Գ. Թ. ԺԱ. 5): ԽԸ. 5:

Սեկ. Անուշիկ հով խօշրուղիկար: ԼԲ. 5:

Սին. Գասարկ, սոջ, փուծ: ԽԷ. 5: և ԶԱ. 2:

Սլար. Օք տէմիրի, խրչտ: ԽԶ. 5:

Սկախան. Մուրտապ պուլանթի, շիր. քէֆ: ԾԳ. 5:

Սկառասակ. Բեասէ, թաս, աման: Լ. 2: և ԶԸ. 4:

Սկիւթացի. Թաթարաց աղջն է: ՂԳ. 12:

Սնտիպապատուաստ. Անշահ՝ շինուած, նիկանսրղ ախընձիմիշ կղած: Գ. 4:

Սնտիասեր. Պօշ փուծ սէր ունող: ՂԳ. 20:

Սոսիական. Իսայան. Գ. 5, կամ Ռա-
միկ, Ֆարիբր. 2Ա. 2,
Սոսիակիժխար. Ահարկու. լենտուհայ,
պէտտագի. Դ. Գ. 12,
Սոր. Խորունկ սելի ճամբայ. տէրէ. Խ. 2,
Սուգել. Տակը ինչցնել. պատժբումագ,
1Ա. 2,
Սուրհանդակ. Սայի, մենզիլ. ԵՁ. 2,
Սոփեր. Մասեան, գիրք. քիժապ,
2Ը. 2, և 3 Եւրոպայ,
Սպանդ. Զոհ. զուրպան. Խ. Գ. 2,
Սպանդարան. Ղուրպան մորթելու
տեղ. Խ. 5,
Սպառազէն. Սելահլը, փիւր սիլահ,
ԵՁ. 2,
Սպեղանի. Գեղ. մէլէմ. Բ. 5, և ԽԸ. 4,
Ստամբակ. Կախ, զալմ, էարամալ,
ԽԸ. 5, և Դ. Բ. 2,
Ստգտանք. Մեղադրանք. սիժէմ. Թ. 5,
Ստորեւելք. Վարէն վեր ելող, կամ
եղած. Դ. Գ. 24,
Ստուար. Թանձր, հաստ. ԽՁ. 2, և
1Ա. 4,
Ստուարասեղն. Ճիւղը հաստ. գա-
լըն տալլը պուտագլը Թ. 2,
Ստուգարանակ. Ուղղուն գալով իս-
պալմ եղած. Դ. Գ. 20,
Ստրուկ. Խնդճճճճճ. ճառայ. բայէ. Գ. 5,
Դ. Գ. 12, և 18,
Ստրջանալ. Ափստալ, զղջալ, փիւ-
ման բլլալ. Խ. Թ. 2,
Սրահի տապաստ. Բակի փերտէն,
որ է՝ գուան. ԽԸ. 4,
Սրանալ. Թուշիլ, փախիլ. Ի. 2, 1. 4,
ԽԸ. 5, 2Ա. 2, և 2Գ. 2, կամ
Անվիլիշ եղած քերիցած. ԽԸ. 5,
Սրայեալ վարտական. փախչող ճե-
աացող. տէտիրկին. ԺԱ. 5,
Սրբերգեան. Սուրբ Սուրբ երգող,
ինչպէս՝ Սերբուէքն. Դ. Գ. 1,
Սրինկ. Կէտ, կերիք. Դ. Բ. 8,
Սրակուան. Յրջքնելը, սերփիշը բնելը.
ԽԱ. 4,
Սփոփանք. Սփոփութիւն, միթիւ-
րանք. թէտէլի. Գ. 1, 1. Գ. 5, և Դ. Գ. 9,
Սրանելաւհարալ. Հրաշալի միւճիւ-
զաթլը. 2Ե. 10,
Սրանելատեղ. Զարմանալի գեղեցիկ
տեսիլ ունող. ԽԱ. 4,
Սրանելարմատ. Զարմանալի գերա-
զանց բէգբ ունող. 2Գ. 2,
Սպրապատուն. 1. Էոբ մեծցած. ես-
պանի. ԽՁ. 4,
Սպրապութիւն. Իսպանի կողմու-
թիւն. եամուզուք. ԺԱ. 5, 1. 4,
2Ա. 4, և Դ. Գ. 19,
Սանդակապատ. փարմախըն շարած

գեղեցիկ քեօղ,
Վասնի, Զայ բնող, թէլէֆ բնող,
ԽՁ. 2, կամ փճացնող, շիւրիւթ.
միշ բնող. Բ. 9,
Վարակեալ. Պաշարեալ, մուհասերէ
եղած. 1Ա. 5,
Վարակիլ. Վարան թասայիլ. ան-
ճորկիլ. ԽՁ. 5, և ԽԸ. 2,
Վարպան. կէմ, հալիս, որ դապա-
նի բերան կը կապին. Դ. Բ. 2,
Վարատիլ. Զատուիլ տէտիրկին բլ-
լալ. ԽԵ. 5,
Վարմ. Տուզաթ, խափանճա. Խ. 5,
Վարք. Մագեր, որ թէ մարդոյ իցէ՝
փերէն է, Կ. Գ. 2, և Դ. Գ. 12, և
իթէ ճառոց իցէ՝ եսփրախնըն է.
Թ. 2,
Վերակացուն. Զապխու. թեամբ
ձեռք վերցնելը. Խ. 2,
Վերակենցաղել. Կրկին ողջնալ. Կա-
րութիւն տանել. 1Դ. 5,
Վերակնարկել. Վեր նայել, դէպ ՚ի
վեր ումուտ բնել. ԽՁ. 5,
Վերամարտութիւն. Վերինն հետ
ձէնք, որ է Աստուծոյ դէմ դնելը.
ԽԱ. 4,
Վերամբջանակ. Երկնքէն տրուած
յաղթութեան համար վարք, չէ-
լէնկ. Դ. Գ. 24,
Վերջին դատակնիք. Ի կորուստն յա-
փանական զճուիլ, որք են գա-
տապարտելոցն դատք. ԽԵ. 5,
Վերջնական. Ետքիք, կամ խիտ պէ-
թէրը. Խ. 5,
Վերջնական աճառ. Բէսկին լէքէ սա-
պուն. Դ. Գ. 11,
Վէս. Հպարտ. ինքնահաւան. Խ. 2,
Վիժած անգրկի կոչման. Անցու-
ցած տղայ, որ մարդ չի կուտիք. Ի. 2,
Վիճ վճից. Խորունկնընուն խորունկը.
Խ. 2,
Վիրդ մահու. Մեացնող ձէնկի քար-
կնիլէ. Կ. 2,
Վիրդ սալի. Տէօլէմէի քար, գայ-
կան. Դ. Բ. 8,
Վտակ. Ախրնալ, կամ սել. բամաթ.
Խ. Գ. 5, և Դ. Բ. 10,
Վտակ. Վտու. ժցնել. շիրինցնել. Ի. 2,
Վրիժակ. Վճիւ. իլամ, սիճիլ. ԽԵ. 2,
Վրիպակ. Մուար, ծուռ. ԺԸ. 2,
ԽԸ. 4, և Դ. Բ. 9,
Վրճողական. Բղջախոհ ջանու-
թեամբ կտողիլը, ազմիշ բլլալը. ԽԵ. 2,
Տակաւ տակաւ. Կամացուկ կամացուկ
քիկ քիկ.
Տաղանդ կամ քանքար. Բէսէ մը տակ.
Բիւր քանքար, տասը հազար բէսէ

տասկ, կամ սյլ աւելի: ԻՋ. 2.
 Տաղաւարեայ. Բնակելը տեղ ըլլալ: Զ. 1.
 Տաղաւարիլ. Գոնաց իթմէք: ԶԵ. 15.
 Տաղակազարական. Կբրահ ընկու: Գ. 20.
 Տաղա. Բեաւե, թաւ: Լ. 2.
 Տաւամակի. Տրամելի, խաւեղեթ ընկու: ԼԱ. 2.
 Տարազ. Կերպ. Թարգ: ԺԸ. 2. և ԵԳ. 5.
 Տարացոյց. Կման էօրեկի ուշդուն: ԺԵ. 2. և ԽԵ. 5.
 Տարժանելի. կամ տաժանելի. իրիտ աշխատելի. մէշազգէթիլի. Ը. 1. և ԿՋ. 5.
 Տարժ. Խամաւայլեկերու քիւմէ՛ երգչնախ: ԿԸ. 5.
 Տարբ. Բոյոր նիւթաւոր մարմնենբուն թէմելը, և է շորս. Զուբ. 07, Զուբ. Զոյ. 5. և Գ. 15. և զայս բառս պէս պէս նշանակութեամբ գործածէ տարբ. զոր օրինակ. Ի տարբ գոյի. Տարբերք եղածներուն մէջ. կամ կայ եղածներուն էօրին մէջ. ԽԱ. 2.
 Տարբ ժամանակի. Ժամանակին կալու. թիւնը, կամ չափը, որ հիշի մտաքիւ է. ԵԵ. 5.
 Տարբ ժամանակաց. Չորս եղանակն է, Գարուն, Ամառն, Աշուն, Չմեռն. որք իր տարիին տարեկան են: ԽՁ. 2.
 Տարբ մահու. Մահուան քեզք՝ սկսեցը: Բ. 6.
 Տարբեր ստասնել. Բոյոր աշխարհս շարժել գողցնել: ԼՁ. 2.
 Տարբ փոքր. փոքրէկ ուինչ իր. շէս ծիղէն: ԿԺ. 1.
 Տեաւնազրել. Կերել, խաւանքել, ԺԲ. 5. և Գ. 12.
 Տեւոյ. Չերմ. սրժմա: ԻԸ. 5.
 Տեւական. Տեւանոյ. Կտրիծիւ. Լ. 5. կամ երեւելի. կեօզէ կեօրինէն: ԼԴ. 5. և ԶԳ. 1.
 Տեւականել. Այլ էօզը խըլթիով մը մէտասն հանել: Գ. 10.
 Տեգ. Մըղբախ, իըլա: ԽԵ. 5.
 Տերազաւ. Իր տէրը խարոզ՝ մասնոյ: ԵՁ. 2.
 Տերազրուժ պաշտօնեայ. Իր տէրը ֆէնտով խարոզ խըզէթիւքար: Ե. 2.
 Տերբու. կամ Կուբ. բազար մի է Սոյտայի սէմթ. (Եւոյ. ԻԳ. 15): ԼԺ. 5.
 Տերտուտակ տօղ, կամ երէք. Մութ գոյն սեւ ըսէնկ, ԼԴ. 8. և Գ. 12.
 Տըմուկ գուբ. Չամուսով լիցուն հօք: ԺՁ. 4.
 Տըմուկ. Պէտ ընել. քերէմ իթմէք: ԺԵ. 2. կամ յոյտնել, ցուցանել: ԽԸ. 6.

Տըյժ տանձանաց, կամ լիկանաց. Վընաս պատմոյ. գազէպ ճէրթեթ. սրաւեթ: Բ. 2. և ԶԱ. 5.
 Տուն. Չուանէ կապ. իւլար: ԻԸ. 1.
 Տուսայիլ. Չարչարուիլ. ճէֆայլն եւ շիլ: ԿՋ. 5.
 Տպաւարազոյն. Էշեկարե ուշդուն. թըլլար: ԺԺ. 5.
 Տրահել. Արշէլ, բաժանել, զաւակ. սոլբանոյ: ԽԸ. 1. և ԿԲ. 2.
 Տանց. Սիճիմով հուսուած թաւ. աղտուալուխ: Խ. 5.
 Տնո. Վայրի էշ. ետպան էշէկի. ԽՁ. 2.
 Տնու. Գ. Չարկատուք. սէրփիթի ըրոյ. կամ հրոյ: Զ. 5. և ԿԸ. 5.
 Տոյք նշուղից. Շողոպուսն ճաւաղայթից. շաղիին փայլելով ցաթելը: ԶԱ. 5.
 Տոփու թիւն. Ամասակութիւն, անբեւութիւն. էակարգիք: ԶԲ. 2.
 Տրիշ ցնորից. Խենթ ու մենթ երազնեբը տաղթմիշ ընող: ԶԴ. 1.
 Փայտոք. Բէլթեղոք. կուսքի անուն է: (Թւոյ. ԽԵ. 5): ԽԸ. 5.
 Փայտոզ. Ճիւճուս, թապուս, օտուս: ԿԵ. 1.
 Փաղաքիւլ. Երեւալաւու թիւն ընել, խօշամեթի խօսիլ: Ժ. 1.
 Փաղար. Կակ. խօզուխ, չուխուբ: Խ. 2.
 Փարսբուսն. Բոլորտահ ցանկութիւն. էակարգութիւն: ԽԵ. 2.
 Փիթիեալ. Ճիւլիւլեմիշ եղած, ծաղկած: Գ. 11.
 Փշտացիք. Բարբարոսաց և ամենայն սոլաղաց կըսուի: Խ. 2.
 Փոկ. Կաշիէ կապ: ԽԵ. 2.
 Փրկանակ. Փրկութեան տեղ: ԻՁ. 2. կամ ումուս թելիլ, ԵԱ. 4. կամ աղատելոյ գործիք: ԿԳ. 5. և ԳԲ. 5.
 Քաղցիկ. Մարմնը չիւրիւթ միշ ընող ետարմիէ կերցու. շիթիկնշէ: ԺԸ. 5.
 Քամոյ. Կուսքի անուն է: (Գ. Թւոյ. ԺԱ. 7): Կ. 4.
 Քայա. Կերտանըզ, կամ լեօֆ: ԼԴ. 1.
 Քանան. Եջ նահապետի թոսն է. Քամոյ որդին: Բ. 1.
 Քանանուհի. Կին մի էր քանանացի, որոյ զաղցիկն Քրիստոս բժշկեաց: (Մո. ԺԵ. 22): ԼԵ. 5.
 Քանասար. Կատարի եալուզ, զալում: ԿԺ. 2.
 Քանցել. Ճիւղերը կտորակով փրցընել: ԽԴ. 1. և ԿԵ. 2.
 Քաւաղիմակի. Լ. Մկնութիւն բառին քեւանոյ, որ երեւի երեւալ ՚ի յունական բառէն Կէք, որ թարգմանի քաւակուսի. ուստի քեւան քաւաղիմի պատկեր, տակ է՝

չորս երեսով, կամ չորս թարաֆը
կուսք, զորպիսի շինեաց Մանասէ:
(Գ. թ=4. ԻԱ. 5): ԾԱ. 4:
Քաւարան. Քաւող. մեղքը թողող:
ՂԳ. 4:
Քեղի. Օրթա տրեկ. թէմէլ տրեկի:
ԼԲ. 5:
Քիմք. Տամախ. կէսնդ:
Քինաւոր. Բէն ընող. Ղարէզ ունող:
ՂԱ. 4:
Քղանց. Հանդերձի փէշ. էթէկ. ԺԸ. 2:
Քոյինանիւթ. Քու նիւթդ. Քոյինա-
նիւթ զանգուած. Քու նիւթիդ խը-
մորը, որ է իսկ մարմին. խորհրդի:
ԾԳ. 4:
Քորեք. Արապիստան լեռ մի է, ուր
խօսեցաւ Աստուած Եղիայի հետ:
(Գ. թ=4. ԺԹ. 8). ԼԳ. 9. և ՂԳ. 6:
Քասմափուշ. Վախցնող մարմինը
փուշ փուշ ընող:
ԻԸ. 6:
Քասմեկի. Չարհուրելի, խիստ վախ-
ցնող: Ը. 4. ԺԸ. 2. ԻԸ. 2. ԽԸ. 4.
և շԹ. 5:
Քրայ. Խալճիի օճախ. ԺԹ. 4. ԻՁ. 5.
և ԿԹ. 4:
Քրեական. Խիստ մեծ մեղք, որ է Աս-
տուծոյ դէմ: ԾԱ. 4. և ՂԱ. 5:
Քրձաղգած լինիլ. Չուլ հաղնիլ: ԻԹ. 2:

Քրքում Չաֆրան շիշկի, կամ զաֆ-
րան: ՂԳ. 11:
Օդք. օդի: Ոտից աման, ինչպէս շիշ-
մէ, փապուճ: ԽԵ. 5:
Օթոց. Հանդերձ. Էսփայ:
Գ. 4:
Օժանդակիլ. Էարտրմ. բնէլ, ուժ
տալ: Ե. 1. Ժ. 2. ԺԱ. 4. ՂԳ. 6.
և ՂԳ. 9:
Օճառ. Ճէնկի թախրմ, սիւսհ:
ԿՁ. 5:
Օն և օն. Սանկ ու նանկ. շէղլէ պէտ-
լէ:
ԻԹ. 5:
Օշինդր. Լեղի խոտ մի է. փէլին: Զ. 5:
Օտարցի. Յօր երանելին է, զի էր յՕս-
տեր գաւառէ. որ է Իկոզնե Արա-
պիստանու:
ԽԸ. 6:
Օտարապն. Օտարաղզէ, պլլաղզի:
ԿԳ. 4:
Օտարութիւն. Աննմանութիւն, մի-
նասխալութիւն:
ՆԵ. 12:
Օրակշիռ. Օր չափող, որ է արեգակն:
ԻՅ. 1:
Օր Իյր յերկարածակէլ. Օրէ օր ձգել:
ԾԸ. 5:
Օրհնէք. Երգող օրհնութեան. կամ
օրհնութիւն: ԿԱ. 2. Գովութիւն,
բարբարանութիւն, որ միայն Աստու-
ծոյ վայելէ, որ է անկղնարար
սկիզբն ամենայն սկսելոց և անեղ-
բական վախճան:





